



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





UNIVERSITEITSBIBLIOTHEEK CENT



9000

Digitized by Google





JOANNIS
CLERICI
EPISTOLÆ
CRITICÆ,
E T
ECCLESIASTICÆ,

In quibus ostenditur usus
ARTIS CRITICÆ,
Cujus possunt haberi

VOLUMEN TERTIUM.
Accessere Epistola de Hammondo & Critica,
ac Dissertatio, in qua quaeritur, an sit semper
respondendum Calumniis Theologorum.



AMSTELÆDAMI,
Apud G. GALLEY, Præfectum
Typographiæ • HUGUETANORUM.


M. D C C.

RECEIVED
JAN 10

1910

RECEIVED

RECEIVED



RECEIVED
JAN 10 1910



LECTORI

S. P. D.

JOANNES CLERICUS.

STatueraam , L E C T O R ,
rationem aliquam reddere
cur ab alio genere Studio-
rum & Scriptorum , aliquan-
tis per transferim ad hæc Eristi-
cã ; sed postea fatius duxi te
amandare ad Dissertationem ,
quæ calci hujus Operis addita
est , ex qua colligas licet cur
à malevolis laceflitus respon-
deam , aut taceam. Homini-
bus quibusdam notæ acerbitatis
* 2 respon-

AD LECTOREM.

respondit nuper Gallicè *Theodorus Parrhasius*, quorum etiam nonnullis hic aliquid repositum; sed quæ multum absunt ab eorum contumeliis, ut legenti ac contendenti utraque Scripta liquebit. Non debui tamen adversus tantam iniquitatem ac malignitatem adeò insolitam, præsertim lacessitus, frigide causam agere; ne putarent nonnulli me, præ timore & prava conscientia, non audere loqui, sicut innocentes & Veritatis amantes solent. Verum non recusò damnari ab omnibus eruditis ac bonis viris, si ratio quæ me tueor similem iudicent Adversariorum iracundis Scriptis.

Te

AD LECTOREM.

Te præterea, LECTOR,
de nulla alia re monitum velim,
nisi quod dixi pag. 71. de In-
terprete Anglico Operis mei de
Incredulitate, oportere intelligi
de uno tantum (nam postea ac-
cepi duos fuisse qui id Opus
verterint) cui, nisi fallor, prior
pars debetur, & qui nomine
amicitiæ, quæ numquam ar-
ctior ulla inter nos fuit, apud
Anglos amicos meos abusus est.
Antequàm hoc rescirem, non
poteram vitare invidiam quam
mihi, malis artibus, homo Hi-
bernus creabat; nunc rem pa-
lam prædico, ne fides illi de
me ulla habeatur. Eum quidem
non averfatus sum, cùm nihil
mali antea in eo cognovissem,
* 3 quando

AD LECTOREM.

quando anno **CIO IOC XCIII**
paucis hebdomadibus, in hac ur-
be esset ; sed cum homine nul-
lam arctiorem contraxi amici-
tiam. Vale.

Dabam Amstelodami Idibus Decem-
bribus anni **CIO IOC XCIX.**



INDEX



INDEX

Eorum quæ hoc Volumine continentur.

- E**PISTOLA I. *Querela de Guil. Caveo ad Præsules delata.* p. 2. & seqq.
Nihil contumeliosi in eum fuisse, in loco vita Gallica Clementis Alex. p. 5
Photii judicium de Clemente recitatur & expenditur, unde liquet multa à Caveo dissimulata in ejus vita. p. 9. & seqq.
Clementem alienum non fuisse ab eorum sententia, qui materiam mundi æternam esse censuerunt. p. 12
Ideas Platonicas ex Scriptura perperam deduxisse. p. 14
Arianismum redolentia scripssisse. p. 15
Periodos Platonicas, de mundi renovatione, non improbasse. p. 17
Credidisse Angelos amore mulierum captos fuisse. p. 18
Sententia ejus, de ambiguitate vocis λόγος. p. 19
Dissimulatos ejus errores fuisse à Caveo. Ib.
 * 4 Er.

<i>Index</i>	
<i>Error Clementis de doctrina Christi & Apostolorum.</i>	p. 21. & seqq.
<i>De idololatria eum absurdè sensisse.</i>	p. 24
<i>Prædicationem Petri & Actus Pauli perperam genuina ab eo credita.</i>	p. 26
<i>Scripturam torfisse ad Ethnicorum placita.</i>	p. 31
EPISTOLA II. Cavei judicium de Eusebio nequaquam Ariano.	p. 35
<i>Examen Epistolæ Eusebii ad Casarienses, ex quo liquet eum esse Ariannum.</i>	p. 38
<i>& seqq.</i>	
<i>Orthodoxa, consubstantialia dicta à Platonicis non tantum perfecte paria sed & similia.</i>	p. 42
<i>Ariana verba minimè inserta Epistolæ Eusebii.</i>	p. 47
<i>Nicænæ Synodi II. grave judicium de Arianismo Eusebii.</i>	p. 53. & seqq.
<i>Quæ ei objicit H. Valesius ad examen revocata.</i>	p. 63
<i>Canon Criticus ad dignoscendam Veterum Scriptorum sententiam.</i>	p. 65
<i>Eusebius hinc convictus Arianismi.</i>	p. 66
<i>A multis veteribus & recentioribus accusatum eum fuisse Arianismi.</i>	p. 67
<i>Iniquitas Cavei erga Clericum.</i>	p. 69
<i>Clerico absurdè tribui sententias eorum qui Anglicè, eo inscio, scripta ejus verterunt.</i>	

I N D E X.

terunt, & quibuscum nullam amicitiam
colit. p. 71

Non debuisse dissimulari, quæ Eusebium
Arianismi reum peragunt. p. 73. & seqq.

Caveum esse Panegyristen, non historicum.
p. 76.

Caritatem frustra exercere erga mortuos,
qui vivis detrahit. p. 80

EPISTOLA III. Cavei iniquum judi-
cium de T. X. Bibliotheca Universalis.
p. 85.

Isidori Pekusione egregius locus contra dis-
simulatores Veritatis. p. 86

Henr. Meibomii error de X. Tomo B. U.
auctore. p. 87

Cavens à viro docto Socinianismi infami-
latus. p. 89

Clericum ita scripsisse vitas aliquos Pa-
trum, ut soli Veritati litaret. p. 90

Cavei erga eum manifesta iniquitas. p. 92

Periculosum esse dissimulari errores Pa-
trum. p. 94

Patres sibi non satis constare, ubi loquun-
tur de S. Trinitate. p. 96

Patres non immeritò à Clerico descriptos,
quasi parum perspicuos. p. 99

Ambiguus vocum jam olim reprehensa à
Socrate, cujus locus illustratur. p. 105

Sententia Patrum de generatione Filii, quàm
obscur-

I N D E X.

- obscura.* p. 111
- EPISTOLA IV.** *Judicium de libro J. Dal-*
lazi, de usu Patrum, defensum. p. 115
- Quenam Scriptori reverentiam concilient.*
 p. 119.
- Dignitatem ad hoc nihil facere.* Ibid.
- Eruditionis causâ, an magni sint faciendi*
Patres. p. 121
- Qui Eruditi olim dicti fuerunt, non esse*
equiparandos hodiernis Eruditis. p. 123
- Controversia de eruditione Patrum collata*
cum controversia de Veteribus Poëtis,
Augusti etate exorta. p. 124. & seqq.
- Multa subsidia fuerunt Veteribus, quibus*
nesciverunt uti. p. 129
- Patres plerosque Linguarum vernacularum*
dumtaxat fuisse peritos. p. 131
- Origenes & Hieronymus parum usi sunt*
sua peritia lingua Hebraica. Ibid.
- Eam potuisse facilius quàm nunc excoli.*
 p. 132.
- Sanctitas an debeat reverentiam Scriptori*
creare. p. 133
- An temporibus antiquis multò major fuerit*
sanctitas, quàm hodie. p. 134
- Patrum usus quis esse debeat.* p. 136
- Ordinis & styli Patrum examen.* p. 137
 & seqq.
- Auctoritas Antiquitatis quæ.* p. 141. &
 seqq. Con-

I N D E X.

- Consensus maxima partis Christianorum an sit indicium veri.* p. 144
- Traditioni ore conservata an possimus fidere.* p. 146
- Primævos Christianos non fuisse plerisque sanctos, aut eruditos viros.* p. 146. & seqq.
- Accuratiores esse Recentiores à sæculo XVI. quàm Antiquiores.* p. 151
- EPISTOLA V. *Disimulationes omnes vitandas esse in Ecclesiastica Historia.* p. 161.
- Mala artes an pie dici possint, in Historia Ecclesiastica.* p. 163
- Melchior. Cani grave ea de re iudicium.* p. 164.
- Periculosissimas esse dissimulationes, in Historia Ecclesiastica, decem rationibus probatur.* p. 165. & seqq.
- Apertâ professione Veritatis, nec Veritati, nec Clero noceri.* p. 183
- EPISTOLA VI. *A Clerico non esse traditum Ecclesiasticum Ordinem, quòd Veterum vitia non dissimularit.* p. 187
- Constantinum, in eo quod spectabat ad Arianismum, variè se gessisse, pro Sacerdotibus à quibus consilium acceperat.* p. 192. & seqq.
- Idem contigisse aliis Principibus.* p. 195

I N D E X.

Vitia Ecclesiasticorum IV. sæculi non debuisse dissimulari ab eo qui scribebat vitam Gregorii Nazianzeni. p. 196. & seqq.

Isidori Pelusiota Scripta recensenti non licere dissimulare castigationes morum Ecclesiasticorum, quæ in iis occurrunt, quarum exempla proferuntur. p. 203

Merito reprehendi mores nonnullorum Ecclesiasticorum hodiernorum, sine Ordinis contumelia. p. 210

EPISTOLA VII. *Occasio hujus Epistolæ ex animadversionibus ad initium Joannis.* p. 217

Platonem Barbaris multa se debere fassum, sed barbaros illos non fuisse Judæos. p. 219.

Fabulam Phœniciam, apud Platonem, esse fabulam Thebanam. p. 220

Veteres, quibus nonnulla accepta fert Plato, non esse Hebræos. p. 226

Lactantium rectè negasse à Platone unquam auditos Judæos. p. 228

Judæos & Christianos Platonem ad se trahere frustra cœmator. Ibid. & seqq.

Aristobuli Philosophi Judæi testimonium de Platone ad examen revocatum. p. 230

Josephi simile testimonium. p. 232

Megasthenis verba de Judæis. p. 233

Multa potuisse esse Hebræorum institutis affinia

IXN. DE EX.

*affinita apud alios populos, quæ ab iis
non fuere desumpta.* p. 234

*Quod sensere Plato & alii de tribus Prin-
cipiis, vel Diis inæqualibus, non fuis-
se desumptum ex V. T.* p. 236

*Unde & quomodo potuerint eam notionem
animo concipere.* p. 239

*Quid senserit Platon de Ratione & anima
mundi, & quàm aliena à dogmatibus
Christianis.* p. 241. & seqq.

*Quæ Plato de creatione habet desumpta non
fuisse à Judeis,* p. 249

Timæum Mosi nihil debuisse. p. 250

Justini M. locus de Platone examinatus.
p. 253.

EPÍSTOLA VIII. *Philonem nimis addi-
ctum fuisse Philosophiæ Platonica, quam
frustra querit in Scriptura.* p. 258

*Summopere versatum fuisse in lectione Pla-
tonis.* p. 264

Ideo vocatas ab eo stellas sensiles Deos.
p. 266.

*Solere plerosque ex Philosophia, quam
optimam judicant, Scripturam Sacram
interpretari.* p. 268

*Augustini locus, de quesita opinione Pla-
tonica in Scriptura.* p. 270

*Philonis locus de secunda Deo prorsus Pla-
tonicus.* p. 271

A

AD LECTOREM.

quando anno c^lo l^oc xci^ll
paucis hebdomadibus, in hac ur-
be esset ; sed cum homine nul-
lam arctiorem contraxi amici-
tiam. Vale.

Dabam Amstelodami Idibus Decem-
bribus anni c^lo l^oc xcix.



INDEX



INDEX

Eorum quæ hoc Volumine continentur.

- E**PISTOLA I. *Querela de Guil. Caveo ad Præsules delata.* p. 2. & seqq.
Nihil contumeliosi in eum fuisse, in loco vita Gallicæ Clementis Alex. p. 5
Photii judicium de Clemente recitatur & expenditur, unde liquet multa à Caveo dissimulata in ejus vita. p. 9. & seqq.
Clementem alienum non fuisse ab eorum sententia, qui materiam mundi æternam esse censuerunt. p. 12
Ideas Platonicas ex Scriptura perperam deduxisse. p. 14
Arianismum redolentia scripisse. p. 15
Periodos Platonicas, de mundi renovatione, non improbasse. p. 17
Credidisse Angelos amore mulierum captos fuisse. p. 18
Sententia ejus, de ambiguitate vocis λόγος. p. 19
Dissimulatos ejus errores fuisse à Caveo. Ib.

* 4

Ex.

<i>Error Clementis de divinitate Christi & Apostolorum.</i>	p. 21. & seqq.
<i>De idololatria eum absurde sensisse.</i>	p. 24
<i>Prædicationem Petri & Acta Pauli perperam genuina ab eo credita.</i>	p. 26
<i>Scripturam torfisse ad Ethnicorum placita.</i>	p. 31
EPISTOLA II. Cavei iudicium de Eusebio nequaquam Ariano.	
<i>Examen Epistolæ Eusebii ad Casarienses, ex quo liquet eum esse Arianum.</i>	p. 38
<i>& seqq.</i>	
<i>Ὁμοιότητα, consubstantialia dicta à Platoniciis non tantum perfecte paria sed & similia.</i>	p. 42
<i>Ariana verba minimè inserta Epistolæ Eusebii.</i>	p. 47
<i>Nicænæ Synodi II. grave iudicium de Arianismo Eusebii.</i>	p. 53. & seqq.
<i>Quæ ei objicit H. Valesius ad examen revocata.</i>	p. 63
<i>Canon Criticus ad dignoscendam Veterum Scriptorum sententiam.</i>	p. 65
<i>Eusebius hinc convictus Arianismi.</i>	p. 66
<i>A multis veteribus & recentioribus accusatum eum fuisse Arianismi.</i>	p. 67
<i>Iniquitas Cavei erga Clericum.</i>	p. 69
<i>Clerico absurde tribui sententias eorum qui Anglicè, eo inscio, scripta ejus verterunt.</i>	

I N D E X.

- terunt, & quibuscum nullam amicitiam
colit. p. 71
- Non debuisse dissimulari, quæ Eusebium
Arianismi reum peragunt. p. 73. & seqq.
- Caveum esse Panegyristen, non historicum.
p. 76.
- Caritatem frustra exercere erga mortuos,
qui vivis detrahit. p. 80
- EPISTOLA III. Cavei iniquum judi-
cium de T. X. Bibliotheca Universalis.
p. 85.
- Isidori Pelusiotæ egregius locus contra dis-
simulatores Veritatis. p. 86
- Henr. Meibomii error de X. Tomo B. U.
auctore. p. 87
- Caveus à viro docto Socinianismi infami-
latus. p. 89
- Clericum ita scripsisse vitas aliquos Pa-
trum, ut soli Veritati litaret. p. 90
- Cavei erga eum manifesta iniquitas. p. 92
- Periculosum esse dissimulari errores Pa-
trum. p. 94
- Patres sibi non satis constare, ubi loquun-
tur de S. Trinitate. p. 96
- Patres non immerito à Clerico descriptos,
quasi parum perspicuos. p. 99
- Ambiguus vocum jam olim reprehensa à
Socrate, cujus locus illustratur. p. 105
- Sententiæ Patrum de generatione Filii, quàm
obscur-

I N D E X.

- obscura.* p. 111
- EPISTOLA IV. *Judicium de libro J. Dal-*
lazi, de usu Patrum, defensum. p. 115
- Quanam Scriptori reverentiam concilient.*
 p. 119.
- Dignitatem ad hoc nihil facere.* Ibid.
- Eruditionis causâ, an magni sint faciendi*
Patres. p. 121
- Qui Eruditi olim dicti fuerunt, non esse*
aquiparandos hodiernis Eruditis. p. 123
- Controversia de eruditione Patrum collata*
cum controversia de Veteribus Poëtis,
Augusti ætate exorta. p. 124. & seqq.
- Multa subsidia fuerunt Veteribus, quibus*
nesciverunt uti. p. 129
- Patres plerisque Linguarum vernacularum*
dumtaxat fuisse peritos. p. 131
- Origenes & Hieronymus parum usi sunt*
sua peritia lingua Hebræica. Ibid.
- Eam potuisse facilius quàm nunc excoli.*
 p. 132.
- Sanctitas an debeat reverentiam Scriptori*
creare. p. 133
- An temporibus antiquis multò major fuerit*
sanctitas, quàm hodie. p. 134
- Patrum usus quis esse debeat.* p. 136
- Ordinis & styli Patrum examen.* p. 137
- & seqq.
- Auctoritas Antiquitatis qua.* p. 141. &
 seqq. Con-

I N D E X.

Consensus maxime partis Christianorum an sit indicium veri. p. 144

Traditioni ore conservata an possimus fidere. p. 146

Primavos Christianos non fuisse plerosque sanctos, aut eruditos viros. p. 146. & seqq.

Accuratiores esse Recentiores à seculo XVI. quàm Antiquiores. p. 151

EPISTOLA V. *Disimulationes omnes vitandas esse in Ecclesiastica Historia.* p. 161.

Mala artes an pia dici possint, in Historia Ecclesiastica. p. 163

Melchior. Cani grave ea de re iudicium. p. 164.

Periculossimas esse dissimulationes, in Historia Ecclesiastica, decem rationibus probatur. p. 165. & seqq.

Apertâ professione Veritatis, nec Veritati, nec Clero noceri. p. 183

EPISTOLA VI. *A Clerico non esse tradendum Ecclesiasticum Ordinem, quòd Veterum vitia non dissimularit.* p. 187

Constantinum, in eo quod spectabat ad Arianismum, variè se gessisse, pro Sacerdotibus à quibus consilium acceperat. p. 192. & seqq.

Idem contigisse aliis Principibus. p. 195
VI

I N D E X.

Vitia Ecclesiasticorum IV. seculi non debuisse dissimulari ab eo qui scribebat vitam Gregorii Nazianzeni. p. 196. & seqq.

Isidori Pelusiota Scripta recensenti non licere dissimulare castigationes morum Ecclesiasticorum, quæ in iis occurrunt, quarum exempla proferuntur. p. 203

Merito reprehendi mores nonnullorum Ecclesiasticorum hodiernorum, sine Ordinis contumelia. p. 210

EPISTOLA VII. *Occasio hujus Epistolæ ex animadversionibus ad initium Joannis.* p. 217

Platonem Barbaris multa se debere fasum, sed barbaros illos non fuisse Judæos. p. 219.

Fabulam Phœniciam, apud Platonem, esse fabulam Thebanam. p. 220

Veteres, quibus nonnulla accepta fert Plato, non esse Hebræos. p. 226

Lactantium rectè negasse à Platone unquam auditos Judæos. p. 228

Judæos & Christianos Platonem ad se trahere frustra conatos. Ibid. & seqq.

Acistobuli Philosophi Judæi testimonium de Platone ad exanien revocatum. p. 230

Josephi simile testimonium. p. 232

Megasthenis verba de Judæis. p. 233

Multa potuisse esse Hebræorum institutis affinia

IX. N. D. G. E. X. I.

affinita apud alios populos, quæ ab iis non fuere desumpta. p. 234

Quod sensere Plato & alii de tribus Principiis, vel Diis inæqualibus, non fuisse desumptum ex V. T. p. 236

Unde & quomodo potuerint eam notionem animo concipere. p. 239

Quid senserit Plato de Ratione & anima mundi, & quàm aliena à dogmatibus Christianis. p. 241. & seqq.

Quæ Plato de creatione habet desumpta non fuisse à Judæis, p. 249

Timæum Mofi nihil dehuiffe. p. 250

Justini M. locus de Platone examinatus. p. 253.

EPISTOLA VIII. *Philonem nimis addiditum fuisse Philosophia Platonica, quam frustra querit in Scriptura.* p. 258

Summopere versatum fuisse in lectione Platonis. p. 264

Ideò vocatas ab eo stellas scissiles Deos. p. 266.

Solere plerosque ex Philosophia, quam optimam judicant, Scripturam Sacram interpretari. p. 268

Augustini locus, de quaesita opinione Platonica in Scriptura. p. 270

Philonis locus de secunda Deo prioris Platonici. p. 271

A

I N D E X.

- A Philone contemptam non fuisse Philosophiam in se spectatam.* p. 275
- Philonem quæ habet de Ratione nec Judæis, nec Christianis debuisse.* p. 276. & seqq.
- Verbum Dei, apud Paraphrastas Chaldaeos, non significare personam à Deo distinctam.* p. 277
- Philonem fuisse, bonâ fide, citatum & explicatum à Clerico, nec debuisse Scripturæ quæ habet de Ratione divina.* p. 280. & seqq.
- P. Ventidium malâ fide mentem Clerici interpretatum.* p. 289
- Loca Philonis ad rem nihil facientia esse ab eo prolata.* p. 292
- EPISTOLA IX.** *P. Ventidium absurdè miscuisse Philonem suppositivum Annii Viterbiensis, cum vero.* p. 301
- Judeos, post Alexandri tempora, interdum Philosophia Græcanica operam dedisse, & falsa ejus dogmata sequutos.* p. 304.
- Integras eorum sectas opiniones ac loquutiones à Græcis accepisse.* p. 305. & seqq.
- Ideò Paulum monuisse Christianos, ut sibi caverent à Philosophia.* p. 310
- Ex Philosophia natas hæreses.* p. 312
- P. D. Huëtii locus insignis de Philone.** p. 314.

Po-

I N D E X.

Potuisse facile fieri ut Joannes ad Philo-
nem respiceret. p. 315

EPISTOLA X. Clerici Scripta Anglicè
versa invidos in eum concitasse. p. 321

Henr. Hammondi laus. p. 325

Posse & debere delicta magnorum viro-
rum, sine malignitate, notari. p. 331

Hammondo nullam admistam Socinia-
nam opinionem. p. 336

Neminem posse haberi Socinianum, quia
Unitarios damnare aeterno exitio, quo-
modocumque vivant, aut vexare in
hac vita nolit. p. 336. & seqq.

Socinianismi, aut hæreseos similis accusa-
tos à malis quicumque novi aliquid do-
cuerunt. p. 340

Longè maximum esse errorem eorum, qui
bonos Religionis causâ vexari posse cen-
sent. p. 342

Critica loca defensa contra Anonymum
Censorem. p. 343. & seqq.

Augustini opiniones duæ noxiæ. p. 352

DISSERTATIO *Ethica, in quo solvitur*
hoc problema, an semper respondendum
fit calumniis Theologorum. p. 361

Quid debeat Veritati. p. 365

Interdum defendendam, interdum tacen-
dum. p. 367

Ubi satius est tacere, non prodesse Eri-
stica

I N D E X.

ffica Scripta. Auctori.

P. 376

Non prodesse aliis, quod multis demonstra-
tur.

P. 390

Deo non esse grata.

P. 412

F I N I S.



ARTIS



JOANNIS CLERICI
EPISTOLÆ CRITICÆ
ET
ECCLESIA TICÆ.

EPISTOLA I.

*De Injuria Joanni Clerico à Guil. Caveo
illata. Locus ex Vita Gallica Eusebii,
quo se laesum perperam queritur Caveus.
Potuisse verè dici eum Encomiasta, potiùs
quàm Historici, munere esse functum, quam-
vis antea dictum non fuisset. Quod pro-
batur ex Censura Photii, in Hypotyposes
Clementis Alexandrini, quæ non possunt
censeri corruptæ, quia quæ in iis castigantur
alibi etiam apud Clementem occur-
runt, sùntque constanti ejus doctrinæ con-
sentanea. Tria præterea in eo castigantur
à Caveo dissimulata. Ex quibus omni-
bus liquet Virum Doctum laudatorem egis-
se, non fidum Historicum.*

Tom. III.

A

Re

Reverendiss. atque Illustrissimo Præsuli

THOMÆ ARCHIEPISCOPO

Cantuariensi

Totius Angliæ Primati & Metropolitæ

S. P. D.

JOANNES CLERICUS.

EX quo Tibi , **ILLUSTRISSIMÆ**
PRÆSUL, fratrum *Huguetanorum* no-
 mine, consecravi non nolenti *Patrum Apo-*
stolicorum volumina, occupatum maximis
 negotiis interpellare non sustinui. Ipse
 etiam in varia distractus vix potui aliis
 de rebus cogitare ; cū nec ingenium,
 nec vitæ ratio præterea patiantur, ut cre-
 bris litteris eorum , quos ceteroqui sum-
 mopere revereor , gratiam ambire videar.
 At tandem nactus aliquantò plus otii, nec
 Te usque adè impeditum ratus , manum
 calamo admovendam existimavi; ut, apud
 Te & apud alios aliquot Reverendiss. Præ-
 sules Anglos , querelas justissimas depo-
 ne-

nerem , de violata adversum me graviter æquitate, à Viro Erudito *Guil. Caveo*, in Dissertatione de *Eusebii Casariensis Arianismò*, alteri volumini *Historia Litteraria* Tibi dicato subjecta.

Si mihi injuria à Pontificio Scriptore imposita fuisset, minimè confugerem ad Episcopos Regni aut Diœceseos, in quibus viveret ; cùm ab iis nihil æqui soleant impetrare quicumque ab eorum communione secesserunt ; imò verò pia ac justa omnia judicentur , quæ fiunt in eos quos invidioso *Hæreticorum* nomine vulgò infamant. Quærunt, nimirum, illi non quid verum & æquum sit , sed quid rebus, rationibúsque suis expediat ; utque avidè amplectuntur quidquid ad dignitatem , auctoritatémque suam amplificandam conducere posse existimant : ita quæcumque ad alia spectant aut negligunt , aut etiam aspernantur. At Anglorum Præsulum, qui nullo fuce, nec ullis malis artibus indigent , ut dignitatem suam tueantur ; aliud est ingenium, alia sunt instituta. Tantùm abest ut Veritatem sibi timendam censeant, utque iniquum factum ullum , utilitatis causâ, defendendum sibi putent ; ut nullâ re magis florere se , & suas Ecclesias meritò

judicent, quàm si Veritas omnibus innoscescat, & accuratissimè omnes æquitatis leges erga quoscumque à suis observentur.

Hiscæ ergo fretus, & non dubia justitiæ causæ, quàm apud Te aliósque sum acturus, non dubitavi iudicium litis, quæ mihi est cum Erudito Viro, Windeforienfi Canonico, ad vos deferre. Quod profectò à vobis ferri cupio, non ut ulli noceam, aut adversario ipsi, apud vos, invidiam creem; sed ut famam meam tuear, adversus iniquum ejus iudicium, similisque contumelias, in posterum fortè in me intorquendas ab iniquis hominibus, si fieri queat, antevertam; sin minùs, æquiore animo patiar, postquàm hanc ita arcuero, nemo ut ampliùs dubitare possit an sit mihi immeritò illata. Nec exspecto, aut expeto ullum ab adversario ipso responsum, cùm res dubia non agatur; sed ut secum rem reputet, & videat quomodo facti sui apud Deum & homines rationem sit redditurus.

Ab initio Dissertationis, gravem hanc censuram in me stringit: *Utrum cum nostri temporis Arianis, vel potiùs Photinianis facit, mihi est inexploratum.* Nescire se ait Vir Doctus, utrum faciam cum Arianis,

an

an verò cum Photinianis hodiernis; quibus verbis innuit me alterutris favere, sed non satis constare utris. Quod iudicium absurdum simul ac iniquum esse ostendam, si prius originem tantæ acerbitatis aperuero. Tum etiam cetera minoris momenti, quæ mihi objicit, ita, uti spero, diluam; ut apud æquos omnes iudices me causam obtinere necesse sit.

Profert *Guil. Caveus* ex *Bibliothecæ Universalis* T. x. p. 479. iudicium hoc meum, de *Eusebio Cæsariensi*: Stetit semper à partibus *Arianorum*, insinulatorisque est ab *Athanasio & Hieronymo*, quasi eadem cum illis senserit. Ac sanè vix intelligi queat hominem rectè sentientem usque adeò fauturum fuisse *Arianismo*, atque de exauctorando *Athanasio* consensurum. Attamen *Socrates Lib. II. c. 4.* purgare eum aggressus est, prolatis aliquot locis, in quibus haud aliter loquitur, ac rectè sentientes; quod etiam aliquot hodierni Scriptores fecerunt, inter quos *Guil. Caveus*, in vita *Eusebii*, quam cum Latine tum Anglicè edidit. Is existimavit hoc à se postulasse caritatem Christianam; at alii credent caritatem Christianam, hoc est, amorem quem Christianis omnibus debemus, postulare ab omnibus Historicis, ut vera in lucem proferant, quibus nulla mutatio assertur

eorum conditioni, qui vita functi sunt, & quæ multum prosunt iis qui sunt etiamnum in viris, ut sana de rebus judicia ferre discant. Caritate illâ, quæ hîc prætexitur, & quæ ad eos dumtaxat Patres pertinet, qui rectè sensisse de Religione censentur, factum est ut nihil fermè habeamus, præter laudationes Veterum, in quibus constanter prætermissa sunt eorum vitia, quando virtutis cujuscpiam larvâ tegi non potuere. Vir Doctus ita hæc verba interpretatur, quasi innuere voluerim vitas Patrum ad id exemplum ab eo fuisse scriptas. Qua de re, si rectè memini, tunc temporis non cogitabam; nec certè ad eum magis spectant, quàm ad alios multos, qui laudes Vetustatis Ecclesiasticæ, potiùs quàm Historias, scripserunt. Imò verò, nisi reus esset hujusce erga Veteres adulationis, nihil hîc erat quod ad se pertinere posse existimaret. Ratiocinatio enim mea ad eos dumtaxat spectat, qui dissimulant vitia Veterum, ex occasione eorum quæ dixerat de *Eusebio Cavens*; sed non ad *Caveum* ipsum. Alibi etiam questus sum ita scribi solere Ecclesiasticas Historias, quasi essent laudationes; in procæmio, nimirum, vitæ *Clementis* Alexandrini. At illic nihil de *Carveo*, nec erat cur propterea

rea

rea mihi indignaretur. Fortè & alius, aut palam, aut certè tacitus apud se mihi gratias egisset; quòd delictum, cujus se reum sensisset, castigassem sine ulla vel minima delinquentis reprehensione; & quam primùm emendasset quod meritò notatum animadvertisset. At pro gratiarum actionibus, convitia à Vitarum Scriptore accepi. Quin etiam, in vita *Clementis*, professus sum ingenuè me ejus labore libenter usum, in ea adornanda; nec quidquam de homine aliud dixi, nisi ab eo quædam verba, quæ sunt *Socratis*, *Clementi* esse tributa, quod absque ulla malignitate à me dictum est, ut locus ipse satis ostendit.

Quare ergo mihi ita succensuit, ut æternam famæ meæ notam inurere conatus sit? An moneri noluit, quamvis modestè & sine ulla vel minima insectatione? At æqui hominis non est, nec memoris communis humanitatis. An credidit suam observationem de caritate erga *Eusebium*, quamvis mortuum, confutari molliter non potuisse, sine existimationis suæ detrimento? Sed error ejusmodi non est ex eorum numero, qui famam errantium commaculent; nec pars ulla, ut ita dicam, existimationis est

8 E P I S T O L Æ
umquam anteferenda Vero.

Verum, inquit, *Clericus testè innuit me
Vitas Sanctorum Patrum, Eusebii saltem,
ad hunc modum conscripisse.* Fallitur, eo
enim tempore, de nullo scriptore Historiæ
Ecclesiasticæ singillatim, quidquam ani-
mo meo obversabatur. At nunc, re ac-
curatius expensâ, non dissimulabo me in
Vitis Patrum ab eo conscriptis diligen-
tiam quidem, elegantiam sermonis, aut
eruditionem non desiderare; sed candi-
dam illam Veritatis expositionem, quæ
est potissima laus Historici, præsertim
Ecclesiastici. Ait ille *priusquam hæc*, quæ
antea protuli ex Vita Eusebii à me Gallicè
conscripta, in vulgus projicerem, nisi ca-
lumniator haberi vellem, quas veritates silen-
tio suppresserit, quibus nævis fictos fucatores
que colores obduxerit, quorumnam Vitas
Panegyricè potius quàm Historicè descri-
psit, me liquidò ostendere debuisset. Non
debui eo tempore, quia nullius rei Ca-
veum nominatim insinulavi; at nunc fa-
ciam, quoniam ita ei libuit; ut intelliga-
tur bonus vir, non alia de causâ excan-
duisse ob monita generalia, de fide Histo-
ricorum; quàm quia sibi ejus violatæ
consciis erat. Nec procul argumenta
ejus rei petam; ex Clementis Alexandrini,
&

& *Eusebii* Cæsariensis Vitis, quas ipse memoravit, haurientur.

In vita *Clementis*, profert Vir Eruditus iudicium *Photii*, de libris *Clementis*, qui *Hypotyposes* inscribebantur, parum honorificum *Clementi*; deinde hunc excusare nititur, non tam ex vero, quàm quia dissimulare vitia Patrum statuerat; quod consilium quàm periculosum sit & indignum Veritatis amantibus, aliis in litteris, demonstrabo. Ita autem habet *Photius*:

* Ἐν ποί μὲν αὐτῶν ὀρθῶς δοκεῖ λέγειν· ἐν ποί δὲ πανπελῶς εἰς ἀσεβεῖς ἢ μυθώδεις λόγους ἐκφέρεται. ὕλην τε γὰρ ἀχρονον ἢ ἰδέας ὡς δὲ πινῶν ῥητῶν εἰσαγομῆναι δοξάζει, καὶ τὸ Ὑῖον εἰς κῆσμα κατὰ γὰρ. ἐπὶ δὲ μετεμψυχώσεις καὶ πολλὰς περὶ τοῦ Ἀδάμ κήσους περιτρέφεται, καὶ ἐκ τοῦ Ἀδάμ τὸ Εὐάν, ὅτι ὡς ὁ ἐκκλησιαστικὸς λόγος βέλεται, ἀλλ' ἀχρῶς τε καὶ ἀθέως ἀποφαίνεται. μίγνυσι δὲ τὰς Ἀγγέλους γυναιξὶ καὶ παιδοποιεῖν ἐξ αὐτῶν ὀνειροπολεῖ, καὶ μὴ σαρκωθῆναι τὸ Λόγον ἀλλὰ δόξαν. Λόγους τὲ τοῦ Πατρὸς δύο περιπολογῶν ἀπελέγχεται· ὧν τὸ ἥτινα τοῖς ἀνθρώποις ἐπιφανῆναι, μάλλον δὲ ἡδὲ ἐκείνοι·
 22 Φησὶ γὰρ, λέγεται μὲν καὶ ὁ Ὑῖος Λόγος,
 23 ὡμωνύμως τῷ πατρικῷ Λόγῳ, ἀλλ' ὅτι
 24 ἕως ἐστὶ ὁ παρὰ γένεσιν, ἔδδ' ἐμὴν ὁ
 25 πα-

* *Cod. cix. p. 286. Ed. Rom.*

„ πατρὸς ὁ Λόγος, ἀλλὰ δυνάμεις πρὸς
 „ Θεόν, οἷον ἀπόρροια ἡ Λόγου αὐτοῦ, νῦν γε-
 „ νόμην, πρὸς τὸν ἀνθρώπων καρδίας ἀλγ-
 „ πεφοίτηκε. Καὶ ταῦτα πάντα ἀπὸ ῥητῶν
 πινῶν πειρᾶται κατασπιδάζειν τὸ Γεφφῆς,
 καὶ ἄλλα δὲ μύρια βλασφημεῖ καὶ φλυαρεῖ,
 εἴτε αὐτὸς, εἴτε πρὸς ἑπερὸς τὸ αὐτὸ πρὸς ὁ-
 πον ὑποκλεθεῖς : *In nonnullis quidem rectè
 dicere videtur, in nonnullis verò planè ad
 impios ac fabulosos sermones delabitur. Con-
 tendit enim materiam esse æternam, & ideas
 quasi à locis quibusdam (Scripturæ) indu-
 ctas. Filium etiam ad creaturæ sortem de-
 primit. Præterea animorum migrationes, &
 multos ante Adamum mundos absurdè com-
 memorat. Ex Adamo quoque Evam, non
 ut Ecclesiæ libri volunt, sed turpiter atque
 impie educit. Somniat etiam Angelos cum
 mulieribus coïvisse, & liberos ex iis suscepisse;
 nec Rationem carnem esse factam, sed vide-
 ri. Duas autem esse Rationes Patris absur-
 dè differentem eum deprehendere est; quarum
 minorem vult hominibus conspicuam esse fa-
 ctam, imò ne hanc quidem, ait enim: Di-
 citur & Filius Ratio ambigüe cum pater-
 na Ratione, sed hæc non est caro facta.
 Non enim paternæ Ratio, sed potentia
 quædam Dei, quasi effluvium Rationis
 ejus, mens facta, hominum animos per-
 vafit.*

vasit. *Quæ quidem omnia nonnullis Scripturæ dictis adstruere nititur. Alia etiam sexcenta blasphemat & blaterat; siue ipse, siue alius quispiam, qui personam ejus agit.*

Quid ad hæc Caveus noster? Photius inquit, * innuit talia alienâ manu inserta; ut disertè etiam affirmat Rufinus Scripta Clementis corrupta ab Hæreticis fuisse. At si hæc similiâque dogmata ostendamus extare in aliis Clementis Scriptis, contextâque & connexa esse cum universa ejus doctrina, philosophicis ejusmodi opinionibus referta; an omnia corrupta esse censebuntur, in quibus occurrent? Non opinor; neque quisquam, quod absurdius esset, suppositicia omnia esse idèò contendat. Itaque inanem Photii conjecturam habeamus necesse est; nec dignus est qui audiatur Rufinus, manifestarius ipse corruptor Veterum, qui sic Origenem etiam excusare frustra conatus est. At audiamus Anglum Vitarum Scriptorem: Profectò, inquit, si hi libri fuissent profanis illis ac venenatis dogmatibus Eusebii ævo infecti, vix credibile est eum obscurè saltem hoc significaturum non fuisse. Dignum etiam observatu est quod Photius animadvertit, hæc aliis ejus libris minime confirmari, imò etiam mul-

* Pag. 199. Vol. I. Vit. Anglic. Patrum.

multa eorum apertè in illis oppugnari. Verum si nostris oculis ea legamus, quemadmodum dixi, annon his potius credemus, quàm Photio? An silentii Eusebii, cujus graves possunt esse causæ, majus erit pondus, apud nos, quàm disertissimorum Clementis locorum, quos in aliis ejus Operibus etiamnum hodie deprehendimus?

Paucis * significavi, & intento dumtaxat ad loca digito, hæc omnia hodiè que in libris Clementis legi; sed nunc, à Viro Erudito provocatus, ea proferam.

I. Aggreditur Clemens Stromatum Lib. V. † probare unum esse Principium omnium rerum, etiam ex Philosophorum sententia, sibi que hanc objectionem proponit: ἀλλὰ ὅλῳ ὑποτίθενται οἱ φιλόσοφοι ἐν τῇ ἀρχαίᾳ, οἱ τε Στωϊκοί, καὶ Πλάτων, καὶ Πυθαγόρας, ἀλλὰ καὶ Ἀριστοτέλης ὁ Περὶ ἀληθείας, ἔχει δὲ μίαν ἀρχήν: sed materiam ponunt Philosophi, inter principia, Stoici & Plato, & Pythagoras, imò & Aristoteles Peripateticus, non verò unum principium. Ac sanè notum est hosce Philosophos materiam Deo constituisse συναρθεῖν. Nec negat Clemens, sed respondet, materiam qualitatibus omnibus destitutam statui,

ut

* In Vita Gallica Clementis. † Pag. 591.

ut intelligatur id principium Deo minime æquiparari posse : ἵστωσαν ὅτι καλε-
 μένην ὕλην ἀποιον ἢ ἀρχημάτισον λεγομένην
 πρὸς αὐτῶν ἢ πολυμρότερον ἤδη μὴ ὄν πρὸς
 τῇ Πλάτωνος εἰρήδῃ : *sciunt igitur eam, que*
vocatur materia, dici esse sine qualitate &
forma ; præterea à Platone audaciùs non
existentem dictam. Tum recitatis verbis
 Platonis ex *Timæo* : ἄλλως τε, inquit, ἡ
 λέξις ἡ περὶ φητικὴ ἐκείνη, ἡ δὲ γὰρ ἦν ἀόρα-
 τή, ἢ ἀκατασπάργαν, ἀφορμὰς αὐτοῖς
 ὑλικῆς ὕλης παρέχουσα : *ceteroqui dictum il-*
lud propheticum, terra erat invisibilis & in-
formis, occasionem eis præbuit essentia mate-
rialis. * In eodem libro, minimè impro-
 bat sententiam *Heracleti Ephesii*, quam
 hisce verbis describit : Σαφέστατα Ἡρα-
 κλεῖος ὁ Ἐφέσιος ταύτης ἐστὶ δόξης. ὅτι
 μὲν πᾶσα κόσμον αἰδίων εἶναι δοκιμάσας, ὅτι δὲ
 πᾶσα φθειρόμενον, ὅτι καὶ ἀφθαρσίᾳ εἰδὼς
 ὅτι ἔπερον ὄντα ἐκείνη πῶς ἔχοντι. ἀλλ' ὅτι
 μὲν αἰδίων ὅτι ἐξ ἀπάσης τῆς ὕλης αἰδιῶς ποιῶν
 κόσμον ἡ δὲ φανερόν ποιεῖ λέγων ὅτις, ὁ
 κόσμον ὅτι αὐτὸν ἀπάντων ἔτε περ Θεῶν, ὅτι
 ἀνθρώπων ἐποίησεν, ἢ πᾶσι ἐξῆς : *Manife-*
stissime Heraclitus Ephesus in hac est sententia,
cum existimavit mundum quemdam esse ater-
nium, quemdam corrumpi, sciens eum, qui
est

est exornatus , non alium esse ab eo qui quomodocumque se habet. Ceterum à se quidem cognitum fuisse mundum æternum ex universa essentia , qui æternum qualitate quapiam est ornatus , planum facit sic dicens : Mundum eundem universorum neque quicquam Deorum , neque hominum fecit, &c.

Si *Photius* similia legit, in eo *Clementis* Opere, mirari non debemus *Clementem*, illi visum esse æternitatem materiæ mundi tribuere ; quod ex Philosophiæ Ethnicæ amore nimio facilè, ut alia, ei adhærere potuit. *Origenes* ipse nescio quid simile docuisse videtur, quamvis materiam mundi emanationem quamdam æternam à Deo esse scripserit. Qua de re, legendus vir doctissimus *Pet. Dan. Huëtius*, in *Origenianis* Lib. II. Quæst. 12.

II. Infimulatur *Clemens* à *Photio*, quòd crediderit esse *Ideas*, quasi à locis quibusdam, Scripturæ, nimirum, inductas. Sic enim τὰ πῆτα intelligenda ostendunt duo alia exempla, quæ sunt in hoc ipso *Photii* iudicio ; éstque ejus vocis potestas ea frequens, apud Patres. Malè verterat *And. Schottus*, decreta, quod nonnullos fefellit. *Clemens* autem cum * alibi *Ideas* *Platonicas*,

* Lib. IV. & VI.

nicas, quasi Scripturæ consentaneas, nobis obtrudit, tum etiam Lib. V. * *Stromat.* ubi de loco, in quo Abrahamus mactare aggressus est Isaacum: μακρόθεν ἔναγκάσθως ὁρᾷ τὸν τόπον δυσάλωτον ᾧ ἡ χώρα ἔστι Θεῶν· ὃν χώραν ἰδεῶν ὁ Πλάτων κέκληκεν, ὡς ἐξ Μωσέως λαβὼν τόπον εἶναι αὐτὸν, ὡς τὰ πάντων καὶ τὰ ὅλων περιεκτικόν: *Emittis ergo consequenter videt locum; est enim Dei regio captu difficilis, quem appellavit Plato χώραν ἰδεῶν, hoc est, idearum regionem, cum à Mose eum accepisset esse locum, ut qui omnia & universa contineat. †* In eodem libro, allatis verbis Moſis de creatione: ἃ ῥ' ἐδοκεῖ σοι ἐν τῷ ὄντι εἶναι τὰ ζῶων ἰδέας ἐν τῷ νοητῷ ὡς πολεῖν κέσμεν καὶ τὰ εἶδη τὰ αἰσθητὰ καὶ τὰ γῆν δημιουργεῖν τὰ νοητὰ; εἰκότως ἄρα ἐκ γῆς μὴ τὸ σῶμα ἀναπαλάττειν λέγει ὁ Μωσῆς, ὃ γήινόν φησιν ὁ Πλάτων σκῆν: *Nonne videtur tibi hinc Plato animalium ideas in intelligibili relinquere mundo, & formas sensiles & intelligibilia fabricare genera? Merito igitur ex terra quidem corpus formari dicit Moses, quod terrestre tabernaculum vocat Plato, &c.*

III. Si quid fuisse dicatur in libris ἑστυπώσεων, quod redoleret sententiam, quam

* Pag. 583. † Pag. 593.

quam postea Arius defendit; id non magis mirum videri poterit, quàm nonnulla loca quæ in Stromatum Opere leguntur. Sic * Lib. V. Sapientiam, quæ omnia permeat, ait esse *πρωτόκτισον τῷ Θεῷ*, *primum à Deo creatam*. Libro verò VII. † sic describit Filiî naturam: *πελειοτάτη δὲ καὶ ἀγιοτάτη καὶ κορυφαία καὶ ἡγεμονικωτάτη, καὶ βασιλικωτάτη, καὶ διεργητικωτάτη ἢ τῇ φύσει, ἢ τῷ μόνῳ παντοκράτορι* ΠΡΟΣΕΧΕΣΤΑΤΗ: *perfectissima & sanctissima, & dominio, imperio, regnòque dignissima & beneficentissima Filiî natura, quæ est soli omnipotenti* PROPINQUISIMA. Illa propinquitas naturæ diversitatem saltem numericam, non *ταυτότητα* ejus, innuere, & ejus distinctio à solo *omnipotente* aliquid eo minus indicare videtur. Quare hîc quoque potuisset *Photius* Arianismum olfacere; quod contigit viro doctissimo *Dionysio Petavio* Dog. Theol. T. 2. Lib. I. c. 4. Scio quæ possint & soleant dici, ut sensus commodus in hisce verbis inveniatur; at satis mihi est ex ejusmodi dictis suspectas Hypotyposes *Photio* fieri potuisse, quamvis *Clementis* genuinum opus fuerint.

IV. Existimabat *Plato*, certis annorum

* Pag. 591. † Pag. 701.

rum periodis exactis, occidere & renasci formam hanc mundi adspectabilis, sapiusque ante nos renovatam fuisse; quod multis in *Politico* persequitur. Similia fensisse si dicatur *Clemens*, nihil statuetur quod non bellè consentiat cum perpetua ejus consuetudine exscribendi dogmata philosophica, quæ ei cum doctrina Christiana non planè ἀσύσχετα videbantur. Quin & hoc ipsum dogma probare videtur Lib. V. *Stromatum*, * ubi prolatis, Stoicorum & *Platonis* sententiis, subdit se primo *Stromate* ostendisse Græcorum Philosophos meritò dici *fures*, qui à Mose ac Prophetis præcipua dogmata parum grato animo acceperant. *Eusebius* etiam *Platonicam*, hac de re, doctrinam, quasi cum Christiana consentientem profert *Præp. Evang. Lib. XI. c. 34.*

Sed & apertè docuit *Origenes*, *Clementis* nostri discipulus, Lib. II. & III. οὐκ ἐπὶ χρόνῳ, ab ultima æternitate mundos alios aliis successisse, & porro per totam æternitatem successuros. Loca ejus, ne quaestioni sint, collegit vir eruditissimus *P. Dan. Huëtius*, loco laudato. Quid igitur mirum, talia etiam, apud *Clementem Origenis* magistrum lecta? Ut nemo propte-

Tom. III.

B

rea

* *Pag. 549, & seq.*

reca *Origeni* libros de *Principiis* abjudicavit : sic nec *Clementis* Hypotyposes ideò corruptas censuerit.

V. Idem *Plato*, in *Convivio*, fingit homines primos fuisse ἀνδρῶνες & quidem duplices, cum geminis capitibus, quatuor manibus & pedibus &c. Deinde eos fuisse in duas partes divisos, & in duos homines distinctorum sexuum sejunctos. Ut ex *Platone* Rabbini nonnulli hæc desumserunt, prout à viris eruditis observatum ad Gen. II, 21 : ita & *Clemens* ex eodem Philosopho hausta, detortâ similiter pro more suo Scripturâ, confirmare potuit.

IV. Si damnandus est *Clemens*, aut Hypotyposes ejus corruptæ fuisse censendæ, quòd in eo Opere dicerentur Angeli amore mulierum capti fuisse & liberos ex iis suscepisse ; idem ferendum erit judicium non de Stromatibus modò, sed & de multorum aliorum Veterum Scriptis. Quoniam res est vulgò nota, loca *Clementis* dumtaxat indicabo. Consulatur ergo *Pædagogi* Lib. III. Cap. 2. sub finem, & *Stromat.* Lib. III. p. 450. ac Lib. V. p. 550. Similia senserunt *Justinus*, *Athenagoras*, *Eusebius*, *Methodius*, *Tertullianus*, *Cyprianus*, *Lactantius*, *Ambrosius*,

brofius, & alii, quorum verba suppeditabit *Dionys. Petavius* Theol. Dogmat. T. III. Lib. 3. C. II.

VII. In loco *Clementis*, quem profert *Photius*, sermo non videtur fuisse de incarnatione Christi, sed de Mentibus à summa Dei Ratione creatis, quæ corpora humana induunt. Hæc ejus est sententia, tria esse quæ vocantur Λόγος seu *Ratio*, 1. Patris ipsius æterni proprietatem, quæ non descendit in hominum corpora, ut in iis mens humana fieret, quemadmodum sensisse videntur Stoici: 2. Filium, qui à Joanne Λόγος etiam vocatur, & qui nec ipse in hominum corpora est divisus, ut Mentis iis suppeditet: 3. *Ratio* humana, seu Mens, quæ est potentia Dei, & Rationis ejus effluviū, in homines divisum. Legendus est secundus Tomus *Origenis* in Joannem, ubi multa de ambiguitate vocis Λόγος.

Erat candidi Scriptoris Photianam Censuram diligenter expendere, nec tam facile concedere interpolatas fuisse Hypotyposes Clementinas; quod nonnulla in iis occurrerent à *Photio* damnata, aut minùs vera, aut specie tenus falsa. Hinc etiam intelligere potuisset Lector, cur

Eusebius non memorarit quæ *Photio* displicuerunt, & quemadmodum intelligendæ sint laudes in *Clementem* congestæ. *Eusebius*, *Origenis* admirator & discipulus, non poterat carpere in *Clemente* quod in *Origene* minimè improbabat. Quòd si *Clemens* ab aliis laudatus est, laudes illæ pertinent ad ejus mores, & variam lectionem Scriptorum Ethnicorum, non ad judicium; aut singularem rectè ratiocinandi facultatem; quibus, nisi verum dissimulare velimus, fatendum *Clementem* minimè excelluisse.

Hæc potuissent facilè à Viro Docto animadverti, & digna erant quæ Lectoribus pensitanda proponerentur. Debuisset *Clemens* nobis ex ipsius Scriptis pingi, qualis re verâ fuit; non qualis fuisse fingitur, ex testimoniis Veterum non satis rectè intellectis, aut fortasse etiam benignioribus æquo. Quod si factum esset, nemo dixisset * *extollere eximium hunc virum, post tantas laudes à Veteribus in eum congestas, perinde esse ac facem in meridiana luce accendere. Jam hoc satis constare potest, ex iis quæ dicta sunt, & quæ iudice Photio; & ipso Caveo, vocari queant βλάβος μοι περ πολογίας. Sed nonnulla alia*

ad-

* *The life of Clemens* p. 197. 3. Edit.

addam; partim in Vita Gallica *Clementis* observata, partim etiam intacta.

Tria igitur sunt, ex quibus intelligere plenius licebit, quæ fuerit indoles *Clementis*. Primum est, eum ex nimia lectione Scriptorum Ethnicorum, amicionem æquo illis esse factum, ita ut eorum placita à Christiana Religione planè aliena, in nostram Theologiam transferre conatus sit. Quod jam animadvertere licuit, in exemplis antea prolatis, sed uno aut altero dilucidius à me probabitur. Quamvis Eclecticam Philosophiæ sectam se sequi profiteatur, attamen in Stoicam, ut in ejus vita dixi, propensior erat; quâ propensione, factum est ut illorum delirius Theologiam Christianam incrustare aggressus sit, non una in re. Sic quia Stoici sapientem suum planè ἀπαθὴν esse fingebant, Alexandrinus Catechistes affectibus etiam innocuis caruisse, non modò Christum, sed & Apostolos & quemvis γνωστὸν, hoc est, Religione Christianâ penitus imbutum, contendit. Quod somnium ita exprimit Strom. * Lib. VI. Τοῦτο δὲ ὅτι ὁ Γνωστὸς, ὡς μόνοις τοῖς Ἀποστόλοις καὶ ὁ σῶματι γνωστοῖς πέφασκεν ὡς πῖπτον, οἷον πείνη, δὲ καὶ ἡ τοῖς ὁμοίοις: ejusmodi;

B 3

* Pag. 649.

modi enim est qui est cognitione præditus, ut in eos solos incidat affectus, qui sunt propter conservationem corporis, ut in famem, in sitim & in similes. Sic de omnibus loquitur, quæ absurda sunt; at absurdiora hæc habet de Christo, in proximè sequentibus verbis: αἰὲν ὅτι μὴ ὁ Σωτὴρ ὁ τὸ σῶμα ἀπαιτεῖν ὡς σῶμα τὰς ἀναγκαίαις ὑποηρεσίας εἰς θάνατον, γέλωτος ἂν εἴη· ἐφαγε γὰρ ὁ ἄνθρωπος τὸ σῶμα, διυνάμει συνεχόμενον αἰῶνα· αἰὲν ὡς μὴ τὰς συνόντας ἄλλως ποιεῖ αὐτὸ φρονεῖν ὑποεισέλθοι. ὥστε ἀμέλει ὕπερον δοκῇσθαι τινὲς αὐτὸν πεφανερῶδες ὑπέλαβον. αὐτὸς δὲ ἀπαξ ἀπὸ τῆς ἀπαθῆς ἦν, εἰς ὃν οὐδὲν παρεισδύεται κίνημα παθητικόν, ἔτε ἡδονή, ἔτε λύπη: Sed in Servatore corpus, ut corpus, necessaria postulasse ministeria, ut conservaretur, ridiculum esset. Comedebat enim, non propter corpus, quod sanctâ virtute continebatur, sed ne iis, qui unâ cum eo versabantur, veniret in mentem aliter de eo sentire. Sicut certè postea quidam existimarunt eum specie tenuis conspicuum esse factum; ille verò erat omnis prorsus affectûs expers, quem nullus motus affectûs ullius subibat, neque voluptas, neque dolor.

Nolo hîc ex iis verbis consectaria deducere, quæ sponte suâ cujusvis Theologi hæc legentis animum subeunt; sed profecto

fecit Catechisten hunc nostrum Alexan-
 drinæ juventuti , si talia eam doceret,
 turpissimè imposuisse nemo non videt.
 Quæ qui legerit , nequaquam mirabitur
 eum deliria Stoïca, de Apostolis Christi,
 Lectoribus suis propinare : Οἱ δὲ Ἀπόστο-
 λοι ὀργῆς καὶ φόβου καὶ ὀπιθυμίας διὰ τὴν κυ-
 ρακῆς διδασκαλίας γνωστικώτερον κρατήσαν-
 τες καὶ τὰ δοκῶντα αἰσθὰς τῶν παθητικῶν κινή-
 μάτων, οἷον θάρος, ζῆλον, χαρὰν, ὀπι-
 θυμίαν, εἰδὲ αὐτὰ ἀνεδέξαντο, ἐμπέδω πνι-
 τὴν ἀφροσύνης καταπίψας, μηδὲ καθοπτῶν μετα-
 βαλλόμενοι αἰπὴ ἐν ἑξὶ ἀσκήσεως αἰεὶ μόνοντες
 ἀναλλοίωτοι, μετὰ γὰρ τῷ ᾧ Κυρίῳ ἀνάσταν·
*Apostoli autem, cum iram & metum & cu-
 piditatem, per Dominicam doctrinam, ex
 uberiore quadam cognitione superassent, ne
 eos quidem affectuum motus, qui videntur
 boni, quales sunt confidentia, zelus, gau-
 dium, cupiditas, susceperunt; quippe qui,
 propter stabilem quemdam animi statum, ni-
 hil penitus mutarentur, sed in habitu ascetico
 semper manentes, post Domini quidem resur-
 rectionem, immutabiles essent. Si quis sta-
 tueret Clementem Alexandrinum hominem
 fuisse acris iudicii, & qui secum ipse
 semper consensisset; hinc propemodum
 posset colligere eum Evangelia, aliâque
 Apostolorum Scripta non habuisse, quæ*

nunc exstant; cùm quisquis Novum Testamentum non planè oscitanter legerit, sciat contraria omnia in eo perspicuè haberi. Sed benè est, quòd ex ejus Scriptis Novum Testamentum, quale nunc habemus, versatum ab eo fuisse manifestum sit. At certè fatendum est eum, Stoicorum præjudiciis occæcatum, in Novo Testamento non vidisse id quod pueri ipsi vident.

Alterum subjiciam exemplum ad Vetus Testamentum pertinens, ex quo similia colligere liceret de Veteris Testamenti Libris; nisi nobis constaret *Clementem*, inanes allegorias subinde captantem, proprii & grammatici sensûs parum studiosum fuisse. Certè quisquis allegoricis nugis non prorsus fasciatus leget Vetus Testamentum, intelliget non exiguam partem Idololatriæ Ethnicorum sitam fuisse in Siderum cultu; sed *Clemens* contrà vult Ethnicis proposita fuisse, ut ea colerent, sic enim loquitur Stromat. VI.

ἐπειδὴ γὰρ ἡδὲ ὁ Θεὸς, ὥστε περὶ γνώσεως ὄν,
μὴ πιστεύονται τῶτον, ἐδὲν ἡττον ὅπως τὴν γε
καθ' ἑαυτὸν ἀναδείξεται πελείωσιν, ἔδωκε μὴ
φιλοσοφίαν αὐτῶ, ἀλλὰ περὶ τῆς πίστεως. ἔ-
δωκε δὲ τὸ Ἡλίον καὶ τὸ Σελήνιον, καὶ τὰ ἄστρα
εἰς

εἰς θρησκείαν· ἃ ἐποίησεν ὁ Θεὸς τοῖς ἔθνε-
σι, φησὶν ὁ νόμος· ἵνα μὴ τέλειον ἄθροισμα γε-
νόμηναι τελείως ἢ ἀφαιρηθῶσιν, οἱ δὲ, καὶ
ταύτῃ γνόμηναι τῇ ἐν πολλῇ ἀγνώμονες γλυπ-
τοῖς περσευκτικῶν ἀγάλμασι, καὶ μὴ μετα-
νοήσωσι, κέρονται: *Cum sciret Deus, quip-
pe præscius, hunc (Gentilem) non creditu-
rum, nihilo minus ut perfectionem sibi con-
venientem consequeretur, dedit quidem illi
Philosophiam, sed antè fidem. Dedit au-
tem Solem & Lunam & Astra in cultum;*
*quæ fecit Deus gentibus, ait Lex, ne
prorsus sine Deo essent, funditisque perirent.*
*At illi etiam in hoc præcepto vecordes sculptis
adhæserunt imaginibus, & nisi respiciant
damnantur.* Παυλὸν ποτὶ: ὁ δὲ γὰρ ἦν αὐτῇ
δοθεῖσα τοῖς ἔθνεσιν ἀνακύψαι πρὸς Θεὸν
διὰ τὴν ἀστρον θρησκείας: *hæc enim via data
fuerat gentibus, ut per Astorum cultum ad
Deum sese erigerent.* Hisce prolatis, non
opus est ut Clementem benignius sensisse
de Philosophia, quàm par erat, osten-
dam. Nunc abs Te quæro, ILLUSTRIS-
SIME PRÆSUL, annon is qui hæc omi-
fit, in Vita Clementis, dixitque laudes in
eum congerere esse propemodum φῶς
ἡλίω δανίζειν, videatur Encomiasten, po-
tius quàm Historicum, egisse? Certè si
sit hoc fidum Historicum agere, fateor
me

me quamnam sint fidi Historici munera ignorare.

Secundo loco , quamquam , ut dixi , multijugis lectionis laudem *Clementi* nolo eripere ; profectò præditus non fuit ulla *Διχαρίσσι πνδρμάτων* , cùm quasi *Petri* & *Pauli* genuinos fœtus laudaverit putidissimos libros , constanti utriusque , & omnium Judæorum doctrinæ contrarios. Ejusmodi fuere *Κήρυγμα Πέτρου* , & *Πράξις Παύλου* , * ex quibus nonnulla habet Strom. VI. quæ subjiciam , quamvis satis nota ; ne quærenda sint , néve Vir Eruditus eâdem fiducia , quâ hæc omnia reticuit , mihi objiciat loca à me non esse prolata. Οἷον δὲ , inquit , ἐ κατ' ὁπίγνωσιν ἴσασιν ὅτι Θεὸν ἀλλὰ καὶ πείρασιν (lego παράρασιν) Ἑλλήνων οἱ δοκιμώτατοι, Πέτρος ὅτι ἐν τῷ Κηρύγματι λέγει , „ Γινώσκετε ὅτι ὅτι „ εἷς Θεὸς ἐστίν , ὃς ἀρχὴν πάντων ἐποίησεν , „ καὶ τέλος ἐξέσταν ἔχων· καὶ ὁ ἀόρατος , „ ὃς τὰ πάντα ὁρᾷ· ἀχώρητος , ὃς τὰ πάντα „ χωρεῖ· ἀνεπίδεξις , ὃς τὰ πάντα ὁπιδέεται , „ καὶ δι' ὃν ἐστίν· ἀκατάληπτος , ἀέναος , „ ἀφθαρτος· ἀποίητος , ὃς τὰ πάντα ἐποίησε „ λόγῳ διωάμεως αὐτοῦ , τῇ γνωστικῇ „ φῆς , τέστις ὁ Υἱός· εἶτα ὁπιφέρει „ τῶν „ ὅτι Θεὸν σέβετε , μὴ καὶ τὸς Ἑλλήνας· ὡς

* Pag. 635.

δηλονότι ὅτι αὐτὸν ἡμῖν σεβόντων Θεὸν καὶ
 παρ' Ἑλλήσι δοκίμων, αἰεὶ καὶ ὁπίγνωσιν
 παντελεῖ τῷ ὅτι Υἱὸς παρθέτου μεμαθηγέτων.
 Μὴ ποίνω, φησὶ, σέβετε, ὅτι εἶπον, Θεὸν
 ὃν οἱ Ἕλληνες, αἰεὶ μὴ καὶ τὰς Ἑλλήνας· ὅτι
 τρόπον τῷ σεβήσεως ἀναπλάττων ὁ Θεὸς, ἐχὼ
 δὲ ἄλλον καταγέλλων· τί ἔν ἐστι τὸ, μὴ καὶ τὰς
 Ἑλλήνας, αὐτὸς Διὰ σφύρας Πέτρου· ὁπίφερων.
 „ ὅτι ἀγνοίᾳ φερόμενοι, καὶ μὴ ὁπισμέμενοι
 „ ὅτι Θεὸν ὡς ἡμεῖς καὶ ὅτι γινώσκοντες τὴν τελείαν,
 „ ὡς ἔδωκεν αὐτοῖς ἐξουσίαν (sic lego, non
 „ ἣν δε ἐξουσίας) εἰς χεῖρας, μορφώσαντες
 „ ξύλα καὶ λίθους χαλκὸν καὶ σίδηρον, χρυσὸν
 „ καὶ ἄργυρον, τῷ ὑλῆς αὐτῶν καὶ χρήσεως, πᾶς
 „ ὁ ὅλος τῷ ὑπαρξέως ἀναστήσαντες σεβόμενοι,
 „ καὶ τὰ ἐξῆς: *Deum autem nosse, non cogni-*
tione clarâ, sed palpatione, Græcorum pro-
batissimos dicit Petrus in Prædicatione: Co-
gnoscite ergo unum esse Deum, qui om-
nibus fecit principium, & finis habet po-
testatem; qui cum sit inconspicuus, om-
nia videt; cum capi non possit, omnia
capit; quo, cum nullius rei indigeat, om-
nia indigent, & per quem facta sunt; qui
comprehendi nequit, æternus, interitui
non obnoxius, non factus; qui omnia
fecit verbo potentia suæ; Scripturæ my-
sticè intellectæ, hoc est, Filii. Deinde
subjicit; Hunc Deum colite, non more
 Græ-

Græcorum ; quippe virorum probatorum apud Græcos eundem Deum colentium ac nos, sed qui doctrinam à Filio datam perfectâ cognitione non acceperant. Non ergo nos vetat colere Deum, quem Græci colunt, sed more Græcorum ; mutans rationem cultûs divini, non alium adnuntians. Quid sit igitur, non more Græcorum, Petrus ipse explicabit, addens : eos inscitiâ abreptos, nec Deum noscentes, quemadmodum nos, cognitione perfectâ, eorum quorum potestatem illis fecerat, ut iis uterentur, imagines facientes è ligno & lapide, ex ære & ferro, ex auro & argento, ea, quorum materia & usus ad eis inserviendum comparata erant, erecta colunt &c. Paullò pòst, sic pergit Clemens : ἢ ὅτι γε ὡς τὸ αὐτὸν Θεὸν ἡμῶν τε αὐτῶν καὶ Ἑβραίων ἐγνωκότων φέρεται πλὴν ἕχ' ὁμοίως, ἐποίσ' πάλιν ὡδέπως· „ Μηδὲ „ καὶ Ἰσθαίης σέβεσθε, καὶ γὰρ ἐκείνοι μόνον „ οἰόμενοι τὸ Θεὸν γινώσκειν, οὐκ ὁπίσανται, „ λατρεύοντες ἀγγέλοις ἢ δρχαγγέλοις, μηνὶ „ ἢ σελήνῃ, καὶ ἐὰν μὴ σελήνῃ φανῇ, σάβ- „ βατον οὐκ ἄγχι τὸ λεγόμενον πρῶτον· εἰ δὲ νεο- „ μηνίαν ἄγχι, ἕτε' ἄζυμα, ἕτε' ἐορτῇ, ἕτε' μεγάλῃν ἡμέραν : Rem autem ita se habere, à nobis ipsis Ὡς à Græcis eundem Deum coli, sed non similiter, rursus inferet hoc modo :
Ne-

Neque more Judaïco colite , etenim illi Deum solum cognoscere se rati nesciunt se colere Angelos & Archangelos , Mensē & Lunam. Nec, nisi Luna conspecta sit, agunt Sabbathum, quod vocant primum , neque neomeniam , neque azyma , neque festum , neque magnum diem. Hæc fictitius ille *Petrus* , quæ meræ sunt calumniæ in Judæos , exque profectæ ab homine Religionis Judaicæ prorsus imperito, & alienissimæ ab ingenio Apostolorum. Quod vel pueri intelligant , ita ut minimè necesse sit plura proferre. Qui ejusmodi ridicula Scripta, neque Judaicæ , neque Christianæ Religionis ingenium redolentia , miscere potuerunt cum genuinis Apostolorum Libris , illi incredibili laborarunt ἀκροσία , quæ hodie nemini condonaretur.

Eadem imprudentiâ , bonus *Clemens* , veluti ex *Paulo* , sequentia habet haud multò post. Δηλώσει πρὸς τῷ Πέτρῳ Κηρύγματι , ὁ Ἀπόστολος λέγων Παῦλῳ . „ Λάβετε καὶ „ τὰς Ἑλληνικὰς βίβλους· ἀπὸ γινώτε Σίβυλλαν , „ ὡς δηλοῖ ἓνα Θεὸν καὶ τὰ μέλλοντα ἔσεσθαι . „ καὶ τὸν Ὑστάτω λαβόντες , ἀνάγνωτε , καὶ „ ἀρρήσετε πολλῷ τιλαυγέστερον , καὶ σαφέστε- „ ρον γεγραμμένον ἢ τὸν τῷ Θεῷ , καὶ κα- „ θὼς περιτάξιν ποιήσαι τῷ Χριστῷ πολλοὶ „ βα-

„ βασιλεῖς, μισῶντες αὐτὸν καὶ τὰς Φορῶντας
 „ τὸ ὄνομα αὐτοῦ, καὶ τὰς πρὸς αὐτοῦ, καὶ
 „ τὰ ἐξῆς. *Præter Petri prædicationem, de-*
clarabit Apostolus Paulus dicens: Sumite
Græcanicos libros, intelligite quomodo Sibylla
unum Deum esse apertè dicat, & quæ fu-
tura sunt. Sumto Hystaspe, legite & inva-
nietis multò clariùs & apertiùs descriptum Fi-
lium Dei & quâ ratione aciem instruent contra
Christum multi Reges, odio eum habentes &
eos qui nomen ejus gestant, & fideles ejus,
&c. Hunc locum dudum castigavit Da-
vid Blondellus, vir doctus, Operis Gallici
de Sibyllis Lib. 1. c. 5. ita ut nihil in gra-
tiam Clementis ei reponi posse videatur.
Caveus præsertim non negabit, quin
imperitè Clemens Paulo tribuerit Librum,
in quo memorantur Sibyllina oracula,
circa tempora Hadriani, ut putat, con-
ficta.

Alia etiam παραδείγματα Clementi repro-
 brat Blondellus, Capite sequente; qua in
 re, ut per omnia judicium ejus non pro-
 barim: sic dubium non est quin multa
 meritò reprehenderit. Quæ cum ita sint,
 nemo non intèlliget Virum Eruditum, in
 Vita Clementis, dissimulationis minimè
 laudabilis reum esse; vel ob Censuram
 Blondellianam, quam nescio an ignorarit.

Ter-

Tertium addam, quod prætermisſum non oportuit. *Clemens*, nimirum, Scripturam non modò allegoricè interpreta-
tur, ut in Vetere Testamento inveniatur dogmata & eventus Novi; utque Ethica monita eliciat ex locis aliis de rebus agentibus, quod dudum ſolenne erat Chriſtianis, quibus partim præiverant Judæi; ſed, quod propemodum ſingulare eſt, ut philoſophorum Ethnicorum placita ex invita Scriptura eliciat. Ejuſmodi eſt locus de Ideis à me antea allatus, aliique ſimiles. Quod genus interpretandi an ſit viri multæ lectionis nescio; certè non eſt viri Scripturæ periti. Condonanda hæc ſunt, inquires, Vetuſtati; nec repugno. At non ſunt uſque adeò extollendi, qui tam sæpe venia atque indulgentia noſtra indigent; nec ſunt diſſimulanda ea delicta, ſi Scriptorum illorum Hiſtoriam conſcribere aggrediamur.

Nunc eſſet mihi ad *Eusebium* veniendum, ut oſtenderem Virum Doctum haud aliter ſe erga eum geſſiſſe, ac erga *Clementem*; ſed jam ſat longa eſt Epiſtola, ſatiſque tædii Tibi, REVERENDISSIME PRÆSUL, jam peperit. Quod quomodo vitarem non videbam, dum enim vulgaria dicuntur creatur peritis tædium, ſed
dum

dum vulgaria illa alto silentio diffimulantur à *Caveo*, imperitus Lector fallitur, & Encomia pro Historia, inscius legit. Fuerunt igitur pluribus mihi repetenda, ut liqueret, si *Caveum* apertè insimulasssem ejus rei, quam sibi occultè objectam, ut putat, tam ægrè tulit, non fuisse cur quereretur, cùrve modestè monenti indignaretur.

* Οὗτος μὲν πανάρεστος, ὃς αὐτῷ πάντα νοήσῃ

Φρασάμενός τε κ' ἐπειτα ἢ εἰς τέλος ἤσιν ὁμείνω.

Εὐθλὸς δ' αὖ καὶ κεῖνός τε, ὃς δὲ εἰπόντι πίθηται.

Ὅς δέ κε μήθ' αὐτῷ νοέῃ, μήτ' ἄλλας ἀκέων
Εὐ θυμῷ βιάσσηται, ὃ δ' αὖ ἀχρήϊός ἀνὴρ.

Ille quidem ante omnes per se ipse quid utile, quid non

*Qui videt & longè fines prospectat agendis;
Qui bene consultis didicit parere, secundus;
At qui consiliis pollet nihil ipse, nec audit
Suadentes alios, nullos homo vivit ad usus.*

Viderit ille ad quem ordinem referri malit; ego verò in iis me profiteor esse, qui
li.

* *Hesiodus, in Oper. & 291.*

libenter amicas admonitiones audiunt, & præsertim Tuas, ILLUSTRISSIME PRÆSUL, si quas impertiri mihi digneris. Vale.

Dabam Amstelodami a. d. v. Nonas Julias.
A. C. M DC XCIX.

EPISTOLA II.

Eusebium non immeritò insimulatum fuisse Arianismi. Quod omnes facile ex ejus vita intellexissent, si sine dissimulatione à Caveo fuisset scripta. Altera ejus dissimulatio, in proferendo Nicæni II. Concilii judicio. Henr. Valefius confutatus. Canon, ex quo intelligere licet quid verè sentiat Scriptor quivis, quid simulet. Calumnia Cavei in Clericum, ejusque peroratio confutata.

EIDEM S. P. D.

JOANNES CLERICUS.

Pollicitus sum, REVERENDISSIME PRÆSUL, me ostensurum, Vitam *Eusebii* à viro erudito *Guil. Caveo* conscriptam
Tom. III. C ptam

ptam ad idem exemplum, ac Vitam Clementis; hoc est, dissimulata nonnulla fuisse, quæ minùs honorifica erant Cæsariensi Episcopo, atque ex quibus facîle omnes intelligerent Arianis partibus eum favisse. Nunc promissis stabo, quod cum fecerò, ostendam, quàm immeritò gravem calumniam mihi Vir Eruditus impeggerit. Res agitur usque adeò manifesta, ut minimè necesse sit me ad ingenii Tui acumen, & iudicii præstantiam confugere. Sed mihi opus est æquitate Tua, quâ Tibi patiaris exponi paulò copiosius, quod Adversarius dissimulavit; ne fiducia ejus in negando ex bonitate causæ, quæ pejor esse non potest, orta videatur. Notissima Historiæ Ecclesiasticæ perito iterum dicam, sed quando ea negantur, quasi ignota essent, etiam invito sunt probanda. Interdum animum subiit Virum Eruditum, eò devenisse confidentiæ, ut negaret, quæ non ignorabat comperta esse iis, qui Historiæ Ecclesiasticæ operam dedissent; quia existimavit me planè ejus esse imperitum, nec unquam demonstraturum quod alius facîle ostendere posset. Alioqui vix intelligebam quæ res tam aperte negari possent, quemadmodum fecit, initio Dissertationis de Arianismo Euse-

lii. Fama etiam est à vestratibus nondul-
lis vulgò sperni Scripta fermè omnia ho-
minum cis mare viventium. Quod quo
jure fieri queat, non quæram, nec nega-
bo mihi perexiguam esse Ecclesiasticarum,
juxta ac profanarum litterarum, cogni-
tionem; at quia earum attigisse me spero
elementa, & communi illo sensu, quo à
brutis distinguimur, etiam esse præditum;
aggrediar ostendere id quod neque eru-
ditionem ullam, neque singulare ingenium
postulat; ut sciat *Carveus* esse homines
etiam cis mare, quibus non tam facilè,
quàm fortè credit, fucus fieri possit. Quod
si Anglis quoque os oblinere posse se
speravit, erit hoc nobis solatio, quòd
Windesoriensi Canonico nos incolæ Con-
tinentis stipites soli esse non videamur.

In Editione Latina Vitæ *Eusebij*, paucis
verbis, describit quod ab eo gestum est,
in Synodo Nicæna; ad Symbolum, ejus-
que subscriptionem quod attinet. Itaque,
ne sibi injuriam fieri queratur, rem pe-
tamus ex Anglica, ubi copiosius exponi-
tur; cum præsertim dicta à se, in nupera
Dissertatione, repetendo confirmet. Post-
quam ergo dixit Symbolum à Patribus
constitutum fuisse, ita pergit: * *Hanc for-*

C 2 *mulam*

* Pag. 13.

mulam primum Eusebius improbavit, rem-
que subtilissimè discussit, & de ea disceptavit;
sed cum reputasset quantò pluris fieri deberet
pax Ecclesiæ, privatis omnibus sententiis,
verborumque aucupiis, postridie Symbolum
commune subscripsit. Deinde subjicit ipsam
Eusebii hac de re Epistolam, quâ recita-
tâ, negat se quidquam observaturum,
nisi hinc quidem liquere, quidquid conten-
derent Ariani de novitate vocum Symboli Ni-
cæni, dictionem ὁμοούσιος, quâ maximè of-
fendebantur, fuisse antiquiorem & usurpa-
tam à Patribus, superioribus Ecclesiæ sæculis;
quotiescumque verò loquitur Eusebius de Chri-
sto, quasi aliquo sensu creato, ab eo semper
intelligi divinam productionem; hoc est, æter-
nam generationem; neque unquam eum ne-
gasse Filium esse ejusdem essentiae ac Patrem;
alio sensu, nisi quo in divinam naturam non
cadit divisio aut separatio, quemadmodum in
res corporeas. Denique de verbis quibus-
dam, quæ sub finem Epistolæ Eusebii 16.
guntur, & quibus merus Arianismus per-
spicue continetur, ut postea ostendam;
ita judicat: Lector præterea animadvertere
potest locum illum, sub finem Epistolæ, de
Christo qui fuerit actu aut potentia in Patre,
confusum esse & obscurum; ac sanè integra
Periodus, quam uncinis clausimus, non ex-
stat

stat in hac Epistola, prout legitur apud Socratem, neque in translatione veteris collectoris Tripartitæ Historiæ. Unde manifestò sequitur alterum horum, aut eum locum esse ab iis prætermissum quòd periculosus esset, nec posset excusari: aut (quod quidem verisimilius mihi videtur) cùm non esset in Autographo hujus Epistolæ, ab aliena manu insertum fuisse. Neque enim impetrare à me possum, ut existimem Socratem reum fuisse tanta simul imprudentiæ & malæ fidei, ut dum integram Epistolam proferre videri vult, rescuerit, aut dissimularit tanti momenti particulam; cùm ex Epistola, quæ omnium manibus terebatur, fraudem brevi innotescere necesse esset.

Hæc habet de subscriptione, de quæ Epistola Eusebii Caveus, quæ imperitiores, qui ejus judicio, magis quàm suo, uterentur, facilè fallere queant. Itaque rem paullo accuratiùs expendemus. Antè omnia, tenendum est Eusebium & ante Synodum Nicænam, & postea, Præsulum Arianorum partibus impensè favisse, quod non diffitetur Caveus in vita ejus Anglicæ; & sæpe instar eorum esse loquutum, quod nec negat noster, & multis probavit Dionys. Petavius Dogmat. Theologic. T. 2. Lib. 1. Capp. XI & XII. Quæ cùm

ita sint, facile intelligemus quid sibi velit, in hac Epistola ad Cæsarienses; quos docere cupit se non alio sensu subscripsisse Symbolum, quàm qui optimè stet cum pristina sua, hoc est, cum Ariano-
rum sententia. Post Epistolæ præfationem, *Eusebius* * profert Confessionem fidei à se conscriptam, in qua nihil est quod Ariani facile non comprobarent; profitemur enim dumtaxat se credere εἰς ἓνα Κύριον Ἰησοῦν Χριστὸν τὸν τῆ Θεᾶς Λόγον, Θεὸν ἐκ Θεᾶ, Φῶς ἐκ Φωτός, ζωὴν ἐκ ζωῆς, ὁὐ μόνογενῆ, πρωτότοκον πάσης κτίσεως, πρὸ πάντων τῶν αἰώνων ἐκ τῆ Πατρὸς γεγεννημένον, δι' ἧς καὶ ἐγένετο τὰ πάντα: in unum Dominum Jesum Christum, Rationem Dei, Deum ex Deo, lumen è lumine, vitam ex vita, primogenitum omnis creaturæ, ante omnia sæcula ex Patre genitum, per quem & omnia facta sunt. Hæc omnia fatebantur Ariani, qui Filium ante omnia sæcula genitum non illibenter dicebant, quòd crederent ante eum à Deo procreatum fuisse, quàm sæculis, hoc est, ætati mundi initium fieret; quod tum demum contigit, eum à Filio mundus creari cœpit. Quia etiam non desunt viri docti,

qui

* Numm. 2. & 3. in Ed. *Athanasiana* Anni 1698. pag. 238. T. I.

qui velint hanc ipsam Confessionem *Eusebii* eam esse quæ nomine xvii. Episcoporum Arianorum oblata est & à ceteris illico explosa, ut docet *Theodoretus* Lib. I. c. 7. ad quem vide *H. Valesium*. Quod si verum esset, oporteret *Eusebium* rem aliter narrasse, quàm par erat; verùm nihil definitio, & aliorum etiam sententiam, in vita *Eusebii*, sum sequutus, quasi verisimiliorem.

Claudit *Eusebius* suam hanc Confessionem, testificatione quâ profitetur se ita credere & docere, atque antea credidisse & docuisse, ne quis eum sententiam mutasse putet : καὶ τὰς παρεληλυθότας χρόνας ἕως ὁπριούμην τε καὶ ἐκκλήσεως : præteritis etiam temporibus, sic credidimus & docuimus. Tum subjicit, expositâ hac suâ fide, εἰ δὲν παρέιναι ἀντιλογίας τόπον, nulli fuisse contradicendi locum, probatam eam fuisse Imperatori; qui & postea hortatus est Episcopos, ut eam subscriberent, unâ adjectâ voce ὁμοσίου, quam sic ipse interpretatus est : ὅτι μὴ καὶ τῶν σωματικῶν παρρηλέγοιτο ὁμοσίον, εἰ ἐν καὶ ἀγρίεσιν, ἕτε κατὰ πῶτα ὁμοσύνῃ ἐν τῷ Πατρὶ ὑποστήναι μηδὲ γὰρ διωκῶν τὸ αὐτὸν, καὶ νοεράν, καὶ ἀσώματον φύσιν σωματικὴν πᾶσι τοῖς ὑφ' ἡμῶν, θεοῖς δὲ καὶ ἀποστόλοις λόγοις προσή-

κεῖν τὰ τοιαῦτα νοεῖν : *non secundum corporum affectiones dici consubstantialem, nempe, neque divisione, neque ullâ abscissione ex Patre eum substituisse; neque enim posse immaterialem, intellectualem, & incorpoream naturam corpoream ullam affectionem subire, sed divinis atque inexplicabilibus rationibus talia esse intelligenda.* Nec Ariani credebant Filium divisione, aut abscissione corporeâ, ex Patre natum esse. Ideoque negativo, ut ita loquar, sensu quem hîc habet Eusebius, vocem ὁμοῦσι & admittere poterant, quatenus illa significabat in generatione Filii nullam divisionem corpoream esse factam. Qua de re, postea pluribus dicam.

Subjicit Eusebius, *προφάσις τῆς ὁμοουσίας προθήκης: prætectu addendi consubstantialem, à Patribus Symbolum conditum, quod profert. Deinde eos à se interrogatos diligenter interpretatos esse voces, quibus usi essent. Cum ergo quæсивisset quid intelligerent vocibus, ἐκ τῆς ὁσίας τῆς Πατρὸς, ex essentia Patris, & ὁμοούσιον τῷ Πατρὶ, consubstantialem Patri, * τὸ ἐκ τῆς ὁσίας ὡμολογεῖτο πρὸς αὐτῶν δηλωτικὸν εἶναι τῆς ἐκ μὲν τῆς Πατρὸς εἶναι, ἢ μὴ ὡς μέρους ἀπαρχῆς τῆς Πατρὸς: consentiebant illi.*

* Num. 5.

illi voces, ex substantia, significare ex Patre quidem eum esse, sed non partem esse Patris. Quod Arianus non negasset; quare est ab Eusebio concessum, qui non videbat cur hæc inficiaretur, cum crederet Filii substantiam natam esse ex substantia Patris; quod unum significabatur, si illi credimus, voce ὁμοούσιου. Ταύτη δὲ, inquit, ἡμῖν ἐδόκει καλῶς ἔχειν συγκατατίθεσθαι τῇ Διανοίᾳ τῶ ὁσιῶς διδασκαλίας, ὑπαγορεύσας ἐν τῷ Πατρὶ εἶναι τὸν Υἱόν, ὃ μὲν μέρους αὐτοῦ τῆς οὐσίας τυγχάνειν διόπερ τῇ Διανοίᾳ ἢ αὐτοὶ συνεπθέμεθα, ὃ δὲ τῷ Φωνῇ τῷ ὁμοουσίῳ παρεπιτέμνομεν, τῷ τῷ εἰρήνης σκοπῷ περὶ ὁφθαλμῶν ἡμῶν κειμένῳ, ἢ τῷ μή τῷ ὁρθῷ συνεπθεῖν Διανοίας: Visum verò est nobis rectè habere, si adsentiremus huic sensui piæ doctrinæ, statuentis Filium esse ex Patre, non verò partem esse ejus essentiae. Ideoque huic sensui et ipsi adsensimus, ne repudiantes quidem vocem Consubstantialis, scopo pacis nobis præ oculis obversante, et ne à recto sensu excideremus. Quæ omnia clarè ostendunt Eusebium minimè adsensum præbuisse τῷ ὁμοουσίῳ, prout eâ voce significatur naturæ perfecta paritas, quæ fuit sententia Nicænorum Patrum, quam minimè commemorat; sed prout tantum significatur Filius

non ex alia substantia ortus , quàm ex Patris natura , eique similis esse. Ac sanè Platonici vocem ὁμοίσιον ita solebant aliquando intelligere. Cùm enim substantiam Mentium humanarum minimè æquarent Deo , attamen aliquando eas ὁμοιότητας Diis esse dictitabant , quòd ab iis ortas originem suam aliquatenus referre existimarent. *Plotinus Ennead. IV. Lib. VII. c. 10. de mente humana, ἀνάγκη, inquit, θεῖον τὸ τοιοῦτον εἶναι, ἀπὸ θεῶν μερὸν αὐτὸ, διὰ συγγένειαν, καὶ τὸ ὁμοίσιον: necesse est divinam esse rem ejusmodi, quippe quæ facultibus divinis referta ipsa est, propter affinitatem, & naturæ communidnem.* Hanc etiam , apud Christianos , ei vocis potestatem interdum subjectam ostendit Scriptor Libri *de Definitionibus*, qui est in Tomo II. *Athanasii*, inter ea quæ falsò ei adscribuntur, Postquàm enim definiit ὁμοίσιον, * *quod est ejusdem substantiæ atque efficaciæ, sine discrimine*, subjecit, πενταχῶς δὲ εἰρηται, ὁμοίσιον, καὶ ὁμογενές, καὶ συγγενές, καὶ ὁμοφυές, καὶ ὁμόφυλον. ὁμοίσιον δὲ ἐστὶ τὸ ὄν ἐν τῇ αὐτῇ οὐσίᾳ, ἔχον δὲ πνεῦμα διαιθερόν, οἷον λίθος καθαρός, καὶ λίθος σκληρός· εἰσὶ δὲ ὁμοίσιοι, τετρεσί μιᾶς οὐσίας ἐστὶ δὲ καὶ ξύλον φοίνικος καὶ ξύλον ἐβένου ὁμοίως καὶ παρὰ καμήλας.

* Cap. VII.

ἢ ἀπὸ ἑξ ἑξ ὧν ταῦτα δὲ λέγονται ὁμοείδεια,
 ὅτι τὸ αὐτῆς εἰδὸς εἰσὶν ὡς περ πάντες οἱ ἄν-
 θρωποι τὸ μιᾶς εἰδὸς εἰσὶν· ἔχουσι δὲ διαφο-
 ρεῖν τὸ εἶναι ἑτέρῳ μακρὸς, ἢ ἑτέρῳ κολο-
 εῖος· αἰκῶ διωκτὸς ἢ αἰκῶ ταλαίπωρ·
 αἰκῶ ὁμοῦς μιᾶς εἰδὸς εἰσὶ, ψυχῆς λέγω ἢ
 σώματ· Quintuplici autem ratione dici-
 tur, consubstantiale, ejusdem generis, affi-
 ne, ejusdem naturæ, ejusdem speciei, Con-
 substantiale est quod est in eadem substantia,
 (genere, vel specie) etiam habens aliquod
 discrimen, ut lapis cariosus & lapis durus.
 Sunt autem consubstantiales, hoc est, unius
 substantiæ. Est quoque lignum palma & li-
 gnum ebeni; similiter caro cameli & caro pi-
 scis. Hæc consubstantialia dicuntur, eo quòd
 sint ejusdem substantiæ (genere, aut spe-
 cie).-- Quemadmodum omnes quidem homi-
 nes sunt unius substantiæ; differunt verò eo
 quòd sit alius procerus & alius brevis, alius
 potens & alius miser. Verumtamen unius sunt
 substantiæ, animi, inquam, & corporis.
 Itaque homo Arianus vocem hanc, pa-
 cis causâ, & ne in exilium pelleretur, ad-
 mittere potuit; quòd rectam, ut putabat,
 ei posset subjicere potestatem.

Sequentia haud minus evidenter pro-
 bant Eusebium, in Symbolo Nicæna, A-
 rianam invenisse sententiam. Κατὰ τὰ αὐ-

τὰ δὲ, inquit, καὶ τὸ γεννηθέντα καὶ ἔποιη-
θέντα κατεδέξαμεθα, ἐπειδὴ τὸ ποιηθὲν κτλ.
ἐφασκον εἶναι πρὸς ὁμοίαν τῶν ΛΟΙΠΩΝ κτισ-
μάτων. τῶν δὲ τῷ Τίῳ γενομένων, ὧν ἡδὲν
ὁμοιον ἔχειν τὸν Τίον: *similiter admittimus vo-*
ces genitum & non factum, quoniam factum
commune esse aiebant adjectivum CETE-
RARUM creaturarum, quæ per filium
facta sunt, & quibus nihil habet simile Fi-
lius. In hisce verbis, Filius numero crea-
turarum censetur; nec ab iis secernitur,
nisi quod à solo Patre, singulari quadam
ratione, sit procreatus; quod Ariani mi-
nimè negaverint. Quam in rem, profe-
ram postea eorum verba, ex Epistola ad
Alexandrum Alexandriæ Episcopum.

Similia, in sequentibus, repetuntur,
ac tandem in hæc verba * contrahuntur:
παρὰ πατρὸς δὲ εἶναι, τὸ ὁμοῖον τῷ Πατρί,
τὸ μηδεμίαν ἐμφέρεσθαι πρὸς τὸ γεννητὸν κτίσ-
μα τὸν Τίον ἢ Θεὸν φέρειν, μόνῳ δὲ τῷ Πα-
τρί τῷ γεννηθέντι κατὰ πάντα τρόπον ὁμο-
ιωῖσθαι, καὶ μὴ εἶναι ἐξ ἐτέρας πρὸς ὑπο-
στάσεως τε καὶ ὕλης, ἀλλ' ἐκ τοῦ Πατρὸς ὃ
καὶ αὐτῷ τῷτον ἐρμηνεύθην τὸν τρόπον καλῶς
ἔχειν ἐφάνη συγκαταθῆναι: *verba uerò,*
consubstantialem Patri, significare nullam
esse Filio Dei similitudinem cum factis Crea-
turis,

† Num. 7.

inris, sed soli Patri, qui eum genuit, per omnia similem esse factum, nec esse ex altera quadam hypostasi & essentia, sed ex Patre. Cui voci ita explicata bene habere nobis visum est si assentiremur. Hic Arianismus, aut certe Semi-arianismus clarè exprimitur, quo non perfecta paritas, seu *ἰσότης* naturæ, sed tantum maxima similitudo *ὁμοιότης*, inter Patrem & Filium, statuitur. Non dicam *ὁμοιότητι* non stare cum *ταυτότητι* *ἰσότης* vel unitate numerica substantiæ, nam una eademque numero substantia non dicitur sibi esse similis. Qua de re, nihil videro; sed certum est Eusebium ita interpretari Symbolum Nicænum, ut, si quæ fuisset is sensus, quem dicit, Ariani id subscribere non agrè potuissent, sententiâ suâ incolumi. Poterant negare Filium esse ἐξ ἐτέρας *ἰσότης*, quia à solo Patre creatum contendebant, eique ἀφομοιωθῆναι κατὰ πάντα τρόπον, similem factum omni ratione; quâ, nimirum, creatura creatori similis esse potest.

Postea sequitur, * omnibus probè expensis & explicatis, Anathematismum etiam, sine noxa, potuisse admitti. Quæ in re, suspicari non ineptè quis possit Eusebio animum fuisse Nicænam Synodum

* Num. 8.

irridere; cum eam facientem inducas;
 quæ ab Ario factum anathemate percutis.
 Certè hoc ita innuit, ut, data operâ, ab
 eo factum esse omnino videatur: sic enim
 loquitur: καὶ τὸ ἀναθεματισθὲν δὲ τὸ μετὰ
 τὸ πρὶν παρὰ αὐτῶν ἐκπλείπει. ἄλλοι οὖν εἶπον
 ἡγουμένους, διὰ τὸ ἀπεργεῖν ἀγροφῶν χερσὶν
 φωναῖς, διὸ χερσὶν ἢ παρὰ γέροντες συγχύσις
 ἢ ἀκαταστασία τῇ Ἐκκλησίᾳ, μηδεμίαν γὰρ
 θεοπνευστὴν γραφῆς τῷ, ἐξ ὧν ὅσων, καὶ
 τῷ, ὡς ποτὲ ὅτε ὧν, καὶ οὖν ἐξ ὧν ὅσων
 λεγομένοις κεχρημένης, ὧν ἔσλορον ἰφάνη
 ταῦτα λέγειν, καὶ διδάσκον, ὧ καὶ αὐτῶν
 καλῶς δόξαν πσιωθέμεθαι: *Anathematismum*
 porro illum; qui post *Fidem* ab illis editus est;
 nihil novitum habere iudicavimus; cum pro-
 hibeat ne voces, quæ non exstant in *Scriptu-
 ris*, usurpantur; quamobrem ferre nata con-
 tigit perturbatio, & dissensio *Ecclésiæ*. Cum
 ergo nulla divinitus inspirata *Scriptura* reser-
 fit vocibus, ex non existentibus, &c., fieri
 aliquando cum non esset, aliisque ibi sub-
 jectis; non visum est rationi *constantino*,
 hac docere & docere; cui res, cum recte esse
 videretur; *adsensu* sumus. Quam damnan-
 das confer voces *Arianas*, quod essent
 ἀγροφῶν, aut prorsus desipit, aut eadem
 de ratione improbat vocem ἁρῶσαι &c., quæ
 eodem incommodo laborat. Ac sanè illa

ratio damnaudi loquutiones Arianorum nequaquam legitur in Anathematismo Nicæno, * qualem profert *Athanasius* in Epistola ab Jovianum. Præterea diligenter observandum ab *Eusebio* hic damnari potius loquutiones ἀγενέφους, quàm dogma iis expressum; quod tamen potissimum damnari volebat Synodus, & cujus solius causâ anathema dicebat iis qui ejusmodi loquutionibus utebantur.

Si superiora Arianismum redolent, † sequentia apertè complectuntur, quæ ita habent: ἐπὶ μὲν τὸ ἀναθεματίζεσθαι τὸ, πρὸς τὴν γεννηθῆναι οὐκ ἔστιν, οὐκ ἄποπον ἐνομιεῖσθαι τῷ πατρὶ πάντων ὁμολογεῖσθαι τὸ εἶναι τὸ Τίον τὸ Θεῶν πρὸς τὴν σάρκα γεννήσεως: Nec item absurdum judicavimus his vocibus, non erat antequàm genitus esset, anathema dicere, cum omnes fateantur filium Dei fuisse, priusquam secundum carnem gigneretur. Merus hic est Arianismus, ex quo Anathematismum interpretatur *Eusebius*, non ex doctrina Nicæna. Verùm hæc verba, & sequentia aliquot, de quibus mox agam, Vir Eruditus censet esse ab aliena manu; quia non leguntur apud *Socratem*, neque in *Historia Tripartita*. At primò leguntur apud

* Vide T. I. p. 782. nupera Edit.

† Num. 9 & 10.

apud *Athanasium*, *Theodorum*, & *Gelasium*. Secundò, ad ea manifestò alludit *Athanasius*, in Epist. de Decretis Synodi Nicænæ, * non procul ab initio, ubi ita de *Eusebio* loquitur: Καὶ πέπονθέ τι δεινόν, ὡς γὰρ ἀπολογεῖσθαι κατηγόρησε λοιπὸν τῶν Ἀρειανῶν, ὅτι γεγέφαντες, οὐκ ἦν ὁ τῆς Πρὶν γεννηθῆναι, ὅτε ἤθελον αὐτὸν εἶναι ἔδὲ πρὸς τὸ κατὰ σὰρκα γενεσεῶς: *Molestum quiddam ei accidit, nam quasi se defendens accusavit in posterum Arianos, quòd scribentes, non erat Filius, antequàm gigneretur, noluerunt eum fuisse, ne ante quidem generationem secundum carnem.* Observaveramus, in vita Gallica *Eusebii* ante decennium edita, *Athanasium*, in hisce verbis, respexisse ad locum *Eusebii* antea prolatum; quod etiam animadverterunt eruditi Monachi Benedictini, qui nuper *Athanasium* ediderunt. An hoc sciverit *Carveus* nescio. Quòd si animadvertisset, hæc esset parum honesta dissimulatio; si verò nescivit, malè profectò fecit, qui tam acriter invecus est in eum, à quo ab insigni errore revocari potuit. Sed quidquid id est, hunc locum νοθείας perperam arguit, ut mox copiosius ostendam, postquàm sequentia subjecero *Eusebii* verba. Ait

* Num. 9. p. 211.

Ait igitur, *religiosissimum Imperatorem probasse Filium fuisse, secundum divinam ejus generationem, quæ fuit ante omnia sæcula, ἐπεὶ καὶ πρὶν ἐνεργείᾳ γεννηθῆναι, δυνάμει ὡς ἐν τῷ Πατρὶ ἀγενήτως, ὅντι καὶ Πατὴρ ἀεὶ Πατὴρ, ὡς καὶ βασιλεὺς ἀεὶ, καὶ σωτὴρ ἀεὶ, δυνάμει πάντα ὄντι, ἀεὶ τε κατὰ τὰ αὐτὰ καὶ ὡσαύτως ἔχοντι: *quandoquidem priusquam actu fuisset genitus, potentiâ erat in Patre, ratione ingeni- tā; cum Pater semper fuerit Pater, & semper servator, & potentiâ omnia sit, semper- que eodem modo & similiter se habeat.* Hinc intelligere est quo sensu Eusebius posset fateri, incolumi Arianismo, Filium esse æternum; quòd, nempe, potentiâ semper fuerit, si non actu.

Vir quidem Eruditus verba hæc *confusa atque obscura* esse vult, quia ea interpretatur ex vera, quæ nunc obtinet, senti- tentiâ; sed ex Arianismi dogmatibus, ut par est, intellecta minimè sunt obscura. Volebant enim Ariani, non aliter ac ce- teri omnes Christiani, in Deo potentiâ fuisse omnes creaturas, antequam actu existerent; sed seorsim ab aliis sentiebant, in eo quòd contendebant inter eas crea- turas recensendum esse Filium, cujus sub-

Tom. III.

D

stantiam

* Num. 10.

stantiam actu fuisse ab omni æternitate ceteri affirmabant. Igitur non erat cur suspectus propterea hic locus *Carveo* esset.

Non potest à se impetrare ut *Socratem* putet tantæ imprudentiæ & usque adeò malæ fidei, ut reseuerit hunc locum ex Epistola *Eusebii*. Attamen Benedictini Monachi ita de eo censent : *Hæc verba ἐν μὲν &c. desunt, apud Socratem, quæ fortè reticuit, ne Eusebii, quem ab Ariana Hæresi, ex hac Epistola, purgandum susceperat, causam apertè proderet.* Ego verò non dubito, quin ita se gesserit; nec video cur malæ fidei suspectos habere malimus, non modò *Theodorum* & *Gelasium*, sed etiam *Athanasium*, quàm *Socratem*; qui *Athanasio* quidem certè, hac in re, æquiparari non potest, nisi ab imperitis. Neque suspecti possunt esse *Gelasius* & *Theodorus*, qui *Eusebium* *Arianum* fuisse negant.

Quæ cum ita sint, REVERENDISSIME PRÆSUL, vix quisquam dubitare possit *Eusebium*, in hac Epistola, id egisse, ut *Arianis* sus ostenderet, se ipsorum causam minimè prodidisse, quia subscripserat *Symbolum Synodi Nicænæ*. Quamobrem vir callidus, in ipsa Synodo, conatus

tus est ab aliter sentientibus eas explicationes exsculpere, quæ cum Arianismo stare possent; quod, ut Arianis satisfaceret, multis exponit. Animadvertit hoc partim *Theodoritus*, qui de hac *Epistola* ita loquitur, *Hist. Eccles. Lib. I. cap. 11.* γέγραφε ὃ τὴν Ἐπιστολὴν πρὸς τινὰς τῶν Ἀρειῶν φρονούντας, πρεδοσίαν, ὡς εἰκὸς, ἐγκαλῶντας αὐτῷ: *Scripsit hanc Epistolam ad quosdam, qui cum Ario sentiebant, proditiōis, ut videtur, eum insimulantes.* Mirum est *Theodoritum* non vidisse *Eusebium* non purgare se, ut par erat, fatendo ingenuè se meliora fuisse edoctum; sed sententiam Arianam Symbolo tribuendo, negandòque se aliud nunc sentire, quàm antea.

Hinc jam liquet, quàm imprudenter Vir Doctus, in Vita Anglica *Eusebii*, scripserit, * *quamvis multi, caritatis immemores, dixerint eum fraudulento ac doloſo animo ita se gessiſſe, dum loquutiones ex ſua ipſius ſententia intelligit; attamen nihil planius eſſe poſſe, quàm illum liberè & ſolemne in modum teſtari, in Epistola ad plebem Cæſarienſem, ſe eas interpretatum ex illà ipſà poteſtate atque explicatione, quam ipſi Patres Concilii illis tribuerant.* Nihil contrà ma-niſeſtius eſt, quàm *Eusebium*, ſi res geſta

D 2

eſt,

* Pag. 31.

est, prout narrat, magnâ arte ex ore Patrum ea expressisse, quæ cum Arianismo stare possent, isque fucum fecisse. Quin & ipse satis apertè hoc in clausula Epistolæ significat, in qua Symbolo Nicæno negat quidquam inesse præter id quod antea professus erat in Confessione Fidei, quam nullus non Arianus probarit; ἀφιλονείκως, inquit, τὰ μὴ λυπῶντα κατεδέξαμεθα, ὅθ' ἡμεῖν δι' ἡνωμένως τῶ λόγων ἐξετάζουσι τὴν Διόνοισαν ἐμφανῇ σύμπεραξιν ἔχειν ἔδοξε τοῖς υἱοῖς ἡμῶν αὐτῶν ἐν τῇ περικεκολλημένῃ πίσει ὁμολογητέοις: *Ea quæ nihil offensionis habebant, sine contentione amplexi sumus, postquam nobis verborum sententiam candidè examinantibus apparuit ea prorsus cum illis convenire, quæ nos ipsi in Fide à nobis primùm exposita confessi fueramus.* Qui artes Eusebii, reliquorumque Arianorum, vocum ambiguitate perpetuò abutentium, non olfaciet hac in re; ei quid aliud optem non vidéo, præter nasum. Quòd si id quod probè olfecit nolit profiteri, ei præterea candidiorem animum precabor. Meritò ergo Monachus Benedictinus, vir eruditus, qui vitam Athanasii ejus Operibus præfixam nuper edidit, ad annum cccxxv. num. 12. Eusebius, inquit, Cæsariensis, missâ ad suos Epistolâ causam affert cur ad subscri-

scribendum appulerit animum; multaque τῷ ὁμοιωτῇ edisserit, quæ nedum Arianismi ab eo suspicionem dimoveant, dubiam ejus de Verbi generatione fuisse fidem confirment.

Quisquis superiora expenderit, faciliè intelliget loca quæ ex *Eusebio* afferuntur, quasi consentanea doctrinæ Nicænæ, exigui esse ponderis, ad probandum eum cum Synodo sensisse; nam qui potuit, ex Arianorum sententia, interpretari ejus Symbolum, quævis alia verba torquere potuit. Verùm hac de re agam paullò post.

Nunc venio ad alteram dissimulationem *Cavei*, qui in Dissertatione de Arianismo *Eusebii*, sic contemtim profert judicium alterius Synodi Nicænæ de Cæsariensi Episcopo, ut absque argumentis ullis hominem Arianismi insimulasse videatur, eò dumtaxat quòd Imaginum sacrarum usum improbasset. Atqui ea Synodus ostendit & ante & post priorem Synodum Nicænam Arianismum esse ab *Eusebio* propugnatum. * *Productus fuerat*, inquit *Caveus*, *in isthoc Concilio ex Epistola Eusebii ad Constantiam Augustam Constantini M. Sororem locus, quo adversus omnem Christi imaginem faciendam eruditè disputat.* Cai

cum nihil quod opponerent haberent Patres, communis statim exortus est clamor, εἰς ἀδοκίμων νῦν ᾠθοδοθεὶς, καὶ σύμφων τοῖς τὰ Ἀρείου θρησκείᾳ, homo est in reprobum sensum traditus, ejusdem cum Ario opinionis; eademque cum ejus sectatoribus sapiens. Quasi, scilicet, omnes, quas affert Eusebius, rationes nullius essent ponderis, nec flocci penitus faciendæ, in re licet ad Arianismum parum spectante, si modò ipse esset Ariannus. Planè hæc in re adsentior Viro Docto neganti Hæresin pondus rationibus detrahare posse; undecumque enim exoriatur Veritas, excipiendæ est. Verum probare non possum quòd omittit objectiones Synodi, quæ profectò leves non sunt. Itaque eas hic subjiciam integras, ne sint Tibi, ILLUSTRISSIME PRÆSUL, in Conciliorum Voluminibus quærendæ.

Hæc ergo Eusebii verba ex Epistola ad Euphrationem proferuntur, Act. V. p. 386. Ed. Regiæ, T. XIX. „ Οὐ γὰρ συ-
 „ νυπάχειν φαιμὲν τὸν τῷ Πατρὶ, παρὺ-
 „ πάχειν δὲ τὸν Πατέρα τῷ Υἱῷ. εἰάν γὰρ συνυ-
 „ πάχωσι, πῶς ἔσται ὁ Πατὴρ πατὴρ, καὶ
 „ ὁ Υἱὸς υἱός; ἢ πῶς ὁ μὲν πρῶτος, ὁ δὲ
 „ δεύτερος; ὁ μὲν ἀγήνητος, ὁ δὲ γήνη-
 „ τός; δύο γὰρ ἐξ ἰσῶμοίως ἀλλήλοις συνυπά-
 „ χουσι

„ ἡ οὐσία ἰσότημα ἀν' νοοῦντο· καὶ ἡτοι ἄμφω, ὡς
 „ ἔφην, ἀρχύνηται, ἡ ἐκάπερ ἀρχύνηται. ἀλλ'
 „ ἐδέπερον τούτων ἀληθές· ἔπε γὰρ τὸ ἀρχύνη-
 „ τον, ἔπε τὸ γινώσκον ἀν' εἶη· ἀλλὰ τὸ μὲν
 „ περὶ τὸν καὶ κρείττον καὶ τάξι καὶ πρῶτον ἔδωκε-
 „ ρε ἡ γένεσις, ὡς ἀν' καὶ ἔστιν εἶναι, καὶ ἔστι τοιῶσδε
 „ εἶναι. τῷ δὲ δωτέρῳ αἰτίον γεγενημένον : non
 „ enim coexistere Filium Patri, sed antè
 „ fuisse Patrem, quàm Filium, dicimus.
 „ Nam si coexistunt, quomodo erit Pater
 „ pater & Filius filius? Vel quomodo unus
 „ quidem primus, alter verò secundus est? &
 „ alter quidem ingenuus, alter autem geni-
 „ tus? Duo quippe si ex æquo similiter coex-
 „ sistunt, & æqualiter honorantur; intelli-
 „ gi datur aut utrumque, ut dixi, ingenuum,
 „ aut utrumque genitum esse. Sed neutrum
 „ eorum verum. Neque enim essent ingenu-
 „ tum & genitum; sed unum quidem pri-
 „ mum & præstantius, & ordine & hono-
 „ re, secundum antecedit; quippe quod cau-
 „ sa fuit secundo & existendi & ita existen-
 „ di. Cùm hæc Synodus esset exsecrata,
 „ quasi Ariana, recitata sunt & sequentia
 „ ex eadem Epistola : Τὸν αὐτὸν δὲ καὶ μόνον
 „ ἀληθινὸν εἶναι διδάσκει δι' ὧν φησιν· ἵνα γινώ-
 „ σκωσι σὺ τὸ μόνον ἀληθινὸν Θεόν. καὶ ὡς ἐνός
 „ ὄντος μόνου ἀληθινῆς Θεῆς, μετὰ προσθήκης
 „ ἀναγκαστικῆς καὶ ἀληθινῆς. ἐπεὶ καὶ αὐτὸς Θεὸς
 „ μόνος

„ μὴ ὁ Τίος, ἀλλ' ὅτι ἀληθινός. Θεός· εἰς γὰρ
 „ ἐστὶ καὶ μόνος ἀληθινός Θεός, διὰ τὴν μὴ
 „ ἔχειν πρὸ αὐτοῦ πινά. εἰ δὲ καὶ αὐτὸς ὁ Τίος
 „ ἀληθινός, ἀλλ' ὡς εἰκὼν ἡ ἀληθινὴ Θεὸς εἴη
 „ ἂν καὶ Θεός· ἐπεὶ καὶ Θεὸς ἦν ὁ Λόγος, καὶ
 „ μὴ ὡς ὁ μόνος ἀληθινός Θεός· „ *Eundem*
 „ *autem & solum verum esse docet, per ea*
 „ *quæ ait: ut sciant te solum verum*
 „ *Deum; non quasi unus solus sit Deus,*
 „ *sed quia unus est verus Deus, cum ad-*
 „ *ditamento pernecessario veri. Nam &*
 „ *ipse quidem Filius Deus, sed non verus*
 „ *Deus; unus enim est & solus, verus*
 „ *Deus, eò quòd non habeat ante se quem-*
 „ *quam. Quod si & ipse Filius verus est,*
 „ *at sicut imago veri Dei, erit Deus,*
 „ *quandoquidem & Deus erat Ratio, non*
 „ *tamen ut solus verus Deus. Hic ipse est*
 „ *locus, quem Arianismi insinuat non im-*
 „ *merito Athanasius.*

At in Actione VI. ejusdem Synodi,
 p. 520. prolato Eusebii loco contra ima-
 gines, hoc judicium de homine recitat
 ex Scripto Epiphanius Diaconus: Τίς ὅτι
 ἔγνω τὴν πᾶσαν τὴν Ἐκκλησίαν καὶ γνώσιν εἰλη-
 φώτων τῶν ἀληθινῶν δογμάτων, ὅτι Εὐσέβιος
 ὁ Παμφίλος εἰς ἀδόκιμον ἦν παρὰ τοὺς ἁγίους,
 ὁ μὲν δὲ καὶ σύμφρων γέγονε τοῖς κατὰ Ἀρείου θρη-
 σκόδοις ἐν πάσαις ταῖς ἰσχυραῖς αὐτοῦ βί-
 βαις

ΕΛΟΙΣ ΚΤΙΣΜΑ τὸν ΤΙὸν καὶ Λόγον ὃ Θεὸς
 ὑποκαλῶν, καὶ ΥΠΟΤΡΓΟΝ ἢ ΔΕΥΤΕΡΟΝ
 θεωρουμένην; *Quis fidelium Ecclesiae & eo-*
rum, qui veroriam dogmatum notitiam per-
ceperunt ignorat Eusebium Pamphili, in re-
probum sensum traditum, ejusdem senten-
tiae, & consentientem fuisse cum iis qui Arii
dogma sequuntur? In omnibus quippe histo-
ricis suis libris, CREATURAM Filium &
Rationem Dei vocat, & MINISTRUM &
SECUNDUM adorabilem.

Postea profertur & alius locus, ex Epi-
 stola ad *Euphrasionem*; qui fortasse idem
 est ac qui *Euphrasion* Act. V. & apud
Athanasium dicitur, quamvis Epistola non
 sit eadem, ut liquet ex diversis initiis,
 quæ in Act. V. & VI. proferuntur. Hæc
 autem sunt verba *Eusebii*: „ ἔ μὲν συ-
 „ νυπάρχειν φησὶ τὸν ΤΙὸν τῷ Πατρὶ, περὶ-
 „ πάρεχεν δὲ τὸ Πατέρι ὃ ΤΙς πλὴν αὐτὸς
 „ ὁ πάντων μᾶλλον ἀκρωβῶς ὁπιστάμενος ΤΙος
 „ ὃ Θεὸς, ἔπερον ἑαυτὸν εἰδὼς ὃ Πατρός καὶ
 „ μέω ἢ ὑποβιβηθῆναι, ὅ μάλ' αἰσέβως
 „ τῷ τῷ ἡμᾶς διδάσκει λέγων· ὁ Πατὴρ ὁ
 „ πέμψας με μείζων μου ἐστίν. ἢ μεθ' ἔτερον
 „ ἐπεὶ καὶ αὐτὸς μὲν Θεὸς ὁ ΤΙος ἀλλ' ὅτι
 „ ἀληθινὸς Θεός· *dicimus Filium non coex-*
 „ *sistere Patri, sed Patrem priorem esse Fi-*
 „ *lio. Quin & ipse Filius Dei, qui accu-*
 „ *ratiùs*

21 *ratiùs omnibus rem novit, aliùm se à Pa-*
 22 *tre, minorémque & inferiorem sciens, ad-*
 23 *modum piè hoc etiàm nos docet dicens: Pa-*
 24 *ter, qui me misit, major me est. Et*
 25 *post alia: nam & ipse quidem Filius Deus*
 26 *est, sed non verus Deus*

Nequis verò objiceret subscriptionem
 Symboli Nicæni, ita pergunt: Εἰ δέ τις
 τῶν διεδικῶντες λέγουσιν ὑπογράφειν ἐν τῇ
 συνόδῳ, δῶμῳ ὅτως εἶναι. ἀλλὰ τοῖς χείλε-
 σιν αὐτῶν ἢ ἀλήθειαν τετίμηκεν, ἢ δὲ καρδίᾳ
 αὐτῶν πρῶτον ἄπειν ἀπ' αὐτῆς, ὡς δεικνύσιν
 καὶ τὰ συγγραμματα· καὶ αἱ ὁπισθοὶ αὐτῶν πα-
 ροῦσι. εἰ δὲ ἄλλοτε ἄλλῃ & τὰς καιρὸς καὶ &
 καὶ τὰ γράμματα σιωπῶντο καὶ μετεβάλλετο,
 καὶ μὴ ἐπαινῶν τὰς τὰ Ἀρεῖας φρονούντας,
 καὶ δὲ ἢ ἀλήθειαν ὑποκρινόμενοι, ἀπο-
 δείκνυν & ἢ ἀδελφότητον Ἰάκωβον ἀνὴρ ὡς
 ἐψυχῇ, ἀκατάστατον ἐν πάσαις τῇ ὁδοῖς αὐ-
 τῶν· καὶ μὴ οἰέσθω ὅτι λήψεται τι ὡς Κυ-
 ελεῖν: Si qui eum defendentes dicant subscri-
 psisse eum in Synodo, demus ita esse; at labijs
 veritatem honoravit, animus verò longè ab
 ea aberat, ut ostendunt Scripta ejus & Epi-
 stola omnes; licet aliàs alius, secundum tempo-
 ra & res, misceretur ac mutaretur, ali-
 quando laudans sentientes cum Ario, ali-
 quando veritatem simulans, appareat, se-
 cundum fratrem Dei Jacobum, vir duplici ani-

animo & inconstans in omnibus viis suis; nec existimet se accepturum quidquam à Domino. Hæc est clavis quâ aperitur occulta *Eusebii* sententia, qui ubi loquitur cum vulgo non continuò id dicit quod sentit; ubi verò oppugnat dogmata consecrata, ex animo loqui censendus est, ut postea ostendam.

Rationem ejus rei subjiciunt Patres illi Nicæni, quæ digna est auditu: Εἰ γὰρ καρδίᾳ ὁπίσθασεν εἰς δικαιοσύνην, καὶ σῶματι ἀμολόγησεν εἰς σωτηρίαν τὴν ἀληθῆ λόγον, πάντως ὑπὲρ τῶν συγγραμμάτων αὐτοῦ συγγνώμην ἡτήσεται, τῶν δὲ ἐπαινέσθωσιν ποιέμεθα. καὶ ὑπὲρ τῶν ὁπισθίων αὐτοῦ, λόγον ἀπολογίας ἐποιήσεται ἂν· ἀλλ' ὁδομῇ ὁδομῶς τὸ τοῦ πέπραχεν ἔμεινε γὰρ ὡς Αἰθίοψ μὴ ἀπαλλάξας τὸ δέρμα αὐτοῦ. ἐν γὰρ τῷ ἐρμηνεύειν αὐτὸν τῷ. Εἶπα τῷ Κυρίῳ, Κύριός με εἶ σύ· ἔξω τὸ ἀληθὲς γνώσεως ἐκβεβηκώς, ὥπως φησί. „νό-
 „ μοις φύσει πάντες Τίς Πατὴρ Κύριος
 „ εἴη αὐτοῦ, διὸ καὶ ὁ μονογενὴς Τίς ὁ
 „ Θεὸς ὁ ἡμνήσας αὐτὸν Θεὸς εἴη ἂν αὐτοῦ καὶ
 „ Θεὸς ὁμῶς, καὶ Κύριος, καὶ Πατήρ: Si enim corde credidisset ad justitiam, & ore confessus esset in salutem verum sermonem, utique pro Scriptis suis veniam petisset, hæc te corrigens; & pro Epistolis suis defensionem protulisset. Sed hoc nullâ ratione, nec unquam

quam fecit, mansit enim, ut Æthiops, minimè mutatâ cute suâ. Cùm enim interpretaretur, dixi Domino, Deus meus es tu, egressus verâ cognitione sic dicit: „ legibus
 „ naturæ omnis Filii Pater Dominus ejus sit
 „ necesse est. Itaque & unigeniti Dei Filii
 „ Patrem, qui eum generavit, oportet simul
 „ esse ejus Deum, & Dominum & Patrem.

Deinde proferuntur verba ex ejus Epistola ad Alexandrum Alexandria Episcopum, in quibus Arium, ejusque doctrinam tuetur Eusebius: ὡσαύτως δὲ καὶ ἐν τῇ
 πρὸς τὸν ἄγον Αἰλέξανδρον ἐπιστολῇ τὴν κατηγορη-
 τητὴν ἔχει μετὰ Αἰθανασίῳ, ἥς ἡ ἀρχὴ
 „ μετ' ὅσης μὴ ἀγωνίας, καὶ μετ' ὅσης φρον-
 „ τίδος ἐπὶ ταῦτα ἦλθον τὰ γράμματα
 τεχνώτατα βλασφημιῶν ἕται φησὶ πρὸς Αἰ-
 ρεῖς καὶ τὴν σὺν αὐτῷ, „ καὶ κατηγορεῖ αὐτῶν
 „ τὰ γράμματα, ὡς λεγόντων, ὅτι ὁ Υἱὸς
 „ ἐκ τῆς μητρὸς γέγονεν ὡς εἰς τὰ πάντα.
 „ οἱ δὲ πρὸς τὴν ἐαυτῶν γραμματεῖον,
 „ ὁ πρὸς σε πεποιήκασιν ἐν ᾧ τὸ ἐαυτῶν
 „ πῶς ἐκθέμενοι αὐτοῖς ῥήματα τῆδε ὁμο-
 „ λόγησαν τὸ νόμον, καὶ πρὸς τῶν καὶ καὶ
 „ ἀφ' ἧς Θεὸν ἡνέσκησαν τὸν μονογενῆ
 „ πρὸ χρόνων αἰωνίων, δι' ὃ καὶ τὰς αἰῶνας
 „ καὶ τὰ πάντα πεποίηκε ἡνέσκησαν δὲ καὶ δο-
 „ κῆσαι, ἀλλὰ ἀληθείᾳ ὑποστήσαντα ἰδίᾳ θε-
 „ λῆ-

„ λήματι ἄτρεπτον, ἢ ἀναλλοίωτον, ΚΤΙΣ-
 „ ΜΑ ἢ Θεῷ τέλειον, ἀλλ' ἔχ' ὡς ἐν τῷ κτισ-
 „ μάτων. εἰ δὲ ἐν ταῖς παρ' αὐτῶν γραμμα-
 „ ταὶ ἀληθείαι, πάντως δὲ πρὸς σοὶ φέρεται
 „ ἐν ᾧ ὁμολογῶσι τὸ Τίον ἢ Θεῷ πρὸς χρό-
 „ νων αἰωνίων, δι' ἃ καὶ τὰς αἰῶνας πεποίηκεν,
 „ εἶναι ἄτρεπτον, ἢ κτίσμα ἢ Θεῷ τέλειον
 „ ἀλλ' ἔχ' ὡς ἐν τῷ κτισμάτων. ἡ δὲ σὴ δ' ἡπι-
 „ σολὴ κατηγορεῖ αὐτῶν ὡς ἀν' λεγόντων ὅτι ὁ
 „ Τίος γέγονεν ὡς ἐν τῷ κτισμάτων· αὐτῶν
 „ τῶτο μὴ λεγόντων, ἀλλὰ σαφῶς διορσα-
 „ μύων ὅτι ἔχ' ὡς ἐν τῷ κτισμάτων· ὅρα εἰ
 „ μὴ διὸς πάλιν αὐτοῖς ἀφορμὴ δίδωται εἰς τὸ
 „ ὀππλασθέναι καὶ διαβάλλειν ὁρμαίνοντες ὅσα καὶ
 „ θέλεις. πάλιν αὐτὰς ἡπὶ λέγοντας ὅτι ὁ
 „ ὦν τὸ μὴ ὄντα ἐγλήνησε. θαυμάζω δὲ εἰ δύ-
 „ ναται τις ἄλλως εἰπεῖν. εἰ γὰρ εἰς ἐστὶν ὁ ὦν.
 „ δηλον ὅτι ἐξ αὐτῶν γέγονε πᾶν ὁ, καὶ ἔστι
 „ μετ' αὐτόν· εἰ δὲ μὴ μόνον αὐτός ἐστιν ὁ
 „ ὦν, ἀλλὰ καὶ Τίος ἦν ὁ ὦν, καὶ πῶς τὸ ὄντως
 „ ὁ ὦν ἐγλήνησεν; ἔτι γὰρ ἀν' δύο εἴη τὰ ὄντα:

*Similiter autem in Epistola ad sanctum
 Alexandrium, præceptorem magni Athanasii
 cuius est initium, cum quanta anxietate &
 quanta sollicitudine ad has litteras vene-
 rim, apertissimè blasphemans sic loquitur de
 Ario in iis qui cum illo erant: „ accusant
 „ eos litteræ tuæ tamquam dicentes Filium
 „ ex non existentibus factum esse, sicut
 „ unum*

„ unum ex omnibus. *At illi protulerunt*
 „ *Epistolam quam ad te dederant, in qua*
 „ *fidem suam explicantes, ipsis verbis hæc*
 „ *confitebantur, Legis ac Prophetarum &*
 „ *Novi Testamenti Deum genuisse Fi-*
 „ *lium unigenitum, ante tempora mun-*
 „ *di, per quem & omnia & mundum fe-*
 „ *cit; genuisse autem eum non specie*
 „ *tenus sed verè subsistentem, propriâ*
 „ *voluntate, immutabilem & inconverti-*
 „ *bilem, CREATURAM Dei perfe-*
 „ *ctam, sed non sicut unam ex creaturis.*
 „ *Si ergo litteræ ipsorum vera profitentur,*
 „ *scriptum omnino apud te etiam eorum fer-*
 „ *tur, in quo confitentur Filium Dei ante*
 „ *tempora mundi, per quem & mundum*
 „ *fecit, esse immutabilem & creaturam*
 „ *Dei perfectam, sed non ut unam crea-*
 „ *turarum; tum verò Epistola eos infimulat,*
 „ *quasi dicentes Filium factum fuisse sicut*
 „ *unam creaturarum; cum hoc non dixerint,*
 „ *sed clarè definierint, non esse instar unius*
 „ *creaturarum. Vide an non protinus illis*
 „ *occasio detur aggrediendi, reprehendendi &*
 „ *calumniandi quæcumque voluerint. Iterum*
 „ *eos accusabas dicentes, ab eo qui erat ge-*
 „ *nitum esse eum qui non erat. Mirum*
 „ *si quis aliter dicere possit. Si enim unus*
 „ *est qui erat, manifestum est ex eo fuisse*
 „ *quid-*

„ quidquid est post eum. Si autem ille solus non
 „ est qui erat, sed & Filius etiam erat, quo-
 „ modo existentem is qui erat genuit? Sic
 „ fuissent duo quæ erant.

Antequàm ad *Carveum* redeam, brevi-
 ter hîc confutabo quæ de hoc judicio Ni-
 cæno habet *Henr. Valesius*, vir eruditissi-
 mus, in *Vita Eusebii*. Pro more plero-
 rumque omnium, qui Scriptorem quem-
 piam illustrare aggressi sunt, *Eusebii* sui
 honori vehementer patrocinator; ne la-
 boris, quem in ejus Historia vertenda &
 explicanda exantlaverat, ulla in re, mi-
 nueretur pretium. Itaque non potuit
 concoquere judicium II. Synodi Nicænæ,
 quamvis Canones ejus rati in Ecclesia Ro-
 mana habeantur. Non agebatur, inquit,
 de *Eusebii* fide, in illa Synodo, sed de ima-
 ginum cultu. Ad quem subvertendum, cùm
 adversarii paullò antè, in urbe regia, con-
 gregati, testimonium ex *Eusebii* ad *Constan-*
tiam Epistola protulissent, eoque maximè ni-
 terentur; Patres VII. Synodi, ad elevan-
 dam hujus testimonii auctoritatem acclama-
 runt *Eusebium* *Arianum* fuisse. Verùm id
 obiter tantum, ex occasione & odio illius
Epistolæ, ob eis factum est, non autem datâ
 operâ, aut causâ prius cognitâ. At causam
 satis cognorant, qui paratâ habuere infi-
 gnia

gnia illa *Eusebii* loca, quæ recitata sunt, qui sciebant antè à nobis commemorata, legerântque *Eusebii* Scripta. Sensit hoc partim vir summus, quamobrem subjicit: *Proferunt quidem loca quadam ex Eusebio, quibus approbent illum Ariano dogmati adhæsisse. Sunt loca minimè dubia, & quæ cum Nicænis decretis in concordiam nullâ ratione redigi possunt; nec, ut objectioni ex Eusebio petitæ satisficeret, opus fuit omnia ejus Scripta legi. Sed nullum, inquit Valefius, discrimen adhibent, inter libros ante Concilium Nicænum, & eos qui post illud Concilium sunt ab Eusebio elaborati; quod tamen fieri omnino debuerat, ut de Eusebii fide certum ac legitimum judicium promeretur. Quacumque enim ante Nicenam Synodum scripta sunt Eusebio objici & imputari non debent. Fallitur vir doctissimus, quia Eusebius, ut ostendi, constanter negavit se aliud sensisse, ante Synodum, aliud post editum ejus Symbolum; quod tamen statuit Valefius. Deinde quamvis Epistola, ad Alexandrum Alexandriæ Episcopum, scripta sit ante Synodum, nullo indicio constat cetera loca deprompta non esse ex Libris post Synodum scriptis.*

Hæc integra proferre & contra *Valefium*

sum tueri non piguit, ut liqueret à *Carveo* dissimulatas gravissimas objectiones contra *Eusebium*, adeoque querelas non satis iustas effusas, quasi nonnisi falsò dissimulationis incusari posset. Rem Tibi, ILLUSTRISIME PRÆSUL, & omnibus veri amantibus expendendam relinquo.

Ex hisce autem colligere mihi posse videor Criticum Canonem, ex quo intelligere licebit inania esse quæcumque afferuntur ad purgandum *Eusebium* à labe Arianismi, ex iis locis, in quibus videtur consentanea doctrinæ Nicænæ docere. Ita autem habet Canon: *Quotiescumque Scriptor quispiam loquitur ex sententia & consuetudine vulgò recepta, non est semper putandus cum vulgo sentire, præsertim si periculosum sit dissensum ullum ea in re testari, aut ambiguae sint loquutiones; at si ab ea sententia, vel ab usitatis formulis aliquando manifestò recedat, tum verò ex animi sententia loqui censendus erit.* Prior pars Canonis dubia non est, primò quia satis constat homines eruditos, aut prudentiâ, aut timiditate adductos, sæpe malle cum vulgo loqui; quàm sibi molestias, aut etiam graves calamitates creare. Jam autem nemo negabit *Eusebio* non licuisse, tempo-

Tom. III.

E

re

re Synodi , impunè dissentire à Patribus Nicænis , ut ostendit exemplum *Theonæ & Secundi*, propterea missorum in exilium. Secundò , ambiguitatibus passim usos Arianos nemo dubitet , nisi qui Historiam eorum temporum numquam legerit. Legatur hanc in rem liber *Hilarii* de Synodis , ubi plura occurrent exempla , ex quibus constabit verissimum esse judicium quod de Arii discipulis tulit , ad VII. Anathematismum Orientalium : *Confusis , permistisque verbis veritatem frequentissimè Hæretici eludunt , & incautorum aures communium vocabulorum sono capiunt.* Ita se gessisse *Eusebium* , in examine ejus ad Cæsarienses Epistolæ , satis , nisi fallor , ostendi. At potuit tamen , inquires , *Eusebius* ex animo Synodo adsentiri , quamvis dissentientibus propositæ essent graves pœnæ , solerentque Ariani ambiguitatibus ludere adversarios. Non nego , sed cum prius apertè favisset Arianis , negaritque postea à se sententiam esse mutatam , & sensum Arianum Symbolo Nicæno tribuerit , non intelligo quomodo ex sola subscriptione eum purgare possimus. Ad quod si accedat , quòd vexando *Athanasio* , Arianisque partibus defendendis operam dederit , quàm primùm licuit per Imperato-

rem-

rem ; jam non *caritas Christiana* , sed spontanea cæcitas eum absolvet.

Quod multò manifestius erit , si alteram Canonis partem attendamus. Cùm enim *Eusebius* refertus sit loquutionibus & ratiocinationibus dissidentibus à placitis, formulisque Nicænis, præsertim in Libris contra *Marcellum* & de *Theologia Ecclesiastica* , ut ostendit inter alios *D. Petavius* Tom. II. *Theologicorum Dogmatum* , nec ipse *Caveus* diffitetur ; quis , nisi sponte suâ cæcutiens , non videat hominem ex animo loqui, cùm Arianismo consentanea habet ; cedere verò temporibus, cùm Nicænis decretis videtur favere ? Igitur non opus est ut loca illa excutiam , in quibus videtur cum Nicæna Synodo sentire (quamvis facillimum esset ostendere nihil in iis esse quod ab ore , animoque Ariano proficisci non potuerit) cùm ea loca ex aliis potius sint intelligenda.

Quæ cùm dubia non sint , ceteras partes *Dissertationis Caveanæ* non expendam. Sed querar primùm, quòd inscripserit *Dissertationem* suam contra *Joannem Clericum* , non verò contra *Athanasium* , *Eustathium* , *Marcellum* , *Epiphanium* , *Hilarium* , *Hieronimum* , *Antipatrum* , *Nicënam II. Synodum* &c. *Barenium* item,

Petavium, *Sirmondum*, alióſque doctiſſimos viros, quos fatetur ante me ſimilia ſenſiſſe, & quorum nonnulli, ut *Petavius*, ex profeſſo aggreſſi ſunt oſtendere *Eusebium* Arianum fuiſſe, cùm rem tantùm obiter attigerim. Hæccine eſt *Caritas Chriſtiana*, quâ inviſi redduntur vivi, ut parcatur mortuis; quibus nec calumniæ, nec veritas ampliùs nocere poſſunt? Hæccine eſt *Caritas Chriſtiana*, quâ, pro æquiſſimis & modeſtiſſimis monitis, redditur graviffima invidia? Parum meâ intereſt, an *Eusebius* Arianus fuerit, necne, qui cum Arianis minimè ſentio, imò eos in gravi errore verſatos exiſtimo; & qui fidem meam ex ſolis Novi Teſtamenti Tabulis pendere profiteor, non ex *Eusebii* aliorumve Patrum Scriptis. Sed exiſtimavi minimè eſſe diſſimulandum quod mihi perſpicuum videbatur, ut & aliis ante me viris doctiſſimis.

Attamen hoc meum, de *Eusebio*, iudicium, & quòd exiſtimarit Vir Eruditus me ſubobſcurè apertiffimas diſſimulationes ſuas carpiſſe, ita ejus iram in me moverunt, ut præter quàm quòd me ex turba tot adverſariorum delegit, in quem unum tela conjiceret, atrox illico ab initio Diſſertationis iudicium tulerit: *utrum*

cum

cum nostri temporis Arianis, vel potius Photinianis facit, mihi est inexploratum. Ut hoc iudicium non penitus ridiculum esse deprehendatur, oporteret me sic loqui solere, ut intelligere nemo posset utrum Arianis, an verò Photinianis faveam, sed ita ut alterutris necessariò patrociner; nam si hoc vellet *Caveus*, nullum sibi argumentum esse, ex quo colligeret, me cum Arianis aut Photinianis facere, tum verò me ab ejusmodi criminatione absolveret. Quænam autem sunt loca, in quibus ita loquutus sum, ut necesse sit me voluisse Arianis, aut Photinianis gratificari? Nulla. Nusquam quidem illis invidiam facere, spretâ veritate atque æquitate, conatus sum; sed nusquam etiam in eorum gratiam quidquam dissimulavi, quod in iis reprehendi posset. Nihil de illis eorum infensissimis adversariis, simpliciter affirmantibus, credendum censui; sed nec Hæreticis ullis fidem habui, adversariis detrahentibus. Solius veritatis rationem habendam censui & etiamnum censeo, abjecto omni partium studio; quod si sit *facere cum Hæreticis, faciat Caveus cum Orthodoxis*, contrariis artibus. Ei nequaquam invidebo.

Præterea nemo possit ita loqui ut am-

biguum fit faveátne, Arianis, an Photinianis; cùm eorum dogmata sint ἀνύστα, cùmque Scripturam soleant aliter prorsus interpretari. Olim Ariani anathema dicebant Photinianis, nec alii fermè, præter Arianos, *Photinum* sede suâ expulerunt, anno cccli. Si Photiniani tanto numero fuissent, quanto erant Ariani, non minùs fortasse adversarios damnasent. Nec hodie Ariani, & Photiniani, aut Unitarii, ubicumque sint, magis inter se consentiunt. Ideoque absurdè Vir Eruditus sibi exploratum esse negavit utris faverem, cùm tam acriter dissideant. Verùm ego eum docebo, si me audire velit, quod mihi multò magis exploratum est; nimirum, me cum neutris facere. Nec Arianorum probo sententiã, nec eam rationem, quã Photiniani Scripturæ loca de Christi Divinitate interpretantur. Nusquam confutavi Arianos, quòd nesciam an ulli sint hodie, inter Christianos, nec libros ullos eorum viderim, præter Scripta aliquot *Christophori Sandii*; quæ nec magni facio, & quorum farrago paucos, nisi fallor, decipiet. Interpretationes verò Socinianorum, quos videtur *Carveus Photinianos nostri temporis* vocare, non semel oppugnavi, ad loca nobilissi-

ma

ma Novi Testamenti, ut ad initium Evangelii Joannis, & ad Coloss. 1, 15. Hæc explorata oppono *inexploratis* Cavei suspicionibus.

At subjicit id *certum esse* Vitas aliquot Patrum in *Bibliotheca Universali* à me Gallicè editas, *nostri temporis Arianorum, vel Photinianorum curâ versas fuisse, & in lucem emissas, quin & in hanc, quam habent Angli, formam redactas.* Verùm sanctè & liquidò jurare possum me consilium hoc eorum, qui Vitas à me scriptas verterunt in Linguam Anglicam, penitus ignorasse; nec scivisse quidquam simile factum, nisi diu postea. Interpretes eorum nec ad me umquam scripsit, nec ego ad illum; quem nec de facie, nec nomine certò novi. Ante paucos dies, accepi hominem esse Gallum, qui albúsne an ater sit nescio. Ei nec temerario judicio nocere velim, nec gratias agere possum; ob translationem, quam numquam vidi. Non puto tamen aut Arianum, aut Socinianum esse; certè neutram harum opinionum, ex meis libellis, haurire potuit.

Ceterùm absurdum est & iniquum Scriptori libri tribui dogmata ejus Interpretum, aut Editorum, ideò tantùm quia ejus librum interpretati sunt, aut in lu-

cem emiserunt ; nec vellet *Caveus* haberi *Presbyterii* patronus , quia ejusmodi homines nonnulla ejus Scripta in Linguam Belgicam transtulerunt , aut ediderunt.

Audivi nonnullosex meis libellis in Anglicam Linguam esse versos ab hominibus , quorum nec sententiam , nec mores ullo modo probarim , si vera sunt quæ de iis sparguntur. Dicitur nonnemo vertisse Opus meum *de Incredulitate* , qui planè alienus esse fertur à Fide , quam propugnandam mihi suscepi. Cujus hominis nec amicus umquam fui , nec ero ; donec mihi constet falsa esse quæ de illo feruntur , aut ad meliorem frugem eum rediisse. Nullum cum eo amicitiae commercium colui , quod ab illo tamen , ut se se apud nonnullos , quos videbat non malè sentire de me , venditaret , audacissimè jactatum audio ; cùm dixerit se in ædibus meis vixisse , & discipulum meum fuisse , qui à me quæcumque sentirem accepisset ; quæ omnia sunt turpissima mendacia , ut sciunt omnes , quibus paulò notior sum. Possem etiam & ea proferre , in quibus infcius hominis audacissimum & absurdissimum quoddam consilium prorsus anteverti. Sed malo illi sanio rem mentem precari , quàm invidiam augere ,
quam

quam sibi sat magnam conflagravit. Hæc obiter dicenda fuere, quia Vir Eruditus mihi objecit Interpretes opusculorum meorum; ne, si tacerem, similia fortè alius objiceret, néve hujusmodi malignè captati à malevolis rumusculi pro rebus compertis haberentur.

Nunc veniendum mihi ad perorationem Viri Eruditi. Si *Eusebius*, inquit; non fuit *Arianus*, ipsum calumniæ evertitur fundamentum; quòd, nimirum, Encomiasten egerit *Caveus*, non Historicum. At *Eusebius* fuit *Arianus*, ut vel cæco patet; unde consequens est ut ei adulatus sit *Caveus*. Sed quamvis cum Nicænis Patribus sensisset, non minùs infimulari potuisset Vir Doctus dissimulationis minimè laudandæ; ut ex *Clementis* vita liquidò ostendi, ejus provocatione coactus.

Quin si in incerto adhuc res esset, quænam amabo in me culpa erit, quod tantum virum à tam atroci crimine conarer liberare? Quod *Socrati*, *Theodorito*, *Gelasio*, quod *Valesio*, *Montacutio* &c. licuit, cur non & mihi liceat? Quasi verò idem reponere non possim! Profectò, si nullæ aliæ suppeterent mihi rationes, *Athanasium*, *Hieronymum* & alios summos viros, veteres & recentiores, tam ego sequi potui, quàm ille eos quos

quos commemorat ; & Arianum censere hominem , quem Ariani omnes suum esse putarunt , & doctissimi quique aliter sentientium , qui æquales , aut supiores illi fuere. Sed ex ipsa lectione Scriptorum *Eusebii* , res est manifesta , ut ostendi , non *in incerto* , ut vult *Caveus* , posita. Quamobrem nuper eruditus Monachus *Benedictinus* , qui vitam *Athanasii* edidit *Operibus* ejus præfixam , hoc de *Eusebio* judicium fert , ad annum cccxxiii. num. 4. *Postquàm ad Arianam descrivit opinionem , haud semel , in Scriptis suis , ejus semina conspergit ; ad Euphrationem enim Balanæ Episcopum rescribens non timuit palam efferre , Christum non esse verum Deum. Hujus porrò Epistola fragmentum exstat in Actiōne quinta Synodi Nicænæ II. ubi apertè ait , unà non existere cum Patre Filium , sed esse Patrem & ordine & honore priorem. Et in Actiōne sexta , habetur aliud fragmentum , ex ejusdem Epistola ad Alexandrum Alexandrinum , ubi blasphemam illam Arianorum vindicat opinionem , quâ dicebant esse Filium rem à Patre creatam. Quare vereor ne aërem verberare videantur , qui ab ejusmodi homine nituntur Arianismi suspicionem dimovere. Idem Monachus etiam alibi testatur , & præsertim in Admonitione*

tione ad libellum *Athanasii*, de sententia *Dionysii* Alexandrini: *Quod autem*, inquit, *Eusebius*, qui *Dionysii* gesta fusè satis prosequitur, ne verbum quidem de hac *Historia* fecerit, hinc sanè augetur jam vulgata de ipso, nimisque firma *Arianismi* suspicio. Callidè profectò tacuit. *hæresi* suæ exitiosam *historiam*, quam incautiùs, ut ait *Athanasius*, alii *Ariani* in suam perniciem evulgarunt. Sic videmus, hoc in negotio, ipsos Pontificios candidiores esse nonnullis Protestantibus. Scio quidem Virum Doctum suspicari Pontificios solere adversari *Eusebio*, quòd nonnulla scripserit *Romanæ* sedi minùs placentia. Quæ suspicio ferri posset, si primi illi cœpissent *Eusebium* insimulare *Arianismi*, aut non superessent in ejus Scriptis certissima ejus indicia. At si vellem suspicioni similiter indulgere, nihil vetaret me dicere quosdam ex iis, qui *Eusebium* olim & nuper *Arianorum* numero eximere voluerunt, non tam Veritatis studio adductos fuisse, quàm cupiditate eripiendi eruditissimum suæ ætatis virum *Arianis* partibus, quæ eo gloriabantur; cùm præsertim soleant objicere *Arianis* traditionem Patrum secundæ & tertiæ sæculi, quasi perspicuam, & universalem; quæ dubia fieret iis, qui
 re-

reputarent hominem illius ævi, in superiorum monumentis omnium versatissimum, Arianis favisse. Sic passim multa, quia conducunt causæ, non quia comperta est eorum veritas, defenduntur ab hominibus minùs veri amantibus, aut non satis peritis earum artium quibus solis Veritatem nos decet tueri.

At ego ad Arianismum damnandum neque traditione illa nitor, neque puto meâ interesse *Eusebium* his, aut illis partibus favisse. Quamobrem nullo æstu partium, nullo præconcepto iudicio hac in re præpedior, quominus veritatem quæram, inveniam, atque profitear. Imò verò, si *Caveus* potuisset purgare *Eusebium*, libenter faterer me antea errasse; quippe qui famam meam multò magis pertinaciâ lædi putem, quàm apertâ confessione erroris, cui omnes obnoxii sumus.

Sed redeo ad *Caveum*, qui ita pergit: *Accedit denique ad vituperii cumulum, quòd Vitas Sanctorum Patrum panegyricè, non historicè descripserim. At unde id liquet? quibus indiciis, quibus exemplis defenditur? Volvantur & revolvantur Scripta mea, & cum ita sit dicant æqui iudices. Ubinam, fodes, toties objecti sermones panegyrici? Ubinam laudationes immodicæ? Ubinam ficta, fal-*

falsæve encomia ? Immo quid non strictè & usquequaque verum , & , favente omnium Eruditorum suffragio, Veteribus concessum ? Quàm prudentes sint hæ interrogationes, ex iis quæ à me dicta sunt intelligere potes, ILLUSTRISSIME PRÆSUL, aut potius ex lectione ipsa *Clementis & Eusebii*. Ea fiducia interrogandi fallere imperitos potest, qui res ipsas non norunt, & vix sibi persuadent hominem malè sibi conscium tam confidenter adversarium provocaturum. Fortè existimavit fore ut gravioribus occupationibus advocatus tacerem, vel me ignarum planè putavit Antiquitatum Ecclesiasticarum, aut imparatum ab omnibus subsidiis, quæ ejusmodi adfultibus repellendis necessaria sunt. At eruditos certè atque otiosos Lectores timere debuit, ne jam dicam tacitas ipsius Veritatis, apud animum, exprobrationes exhorrescere. Ostendi jam quàm multa dissimularit, in *Clemente & Eusebio*, & ostendam eum in sequentibus, quæ mihi initio Dissertationis objicit, eandem personam ita agere, ut mirum sit dissimulationem exprobranti larvâ tectum ausum esse respondere. Illo enim loco, res manifestissimas & quas ipse alibi fatetur, aut negat, aut mihi exprobrat, quia Veteribus sunt

parum

parum honorificæ , ut aliis in litteris copiosius demonstrabo ; quasi Historiæ Ecclesiasticæ lex esset vitia & errores eorum, quorum res gestæ scribuntur , dissimulare.

At noster, *quis verò*, inquit, *Clerico jus & auctoritatem dedit Leges biographicas præscribendi ?* Ego verò nullas Leges novas præscribo, quæ nonnisi auctoritate singulari imponi aliis possint. Eas quæ semper fuerunt revoco , legesque numquam abrogandas conculcari ægrè patior. *Quis nescit*, ut verba Ciceronis è Lib. II. de Oratore usurpem , *primam esse Historiæ legem , ne quid falsi dicere audeat ; deinde ne quid veri dicere non audeat , ne qua suspicio gratiæ sit in scribendo , ne qua similitudinis ?* Hæc , scilicet , *fundamenta nota sunt omnibus ; nisi Caveo nostro*, qui Leges novas esse putat , & iniquos qui earum observationem exigunt. *Candidi est*, inquit, *ingeniique animi aliena humaniter tractare , & in meliorem partem interpretari.* Candidi & ingenui viri est verum minimè dissimulare ; humani ignoscere quidem delictis, non verò blandiri peccantibus. Quicumque legerint quæ de *Cavei* Scriptis dixi, in *Bibliotheca Universali*, ea esse propiora multò laudibus, quàm vituperationi

ni intelligent ; nec me ab eo, in diversa abiisse, nisi humanis verbis adhibitis, & ubi res necessariò postulabat.

Si animo carpendi ea scripsissem, alius planè fuisset stylus, & examen multò accuratius singularum rerum. Numquam, exempli causâ, prætermissem hanc excusationem *Clementis Alexandrini* : *Si in hisce libris sit id quod Photius affirmat, pauca quædam hîc atque illic ἔχουσιν dicta ; attamen non sunt similia iis quæ legebantur in Hypotyposis, sed quæ candidam ac benignam interpretationem capere possint, nec multum noxia doctrinæ Religionis aut moribus, & talia quæ occurrere vulgò solent in Scriptoribus primævis.* An sit levis error Caveo & qui in bonam partem sumi ab eo possit, quod affirmat *Clemens* Christum non sensisse dolorem, nescio ; at certè si quid simile suspicari liceret, omnis efficacia & præstantia sacrificii & obedientiæ universæ Christi in auras abirent ; instar phantasmatum ceterorum, quæ non sunt quod videntur. Expendantur & ceteri errores *Clementis* à me notati, atque ex iis facilè intelligere licebit an gravem Censorem egerim Scriptorum *Cavei*, anve prudenter fecerit, cum me ad hasce querelas devenire adëgit.

At

At tandem redit ad fucum , quo dissimulationes in Historia incrustare jam conatus est: *Christianam Caritatem*, inquit, *quam mihi objicit & penè vitio vertit*, studiosè colo & amplector; nec profiteri erubescō, malle me cum *Christiana caritate* derideri, *quàm critico supercilio insolescere*, & in alios temerè & leviter insultare; neque huic objectiuncula aliud repono, *quàm illud Apostoli* 1. Cor. XIII, 5, 6. &c. *Caritas patiens est, benigna est &c.* Quibus consona est æquissima & vetustissima illa juris Regula, in dubiis benigniora semper esse præferenda. De Reg. Juris, n. 56. Quasi verò hîc sermo sit de caritate de qua Paulus, quæ in vivos exercetur, quibus prodest; & quibus posset nocere nimium veri, sine necessitate, aperiendi studium; aut quasi obscurum esset, vel dubium, an *Clemens* scripserit quæ ex eo protulimus, anve *Eusebius* Arianis faverit! Quando scribitur Historia, & præsertim antiquiorum temporum, nihil licet dissimulare, ut jam eum monui, quia nec nocet veritas mortuis, & multum prodest vivis; contra verò dissimulatio nec juvat vita functos, & vehementer officit iis, qui Historiam legunt. Quod probare, nisi fallor, necesse non est. Si caritas eò pertineret

neret ut Historici dissimularent vitia ac delicta eorum, quorum res gestas scribunt, & excusare omnia niterentur, actum esset de veritate & candore Historiæ; nihil præter Encomia, aut Apologias, posteritati relinqueretur. Si similia sensissent Historici Sacri, omnia bonorum & minus bonorum vitia & peccata, æterno silentio, obnupfissent; nec quidquam haberemus, præter eorum laudes. Sed nihil opus est verbis, in re perspicua; at dignum est observatu *Caveum*, hoc ipso in loco, ubi Encomiastæ nomen tantopere averfatur, se se Encomiasten profiteri; tanta est vis Veritatis, ut sæpe ex dissimulantis ore invito erumpat! Nam *caritatem* vocat meram dissimulationem, ut jam vidimus. Quam autem alienus sit à *caritate* illa, quam sibi à me exprobrari ridiculè jactat, vel hinc liquet, quòd *Eusebium* invitum Arianismi criminatione absolvat, cui ejus judicium prodesse non potest; me verò traducat, quasi inter Arianismum & Photinianismum fluctuantem, qui ab utraque opinione alienissimus sum, & me esse profiteor; cùm non ignoret judicia ejusmodi, temeraria licèt, vivis nocere. O eximiam *caritatem Caveanam*, quæ erga mortuos exercetur, ad vivos verò non

pertinet! O insignem æquitatem, quâ crassi & manifesti errores Veterum negantur, aut molliuntur; dum æqualium vel minimæ dissensiones acerbissimè exagitantur, hominesque ipsi turpissimis convitiis proscinduntur! O modestiam singularem, quâ, pro mitissima & justissima admonitione, invidiosissima hæreseon nomina redduntur!

Sed manum, ILLUSTRISSIME PRÆSUL, de tabula tollo, ut Tibi potius, aliisque eruditis ac bonis viris, quibus Ecclesiæ Anglicanæ Clerus abundat, rem totam disceptandam ac dijudicandam permittam. Quo in negotio, si judiciâ vestra faventia habuero, ut spero, erit cur Veritati & mihi gratuler; sin verò spem eam excidero, ob rationes quas non adsequor, causa tamen nulla erit cur me mei poeniteat instituti, qui Deum testem vocare possum me favoris & odii, in hoc negotio, prorsus vacuum nihil præter sanctissimam ejus quæsisisse Veritatem. Vale.

Dabam Amstelodami Nonis Juliis,

CIO IO C XCIX.

EPISTO-

EPISTOLA III.

Judicium iniquum Henrici Meibomii de Clerico, quod comprobatur Caveo, confutatum. Si à Clerico Patres dissidentes descripti sunt, id postulasse veritatem Historia, judice ipso Caveo. Idem judicandum de eorum obscuro stylo, incommodis, ambiguisve loquutionibus, in Controversiis Arianis; quod exemplis ostenditur.

Reverendissimo Præsuli

GILBERTO EPISCOPO

Salisburiensi

S. P. D.

JOANNES CLERICUS.

DUabus Epistolis, REVERENDISIME PRÆSUL, ad Illustrissimum Tuam Metropolitam datis, questus sum calumniā me fuisse adpetitum à Viro Erudito Guil. Caveo Ecclesiæ in tua, nisi fallor,

F 2

Dice-

Diceceſi ſitz Canonico; nulla alia de cauſa, niſi quia humaniſſimè nonnulla quæ edidit de ratione conſcribendæ Hiſtoriæ Eccleſiaſticæ, conſutaram. Spero autem me iis Litteris ita diluiſſe quæ de me dixit, ut nulla alia deſenſione mihi opus futurum ſit; atque ita oſtendiſſe reum illum eſſe diſſimulationum, quas ſibi falſò objectas querebatur, ut res dubia nemini ampliùs eſſe poſſit, qui quidem eas Epistoſas legerit. Quia verò non ſatis habuit ſuas diſſimulationes defendere, quemadmodum potuit, ac calumniari me fluctuare inter Arianiſmum & Photinia- niſmum; ſed etiam nonnulla mihi objecit, quaſi veluti Patrum Vitas ſcripſit, ut eos laudaret; ſic ego idem negotium aggreſſus eſſem, ut iis detraherem; neceſſe habeo oſtendere me nihil de iis dixiſſe, quod non maniſeſtò ex veteribus monu- mentis hauſerim, & probatum etiam de- derim. Cujus certaminis nemo magis idoneus Judex eſſe poteſt, quam Tu, ILLUSTRISſIME PRÆSUL, qui non modò noſti quæ ſint Leges Hiſtoriæ, ſed & qui eas omnes diligentiffimè in pul- cherrima Tua *Reformationis Hiſtoria* obſer- vaſti. Hæc enim diſceptatio mea, cum Viro Erudito, poſtulat Judicem, qui & norit

norit Leges Historicas & velit eas sacro-sanctas omnibus Historiam scribentibus esse. Nulla hîc mihi opus est indulgentia, sed rigido ac severo examine, quo omnia exigantur ad verum; quod si dissimularim, aut ullâ ratione corruperim, causam non dico cur à Te, sine ulla provocatione, non damner. At si verum tantum dixisse comperiar, æquum esse existimo, ut nemo pejus sentiat de me, quàm is meretur qui inflexæ Veritati se & sua Scripta consecravit.

- Antequàm ad rem aggrediar, nonnulla mihi dicenda sunt de iis quæ de me habet Caveus, in præfatione secundi Voluminis Historiæ Litterariæ, ubi postquàm me, præter meritum, dixit *doctissimum* esse, & *in quovis fere litterarum genere non indiligenter versatum*; præter meritum etiam vituperat, cum optandum esse ait ut à tam liberis, tam iniquis, & temerariis censuris, quales potissimum Tomo X. Bibliotheca Universalis reperiuntur, magis temperassem. Censorem nusquam egi, sed Historicum, qui narrat quod invenit in monumentis eorum, quorum Historiam contexit, ut postea singulatim, ad ea quæ mihi Caveus objecit, ostendam. Libera sunt, fateor, quæ dixi, sed nemo ab Historico

serviles adsentationes, aut dissimulationes expectat. *Iniqua* aut *temeraria* esse non probavit *Caveus*, neque quisquam alius probabit, si sint vera; quod ego quidem existimo, nec ausus est negare Vir Eruditus. Quis enim dixerit Historicum esse *iniquum* & *temerarium*, qui simpliciter narrat quæ invenit in Veterum Scriptis? Imò verò *aquum* est ut omnia in lucem proferantur, quæ possunt ex Antiquitatis rudibus erui, & *timiditas* est Historico indigna non audere dicere quod comperit. Præstaret Veterum libros nunquam attigisse, nec quid verè senserint quævisisse; si postea quæ invenimus sint occultanda, aut arte in alienos sensus detorquenda. Rerum antiquarum, & præsertim Ecclesiasticarum studiosos oportet animo infixam habere pulcherrimam fortissimi & constantissimi Ascetæ, *Isidori Pelusiotæ*, Epistolam, quæ est ccxv Libri III. Οἱ τέχνη λόγων τ' αληθὲς συσπιάζοντες πολλῶ μοι δοκᾷ τῶν τῶτο μὴ κατειληφόντων ἀθλιώτεροι εἶναι. οἱ μὲν γὰρ ἀπὸ βεβδύτητα γνώμης ἀποληφθέντες τῆς θήρης ἴσας σύγνωσι· οἱ δὲ δὲ ὀξύτητα μὲν γνώμης τῶτο θηροῦσαντες, κακέργως δὲ τῶτ' ἀφανίζοντες συγνώμης ἀμαρτάνουσι μείζονα: *qui sermonum artificio veritatem obnubunt multò mihi miseriores iis esse viden-*

videntur, qui eam minimè perceperunt. Nam qui, ob ingenii tarditatem, eam haudquam adsequeuti sunt, ii fortè venia indigni non sunt. Qui verò ob mentis acumen eam investigarunt, nequiter verò occultant, graviùs peccant, quàm ut iis ignosci queat. O egregiam sententiam! O dignam, quæ dissimulatoribus nostris perpetuò occinatur!

Postquàm dixit *Caveus* quæ antea memoravi, ita pergit: de quo celeberrimus hujus sæculi Polyhistor Henr. Meibomius, ante sexennium, ipsum graviter admonuit, *Addit. ad Vogleri introductionem* p. 176. & seqq. Hic primùm dicam quid peccatum sit à Meibomio, deinde etiam à Caveo avidiùs arripiente quod mihi invidiam creare posse putavit. Meibomius, in illis *Additamentis*, citat Tom. x. *Bibliothecæ Universalis*, qui meus est, quasi in eo recensuerim Volumina *Rerum Germanicarum* à se edita; in quo tamen ne verbum quidem est de eo Opere, quod numquam legi. Voluit, nempe, indicare Tomum XI. *Biblioth. Universalis*, ubi recensentur; at meum non esse intelligere potuisset ex Dedicazione, nomineque ei subjecto; neque eum Tomum umquam legi. Itaque Meibomius, hoc in negotio, aut valde negliger,

genter, aut parum candidè se gessit, qui mihi alienum Opus tribuit: cùm præsertim id Opus esset vituperaturus. In Gallicis Scriptis, ejus erroris, in quo aliis prævit, admonitus jam est aliquoties; neque à me provocatus filere diutiùs honestè potest, si vivit. Ejusmodi enim silentio, hallucinatio, cui ignosci queat, fieret intoleranda calumnia.

Itaque in eo laudando non potest oscitantiam suam excusare *Cavens*, cùm tam manifestè errarit. Deinde etiam ejus verba in alienum sensum torquet, cùm enim *Meibomius* queratur auctorem XI. Tomi *B. U.* irrississe Episcopos & Abbates, quorum opera exstant in *Rerum Germanicarum* Voluminibus; *Cavens* ita ejus verba intelligi vult, quasi *Meibomius* loqueretur de judiciis, quæ Tomo X. *B. U.* de Patrum loquutionibus & controversiis à me lata sunt. Itaque dum cæcus cæcum sequitur, ambo in foveam inciderunt.

Sed quamvis minimè errasset *Meibomius*, essetque non perperam à *Carveo* in me criminator productus; quid ad rem faceret ejusmodi criminatio, si sit falsa? An tantæ est auctoritatis *Rerum Germanicarum* collector, ut illi affirmanti credendum sit? An manifesta veritas esset repudianda

dianda, quia illi minùs placeret? Si *Caveus* velit, eâ lege, cum aliis meritò agi posse; oporteret ut secum etiam ab aliis agi, eadem ratione, graviter non ferret. Quod tamen, sine dubio, nolet, si audiverit esse celebrem Professore Lugdunensem *Herman. Witsum*, qui præfixit Dissertationem Belgicam Vitis Apostolorum Caveanis Belgicè versis, scripsitque, cum *Socinus* statuatur credere in Christum perinde esse ac Deo, ad exemplum & præscriptum Christi, obedire, ac propterea coronam vitæ æternæ à Christo expectare; se ab hac sententia quantum *Caveus* discrepet ignorare, saltem ea quæ de obedientia Evangelica scribit non multum à verbis *Socini* abludere. Adeat, si velit, *Caveus* Caput XII. Mens. Martii & Aprilis anni 1698. *Bibliotheca Librorum Novorum*, quæ editur Ultrajecti; ubi videbitur iudicium hoc *Witsii* Latinè repetitum à pluribus jam legi, quàm quando Belgicè tantum exstabat. Non probo consilium eorum, qui, siquid contumeliosius de quopiam dictum est, id excerpunt, quasi elegans quoddam emblemata, Lectorique jucundum. Rectè facerent Collectores *Bibliothecæ* illius *Novæ*, si à prava illa consuetudine abstinerent. Non ad-

adsentior etiam *Witfo*, invidiam, ex similitudine aliqua cum *Socini* sententia de fide, *Caveo* facienti. Verùm hinc colligat *Caveus* non oportere prava judicia aliorum, minimè expensa, bonis viris objicere. Profectò in dissidiis, quibus laceratur Christianismus, nemo fermè est qui Scriptis nonnihil inclaruerit, qui multos sibi adversarios, in contrariarum partium hominibus, non excitarit. Mos etiam obtinet, in Republica Litteraria, ut homines litterati sibi invicem perfacile detrahant, & propter levem injuriam, aut quod interpretantur injuriam esse, convitiis plaustra in adversarios conijciant. Nihil igitur mirum est, judicia parum honorifica aliorum plerisque posse objici.

Sed ad rem ipsam veniendum est. Sic ergo loquitur Windesoriensis Canonicus, de Vitis Gallicis aliquot Patrum à me in *Bibliotheca Universalis* editis, deinde in Anglicam Linguam translatis: * *Post primum*, inquit, *Operis institutum*, id sibi pænè unice proposuisse videtur auctor ut Sanctos Patres inter se committeret, quasi nec sibi met ipsis, nec inter se invicem convenientes. Primum & unicum meum institutum fuit scri-

* *Diff. 3. de Eusebii Arianismo p. 61.*

scribere Vitas, in quibus veritatis solius ratio haberetur, ut Lectores ex iis opusculis colligere possent eos fructus, qui ex veris Historiis colliguntur. Eò dumtaxat spectant quæcumque, in eo genere, scripsi. Quòd si postulavit veritas Historiæ, ut describerentur *Sancti Patres*, quasi à se ipsi, & ab aliis dissidentes, quia re verâ sibi satis non constant & inter se digladiantur; an tamen debuerunt à me describi, quasi secum & cum aliis semper consensissent? Non opinor, nec ququam, ut puto, qui sit Veritatis, in Historia, paulò amantior, Historico quidquam simile concefferit. Debebat ergo *Caveus* ostendere falsò descriptos Patres, quasi dissentientes, & me reum agere mendacii, quo in Historia majus scelus admitti non potest.

Erit fortè qui cùm ignoret quid senserint Patres, nec eorum Scripta versarit, judicium tamen feret de illis, ex elogiis *Caveanis*, aliisque similibus; ac proinde contendet tantâ eruditione ac sanctimoniâ viros non posse repugnantiarum aut diffidiorum nisi falsò insimulari. At non ita respondebit *Caveus*, aut certè respondere jure poterit, qui, in hac ipsa Dissertatione, eos committit inter se; nam

Socra-

Socratem, Theodorum, & Gelasium negantes *Eusebium* Cæsariensem fuisse *Arianum*, quod & ipse inficiatur, opponit *Athanasio, Eustathio, Epiphanio, Hilario, Hieronymo*, & aliis qui hominem aperte *Arianismi* infimularunt; ita ut necesse sit hos esse calumniatores acerrimos, qui virum doctissimum, eundemque Episcopali dignitate ornatum exitialis Hæreseos accusarunt; aut illos *Eusebii* Hæresin frustra dissimulare. Hoc demum est non modò *Sanctos Patres* inter se committere, sed turpissimæ calumniæ reos facere, atque eò spectat tota hæc dissertatio *Cavei*; quæ multò minùs contra *Clericum* est, quàm contra *Athanasium, Hieronymum* & alios quos nominatim appellavi. Si enim argumenta *Cavei* sint bona, temerè quidem ego dicar *Patres* illos sequutus; at illi quasi auctores gravissimæ calumniæ damnabuntur.

Hinc facile intelligere est à Viro Erudito non tam defendi *Sanctos Patres*, quos de industria gravissimæ calumniæ infimulat, quàm oppugnari *Clericum*. Si de *Patribus* omnia dixissem, quæ dixi, & fortè etiam acerbiora; ferrentur illa, si modò *Caveum* non attigissem; aut etiam laudarentur, si *Vitas* ejus extulissem.

fem. Vult quidem nosse Veritatem, vult eam proferre, quando ita videtur; sed non vult eam innotescere, in suum detrimentum. Offendi neminem vult, iis quæ de Patrum aliquot & quidem primi, ut ita loquar, subsellii, calumniis habet; vult sibi licere iudicium ignominiosum de iis ferre, cum ita res postulat, quam probandam suscepit; at ab alio simile fieri posse negat, si præsertim ei quapiam in re adversetur. Quo verò jure, & cur ita se gerit Canonicus noster? * *Quia* (liceat enim respondere, aut, si mavis, suspicionem exprimere verbis *Augustini*) *quia sic amatur Veritas, ut quicumque aliud amant, hoc quod amant velint esse Veritatem; & quia falli nolunt, nolunt convinci quòd falsi sint. Itaque propter eam rem oderunt Veritatem, quam pro Veritate amant. Amant eam LUCENTEM, oderunt REDARGUENTEM. Quia enim falli nolunt, & fallere volunt, amant eam cum se ipsa indicat, & oderunt eam cum eos ipsos indicat.*

Erit fortè etiam, qui optet à me dissimulata fuisse, quæ in Vita *Eusebii* dixi parum honorifica nonnullis Patribus dogma de Unitate Dei malè interpretatis, quam-

* *Confess.* Lib. x. c. xxiii.

quamvis sint vera ; ne malè sentientibus occasio præbeatur illudendi venerandæ Antiquitati, & plures ad se pertrahendi. At si quod est ab iis periculum , si quid Veritati timendum ; ei periculo occurrendum aliter , quàm dissimulatione Veritatis , quæ Veritati contraria esse nequit. Ostendendum , quidquid illi senserint, propterea quod à Deo revelatum est non minùs esse verum ; nec Veritatem cœlestem stare , aut cadere , pro judiciis hominum ; quod & Religioni honorificum est , & facilè potest demonstrari. Dissimulatum malum alitur, non curatur, ac tandem in perniciem dissimulantium erumpit. Narratur à Tacito * ignavus atque imprudens Imperator , *nuntios cladis acceptæ occultans , stultâ dissimulatione remedia potius malorum , quàm mala, distulisse. Quippe, subdit, confitenti, consultantique supererant spes , viresque ; cùm è contrario leta omnia fingeret, falsis ingravescibat. Mirum apud ipsum de bello silentium ; prohibiti per civitatem sermones, eoque plures ; ac, si liceret , vera narraturi , quia vetabantur atrociora vulgaverant.* Sic & hodie , parum prudente dissimulatione pravarum sententiarum Antiquitatis Ecclesiasti-

* *Hist. Lib. III. c. 54.*

clesiasticæ , quasi nemini innotuissent; remedia potius errorum , quàm mala ex erroribus manantia , differuntur. Contrà fatentibus quidem quod res est , & consultantibus de ratione , quâ errori quàm tutissimè obviari possit , supererunt rationes , quibus haud difficulter propulsetur. Si verò fingantur quæ non sunt , errores ingravescent. Sileantur licèt in libris hallucinationes Veterum , prohibeanturque de iis in Academiis sermones ; magis in dies errores erumpent , pluresque de iis colloquentur. Imò verò si eos apertè dicere liceret , minores futuri , quia auctoritate prævalentium ventantur sermones , errores illi à malè sentientibus majores , quàm fuerunt , vulgantur.

Statim ac reteximus Veritatem , quæ præsertim magni momenti videtur , cœleste hoc beneficium illico vulgandum est , quippe non alium in finem à Deo nobis concessum. * *Veritas Dei nec mea est , nec illius , aut illius , sed omnium nostrum ; quos ad ejus communionem publicè vocat , terribiliter admonens nos , ut nolimus eam habere privatam , ne privemur eâ. Nam quisquis id quod Deus omnibus ad fruendum* pro-

* *August. Confession. Lib. XII. c. 25.*

quamvis sint vera ; ne malè sentientibus occasio præbeatur illudendi venerandæ Antiquitati, & plures ad se pertrahendi. At si quod est ab iis periculum , si quid Veritati timendum ; ei periculo occurrendum aliter , quàm dissimulatione Veritatis , quæ Veritati contraria esse nequit. Ostendendum , quidquid illi senserint, propterea quod à Deo revelatum est non minùs esse verum ; nec Veritatem cœlestem stare , aut cadere , pro judiciis hominum ; quod & Religioni honorificum est , & facîle potest demonstrari. Dissimulatum malum alitur , non curatur , ac tandem in perniciem dissimulantium erumpit. Narratur à Tacito * ignavus atque imprudens Imperator , *nuntios cladis acceptæ occultans , stultâ dissimulatione remedia potius malorum , quàm mala, distulisse. Quippe, subdit, confitenti, consultantique supererant spes , viresque ; cùm è contrario leta omnia fingeret , falsis ingravescebat. Mirum apud ipsum de bello silentium ; prohibiti per civitatem sermones, eoque plures ; ac, si liceret , vera narraturi , quia vetabantur atrociora vulgaverant.* Sic & hodie , parum prudente dissimulatione pravarum sententiarum Antiquitatis Ecclesiasti-

* Hist. Lib. III. c. 54.

defiasticæ , quasi nemini innotuissent; remedia potius errorum , quàm mala ex erroribus manantia , differuntur. Contrà fatentibus quidem quod res est , & consultantibus de ratione , quâ errori quàm tutissimè obviamiri possit , supererunt rationes , quibus haud difficulter propulsetur. Si verò fingantur quæ non sunt , errores ingravescent. Sileantur licèt in libris hallucinationes Veterum , prohibeanturque de iis in Academiis sermones ; magis in dies errores erumpent , pluresque de iis colloquentur. Imò verò si eos apertè dicere liceret , minores futuri , quia auctoritate prævalentium ventantur sermones , errores illi à malè sentientibus majores , quàm fuerunt , vultantur.

Statim ac reteximus Veritatem , quæ præsertim magni momenti videtur , cœleste hoc beneficium illico vulgandum est , quippe non alium in finem à Deo nobis concessum. * *Veritas Dei nec mea est , nec illius , aut illius , sed omnium nostrum ; quos ad ejus communionem publicè vocat , terribiliter admonens nos , ut nolimus eam habere privatam , ne privemur eâ. Nam quisquis id quod Deus omnibus ad fruendum*

* *August. Confession. Lib. XII. c. 25.*

proponit, sibi propriè vindicat, & suum vult esse quod omnium est, à communi propellitur ad sua, hoc est, à Veritate ad Mendacium. Qui enim loquitur mendacium, de suo loquitur. Absit ergo à nobis omnis dissimulatio, quâ Veritas proditur, Deusque ejus auctor, vel potius ut Platonice loquar, αὐτοαλήθεια graviter offenditur!

Igitur si Patres, nonnullis in Capitibus, secum, aut cum aliis non consentiant, ne hoc quidem dissimulandum erit. Indicat, hanc in rem, Caveus locum ex Vita Eusebii Anglica, quem puto exstare pag. 410. & seq. T. x. Bibliotheca Universalis, ubi postquàm dixi Patres cum Platonice videri sensisse, καὶ τῶν ἀρχικῶν ὑποστάσεων, de tribus principalibus substantiis, quod ex antecedentibus liquet, ita porro pergo: Nunc dicunt fuisse tempus, quo Filius non erat; nunc esse æternum, æquè ac Patrem; aliquando eos esse æquales, aliquando Patrem majorem esse aiunt. Hi credunt. Patrem & Filium esse duas hypostases, duas naturas, duas essentias, ut liquet ex loco Pierii, quem profert Photius Cod. cxix: illi negant. Tum verò, omnium horum, inquam, exempla afferri nequeunt, quia prolixior me esse oporteret, quàm mihi, hoc in loco, licet; sed satis superque exemplorum

re-

perientur in libro Georg. Bulli jam laudato; nempe, in Defensione Fidei Nicana. Similia etiam dicuntur pag. 415. ubi animadverto propterea Patres, qui ante Nicænum Concilium vixerunt, viſos Arianiſmo favere Dionyf. Petavio, & Pet. Danieli Huëtio Abrincenſi Epifcopo, viris longè doctiſſimis; aliter verò ſentire Georgio Bullo, viro pariter erudito, & loca contraria proferri, quæ non facilè in concordiam rediguntur.

Nunc teſtes appello omnes, qui vel ſolum *Bullum* legerunt, ut dicant annon multa ſibi occurrerint exempla, in quibus vir eruditus, non ſine magno labore, repugnantias tollere conatur. Legatur *Sectio ejus III.* ubi agit *ὅτι τὸ οὐαὶδὲς τῷ Τῷ, de æternitate Filii, & præſertim cap. x de Tertulliano & Lactantio, ac Sect. IV. c. 3.* & ſatis liquebit Patres non eodem modo ſemper eſſe loquutos. Nunc non ago de eorum verbis in concordiam redigendis, quod fortasſe aliter commodiùs fieri queat, quàm eſt factum à viro erudito; ago tantùm de eorum loquutionibus, quas, primâ ſaltem fronte, contrarias eſſe nemo poteſt negare. Non ſunt conſtantiores in loquutionibus, quas adhibent, quando loquuntur de æqualitate, vel inæqua-

Tom. III.

G

litate

litate Patris & Filii. Liquet hoc potissimum ex locis, quæ ad examen revocat *Bullus* Sect. IV. ubi de Filii subordinatione. Sed nihil nobis opus est *Bullo*, nobiscum enim militat hîc *Caveus*, qui de *Eusebio*, quem Consubstantialistam fuisse contendit, sic loquitur, non procul * ab initio Dissertationis quâ eum Arianismi insimulatione purgare studet: *Plus vice simplici*, inquit, *testatus sum multa Scriptis ejus inesse incautiùs, duriùs, periculosiùs dicta, quæ æquum & candidum Lectorem expetunt, insolentes quandoque & incommodas reperiri loquendi formulas, à receptis Theologorum Regulis abhorrentes, quas nec probo, nec defendo.* Sunt, nimirum, loquutiones quibus videtur negare quod alibi affirmasse eum vult Vir Eruditus. Itaque *Eusebius*, vir doctissimus, & quod caput est rei, ex sententia *Cavei*, rectè de S. Trinitate sentiens, loquitur nunc cum Arianis, nunc cum Nicænis Patribus. A Patribus Filium modò æquatum Patri, modò subiectum, docet quoque *Caveus*, ad Regulam secundam, quam in Dissertatione sua proponit. Vario quidem sensu, dici æqualem & minorem ostendit, quod nec nego. Locum *Pierii* qui

* Pag. 63.

qui legerit apud *Photium*, eum compareret cum Epistola *Alexandri* *Alexandriæ* Episcopi, quam habet *Theodoritus* Lib. I. c. 4. & quam laudavi p. 433. Tom. X. B. U. Adiri possunt & *Diomys. Petavius*, & *Steph. Curcellæus*, qui ostenderunt quàm variè usi sint Patres voce *ὑπόθεσις*.

Hæc cùm ita sint, nullam rationem habuit *Caveus* cur verba mea carperet; invidiamque propterea mihi facere conaretur; cùm nihil complectantur, quod non sit sine dubio verum. Subjicit me describere Patres, tamquam obscuros, perplexos, confusos, nec eorum quæ tractant satis peritos, qui terminis utuntur equivocis, & præclare se munere suo functos arbitrantur, cùm de mysteriis incomprehensibilibus, modo quodam haud intelligibili, disputarint. In margine indicat paginas è *Vitis Clementis Alexandrini*, & *Eusebii*. Atqui contendo nihil ejusmodi à me dictum, in iis *Vitis*, quod indubitatis exemplis illico aut paullo post, vel antea, non probarim.

Sic loquutus sum de *Stromatibus* * *Clementis*: Verùm nullum in eo Opere observat ordinem, quemadmodum IPSE ad calcem Libri VII. TESTATUR. Ex occasione cujuspiam rei ad aliam transit, nullo sibi discedendum

G 2

derum

* B. U. T. X. p. 218. & seq.

dorum ordine præscripto, nec alio consilio nisi ut proferat utilissima quæque, quæ studio & meditatione didicerat, de rebus quæ in animum ejus incidebant. Stylus ejus in postremo hoc Opere (Stromatum) durior est, quàm in duobus prioribus (Admonitione ad Gentes & Pædagogo) ubi tamen accersitum potiùs ornatum inveneris, quàm elegantiam & perspicuitatem. Contendit quidem se, non sine ratione, ita scripsisse; sed in hoc genere scribendi, duo sunt gravia incommoda. Prius fitum est in pravo ordine, quo fit ut non tantùm optimorum argumentorum vis non satis sentiatur; verum etiam ut Scriptoris ipsius animus conturbetur, eadem sæpe repetat, multasque congerat ratiocinationes, quarum infirma est collectio. Alterum pertinet ad Styli neglectiorem, quàm negligentiam sæpe fit ut non intelligatur quod volumus: neque enim hinc elegantia tantùm, sed etiam perspicuitas abest. Quæ sita autem obscuritas, in rebus difficilioribus, quales sunt eæ, de quibus agit Clemens, eò dignior est quæ vituperetur, quòd nequidem faciliè intelligi queamus in rebus naturâ suâ perspicuis, nisi clarè mentem nostram exprimamus. Cùm loqui non liceat, nisi ut intelligamur, nullâ ratione excusari potest Scriptor, eò quòd perspicuè non loquatur; nisi mentem suam melius exprimere nesciverit.

verit. Ac sanè eò naturâ ferimur, ut credamus eorum, quorum obscura est dictio, minimè perspicuas esse cogitationes; eosque non alia de causa ita loqui, nisi quia non clariùs res intelligunt, quàm eas exprimunt. Debent quidem contemni longè petita ornamenta eloquentiæ accersitæ; sed inter ea ornamenta non est censenda perspicuitas. Pauci sunt, fateor, Patres, in quorum Scriptis similia animadvertere non liceat. Plerique dum neglectum eloquentiæ excusant, omni ope nituntur eloquentes, suo more; videri; ut intelligere est ex innumeris tumidis & coactis cogitationibus, loquutionibusque nimium metaphoricis, naturæque rerum minimè convenientibus, quibus eorum Scripta scatent. Perpauci intellexerunt maximam Scriptoris curam in eo sitam esse oportere, ut animo Lectoris perspicuas notiones eorum quæ dicit objiciat; adhibitis vocibus minimè ambiguis. Ita ad verbum transtuli locum Vitæ Clementis, ad quem respicit Caveus, ut liqueat quantâ fide loquutus sim de Patrum Scriptis. Primùm de Clemente Alexandrino, aliud nihil dixi nisi quod ipse fatetur, & quod observavit Photius, Cod. CIX. Quin & Caveus, sub finem vitæ Clementis, similia habet. Nec possunt certè negari, ab iis qui Græcè Clementem legerunt. Quæ verò subjeci de

ordinis & perspicuitatis necessitate, præsertim in argumento difficili & obscuro per se, ea sunt usque adeò perspicua, ut vix opus sit Dialecticæ elementis, ut concedantur; sensus enim ipse communis hæc docet litterarum omnium expertes.

Quod addo, de plerorumque Patrum Scriptis, nemini dubium esse potest, nisi iis qui ea numquam vel à limine salutarent. Comparentur plerique Patres Græci cum Scriptoribus Atticis, atque ex ea collatione illico liquebit eos non elegantiam tantum ab Ethnicis multum superari, sed præsertim perspicuitate totius Orationis. Eadem collatio instituat, inter Latinos Ecclesiasticos & Profanos, atque idem manifestò intelligere licebit. Quid ergo attinet negare quod certissimum est, & quod facili experimento cognosci potest? An fiet perspicuus & accuratus stylus Patrum, quia affirmabimus eum ejusmodi esse? Quæ malum est ergo hæc prudentia, quæ negantur aperta, ut videatur Antiquitas Ecclesiastica defendi? Ego quidem fateor me non intelligere.

In vita *Eusebii*, postquam varias locutiones Patrum de S. Trinitatis dogmatibus, in speciem saltem pugnantibus, protulisset,

lissem, ita sum loquutus *: Si quis nunc
 quærat quas potestates subjicerent iis loquutio-
 nibus, perspicuas quidem eas fuisse nemo di-
 xerit: primò quia quamvis nitamur ut intel-
 ligamus quid velint, claram ejus notionem
 animo concipere non possumus; secundò quia
 ipsi fatentur rem esse, quæ intelligi nequit. Hoc
 inum ergo, in hoc negotio, fieri potest; profer-
 ri, nimirum, loquutiones, quibus usi sunt,
 ut liqueat quomodo de hoc argumento olim lo-
 querentur. Attamen viri docti magno labo-
 re conati sunt explicare loca Patrum, qui vi-
 xerunt ante Concilium Nicænum, nec intelle-
 xerunt inanes esse omnes interpretationes; cum
 Patres ipsi, dum faterentur intelligi non potuisse
 quod dicebant, eadem operâ facti fuerint se
 nullam potestatem subjecisse vocibus quibus
 utebantur, nisi generalem admodum & obscu-
 ram.

Horum verborum defensionem nullam
 meliorem adhibere queam, quàm *Defen-
 sionem Fidei Nicænæ Georgii Bull.*; in cujus
 singulis fermè paginis, invicta argumen-
 ta eorum quæ dixi occurrunt, & quæ à
 Viro Erudito sine dubio perlecta est. Lo-
 ca enim innumera profert *Bullus*, ex quib-
 us intelligere licet nihil verius dici po-
 tuisse, quàm quòd à me dictum est. In-

G 4

spicia-

* Pag. 111. T. X. B. V.

spiciatur liber ab iis qui non legerunt, nec causam dico cur ab omnibus non spernar, nisi illico intelligant me verissimum, de Patrum loquutionibus, iudicium tulisse. Sed ne hoc quidem libro est opus, si attendatur vel sola ratiocinatio, quâ usus sum. Quis enim potest dicere claram subjici potestatem vocibus, quibus exprimitur res ἀκαταληπτός, hoc est, quæ intelligi nequit? Annon repugnant hæc, perspicuè quidem orationem intelligere, rem verò quæ exprimitur, non adsequi? Annon hoc est, intelligere, & simul non intelligere? Non erat ergo cur mihi propterea invidiam movere conaretur Vir Eruditus; cùm veritas aperta, non non-nisi apud malos, invidiam facere possit. Si causa hæc agatur apud bonos, ut sanè agitur, nihil mihi timendum est, nihil enim spectant boni præter Veritatem; à qua libentissimè vinci sese patiuntur, si quando contra eam imprudentes senserint. *Bonum est homini, * ut rectè Augustinus, ut eum Veritas vincat volentem; quia malum est homini, ut eum Veritas vincat invitum. Nam ipsa vincat necesse est, siue negantem, siue confitentem. Liceat & adversarium alloqui, sequentibus ejusdem*
Au-

* Ep. CCXXXVIII, ad Pascensiam.

Augustini verbis: Da veniam (Cave) si quid liberiùs dixi, non ad contumeliam tuam, sed ad defensionem meam. Præsumsi enim de gravitate & prudentia tua, quia potes considerare quantam mihi respondendi necessitatem imposueris; aut si & hoc non rectè feci, & huic da veniam.

Alibi in ejusdem Eusebii Vita, plura à me dicta sunt, non nego, de vocibus ambiguis, quibus usi sunt Patres, in controversiis contra Arianos; sed ea sunt manifestissimis exemplis comprobata. * Alicubi postquam observavi Nicænæ Synodi decretis lites minimè diremtas fuisse, attuli insignem locum Socratis Hist. Eccles. Lib. I. c. 23. quem hîc reponam, quandoquidem à Caveo omnia quæ confirmandis iis quæ dixeram protuli præmittuntur, atque intacta relinquuntur; quasi temerè tantum, nec ullo prolato argumento, aut exemplo ex Antiquitate, loquutus essem. Sic ergo ille: Πάλιν τὴν εἰρήνην οἱ οἰκεῖοι τῆς Ἐκκλησίας ἐπάρχεσθον. Εὐσέβιος μὲν ἔν ὃ Παμφίλῳ φύσιν ὄντως μὲν τὴν Σύνοδον, πρὸς ἑαυτὴν πασιάζειν τὴν Δίγνπλον, τὴν αἰτίαν μὲν πρὸς θεοῖς ἐξ ὧν καὶ διγλάσας δόξαν ἐκτίσαστο, ὃ π τὰς αἰτίας λέγειν ἐκκλίνων μὲν συνευδοκεῖν τοῖς ἐν Νικαίᾳ συνέ-

* Tom. X. B. U. p. 461.

πανέθετο ὡς ἡμεῖς ἐκ διαφόρων ἐπιστολῶν
 ἀρήκαμεν, ὥς μὲν τὴν Σύνοδον οἱ Ἐπίσκοποι
 πρὸς ἀπλήλως ἔγραφον ἢ ἔ ὁμοσίσιν λέξις π-
 νὰς διετάραττε· ὡς ἡν κατατρεβόμενοι καὶ
 ἀκρεβολουγέμενοι τὸν καὶ ἀπλήλων πόλεμον ἡγει-
 ραν· νυκτομαχίας τε εἶδεν ἀπείχε τὰ γνό-
 μῃνα· εἶδεν γὰρ ἀπλήλως ἐφαίνοντο νοῦντες, ἀφ'
 ὧν ἀπλήλως βλασφημεῖν ὑπελάμβανον· οἱ μὲν
 γὰρ ἔ ὁμοσίσιν τὴν λέξιν ἐκκλίνοντες τὴν Σα-
 βελίαν καὶ Μοντανῶ δόξαν εἰσηγεῖσθαι αὐτὴν
 τὰς προσδεχομένους ἐνόμιζον· καὶ διὰ τῶτο
 βλασφημίας ἐκάλεον, ὡς ἀναιρῶντας τὴν ὑπαρξίν
 ἔ Τίῃ ἔ Θεῷ· οἱ ἡ πάλιν τῷ ὁμοσίσιν προ-
 σκείμενοι, πολυθῆσαν εἰσάγειν τὰς ἐτέρους νομί-
 ζοντες, ὡς Ἐκκλησιασμὸν εἰσάγοντας ἐξετέλεποντο·
Pacem Ecclesiae domestici ejus iterum pertur-
bant. Eusebius quidem Pamphili dicit
statim post Synodum Aegyptum diffidiis agi-
tatam fuisse, nec causam addit. Unde ὁ
bilinguis famam adeptus est, quod vitans di-
cere causas constituerat minime adfentiri de-
cretis Nicænis. Verum, ut nos ex variis
Epistolis comperimus, quas post-Synodum mu-
tuas ad se scripserunt, vox consubstantia-
lis quosdam conturbabat. Quam animo diu
versantes ὁ accuratiùs expendentes bellum
inter se excitaverunt. Quæ fiebant non mul-
tum aberant à pugnae nocturnæ similitudine.
Neque enim videbantur se invicem intelligere,
deinde

deinde alii alios blasphemare putabant. Alii enim, qui vitabant vocem consubstantialis, credebant eos qui eam admittebant inducere dogma Sabellii & Montani. Propterea eos blasphemos vocabant, quippe tollentes existentiam Filii Dei. Contra verò qui adhærebant voci consubstantialis, existimantes ab aliis multitudinem Deorum induci, eos quasi Gentilismum inducentes averſabantur. Annon hinc manifestum fit vocem ὁμοῦς αἰς αἰς ambiguam fuisse habitam, ab iis ipsis qui dissidebant ab Ario; cum posset significare participem unius numero essentia, quod Sabellianismum expressisset; aut participem essentia unius speciei, quo sensu Nicænam sententiam significabat, mediam inter Sabellianismum, & Gentilismum, ut sæpe Patres docent; quam in rem loca aliquot insignia Gregorii Nazianzeni, in ejus Vita protuli? Nemo ergo harum rerum paullò peritior non adſentietur iis quæ subjeci loco Socratis: *Hac peperere, inqueiebam, cum ambigua voces, quæ non satis definitæ cœpere in Christianismum intromitti; tum etiam prava consuetudo plerorumque Veterum, qui nunquam, sedato animo, hisce de rebus loquebantur; qui nunquam fermè de perspicua mentis suæ expressione cogitarant, & qui videntur voluisse*

se

se probare se ex animi sententia loquutos, cùm aiebant se credere mysterium, de quo disputabant, esse ἀκαταληπτόν, dum ita mentem suam exprimunt, ut intelligi nequeat. Satis exemplorum ejus rei attuli, in Eusebii primum, tum etiam in Gregorii Nazianzeni Vita. At híc quoniam mihi probandum quod omnes nunc norunt in Antiquitate Ecclesiastica paullò attentius versati, duplici ratione id quod dixi confirmabo.

Ambiguís vocibus usos Patres Nicænos satis intelligere est vel ex ratione, quâ *Eusebius* eorum Symbolum interpretatus est, cùm in eo merum Arianismum inveni-
nerit; ut liquidò ostendi, in altera ad Reverendiss. & Illustrissimum Archiepiscopum Cantuariensem Epistola. Sed ne auctoritate *Eusebii*, quem fucum Patribus fecisse existimo, abuti videar; vox illa ὁμοῦσι, quæ Nicænarum partium fuit olim tessera, gravissimâ ambiguitate laborat, quam jam attigi; & quâ factum est ut Univerſa Ecclesia Christiana, ab aliquot sæculis, sentire se crediderit cum Nicæna Synodo, cùm ab ejus sententia imprudens quidem, sed meritò abiisset. Credunt enim ab aliquot sæculis Christiani esse unicam numero essentiam divinam, prout sine dubio docent Veteris & Novi Testa-

Testamenti Tabulæ; nec eò seciùs existimant secum olim sensisse Nicænos Patres, qui tamen unicam dumtaxat specie, sed numero triplicem Naturam divinam esse crediderunt; ut *Dionys. Petavius*, *Steph. Curcellæus*, *Rod. Cudworthus* vestras aliique docuerunt, iis argumentis quibus nihil reponi queat. Quod intelligat etiam quisquis *Vitas Eusebii & Gregorii* à me conscriptas paulò attentius, locaque à me subinde prolata, in ipsis Scriptoribus, legerit. Quin etiam viros doctos in Anglia complures fama est non dubia ita sentire; qui meliùs Tibi, REVERENDISSIME PRÆSUL, quàm mihi noti sunt. Quod cùm ita sit, quâ fronte audet Vir Eruditus negare à Patribus Nicænis ambiguas voces esse adhibitas, aut certè mihi dicenti quod omnes norunt odium apud imperitos creare? Quis nescit etiam quàm ambigua sit vox ὑπόστασις, quæ *substantiam* aliquando significat, aliquando *existentiam*? *Petavius & Curcellæus* tam copiosè hac de re scripserunt; ut actum agere videatur, qui rem pluribus demonstrare velit. Addam tamen verba sequentia *Socratis*, quoniam eum cœpi testem, hanc in rem, dare: Καὶ Εὐαρίθῳ μὲν, inquit, ὁ Ἀντιοχείας Ἐπίσκοπος Διχαύρει τὸν Πατρι-

φίλῃ

φίλος Ευσέβιον ὡς τὴν ἐν Νικαίᾳ πίσιν ᾠθε-
 χαράττοντα· Ευσέβιου ᾧ τὴν μὲν ἐν Νικαίᾳ
 πίσιν ἔφησι ᾠθεβαίνειν· Ἀθεβάλλει ᾧ Ευσέ-
 βιον, ὡς τὴν Σαβελλίᾳ δόξαν εἰσάγοντα· Ἀθε-
 ταῦτα ἕκαστοι ὡς καὶ ἀντιπάλων τὰς λόγους συ-
 νέγραφον. ἀμφοτέροι τε λέγοντες ἐνυπόστατον τὴν
 καὶ ἐνυπάρχοντα τὸν Υἱὸν εἶναι τὸ Θεῶν, ἓνα τὸ
 Θεὸν ἐν τρισὶν ὑποστάσεσιν εἶναι ὁμολογῶντες,
 ἐκλήλοις ἐκ οἷδ' ὅπως συμφωνήσαι ἐκ ἰσχύου·
 καὶ Ἀθεταῦτα ὑσυχάζειν ἕθενι τρόπῳ ἠνεί-
 χοντο: *Et Eustathius quidem, Antiochia*
Episcopus, Eusebium Pamphili perstringit,
quasi adulterantem fidem Nicænam; Euse-
bius verò negat se à Nicæna fide discedere, at
calumniatur Eustathium quasi inducentem Sa-
bellii sententiam. Propterea singuli, veluti
contra adversarios, libros scripserunt. Cùm
utrique dicerent Filium Dei, hypostasin suam
habere, & exsistere, Deumque unum esse in
tribus hypostasibus faterentur, nescio quomo-
do invicem consentire non poterant, nec ideo
ullâ ratione quiescere sustinebant. Quis non
videt ambiguitate vocum fuisse perturba-
tos ac delusos? Quare nec mirum est re-
centiores Christianos, ab aliquot sæculis,
cùm abiissent à Nicæna sententia, credi-
disse tamen se eam etiamnum tueri.

Quod verò dixi Patres ita mentem suam
 expressisse, ut intelligi nequeat, id egregiè
 præ-

probavit popularis *Cavei Georgius Bullus*, vir eruditus, in *Defensione Fidei Nicænæ*; in qua à capite ad calcem ad obscurissima loca explicanda defudat. Exemplum tamen unum ex eo proferam, & petitem quidem ex re, quam maximi ille momenti judicavit ad intelligendos Patres. * *Nonnulli*, nimirum, *sunt Scriptores Catholici Synodo Nicænâ antiquiores*, qui videntur *Filio Dei*, etiam quâ *Deus est*, *nativitatem tribuisse quamdam*, quæ aliquando cœperit & mundi creationem proximè antecesserit. Hanc nativitatem, quam tralatitiam esse vult vir doctus, non propriam, vocant illi aliquando *πρότερον & συγκατάβασιν*, *progressionem & descensum*, multaque, apud Patres, ea de re habentur, quæ in memorato Opere congeſta legere licet. Cùm verò facilè intelligeret Lector sibi *πρότερον* illam describi postulatū, † rem ipse occupavit, & *Interrogabis*, inquit, *fortasse me qualisnam fuerit illa ἡ Δόξα*, *ad condendum universa*, *συγκατάβασις*, *de qua sancti Patres loquuntur?* Tum respondet: *Quid verò si simpliciter respondeam me nescire?* Haud propterea licea mihi hanc venerandorum Patrum notionem

(quo-

* *Sic. 3. C. V.*

† *Sic. 3. C. IX. §. 12.*

(quorum ea fuit modestia, & sacrosancti mysterii reverentia, ut è suo cerebello ipsam effinxisse neutiquam existimandi sint) tamquam inanem subtilitatem despicere & contemnere. Dic tu qualis fuerit ὁ Λόγος & Filii Dei κένωσις & συγκατάθεσις, quâ propter nos homines & nostram salutem à Patre exiit, è cœlis descendit & incarnatus fuit, & ego tibi alteram illam συγκατάθεσιν explicare conabor; ut, scilicet, insaniamus ambo, in Dei mysteria oculos injicientes, &c. Hæc certè non intelligo, aut perinde est ac si dicerentur ita esse loquuti de re ἀκαταληπτῷ, ut intelligi nequeant. Talia autem non pauca occurrunt, ut sola lectio *Defensionis Bullanæ* eos qui Patres ipsos non legerunt satis docebit.

Quid est ergo, REVERENDISSIME PRÆSUL, cur mihi hæc aliâque id genus dicenti indignetur, & invidiam facere conetur Windesoriensis Canonicus? Non capio, nisi fortè sit intoleranda, in meis Scriptis, Veritas, quæ in aliis laudatur. Fortè tamen dicet Vir Eruditus à me talia in contumeliam Patrum proferri, sed alio animo à *Bullo* esse animadversa. At si res ipsa non sit contumeliosa, animus quo profertur eam non mutat. Si contumeliosa sit, irreverentiùs de
Pa-

Patribus loquutus esse censeari non possum
quàm *Bullus*, qui eam prior dixit. Sed nisi
dissimulare id quod verissimum est velimus,
fateamur necesse est multò prudentiùs ac
religiosiùs facturos fuisse Patres, quibus hi-
sce de rebus nihil certi innotuit, nisi ex Scri-
ptura, si de re ἀκαταληπτῶ loquuti essent, ut
loquuntur Scriptores Sacri, nec ulla conse-
ctaria ex iis duxissent nisi planè necessaria, &
quæ ex grammatica ac non dubia verbo-
rum, quibus usi sunt, interpretatione nasce-
bantur. Verùm de re ipsa, hic agere non con-
stitui; satis habui ostendere Virum Erudi-
tum sine causa in me invecum fuisse; quod
an præstiterim, Vos demum poteritis opti-
mè omnium judicare; apud quos fama est
veritatem plurimùm posse, tutissimamque
esse innocentiam. Quod quin verissimum
sit non dubitò, certè credere debeo, donec
contrarium sim expertus; quod numquam
fiverit ille *Detis*, qui florentissimæ Ecclesiæ
curam vobis credidit: cujus ego Ecclesiæ
& Pastoribus & Gregibus omnia secundis-
sima opto, quæ à Deo Optimo Maximo iis
possum precari. Vale, ILLUSTRIS-
SIME PRÆSUL, meque in eorum numero, qui
judicium tuum magni faciunt, numerato.

Dabam Amstelodami III. Novas Julias.

CIO IO C XCIX.

Tom. III.

H

EPI-

EPISTOLA IV.

Judicium de Libro Joan. Dallæi de usu Patrum. Quid possit reverentiam Scriptori, ejusque Scriptis conciliare. Non esse cur magnificè de plerisque Veterum, eruditionis causâ, sentiamus, qui nec judicio, ingenio suo, nec subsidiis quæ habebant usi sunt, ut par erat. Studia Orientalium Linguarum ab iis perperam neglecta. Bonis moribus Scriptores non esse æstimandos. Usus Patrum quis sit. Auctoritas an ex antiquitate & consensu nascatur. Quatenus sint in pretio habendi Patres.

EIDEM S. P. D.

JOANNES CLERICUS.

DE singularibus nonnullis Capitibus, ad Historiam Ecclesiasticam pertinentibus, in proximis meis ad Te, ILLUSTRISIME PRÆSIDI, scripsi. Nunc me vocat quæstionem generalem Patrum reverentiam.

de qua sententiam meam, ne silentium cum Veritati, tum mihi sit fraudi, aperire me necesse est. Si mihi hac de re agendum esset, apud nonnullos homines, qui credunt non quod compererunt, sed quod cupiunt; magnopere mihi esset laborandum, ne præjudicatis opinionibus Veritas vinceretur. Dum enim vehementer cupimus quidpiam esse verum, primum id nobis persuademus; deinde indignamur iis, qui nos ab errore revocare aggrediuntur, aurémque proinde surdam rationibus omnibus præbemus. Quam in rem, verissimè elegantissimus Platonius: * αἰπεινὸς χεῖμα ὀπιθυμία προσλαβῶσα ὀϊσρον, καὶ προσελθῶσα ἐγλύτατῃ μανίᾳ: cupiditas res est, cui nihil persuaderi potest, præsertim si æstro agatur, & furori proxima sit. At mihi res est, apud eos qui id demum optant verum esse, quod verum est.

Quamobrem verbis Viri Eruditi prolatis, simpliciter ac sine fuce, dicam quid sentiam. † *Dallai* ... *librum de* *Ufu Patrum, ma* ... *udibus* (quidquid, in ... a ... Antiquitatis ... *am auctori, viro* ... *et omnem, quæ Pa-* *tribus*

EPISTOLA IV.

Judicium de Libro Joan. Dallæi de usu Patrum. Quid possit reverentiam Scriptori, ejusque Scriptis conciliare. Non esse cur magnificè de plerisque Veterum, eruditionis causâ, sentiamus, qui nec judicio, ingeniove suo, nec subsidiis quæ habebant usi sunt, ut par erat. Studia Orientalium Linguarum ab iis perperam neglecta. Bonis moribus Scriptores non esse æstimandos. Usus Patrum quis sit. Auctoritas an ex antiquitate & consensu nascatur. Quatenus sint in pretio habendi Patres.

E I D E M S. P. D.

JOANNES CLERICUS.

DE singularibus nonnullis Capitibus, ad Historiam Ecclesiasticam pertinentibus, in proximis meis ad Te, ILLUSTRISIMÆ PRÆSUL, litteris egi. Nunc me vocat *Gailielm.* Caveus ad quæstionem generalem, quæ ad reverentiam Patribus Ecclesiæ debitam spe Ætat; de

de qua sententiam meam, ne silentium cum Veritati, tum mihi sit fraudi, aperire me necesse est. Si mihi hac de re agendum esset, apud nonnullos homines, qui credunt non quod compererunt, sed quod cupiunt; magnopere mihi esset laborandum, ne præjudicatis opinionibus Veritas vinceretur. Dum enim vehementer cupimus quidpiam esse verum, primum id nobis persuademus; deinde indignamur iis, qui nos ab errore revocare aggrediuntur, aurémque proinde surdam rationibus omnibus præbemus. Quam in rem, verissimè elegantissimus Platonicius:

* ἀπειθὲς χεῖμα ὁπθυμία προσλαβῶσα οἴσρον, καὶ προσελθῶσα ἐγλύτατα μανία: cupiditas res est, cui nihil persuaderi potest, præsertim si æstro agatur, & furori proxima sit.

At mihi res est, apud eos qui id demum optant verum esse, quod verum est.

Quamobrem verbis Viri Eruditi prolatis, simpliciter ac sine fuco, dicam quid sentiam. † *Dallai*, inquit, *librum de Usu Patrum, magnis effert laudibus* (quidquid, inquit, aliter sentiant Antiquitatis Panegyristæ) *nec mirum; cum auctori, viro cetera doctissimo, visum fuerit omnem, quæ Pa-*

H 2

tribus

* *Maximus Tyrius Dissert. I X.*

† *P 6. Dissert 3.*

tribus debetur, reverentiam excutere, de quibus eorum scriptis finistre & duriori censurâ judicare. Respicit Vir Eruditus ad locum Vitæ Clementis, qui exstat T. X. Bibl. Universalis, p. 223. ubi postquàm dixi non-nullos Patres, qui Orthodoxorum numero censentur, propter miras opiniones, minimè fuisse damnatos, ita pergo: *Ejus rei varia exempla invenire licebit Cap. IV. Partis I. Dallæi de Ufu Patrum; qui Liber, invitis Antiquitatis Encomiaftis, semper ab iis quibus nota est, egregium Opus habetur.* Hæc sunt verba, quorum sensum indicasse existimavit Caveus perinde esse ac me reum fecisse tanti sceleris, ut apud Antiquitatis admiratores nullo piaculo queat expiari. Nunc verò videamus, quid possit in illis verbis carpi. Primùm de Dallæi Opere agam, deinde de re ipsa.

Nemo, iterum dico, qui id Opus attentè legerit, noveritque penitus Antiquitatem Ecclesiasticam, & sciverit quâ ratione Pontificii ea abuti soleant, non fatebitur mecum Opus esse egregium. Cùm enim Pontificii negent solam Scripturam normam esse fidei nostræ, contendântque nimîâ obscuritate laborare, quàm ut intelligi possit, nisi cum ea consensus Pa-
trum

trum conjungatur ; nihil aptius ad eos confutandos potuit facere *Dallaus*, quàm si ea quæ ab iis objiciuntur Scripturæ, multò potiori jure Patribus, ut & plura alia, objici posse ostenderet; quod egregiè, meo quidem judicio, in eo Opere præstitit. Scio esse confutatum à *Matthæo Scrivenero*, Ecclesiæ Anglicanæ Presbytero ; at ea confutatio non effecit ut quisquam de *Dallæi* Libro antea lecto & expenso pejus sentiret. Bonus ille vir, ut hoc solum dicam, non conflixerat cum Pontificiis, ut *Dallaus*, non norat quid ab iis soleret objici, nec satis etiam ipsos Patres versaverat ; ideòque de fine Operis, deque toto ejus instituto & rationibus *Dallæi*, perperam judicavit.

Hæc eò non dico, quòd singulos versus ejus Libri probem, aut nuspiam à *Dallæo* dissentiam; quem, exempli causâ, existimo planè errasse in eo quod sentit de antiquitate singularium Episcoporum, quam ego ad Apostolicam ætatem referendam puto ; sed Operis institutum summatim spectatum, & pleræque rationes, quibus *Dallaus* utitur, mihi, ne quid dissimulem, summopere probantur, ut aliis multis cis & trans mare viris eruditis. De quo nostro judicio, si quis dubitet an

rectum sit, hoc unum in ejus gratiam facere possim; orare, nempe, dubitantem ut studiosè id Opus legat, conferatque cum adversario. Quod si fecerit, spernatque, re expensâ, *Dallaanum* Opus, & magni seriò faciat *Scrivenerianum*, nihil erit ampliùs quod ei objiciam; rationes enim meæ re ipsâ clariores esse non possent. Mirabor ejus judicium, at perfectò ei non invidebo. Ignoscendum etiam hoc esse censebo, si ceteroqui bonum ac religiosum virum se se prætiterit; sed necessitatem similis ferendi judicii si mihi, aut aliis imponere nitatur, ni fecerim infamaturus, aut etiam acriùs vexaturus, si possit; hanc esse dicam sævitiam ac superbiam, in nulla rectè constituta Republica ferendam, aut certè probandam.

Sed de re ipsa, usu, nimirum, Patrum, sententia mihi est candidè dicenda; mihi enim videor audire *Caveum* nostrum, quasi Senatùs Litterarii præsidem, post rogatas aliorum sententias, me quoque formulâ solenni rogare: *dic Clerice*. Eò, nimirum, spectat quod dicit à me idcò, probatum *Dallai* Opus, quòd excutiat debitam Patribus reverentiam; quasi omnia molirer, ut spernerentur Patres, *Dallaumque*

laumque laudaturus non fuisset, quamquam verissima docentem, nisi Patres aspernatus esset. Quod ego pernego mihi consilium fuisse, qui quid esset verum dumtaxat quæsi; nec Patres proinde aut supra merita laudandos, nec infra honorem, qui eis debetur, habendos umquam censui.

Verum ut quod sentio aperire incipiam, ante omnia distinguenda est, ubi sermo est de Scriptoribus, reverentia quæ hominibus debetur, ab ea quâ eorum Scripta prosequimur. Possunt enim homines ipsi coli & magni fieri, Scripta non item, & vice versâ.

Tria autem sunt potissimum quæ reverentiam Scriptoribus conciliant, mores, eruditio, & dignitates seu munera. Ut ὡς ἄλλοτερον ὡς ἄλλοτερον incipiam, dignitates Ecclesiasticæ, quibus plurimi eorum, qui Patres vocantur, ornati fuere, post eorum fata nihil eis reverentiæ creare, seorsim spectatæ, possunt; quia dignitates cò tantum in vivis coluntur, ut ordo in Societate Ecclesiastica divinitus constitutus sacrosanctus habeatur, in totius Societatis utilitatem; quæ, sine ordine, non magis stare potest, quàm societas Civilis. Verum honor mortuorum nihil ampliùs

ad viventium Societatem pertinet. Ea de causâ, Potestates omnes, quibus Civilis regitur Societas, majestatem, honorem, reverentiam illis creant qui iis sunt induti; at mortuos non magis colendos ac reverendos, quàm ceteros homines, reddunt; quia jam sunt exuti eâ personâ, quam vivi gesserunt, nec magis Societati prodesse culti, quàm spreti nocere possunt. Jam mimum vitæ, ut ita dicam, peregerunt, nec depositam personam umquam recuperabunt; quâ proinde non ampliùs teguntur, ut honores ei debitos à nobis mortui exigant.

Societatis à Deo, ut dixi, constitutæ causâ is honos debetur muneribus, ut ii etiam colendi sint, quorum dotes ac mores non satis consentiunt cum dignitatibus, quibus sunt ornati; ne dignitatis contemptus Societati ipsi sit noxius. At post mortem, dignitate in alium translata, æquè liberè, exempli gratiâ, de mortuo Rege, si ita libeat, judicamus ac de vilissimo opifice, sine ulla dignitatis Regiæ vel minima imminutione. Pariter de Pontifice Romano, vita defuncto, non aliter judicant ipsi Pontificii, quàm de tenuissimo quolibet Sacerdote, sine ullo, ut rectè censent, Pontificiæ dignitatis contemptu

temtu. Cur verò similia de veteribus Episcopis judicia ferri nequeant, incolumi dignitate Episcopali, non intelligo.

Igitur non sunt nobis ampliùs commemorandæ dignitates Sacerdotum, Episcoporum, Archiepiscoporum, Metropolitaram, Patriarcharum, quas in vivis veneramus, non in mortuis. Nec nos fallant oportet veteres humanitatis Ecclesiasticæ formulæ, quâ dignitatibus illis ornati dicuntur ἄγιοι, ἀγιώτατοι, δισεβέσται, θεοφιλέσται, μακάριοι, aliæque id genus; quæ apud Græcos præsertim utramque paginam faciunt, in Actis Synodorum. Elogia hæc erant usûs quotidiani, sacerdotēsque similiter, apud Latinè loquentes, se invicem *sanctos*, aut *beatos* vocabant, ut nunc eos in hodiernis linguis, *dominos nostros* vocamus; quibus verbis, non dotes aut virtutes animi, sed personæ dignitas significabatur.

Alterum, quod venerationem Scripto-ribus antiquis conciliare posset, dixi esse eruditionem; quæ est rerum, dispositionis & verborum, ut omnes norunt. De illorum autem eruditione, non ex fama, quæ fallax sæpe est, sed ex rebus ipsis, hoc est, ex eorum Scriptis, judicare debemus. Videndum an multa utilia nos-
sent,

sent, quorum cognitio nonnisi ab ingenio acuto, aut longo labore comparari posset; an scirent eruditione sua uti, hoc est, rectè ratiocinari ex iis quæ vera esse compererant, eaque accurato ordine disponere; an quæ norant possent ita exprimere, ut Lectores doceant, delectent, ac flectant, aut certè perspicuâ cognitione rerum, quas describunt, illustrent. Alioqui si nec res ipsæ magnam eruditionem redoleant, nec ratiocinationes firmæ sint, nec ordo earum commodus, nec dictio perspicua aut elegans, non video quid mirari in Veteribus possimus, & tantis laudibus extollere.

Hodie eruditus nemo haberi queat qui vulgaria tantùm proferat, qui rectè ratiocinandi regulas passim perfringat, qui nullo ordine utatur, qui nullam styli, aut certè perspicuitatis rationem habeat; nec intelligo cur velimus eruditionis laudem Veteribus multis tribuere, in quorum Scriptis hæc omnia animadvertere licet. Miserrima profectò est hodie fors nostra, quibus sine magno labore, sine singulari rerum delectu, sine ratiocinationibus in quibus nihil acutissimi Dialectici meritò carpere possint, sine accurato ordine, styloque minimùm per-

perspicuo, negatur eruditionis honos; felicissima contrà fuit Veterum, quorum in multos, omnibus hisce aut maximâ eorum parte destitutos, tantæ laudes congestæ fuere.

Ego verò, nec sanè solus, ut ingenuè profitear quod sentio, cùm de Patrum eruditione judicare aggredior, eadem mensura, ut ita dicam, utor, quâ soleo Recentiorum eruditionem metiri; neque enim puto oportere eos meliore esse conditione, quàm nos. Quæ laudo & miror in nuperis Scriptoribus, ea in antiquis eodem honore prosequor; quæ sperno, aut rideo in Recentiorum Scriptis, ea non pluris facio, cùm mihi occurrunt in Veterum monumentis. Sanè timerem ne dissimulationis insimularer aut iniquitatis, si laudarem in *Irenæo*, aut *Cypriano*, exempli causâ, quæ spernerem in *Luthero*, vel *Calvino*; aut vice versâ.

Objiciet fortè aliquis Veteribus non fuisse subsidia illa studiorum, quæ nunc habemus, in tot libris, summâ arte, & accurato ordine conscriptis, quorum ope disciplinas quasvis facilius addiscimus, quàm illi poterant; necdum etiam disciplinas ipsas ad tantam perfectionem adductas fuisse, ad quam nunc sunt;

idcô-

ideoque à Recentioribus plura jure exigì posse , quàm à Veteribus.

Atqui ex hac objectione non obscure liquet eos , qui docti apud Veteres dicuntur , non esse æquiparandos iis , quibus idem elogium , hoc nostro tempore , meritò tribuitur ; ex quo consequens est , ut eruditionis saltem causâ pluris faciamus , magisque revereamur nostri sæculi Scriptores , quàm antiquos , si eruditio Recentiorum multò major sit quàm Præscorum. Possumus laudare doctrinam Veterum , si ita libeat , at pro modulo illius ævi , non ita ut multum Recentiorum eruditioni præferatur , quemadmodum solet à multis fieri. Possumus ignorare delectui rerum parum severo , ratiocinationibus minus firmis , ordini confusiori , stylo non satis castigato , nec perspicuo ; at hæc præferre iis , quæ contrariis ornamentis ingenii , judicii , eloquentiæ prædita sunt , minimè sustinemus.

Eadem nunc concertatio est , inter Eruditos , de reverentia Veteribus debita , eorumque collatione cum Recentioribus , quæ fuit olim Romæ , ætate Augusti , de Poëtis antiquis & novis. Erant qui nonnisi antiqua mirarentur , & quibus

bus nova omnia sorderent; quos egregiè confutat *Horatius*, in Epist. ad Augustum. Itaque licet ab hoc mutuemur quæ de Veteribus dicamus:

Non equidem insector, inquit ille, delendaque carmina Livii

Esse reor ———

Nec ego censeam abjicienda Scripta Patrum, quia non satis erudita, si cum hodiernis conferantur. Est iis & sua utilitas non spernenda, ut mox ostendam.

———— *Sed emendata videri*

Pulcræque & exactis minimùm distantia, miror.

Inter quæ verbum emicuit si fortè decorum, &

Si versus paulò concinnior unus & alter, Injustè totum ducit, venditque Poëma.

Sic & hodie miror in eruditionem Veterum tantas laudes congeri, ut videatur multum superasse summam doctrinam, & ad rectæ rationis normam exactam, quam in hodiernis nonnullis Scriptoribus laudamus. Sunt multi etiam, qui cum nihil fermè ex Patrum Scriptis legunt

runt præter concinnas quasdam, elegantes, piæve sententias, quibus viri eruditi solent, quasi gemmis quibusdam, Scripta sua exornare; judicant ex hisce gnomis de integris Patrum libris, & falso putant omnia esse similia aut certè ad eas accedere, vimque ratiocinationum, & ordinis accurationem certare ubique cum elegantia dictionis. Quòd si numquam eorum aliquot Opera integra legant, quod permultis contingit; collectam ex ramentis illis aureis imaginem Patrum animo suo obversantem numquam mutant, nec ferre possunt eos, qui ex attenta illorum lectione de iis aliter prorsus judicant. Quin etiam sunt, qui eo animo Patres legunt, ut mirentur quidquid tandem in iis invenient; utque judicium illud suum tueantur, ne videantur leves, nève tempus frustra absumserint, pergunt ea laudare Veterum Scripta, quæ, si à Recentioribus profecta essent, ab iis meritò exhiberentur.

Contrà, si quid non ita pridem scriptum sit, acsi judicio, summaque ordinis & sermonis elegantia; continuò eos fastidite hoc videas, idèò tantum quòd nuper editum sit. Ego verò, ne mentiar,

In-

*Indignor quidquam reprehendi , non quia
crassè*

*Compositum , illepidève putetur , sed quia
nuper ;*

*Nec veniam Antiquis , sed honorem &
præmia posci.*

Quare autem ita se gerebant Romani,
Horatii ætate? Eadem eorum judiciorum
fuit ratio , quæ nunc est horum , à qui-
bus antiqua usque adeò laudantur , &
quam partim jam attigi. Audiamus Ho-
ratium , quæstioni propositæ verissimè re-
spondentem :

*Vel quia nil rectum , nisi quod placuit fi-
bi , docuit ;*

*Vel quia turpe putant parere minoribus ,
& quæ*

Imberbi didicere senes perdenda fateri.

Quod olim visum est & defendi à juveni-
bus cœptum , in senectute non faciliè re-
vocatur ; si præsertim , quod subjicit
Horatius , fama eruditionis inde possit
captari ; aut si invida sit indoles , & no-
va feliciter audentibus succenseat. Non
tam amantur antiqua , quàm libenter de-
pri-

primuntur hodierna ingenia; nec jucundius quidquam invidis accidere potest, quàm si ea legisse ferantur, quæ inaccessa sunt ceteris.

*Jam saliare Numæ carmen qui laudat,
& illud
Quod mecum ignorat, solus vult scire vi-
deri;
Ingeniis non ille favet, plauditque sepul-
tis,
Nostra sed impugnat, nos, nostraque li-
vidus odit.*

Non dubito quin etiam multi eruditio-
nem Patrum hodiernæ collatam jactent,
ex mera invidia erga eos, qui ea aperire
conantur, quæ clausa prioribus sæculis
fuerunt. Sed ut redeam ad id quod mo-
dò dicebam, multa subsidia defuisse Pa-
tribus, quæ nobis nunc suppetunt; ta-
met si non diffitear nos paratiores esse à
ratione ac via veri investigandi, & in-
venti ordine proferendi ac probandi; ta-
men multa adfuere auxilia Patribus qui-
bus, si verum quæras, nescivere uti, &
quibus nos bardi ac stipites, si nonnullis
credimus, egregiè uteremur, si hodie
nobis suppetent.

In-

Innumeri nunc periere Scriptores, ex quibus permulta haurire licuit pertinentia ad historiam & mores gentium finitimarum populi Hebræi, quibus Historia Sacra potuisset illustrari. At cum eos evolere licuerit Veteribus, vix inspicere dignati sunt. Multos habuerunt Historicos Ægyptiorum, Tyriorum, & Babyloniorum, ex quibus Chronologiæ Sacræ non obscura lux affulisset. Herodis vitam habuerunt à *Nicolao Damasceno* conscriptam, ex qua annum natalem Christi colligere potuerunt; sed perinde fuit, ac si non habuissent. At unde, inquires, nosti ex iis quæ non vidisti potuisse multa hauriri prætermissa aut neglecta à Patribus, quæ prodesse cùm Sacræ Scripturæ, tum etiam Chronologiæ intelligendæ? Hinc, nimirum, colligo, quòd ex Scriptoribus qui nobis supersunt, & ex deperditorum pauculis fragmentis, innumera sint à Chronologis recentioribus collecta, quæ universam Antiquitatem fugerant, idémque dicere liceat de Scripturæ nuperis Interpretibus. Ope Artis Criticæ & Chronologiæ, ex paucis fluviis aut rivulis potius multò plura hausta sunt à Recentioribus, quàm ex universo innumerosorum Scriptorum Oceano

Tom. III. I hau-

haustum umquam à Veteribus fuerat. Quid ergo facere non potuissimus, si aditus nobis patuisset ad illa maria, quæ dudum prius exstruerunt?

Habuerunt etiam Veteres innumeros Philosophos, qui nunc interciderunt, ex quorum Scriptis multa, fateor, hausserunt, illustrandæ, ut putabant, Religioni Christianæ idonea, ut vel ex *Clemente Alexandrino* & *Eusebio* manifestum est. Sed si rem accuratè pensitemus, non est cur magnam gratiam eis deberent, à quibus innumera fragmenta inania acceperant, nec artem investigandi veri, aut recto ordine exponendi didicerant. Quin etiam fortè præstaret ab iis Philosophos numquam lectos fuisse, qui Theologiam Christianam, admistione Philosophiæ Ethnicæ, corruerunt, quod meritò *Origeni* exprobratum est; non quòd ille solus deliquerit, sed quòd maximè omnium Philosophia abusus sit, auctorque fuerit & exemplum peccandi innumeris aliis, qui postea vixere. Huc accedit quòd imitatis Veteres Philosophos exigua cura fuerit ratiocinationem nullam proferendi, quæ non firma esset, aut ordine collocandi quod invenerant, aut invenisse se putabant. Igitur, neque hac in

CRITICÆ &c. *Epist.* IV. 131
re, eruditio Patrum magnam illis reverentiam parere potest.

Quod verò attinet ad eam eruditionis partem quæ ad verba spectat, hoc unum plerisque Veteribus concedere possumus; peritos fuisse Linguæ vernaculæ, Græcos Græcæ, Latinos Latinæ; & quidem ita ut maxima eorum pars, præsertim apud Latinos, pro modulo suæ ætatis, non ad normam meliorum sæculorum, scribere possent. Præterea necesse est eos, qui sibi Patres admirationi esse dictitant, fateri plerorumque stylum esse potius declamatorium, quàm sedatum, & qualem esse oportet docentium. Quo fit ut sæpe ægrè adsequamur quid sibi velint, & optemus subinde eos ἀμαθέςως μὲν, σαφέςως ᾗ scripsisse. Hæc sanè mentis suæ exprimendæ ratio fecit, ut pauci perspicuè intelligerent Religionis Christianæ dogmata, ut ostendi in Historia Rhetoricorum Studiorum, subjecta I. *Parti Artis Criticæ.*

Unus quidem, aut alter, ut *Origenes* apud Græcos, *Hieronymus* apud Latinos, operam dedere addiscendæ Linguæ Hebræicæ; sed nec scivere eam in rem subsidiis, quæ habebant, uti, nec iis quæ norant multum usi sunt. Vigeabant, iis

temporibus, Linguae Syriacæ & Arabicæ, in vicinia Palæstinæ & Ægypti; quæ Linguae, cum maximi essent usûs, ad intelligendam Hebraicam, debuerant ab iis edisci, quod tamen factum non est. At Syri ipsi & Arabes Christiani perfacile potuissent à Judæis Hebraicam Linguam discere, & cum sua comparare, cum maximo suæ ætatis & posteritatis fructu. Etiam Pœnis, nisi iis mens læva fuisset, licuisset, ope Punicæ suæ Linguae, ad cognitionem Hebraicæ pervenire, eamque domesticis opibus illustrare; cujus rei *Sam. Bochartus*, nostro sæculo, ea edidit specimina, quæ desiderium Punicorum Scriptorum vehementissimum in nobis accenderunt, sed frustra. Perierunt illi & quæ rustici tunc facile facere potuissent, si ars ad id quod norant accessisset, ne doctissimi quidem viri nunc præstare queunt.

Maluerunt Græci & Latini statuere absurdissimè divinitus fuisse afflatos Septuaginta Interpretes, quàm laborem subire, qui exantlandus fuisset, in addiscenda Lingua Hebraica. Maluerunt in Linguae suæ cognitione acquiescere, & allegoricum interpretandi genus, quo nihil futilius dicamne an facilius erat, sectari, quàm

quàm grammaticè singula , ut decuit , utque nunc facimus , explicare. Quisquis enim summa capita Theologiæ atque Ethicæ Christianæ norat , & facultatem aliquam vernaculâ linguâ dicendi sibi comparaverat , ex quolibet loco Scripturæ , quidlibet poterat deducere ; allegoricis , nimirum , machinis , prout libebat , adhibitis. Quisquis eam rationem studiorum , eamque loquendi & scribendi consuetudinem nostræ prætulit , & Patres majore reverentiâ dignos , quàm optimos nostri sæculi Interpretes censuerit , idem post inventas fruges , glandibus vescatur , per me licet.

Ex hisce omnibus colligo si reverentia , quam Antiquitati deberi à nobis volunt viri eruditi , hac opinione nitatur , quòd fuerit postremis hisce ætatibus eruditior , falso eam niti judicio. Si verò ; quamvis Recentioribus pares non sint , ad eruditionem quod attinet , Veteribus tamen suam quoque reverentiam tribuendam contendant ; non intercedo quidem , modò ne nimia exigatur.

At tertia res est , ob quam Veteribus reverentiam singularem deberi volunt ; nimirum , mores sanctiores , quàm ferant hæc tempora , & qui eleganti oratio-

ne solent describi. Si verum esse concederem quidquid de sanctitate primorum Sæculorum, tantâ pompâ verborum, jactatur ; attamen ex sanctitate morum , & constantia in Religione Christiana , minimè sequeretur , egregios Scriptores Patres haberi oportere. Sanctitas ac constantia non sunt necessariò conjunctæ cum summo judicio in scribendo , summæque accuratiōe. Præterito sæculo, permulti non deterioribus moribus, neque minori constantiâ fuere, quàm primis sæculis; qui sanguine suo , ad tuendam Veritatem effuso , Deo Opt. Max. perlitaverunt , quos tamen egregiorum Scriptorum numero nemo habuerit. *Justinus* quoque Martyr , exempli causâ , quamvis meritò , virtutis & constantiæ causâ , laudetur , Scriptoris eruditi atque accurati laudem à nemine tulerit , qui eum legerit & seriò loqui velit. Igitur nihil vetat quo minùs concedamus eorum inculpatam fuisse vitam , & miram malorum patientiam , quorum Scripta tamen magni facere non possumus. Iis honorem tribuimus , qui viris bonis ; non eam laudem , quæ doctis tantùm debetur.

Deinde boni viri, antiquiorum sæculorum,

rum, non fuere tamen navorum omnium expertes: uti nec optimi quique nostræ ætatis. In omnibus fuit semper mistura humanæ infirmitatis, cui quidem ignoscere nos nostri memores decet; sed non plaudere, quasi rei laudandæ. Solus Christus fuit immunis, ut omnis erroris, ita & omnis vitii; ideoque per omnia laudandus, & quasi absolutissimum virtutis exemplar nobis effingendum deligendus. Visne gravia indicia affectuum humanorum, sæculo secundo se se prodentium, in Episcopis & Martyribus? Lege quæ habet Historia Ecclesiastica de contentione, circa diem Paschæ, tempore *Victoris* Episcopi Romani exorta. Visne simile quid, in tertio sæculo? Suppeditabit disceptatio *Cypriani* Carthaginienensis cum *Stephano* Romano.

Igitur quemadmodum eorum virtutes objici nobis non debent, ut si quid ab iis delictum est id probemus: ita nec ut eorum errores admittamus, efficere possunt. Revereamur ergo virtutes, rectè dicta amplectamur; at à vitiis ac erroribus caveamus, nec reverentia nostra magis superet eorum merita, quàm castigationes minùs rectè factorum, aut hallu-

cinationum. Itaque, eodem jure, iisdémque legibus erga Veteres utemur, ac erga Recentiores; atque ex iis reverebimur, aut spernemus; absolvemus, aut damnabimus.

Quæ dixi hætenus eò spectant, ut intelligatur haud paullò major deberi reverentia viris magnis, quos patrum nostrorum & nostra hæc ætas tulit; quàm priscis, quos omni eruditionis genere multùm superarunt. At, inquires, quis ergo ususerit Scriptorum Patrum? Idem, qui ex omnis generis Scriptoribus colligitur.

Primùm cùm nullos possimus habere alios certiores & fide digniores testes eorum quæ ætatibus, quibus vixerunt, gesta & credita sunt, ex eorum Scriptis Historiam factorum & dogmatum hauriemus. Quibus in rebus, ne fallamur, adhibenda erit cautio & diligentia, ut aliàs fieri solet, si quæ res paullò gravior agitur. Cuilibet testi non credimus, circumstantiàsque omnes rei attento animo consideramus antequàm judicium feramus. Non æquum erit, exempli gratiâ, ut indictâ causâ quemquam damnemus, ex sola adversarii accusatione; hoc est, ut credamus adversario qui æcerbè invehitur.

in

in eum quem erroris insinuat, & cujus nullum superest monumentum. Nam cum facile sit etiam attentum, nec ullo præjudicio laborantem errare, in aliena sententia; multò faciliùs errabit qui affectu præpeditus in adversarii sententiam, ut eam infamet, inquireret. Non credemus, sine examine, in æstu disputationis versanti, cum confirmabit suam sententiam semper in Ecclesiis Christianis viguisse; contra verò adversarii dogma nuper inventum, aut semper antea damnatum fuisse. Non temerè habebimus fidem Historico, qui partibus manifestò favet; cum loquitur de iis, quæ ab adversariis gesta sunt. Quæ certò resciri poterunt distinguuntur ab incertis, atque in medio relinquendis; prout, nimirum, suppetent aut deerunt nobis testes, quibus tutò credere possimus; quemadmodum fieri solet, in reliquis omnibus Historicis.

Secundò, legentes Opera Patrum, de ratiocinationum vi & ordine, ex legibus Dialecticæ judicabimus, stylumque ad Rhetorum canones exigemus. Ratiocinationes omnes, in quibus ex perspicuis aut demonstratis enunciationibus necessario colligetur quidpiam, probabimus; amplectemur, laudabimus. Si sint tantum
cre-

credibiles enunciationes, aut collectio minus necessaria, eas inter credibilia referemus; at non ita eis adsentiemur, quasi res perspectæ essent. Quod si collectio prava sit, aut enunciationes ex quibus deducitur ne verisimiles quidem haberi queant, totam ratiocinationem spernemus. Uno verbo ut omnia complectar, non magis infirmas collectiones, aut paralogismos Patribus condonabimus; quam Recentiori cuivis, è media turba, Scriptori. Eodem hîc jure omnes omnium sæculorum tenentur mortales; nec quod ex Dialecticis regulis nunc est paralogismus, in Scriptis nostris, potest haberi recta ratiocinatio in Veterum Christianorum Libris. Qui autem eorum Scripta legerunt, nec imperiti sunt Dialecticorum canonum, dicant, si ita eis videatur, quàm sæpe in paralogismos inciderint, præsertim ex enunciationibus Scripturæ, perperam intellectis, deductos.

Ad ordinem quod attinet, doceant nos iidem annon pleraque eorum Scripta similia sint sylvæ nullo ordine exortæ, hîc rariori, illic densiori; quàm nemori ad quincuncem confito? At, inquires, ita, etiam scripserunt vulgò Philosophi & Oratores Ethnici, nec majorem ordinem in-

VC.

venias in Scriptis *Senecæ*, *Plutarchi*, *Dionis*, *Libanii*, *Themistii* & aliorum. Non nego, sed quod vituperamus in Ethnicis, id profectò laudari non potest in Scriptoribus Christianis. Postquàm studiosè legimus orationem quampiam *Gregorii* Nazianzeni, ut hoc exemplo utar, sæpe ægrè potissimum ejus scopum adsequimur; nec capimus cur à cogitatione quapiam inceperit, cur in aliam desierit; cur hæc sequantur, illa antecedant, aut quomodo inter se connectantur; ita ut, quovis alio ordine, non possent æquè commodè collocari. Atqui oportuisset ante omnia semper proponi perspicuis verbis quid probandum sit, deinde à Lectore faciliè intelligi quâ viâ orator ad finem sibi propositum contendat. Sin minùs, exiguus est orationis fructus, nec diuturnarum, quæ legimus, memoria. Attamen plerique Patres ita passim scripserunt.

Ad stylum verò quod spectat, non dicam eorum nonnullos, ut *Tertullianum*, & *Hilarium*, obscurissimè scripsisse; sed declamatoria plerosque dictione usos esse, quod jam antea animadverti; unde fit ut sæpe difficillimum sit perspicuas ac plenas notiones eorum quæ senserunt colligere. In controversiis præsertim passim
ma-

haustum umquam à Veteribus fuerat. Quid ergo facere non potuissimus, si aditus nobis patuisset ad illa maria, quæ dudum prorsus exstruerunt?

Habuerunt etiam Veteres innumeros Philosophos, qui nunc interciderunt, ex quorum Scriptis multa, fateor, hausserunt, illustrandæ, ut putabant, Religioni Christianæ idonea, ut vel ex *Clemente Alexandrino* & *Eusebio* manifestum est. Sed si rem accuratè pensitemus, non est cur magnam gratiam eis deberent, à quibus innumera figmenta inania acceperant, nec artem investigandi veri, aut recto ordine exponendi didicerant. Quin etiam fortè præstaret ab iis Philosophos numquam lectos fuisse, qui Theologiam Christianam, admistione Philosophiæ Ethnicæ, corruerunt, quod meritò *Origeni* exprobratum est; non quòd ille solus deliquerit, sed quòd maximè omnium Philosophia abusus sit, auctórque fuerit & exemplum peccandi innumeris aliis, qui postea vixere. Huc accedit quòd imitatis Veteres Philosophos exigua cura fuerit ratiocinationem nullam proferendi, quæ non firmâ esset, aut ordine collocandi quod invenerant, aut invenisse se putabant. Igitur, neque hac in

re,

CRITICÆ &c. *Epist.* IV. 131
re, eruditio Patrum magnam illis reveren-
tiam parere potest.

Quod verò attinet ad eam eruditionis
partem quæ ad verba spectat, hoc unum
plerisque Veteribus concedere possumus;
peritos fuisse Linguæ vernaculæ; Græ-
cos Græcæ, Latinos Latinæ; & quidem
ita ut maxima eorum pars, præsertim
apud Latinos, pro modulo suæ æta-
tis, non ad normam meliorum sæculo-
rum, scribere possent. Præterea necesse
est eos, qui sibi Patres admirationi esse
dictitant, fateri plerorumque stylum esse
potius declamatorium, quàm sedatum,
& qualem esse oportet docentium. Quo
fit ut sæpe ægrè adsequamur quid sibi ve-
lint, & optemus subinde eos *ἀμαθέστερος*
μὲν, οὐκ ἐστέρας ἢ scripsisse. Hæc sanè
mentis suæ exprimendæ ratio fecit, ut
pauci perspicuè intelligerent Religionis
Christianæ dogmata, ut ostendi in Hi-
storia Rhetoricorum Studiorum, subjecta
I. Parti *Artis Criticæ*.

Unus quidem, aut alter, ut *Origenes*
apud Græcos, *Hieronymus* apud Latinos,
operam dedere addiscendæ Linguæ He-
braicæ; sed nec scivere eam in rem subsi-
diis, quæ habebant, uti, nec iis quæ
norant multum usi sunt. Vigebant, iis
I 2 tem-

temporibus, Linguæ Syriacæ & Arabicæ, in vicinia Palæstinæ & Ægypti; quæ Linguæ, cum maximi essent usûs, ad intelligendam Hebraicam, debuerant ab iis edisci, quod tamen factum non est. At Syri ipsi & Arabes Christiani perfacile potuissent à Judæis Hebraicam Linguam discere, & cum sua comparare, cum maximo suæ ætatis & posteritatis fructu. Etiam Pœnis, nisi iis mens læva fuisset, licuisset, ope Punicæ suæ Linguæ, ad cognitionem Hebraicæ pervenire, eamque domesticis opibus illustrare; cujus rei *Sam. Bochartus*, nostro sæculo, ea edidit specimina, quæ desiderium Punicorum Scriptorum vehementissimum in nobis accenderunt, sed frustra. Perierunt illi & quæ rustici tunc facile facere potuissent, si ars ad id quod norant accessisset, ne doctissimi quidem viri nunc præstare queunt.

Maluerunt Græci & Latini statuere absurdissimè divinitus fuisse afflatos Septuaginta Interpretes, quàm laborem subire, qui exantlandus fuisset, in addiscenda Lingua Hebraica. Maluerunt in Linguæ suæ cognitione acquiescere, & allegoricum interpretandi genus, quo nihil futilius dicamne an facilius erat, sectari, quàm

quàm grammaticè singula , ut decuit , utque nunc facimus , explicare. Quisquis enim summa capita Theologiæ atque Ethicæ Christianæ norat , & facultatem aliquam vernaculâ linguâ dicendi sibi comparaverat , ex quolibet loco Scripturæ , quidlibet poterat deducere ; allegoricis , nimirum , machinis , prout libebat , adhibitis. Quisquis eam rationem studiorum , eamque loquendi & scribendi consuetudinem nostræ prætulit , & Patres majore reverentiâ dignos , quàm optimos nostri sæculi Interpretes censuerit , idem post inventas fruges , glandibus vescatur , per me licet.

Ex hisce omnibus colligo si reverentia , quam Antiquitati deberi à nobis volunt viri eruditi , hac opinione nitatur , quòd fuerit postremis hisce ætatibus eruditior , falso eam niti judicio. Si verò ; quamvis Recentioribus pares non sint , ad eruditionem quod attinet , Veteribus tamen suam quoque reverentiam tribuendam contendant ; non intercedo quidem , modò ne nimia exigatur.

At tertia res est , ob quam Veteribus reverentiam singularem deberi volunt ; nimirum , mores sanctiores , quàm ferant hæc tempora , & qui eleganti oratio-

ne solent describi. Si verum esse concederem quidquid de sanctitate primorum Sæculorum, tantâ pompâ verborum, jactatur ; attamen ex sanctitate morum , & constantia in Religione Christiana , minimè sequeretur , egregios Scriptores Patres haberi oportere. Sanctitas ac constantia non sunt necessariò conjunctæ cum summo judicio in scribendo , summâque accuratione. Præterito sæculo, permulti non deterioribus moribus, neque minori constantiâ fuere, quàm primis sæculis; qui sanguine suo , ad tuendam Veritatem effuso , Deo Opt. Max. perlitaverunt , quos tamen egregiorum Scriptorum numero nemo habuerit. *Justinus* quoque Martyr , exempli causâ , quamvis meritò , virtutis & constantiæ causâ , laudetur , Scriptoris eruditi atque accurati laudem à nemine tulerit , qui eum legerit & seriò loqui velit. Igitur nihil vetat quo minùs concedamus eorum inculpatam fuisse vitam , & miram malorum patientiam , quorum Scripta tamen magni facere non possumus. Iis honorem tribuimus , qui viris bonis ; non eam laudem , quæ doctis tantùm debetur.

Deinde boni viri , antiquiorum sæculorum ,

rum, non fuere tamen navorum omnium expertes: uti nec optimi quique nostræ ætatis. In omnibus fuit semper mistura humanæ infirmitatis, cui quidem ignoscere nos nostri memores decet; sed non plaudere, quasi rei laudandæ. Solus Christus fuit immunis, ut omnis erroris, ita & omnis vitii; ideoque per omnia laudandus, & quasi absolutissimum virtutis exemplar nobis effingendum deligendus. Visne gravia indicia affectuum humanorum, sæculo secundo se se prodentium, in Episcopis & Martyribus? Lege quæ habet Historia Ecclesiastica de contentione, circa diem Paschatis, tempore *Victoris* Episcopi Romani exorta. Visne simile quid, in tertio sæculo? Suppeditabit disceptatio *Cypriani* Carthaginensis cum *Stephano* Romano.

Igitur quemadmodum eorum virtutes objici nobis non debent, ut si quid ab iis delictum est id probemus: ita nec ut eorum errores admittamus, efficere possunt. Revereamur ergo virtutes, rectè dicta amplectamur; at à vitiis ac erroribus caveamus, nec reverentia nostra magis superet eorum merita, quàm castigationes minùs rectè factorum, aut hallu-

inationum. Itaque, eodem jure, iisdémque legibus erga Veteres utemur, ac erga Recentiores; atque ex iis reverebimur, aut spernemus; absolvemus, aut damnabimus.

Quæ dixi hætenus eò spectant, ut intelligatur haud paullò major deberi reverentia viris magnis, quos patrum nostrorum & nostra hæc ætas tulit; quàm priscis, quos omni eruditionis genere multùm superarunt. At, inquires, quis ergo usus erit Scriptorum Patrum? Idem, qui ex omnis generis Scriptoribus colligitur.

Primùm cum nullos possimus habere alios certiores & fide digniores testes eorum quæ ætatibus, quibus vixerunt, gesta & credita sunt, ex eorum Scriptis Historiam factorum & dogmatum hauriemus. Quibus in rebus, ne fallamur, adhibenda erit cautio & diligentia, ut aliàs fieri solet, si quæ res paullò gravior agitur. Cuilibet testi non credimus, circumstantiàsque omnes rei attento animo consideramus antequàm judicium feramus. Non æquum erit, exempli gratiâ, ut indictâ causâ quemquam damnemus, ex sola adversarii accusatione; hoc est, ut credamus adversario qui acerbè invehitur

in eum quem erroris insimulat, & cujus nullum superest monumentum. Nam cum facile sit etiam attentum, nec ullo præjudicio laborantem errare, in aliena sententia; multò facilius errabit qui affectu præpeditus in adversarii sententiam, ut eam infamet, inquiret. Non credemus, sine examine, in æstu disputationis versanti, cum confirmabit suam sententiam semper in Ecclesiis Christianis viguisse; contrà verò adversarii dogma nuper inventum, aut semper antea damnatum fuisse. Non temerè habebimus fidem Historico, qui partibus manifestò favet; cum loquitur de iis, quæ ab adversariis gesta sunt. Quæ certò resciri poterunt distinguuntur ab incertis, atque in medio relinquendis; prout, nimirum, suppetent aut deerunt nobis testes, quibus tutò credere possimus; quemadmodum fieri solet, in reliquis omnibus Historicis.

Secundò, legentes Opera Patrum, de ratiocinationum vi & ordine, ex legibus Dialecticæ judicabimus, stylumque ad Rhetorum canones exigemus. Ratiocinationes omnes, in quibus ex perspicuis aut demonstratis enunciationibus necessario colligetur quidpiam, probabimus; amplectemur, laudabimus. Si sint tantum
cre-

credibiles enunciationes, aut collectioni-
nūs necessaria, eas inter credibilia refe-
remus; at non ita eis adsentiemur, quasi
res perspectæ essent. Quod si collectio
prava sit, aut enunciationes ex quibus
deducitur ne verisimiles quidem haberi
queant, totam ratiocinationem spernemus.
Uno verbo ut omnia complectar, non
magis infirmas collectiones, aut paralo-
gismos Patribus condonabimus; quàm
Recentiori cuivis, è media turba, Scri-
ptori. Eodem hîc jure omnes omnium
sæculorum tenentur mortales; nec quod
ex Dialecticis regulis nunc est paralogis-
mus, in Scriptis nostris; potest haberi
recta ratiocinatio in Veterum Christiano-
rum Libris. Qui autem eorum Scripta
legerunt, nec imperiti sunt Dialecticorum
canonum, dicant, si ita eis videatur,
quàm sæpe in paralogismos inciderint,
præsertim ex enunciationibus Scripturæ,
perperam intellectis, deductos.

Ad ordinem quod attinet, doceant
nos iidem annon pleraque eorum Scripta
similiora sint sylvæ nullo ordine exortæ,
hîc rariori, illic densiori; quàm nemini
ad quincuncem confito? At, inquires, ita,
etiam scripserunt vulgò Philosophi & Ora-
tores Ethnici, nec majorem ordinem in-

VC-

venias in Scriptis *Seneca*, *Plutarchi*, *Dionis*, *Libanii*, *Themistii* & aliorum. Non nego, sed quod vituperamus in Ethnicis, id profecto laudari non potest in Scriptoribus Christianis. Postquàm studiosè legimus orationem quampiam *Gregorii Nazianzeni*, ut hoc exemplo utar, sæpe agrè potissimum ejus scopum adsequimur; nec capimus cur à cogitatione quapiam inceperit, cur in aliam desierit; cur hæc sequantur, illa antecedant, aut quomodo inter se connectantur; ita ut, quovis alio ordine, non possent æquè commodè collocari. Atqui oportuisset ante omnia semper proponi perspicuis verbis quid probandum sit, deinde à Lectore facilè intelligi quâ viâ orator ad finem sibi propositum contendat. Sin minùs, exiguus est orationis fructus, nec diuturna eorum, quæ legimus, memoria. Attamen plerique Patres ita passim scripserunt.

Ad stylum verò quod spectat, non dicam eorum nonnullos, ut *Tertullianum*, & *Hilarium*, obscurissimè scripsisse; sed declamatoria plerosque dictione usos esse, quod jam antea animadverti; unde fit ut sæpe difficillimum sit perspicuas ac plenas notiones eorum quæ senserunt colligere. In controversiis præsertim passim
ma-

ambiguitatibus laborant, nec tam scribunt ut Lector eorum sententiam adsequatur, quàm ut vincant, aut ne adversarius ex illorum verbis occasionem arripere possit infamandæ eorum sententiæ. Nervos omnes intendunt, ut gravissimos ictus inferant adversario, utque declinent ejus tela; sed de perspicua & plena notione sententiæ suæ, in Lectorum animis relinquenda, parum solliciti sunt. Animadvertere hoc licet ubique, in libris *Augustini* contra Pelagianos, quos libros ultimum Operum ejus volumen complectitur; ubi ita loquitur ut *libertatem* videatur homini peccatori relinquere, quotiescumque Pelagianorum objectionibus aliter respondere non potest, alibi verò non obscurè eam illi detrahat; unde natæ hoc nostro sæculo acerrimæ controversiæ, inter viros eruditos Ecclesiæ Romanæ, de sententia *Augustini*, quem dissidentes ad se trahere utrimque conantur. An ejusmodi scribendi ratio placeat iis, qui admirari se Patres aiunt, equidem nescio; at profectò in hodiernis Scriptoribus non placeret, nec intelligo cur jure singulari, hac in re, Veteres gaudere necesse sit.

Verùm videor mihi audire eos, qui Veteres jactare solent, hinc exclamantes à me
cis

eis omnem auctoritatem detrahi ; quam antiquitas saltem eis tribuit , præsertim quando inter se consentiunt ; fuisse propiores temporibus Apostolicis , ac proinde Apostolorum sententiam veluti per manus ad eos puriorem pervenisse , quàm ad nos tot sæculis remotiores.

Libenter quæsierim à viris eruditis , quid in hoc negotio sit *auctoritas* ; an sit jus quodpiam singulare , quo , si quid incidat controversiæ , Veteres , quamvis eruditione necessariâ , ad rem penitus cognoscendam caruerint ; nec in eo negotio ratiocinati sint ad rectæ Rationis normam ; tamen sint audiendi , quasi perspicaces iudices ac duces certi , quorum iudicium sequentis error sit minimè timendus ? Ubi verò Deus Patribus promisit , quamvis judicarent de re sibi incomperta , nec bene ratiocinarentur , à vero non aberraturos ? Nusquam , sine dubio. *Auctoritas* ergo eorum , quæcumque tandem sit , his nitetur fundamentis , quòd nos doceant rem sibi perspectam , utanturque rationibus , quibus ad sensum negare non possumus. Atqui in huiusmodi negotiis non auctoritate Veterum affirmantium , sed rebus ipsis movemur. Iis credimus , non quia suat Antiqui , sed quia eorum iudicium

om-

omnibus veritatis indiciiis est ornatum.

Sed annon, inquires, antiquitas auctoritatem quamdam conciliat judiciis, quâ ceteroqui carerent? Annon idem judicium, in Scriptis Patrum, majoris est ponderis, quàm in Recentiorum libris? Antiquitas, si quid judico, pondus & auctoritatem judicio addit, si res agatur, quæ non potuerit probè nosci, nisi ab Antiquis, quòd ad eorum ætatem pertineat; modò ne testimoniis Veterum quæ preferuntur defint indicia veri, quæ in testimoniis postulari solent. Exempli causa, si quærat an ab ætate Apostolorum singulares fuerint Episcopi Ecclesiis præfecti; cùm videam hoc affirmari ab universa Antiquitate, pluris ejus testimonium facio, quàm omnes ratiocinationes Recentiorum; quia sermo est de re quam ab Antiquis solis accipere possumus, & quia omnia veritatis signa Veterum hoc testimonium comitantur. Verùm si quæsieris quis sit sensus loci cujuspiam Veteris Testamenti, Antiquis non magis credam, quàm Recentioribus; quia nullum singulare auxilium habuerunt, quod nos careamus, & cujus ope sententiam loci obscuri intelligere potuerint. Exempli

pli gratiâ, si quæretur sensus verborum
 Psalmi CX, 3. מרחם משחר לך של ילדתך *ex*
utero aurora tibi ros genitura tua, proferan-
 rûrque LXX. Intt. qui verterunt: ἐκ γα-
 ρὸς τοῦ ἑωσφώρα ἐγέννησά σε, *ex utero ante*
Luciferum genui te; tum addatur chorus
 Patrum hunc locum summo consensu in-
 terpretantium, de generatione æterna Fi-
 llii; majus apud me pondus habebunt
 rationes grammaticæ, quæ afferuntur à
 Recentioribus, quàm auctoritas universæ
 Antiquitatis. Cur verò? Quia, nimirum,
 Veteres fuere destituti præfidiis necessa-
 riis, ad judicandum an LXX. Intt. rectè
 vertissent; aut, quod perinde est, iis quæ
 habebant usi non sunt.

Quotiescumque res agetur, de qua ju-
 dicium ferri nequeat, nisi ope Gramma-
 ticæ, verbi gratiâ, & Logicæ; pondus ju-
 dicii non ex antiquitate judicium, sed ex
 recto usu utriusque illius Disciplinæ pen-
 debit; nec gravius habebitur in Veterum,
 quàm in Recentiorum Libris, nisi fortè
 melius Grammatica & Logica sint usi.
 Consensus ad evertendâs rationes gram-
 maticas, aut dialecticas nihil facit; statim
 enim animo occurrit ratio consensûs, pe-
 titâ ex communi ignorantia rerum, qui-
 bus ab errore consentientes potuissent
 re-

revocari. Sic quamvis Græca & Latina Ecclesia, per aliquot sæcula, post Apostolorum ætatem, magnificè sensisset de Versione LXX. Interpretum, quos multi divinitus afflatos, ceteri optimos Interpretes constanter judicarunt; non dubitavit *Hieronymus* eos erroris arguere, novamque versionem adornare, quàm meritò tandem probarunt Occidentales Ecclesiæ; quia norat eam versionem cum Hebræico Codice à perpaucis conferri potuisse. Nec nos hodie dubitamus, quotquot cum Hebræico Codice eam contulimus, multò meliorem potuisse fieri. Igitur consensus Veterum, rationibus destitutus, tum demum urgeri potest, cum res aguntur, quæ sine ratiocinatione aliisque præsidiiis, cognosci ab iis potuerunt, nec nos aliter quàm eorum testimoniis noscimus; quale est, ut dixi, Episcopale regimen, à temporibus usque Apostolicis deductum.

Sunt qui velint consensum maximæ partis Christianorum ejusmodi esse indicium veri, ut res de qua consentiunt ad Examen revocari amplius non possit. Verùm primùm definiendæ essent voces *maxima pars Christianorum*; possunt enim hæc verba intelligi de unius ætatis hominibus

nibus consentientibus; aut de máxima parte Christianorum per omnia sæcula, quæ ab Apostolis ad hanc usque ætatem fluxerunt. An satis est unâ ætate consentire plerosque Christianos, quamvis de ceterorum consensu non constet, ut sciamus quidpiam esse verum? An omnium sæculorum consensus est probandus? An Christi & Apostolorum auctoritas, si eorum sententia manifesta sit, satis gravis non est, ut controversia dirimatur, quamvis sequentium sæculorum suffragia ignota sint? Quod si nec Christus, nec Apostoli quidquam statuerunt de re, quæ in controversiam vocatur; an sequentes ætates jus habent iudicii ferendi, quod sine examine sit admittendum? Deinde quæcumque horum, quasi vera affirmarentur, probanda essent, non ambiguo Dei promisso; ex quo liqueret Deum operam dare ne *maxima pars Christianorum in errore consentiat*, eo sensu quo hæc enunciatio fuisset intellecta. Quale promissum cum nusquam existet, sequitur ut in Christi, ejusque Apostolorum solum auctoritate *à Gersonio* acquiescamus, quorum dicta Deus miraculis confirmavit.

Scio objici hinc solere traditionem, quam ore dumtaxat Apostoli discipulis relique-

Tom. III.

K

rint,

rint; quæ deinde cùm ore, tum Scriptis, propagata sit, & quæ initio purior fuerit, cùm ob probitatem hominum, tum etiam recentem omnium memoriam. Verùm huic objectioni multò major species inest, quàm veritas. Etenim, ne dicam quæ in Antiquitatem quamvis dici queant, si- ne ratione & contra fidem Historiæ, resque adeò ipsas, plerosque omnes Apostolorum discipulos indolem sanctissimorum illorum virorum retulisse, & summa curâ ac fide magistrorum doctrinam addidisse, ac retinuisse statueremus. Christus quidem numquam expectavit eum prædicationis Evangelii exitum, ut tantum bonos ac veritatis amantes in Ecclesiam Christianam alliceret. Liquet hoc ex Parabolis de Zizaniis & Everriculo *Math. XIII, 24.* & seqq. in quibus manifestò ostendit malos bonis, in Ecclesia Christiana, ab initio mistum iri; & tum demum separandos, cùm ad iudicium ipse venturus est. In ipso Apostolorum collegio fuit Judas; inter primos Apostolorum discipulos Ananias & Sapphira, homines avari & dolosi; tum etiam Judæi ritibus antiquis superstitiosè addicti, & qui Paulo Apostolo multas molestias creaverunt; deinde Gentiles tumultuosi, qui in Ecclesia

Corin-

Corinthia omnia miscebant, quamvis & ipsi varia cœlestia dona accepissent, ut docet Paulus 1 Cor. XII. & alibi; postea & homines ambitiosi, qualis Diotrophes ille, qui Joannem Apostolum spernebat; denique multi alii, quos in Scriptis suis non rarò castigant. Potuerunt facillè esse, inter ejusmodi homines, qui doctrinam Apostolicam adulterarent; imò verò fuerunt, viventibus ipsis Apostolis, in quos Paulus aliquando graviter invehitur, ut *Epist.* ad Galatas Cap. I. & alibi. Fuere, ut sunt semper, homines etiam minimè mali, sed exiguo judicio; qui & audita & lecta malè intelligere potuerunt, & quasi Apostolica dogmata errores suos propagare.

Eâ ætate, quæ Apostolicam proxima excepit, floruit fabulator *Papias*, qui bonum *Irenæum*, & alios multos traditionibus veluti Apostolicis fefellit. *Eusebius* Lib. III. c. 39. σφόδρα μικρὸν τὸν νῦν, *exigui judicii* fuisse non falsò prodidit; attamen PLERISQUE post ipsum *Ecclesiasticis* *viris similis opinionis* (de regno Christi in terris mille annorum) *auctor fuit hominis* ANTIQUITATE *sententiam suam tuentibus*: Πλὴν καὶ τοῖς μετ' αὐτὸν ΠΛΕΙΣΤΟΙΣ ὅσοις τῶν Ἐκκλησιαστικῶν τῆς ὁμολίας αὐτῶ δόξης πα-

εραίπος γέγονε τὴν ΑΡΧΑΙΟΤΗΤΑ τ' ἀνδρῶν
 περὶ βιβλίοις. Dignum Caput illud *Eusebii*, quod integrum attentè legatur, nam
 ex eo intelligere licebit, apud antiquissi-
 mos Christianos, non defuisse homines
 parum cautos, qui sibi faciliè imponi pa-
 terentur, & fortè etiam parum veri aman-
 tes; ac proinde antiquitatem solam non
 posse veluti Christi commeatum haberi,
 quo conspecto omnes, qui eum gerunt,
 sint quasi testes fide digni admittendi.

Multi deinde Græci, non tantum eru-
 diti, & accurati inquisitores Veritatis,
 sed etiam rudiores in Ecclesiam Christia-
 nam ingressi sunt; nec contenti simplici-
 ter narrare quæ à magistris acceperant,
 ea, prout poterant, interpretabantur, or-
 nabantque & tuebantur contra Ethnicos,
 aut Hæreticos. Philosophia Ethnica ve-
 luti succenturiata venit Theologiæ Chri-
 stianæ, eamque non parum vitiavit, ut
 exemplo *Clementis* Alexandrini ostendi.
 Hæc quidem condonare partim possumus,
 animo simplici, quo fiebant; sed laudare,
 aut planè excusare non possumus. *Guilielmus*
 quidem *Cavens*, qui mihi occasio-
 nem hac de re scribendi præbuit, in An-
 glica *Clementis* vita, postquam dixit er-
 rores, qui Alexandrino Catechistæ ex-
 pro-

probrantur, inveniri & in aliis Scriptoribus primævis : *nec mirum*, inquit, *bonos ac pios viros eorum temporum, qui perpetuò distinebantur acerrimis controversiis hinc cum Ethnicis, illinc cum Judæis, Hæreticisque, non semper ὁρθοτομῆσαι in nonnullis subtilioribus capitibus &c.* Imò vero propter controversias illas, præsertim cum Hæreticis, debuissent dare operam, ut cautè & accuratè de singulis rebus loquerentur, ne erroribus fenestram aperirent. Nec levia omnia fuere capita, in quibus à vero aberraverunt, ut satis liquet ex ejusdem *Clementis* exemplo.

Sed, nisi Veri nos pudeat, fateamur oportet, post Apostolos qui ex institutione ipsa Christi & divino afflatu *in omnem veritatem ducti fuerant*, & Apostolicos aliquot viros cœlestium illorum donorum participes; cùm ars & ratio non succederent inusitatis illis donis, sed tantum nonnulla declamandi facultas; Theologiam Christianam non modò non satis commodo ordine traditam fuisse, sed ne satis quidem plenè ac perspicuè. Viri boni videntur tunc temporis in notionibus obscurioribus acquievisse, quæ certè sese passim produnt in Scriptis, quæ temporum injuriæ erepta ad nos pervenerunt.

Cùm Linguæ Hebraicæ sacræque Criticæ non essent petiti , Vetus & Novum Testamentum , sola divinarum revelationum non dubia , nec fallacia monumenta , non satis commodè interpretabantur , & passim torquebant. Ideoque si ex omnibus Scriptoribus secundi sæculi , qui supersunt , colligas summam quamdam Theologiæ , Religionisque Christianæ ; animadvertes varia esse capita , de quibus difficile est scire quid senserint. Ceteroqui non negarim plerosque in summis capitibus rectè sensisse , quamvis non sint reliqua subtiliùs exquirenda.

Postquàm verò res Christiana aucta est , plures plura scripserunt , definitiones à Conciliis conditæ sunt , constitutæque varia dogmata , & loquutiones quibus exprimerentur , vel usu , vel auctoritate Synodorum consecratæ. Verùm hisce etiam temporibus , hoc est , ex quo Imperatores facti sunt Christiani , multò magis florebat facultas declamandi , & philosophandi , more Ethnicorum ; quàm ars interpretandi Scripturam ex grammaticis regulis , & accuratè etiam ratiocinandi canonibus. Qua de re , antea jam dixi.

Sequentia sæcula , cùm apud Græcos , tum apud Latinos , erroribus & diffidiis in-

infamiora sunt Theologiæ Christianæ per-
 ritis ; quàm ut cum nostra ætate ea con-
 ferri patiantur. Nec Veteris nec Novi
 Testamenti divinas Tabulas , accuratiùs
 interpretari, lapsu temporis, didicerant,
 nec ulla alias disciplinas diligentius ex-
 coluerant. Imò in meram barbariem
 paullatim delapsi , mirabantur priorum
 ætatum Scriptores quos non intelligebant;
 nec proinde aut eorum errata emendare,
 aut verè dictis quidquam addere potue-
 runt.

At tandem, superiore præsertim sæcu-
 lo, & hoc nostro, cùm disciplinæ omnes
 & quæ pertinent ad Antiquitatis, Lingua-
 rumque demortuarum intelligentiam, &
 quæ rerum ipsarum cognitionem tradunt,
 & quæ veri, in quavis arte, inveniendi
 ac exponendi rationem docent, ad mul-
 tò majorem perfectionem adductæ essent;
 antiquissima illa Religionis divinitus reve-
 latæ monumenta multò melius explicari,
 certioraque ex iis confectaria duci, ca-
 pitaque omnia Theologica rectius tradi
 cœperunt, quàm umquam antea ab Apo-
 stolorum ætate factum fuerat. Quod
 multò citius contigisset, si Majores no-
 stri judicio suo maluissent uti, quàm alie-
 no ; neque enim ingenia defuisse puto

posterioribus sæculis , sed artem dumtaxat ; quæ nimia , cæcæque admiratione priorum veluti oppressa jacebat. Quare contigit idem Theologiæ Christianæ , quod Philosophiæ ; quæ tum demum cum fructu , ut par erat , excoli & perfici cœpit , cum homines cœpere recordari sibi Rationem non minus esse datam , quàm *Aristoteli* ; excussâque admiratione Antiquitatis , dogmata ejus ad examen revocare. Ut igitur qui nunc pulcherrima Recentiorum in Philosophia inventa oblivioni mandari vellent , ut Aristotelea decreta sola iterum obtinerent , tenebras luci præferre meritò censerentur : ita qui nunc nos revocant ad elementa , ac prima veluti tentamina Patrum Græcorum , aut Latinorum , plurisque ea fieri volunt quàm quæ nunc scimus ; ii virum adultæ ætatis pertinaci studio , longæque experienciâ edoctum ad pueritiæ ruditatem redire volunt , majorique in pretio habere quæ puer animo agitabat , quàm quæ adultus maturo judicio pensitavit. Inimici sunt profectus omnis in Sacris Litteris , adeoque ipsius Veritatis. Talenta divinitus nobis data , & nuper mirum in modum aucta , minuere atque infodere omni ope conantur. Quod ab
iis

ius perfici nec Deus, nec homines sinent; donec in aliquo terrarum angulo Sacræ Litteræ & Veritatis amor vigeant.

- Qui priscos Scriptores non legerunt, aut oscitanter evolverunt, rem ipsam minimè attendentes, sibi fingunt, aut aliis describunt Patrum Scripta, non qualia sunt, sed qualia ea oportuisse esse existimant; ideoque ea de illis prædicant, quæ ab attentis Patrum Lectoribus contraria rei ipsiprehenduntur. Sic & in aliis judiciis, quæ de antiquioribus temporibus ferre homines solent, plerumque peccatur. Antiquiora enim omnia, quasi propiora origini, aut etiam ipsi Deo, meliora & augustiora esse censentur. Sæpe quò plura vetustas rebus detraxit, eò plura à posteris adduntur: ita ut, vel solo tempore, rerum notiones augeantur. Rectè hanc in rem * *Philemon* Comicus:

ὦ Πάμφιλ' ὁ χρόνος ἔ μόνον τὰ σώ-
ματα

αὐξέει βαδίζων, αἰτὰ καὶ τὰ πρῶτα.

O *Pamphile*, *tempus non tantum corpora auget procedens, sed etiam res.*

Hæc

* *Apud Stobæum de Rer. Natura Tit. XI.*

Hæc cum ita sint, satis jam manifestum est, antiquitatem solam & consensum plurimorum minimè esse indicia Veri. Indidem etiam colligere licet, nostræ ætatis viros eruditos, cinctos omnibus illis præfidiis, quæ nunc nobis suppetunt, posse meliùs intelligere ex Vetere & Novo Testamento quid senserint Scriptores Sacri; quàm homines Græci aut Latini, qui secundo sæculo florebant, quamquam Apostolis propiores. Incertis traditionibus Apostolicis, non patimur nunc fucum nobis fieri, & omnia adhibemus Criticæ & Grammaticæ subsidia; quorum ope, obscuram sententiam illustrari posse novimus. Ac sanè si conferantur laudati Interpretes nostri sæculi, cum illis; antiquiores pueri videbuntur, cum viris maturi iudicii collati. Si, exempli causâ, *Justinum* & *Irenæum* cum *Grotio* & *Hammondo* contuleris, priorum te miserebit; intelligesque de Martyre non minùs verè potuisse dici, quàm de Episcopo, in ejus scriptis τὸ πρὸς ἐκκλησιαστικὰ δόγματα ἀληθείας ἀκρίβειαν νόθοις λογισμοῖς κινδυνεύειν, ὃ καὶ ἐξ ἀποστολικῆς: *Ecclesiasticorum dogmatum accuratam veritatem spuris ratiocinationibus adulterari, quod oportet animadvertere. Quod iudicium*

dicium est *Photii*, de *Irenæo*, Cod. cxx.

Hinc jam liquet, ut usui sint Patrum Scripta, primum distinguendam esse Historiam dogmatum & rerum gestarum, quam ab illis solis petere possumus; à veritate ipsa dogmatum, & regula morum, quas à Christo, ejusque Apostolis dumtaxat accipimus, quia nos fallere non possunt. Ut sciamus an probandum sit quod fecerunt, aut dixerunt Patres, id exigendum est ad Novi Testamenti normam; cum qua quidquid consentit rectum est, & à qua quidquid dissentit obliquum, quantalibet multitudini probetur. Christus solus dicendus *Magister & PATER*, à quo dissentire non licet, ut ipse docuit, Matth. XXIII, 8, & seqq. Patrum verò, ut vocantur, consensus, multitudo & antiquitas pondus nullum apud nos habeant oportet; nisi quatenus consentiunt cum summo illo & unico doctore, fidelibusque ejus discipulis, quorum doctrinam miraculis comprobavit. His credimus non quia sunt antiqui, sed propter doctrinæ præstantiam, eamque cœlestibus testimoniis, hoc est, prodigiis confirmatam.

Scio Pontificios docere non potuisse fieri, ut plerique eorum à Christo dissentirent,

tirent; nec ejus doctrinam posse intelligi, nisi ex Patrum Scriptis illustretur. Sed cum hæc duo meritò rejiciantur ab iis, qui ab eorum communione secesserunt, quòd nullo cœlesti promisso, aut præcepto nitantur; non opus est ut à me confutentur, cum præsertim posterius sit à *Joanne Dallæo* funditus eversum.

Deinde in aliis, quæ ad dogmata Religionis aut ad mores non pertinent, omnia illorum dicta aut facta sunt ad rectam Rationem, Artésque ab ea prognatas, & minimè fallaces exigenda; quarum solis suffragiis probari, nimirum, possunt, aut improbari.

Igitur Patrum Scripta majore aut minore reverentiâ prosequemur, seu pluris aut minoris faciemus; prout magis aut minùs consentient cum explorata Christi & Apostolorum doctrina, cumque recta Ratione; quæ duæ solæ sunt faces, à Deo ad homines demissæ, ut in hujus mortalis vitæ tenebris nobis illuceant, utque ad earum lucem dogmata, dicta, præcepta, facta omnia expendamus. Nulla cujusquam hominis reverentia, præsertim in Religionis negotio, illis æquiparari jure potest, nedum ut anteferriqueat.

Non

Non puto eos qui Patrum auctoritatem, apud Anglos, tuentur eam velle ultra hosce limites proferre. Quare nulla mihi cum illis lis est; nec proinde cum viro erudito *Guilielm. Caveo*, qui numquam probabit me, prudentem certè ac scientem, repudiare Patrum scita, ubi consentiunt cum Scriptura, aut cum recta Ratione, ac proinde debitam eis venerationem à me non deferri.

Hæc erant, REVERENDISSIME PRÆSUL, quæ dicenda de Patribus habebam, & in quibus, si quem esse errorem intellexero, facile, Te monente, emendari poterit. Neque enim is sum, qui alios quidem cupiam errantes in rectam viam à me monitos æquo animo redire, ipse verò non sustineam ab alijs in eam revocari. Vale.

Dabam Amstelodami, Nonis Julii

CID IDC XCIX.

EPI.

EPISTOLA V.

Illicitas esse omnes dissimulationes, in Historia Ecclesiastica. Insigne, hac de re, Melchioris Cani judicium, confirmatum multis rationibus & exemplis.

Reverendissimo Præsuli

GUILIELMO LOYDIO

Episcopo Vigornienfi

S. P. D.

JOANNES CLERICUS.

M Iraberis fortè, REVERENDISSIME PRÆSUL, Te ab homine ignoto compellari; sed mirari defines, cum dixerò mihi litem esse cum Viro Docto *Guil. Caveo*, qui in me gravissimè inventus est, in Dissertatione de *Eusebii Cæsariensis Arianismo*; nec me vidisse quem possem doctiorem, æquiorémque hujus-
cc

ce litis disceptatorem , quàm Te , Illustrissimo Archiepiscopo Cantuariensi , & Reverendissimo Episcopo Salisburienſi veteri amico tuo , ad quorum judicium rem totam retuli , conjungere. Ostendi in litteris ad priorem datis , cùm non eſſet cur quereretur *Caveus* ſe à me laceſſitum fuiſſe , eum injuriâ in me calamum arripuiſſe ; cùm præſertim ejus rei , cujus ſe à me inſimulatum frustra querebatur ; nempe , diſſimulationis in Hiſtoria Eccleſiaſtica ; re verâ reus eſſet ; quod eo provocante perſpicuè demonſtravi. Tum etiam calumnias propulſavi , quibus me , ne æquas aures quiſquam mihi præberet , ab initio Diſſertationis infamare conatus eſt. In litteris verò ad poſterioreſcriptis , probavi nihil à me de doctrina Patrum dictum eſſe , in Vitis Gallicis *Clementis* Alexandrini , *Eusebii* Cæſarienſis , *Gregorii* Nazianzeni , aliorumque , quod non ſit ex eorum Scriptis hauſtum , atque excerptum.

Superest nunc ut expendam quæ dicta à me , de priſcis nonnullis Eccleſiaſticis hominibus , ille ita interpretatur , ut in totius Sacri Ordinis contemptum ſcripta ; quaſi nonnullorum vitia aut delicta univerſo illi hominum generi eſſent à me tributa

buta. Credidit *Caveus* rem esse usque adeò invidiosam; ut satis esset summa capita recensere; quibus lectis, totus reverendus Ordo continuò in me esset consurrecturus, atque inauditum è vestigio damnaturus. Qua in re, ostendit quid ipse de eo sentiat, qui invidiam ob Veritatem candidè prolatam movere, & reum apud Clerum facere perinde esse putavit. Ego verò multò meliora non tantum spero, de Ordine Ecclesiastico; verum etiam perspecta habeo. Scio esse in eo innumeros bonos, atque eruditos homines, qui ingemiscant, cum ea legunt in veteribus Historiis, quæ à nonnullis sui Ordinis viris contra jus & fas olim facta sunt, nec ea defendi patiuntur, imò nequidem dissimulari; ne exemplum serpat, nève quæ defenduntur aut dissimulantur, quasi levia, licita tandem esse existimentur: quemadmodum nunc fit in Ecclesia Romana, quæ multò diligentius delicta, quàm rectè facta Veterum imitatur.

Cum autem nemini dubium sit, quin Tu, REVERENDISSIME PRÆSUL, sis eorum numero censendus, quibus non modò universa perspecta est Ecclesiastica Antiquitas, sed quibus maximè cordi sunt mores ad Evangelii normam exacti;

nemo

nemo magis idoneus atque integrior judex hujusce litis sedere poterat. Quo in judicio, causa à me dicetur non tam mea, quàm Veritatis ipsius; quam Vir Eruditus imprudentissimè, in Historia Ecclesiastica, dissimulari vellet. Nec adversarium mihi eum propono, quasi ullam notam homini inuri cupiam, si evicero eum perperam à me dicta carpisse; sed ut, occasione datâ, Veritatem Historicam in rebus Ecclesiasticis, contra omnes, quos ejus pudet, defendam, ostendâmq; nihil esse Christianis omnibus utilius, atque optabilius: contrâ verò dissimulatione nihil magis noxium, ac fugiendum. *Caveo* autem ipsi nihil opto, nisi majorem erga dudum mortuos candorem, animûmq; adversùs vivos æquiores.

Singula ergo quæ hac de re habet expendam, postquàm nonnulla priùs animadvertenda exposuero. Ante omnia, à *Caveo*, aliisque qui offenduntur; quando minùs laudabilia dicta aut facta Veterum nonnullorum proferri vident, & pro merito castigari, ut debet fieri in gravi Historia, quæfiverim an quæ protuli sint vera, vel falsa? Falsa si dicant, oportebit me proferre quæ in Vitis Gallicis scripsi, eaque singula probare. Quòd si præstare

Tom. III.

L

non

non potuero, tum verò me quasi calumniatorem traduci apud omnes, & nigro carbone notari necesse erit; nec causam dico, cur non fiat. Nullam enim hîc indulgentiam peto, sed ut summo jure mecum agatur postulo. Si verò non ausint negare quæ dixi esse vera, eaque ipse copiosius demonstravero, ne quis calumniæ superfit locus; quæram ab iis iterum an idèò ergo mihi indignantur, quòd quæ fuerant occultanda, uti existimant, in apertam lucem protulerim. Si negent, quid in me reprehendunt? Si aiant, quomodo negare possunt se dissimulationis, in Historia Ecclesiastica, reos esse & patronos, & pro Historiis scribere Encomia vel Apologias, quod tamen dici nolunt? Nam profectò Encomia sunt, aut Apologiæ Scripta, in quibus quæcumque quidem vituperari possunt reticentur, aut anxie excusantur; copiosè verò narrantur laude digna, atque ad cælum extolluntur. Cui scribendi generi addictum esse *Caveum* non modò ostendi, sed ipse palam facit, hoc in loco; dum usque adeò ægrè fert à me prolata esse varia, quæ in Veteribus probari non possunt. Quod tam invisum facinus esse putavit, ut vel indicatis iis, non confutatis, quæ dixi,

me

me Lectoribus odiosum reddere se posse existimavit.

Scio hæc artes, quas in Historia quidem profana, *malas* acturpes diceremus, nonnulli verò in Ecclesiastica *pias* ac honestas esse volunt, sic solere ab iis defendi. Contendunt, nimirum, Historias Ecclesiasticas scribi, ut Lectores magis ac magis adducantur ad fidem habendam Religioni Christianæ, ejusque observanda præcepta; quam in rem cum multum, ut putant, conducat honesta opinio de iis qui rebus Ecclesiasticis per aliquot saltem sæcula, ab initio Christianismi, præfuerunt: contrà verò non parum noceat priori contraria opinio minùs honorifica de iisdem viris; existimant prudentis esse Historici & de re Christiana bene mereri cupientis, extollere atque exaggerare quæ laude digna sunt, in Vita & Scriptis antiquissimorum Christianorum: at apertè vituperanda, si alibi occurrerent, hîc planè dissimulanda esse, aut si prudenti silentio omnino occultari non possint, excusanda atque emollienda. Ita illi dissimulationes suas, specie Religionis, incrustare solent; quamobrem factum est ut perpaucæ essent Historiæ Ecclesiasticæ ad id exemplum non conscriptæ; quamvis viri eru-

L 2

diti,

diti; etiam ex Pontificia Schola, subinde
 quàm hæc scribendi ratio sibi improbare-
 tur gravibus querelis ostenderint. Audia-
 mus vel unum *Melchiorem Canum*, cujus
 oratio eò minùs erit suspècta, quòd Tri-
 dentinæ interfuerit Synodo, pijs illis, si
 Deo placet, artibus, si quæ umquam alia,
 gnaviter usæ: * *Dolenter hoc dico*, inquit,
 potiùs quàm contumeliosè, multò à Laërtio
severius vitas Philosophorum scriptas, quàm
 à Christianis *vitas Sanctorum*; longèque in-
 corruptiùs & integriùs *Suëtonium res Cæsa-*
rum exposuisse, quàm exposuerunt Catholici,
 non res dicam *Imperatorum*, sed *martyrum*,
virginum & confessorum. Illi enim in probis
 aut Philosophis, aut Principibus nec vitia,
 nec vitiorum suspiciones tacent, in improbis
 verò etiam colores virtutum produunt. Nostri
 autem plerique vel affectibus inserviunt, vel
 de industria quoque ita multa confingunt; ut
 eorum me, nimirum, non solùm pudeat, sed
 etiam tadeat. Hos enim intelligo Ecclesia
 Christi cùm nihil utilitatis attulisse, tum in-
 commodationis plurimum. Nominibus parco,
 quoniam hujus loci judicium morum etiam est
 & non eruditionis tantùm, in qua liberior
 potest esse censura. Nam quæ morum est,
 hæc debet profectò esse in viros cautior, & in
 mor-

* Loc. Cem. Lib. XI. p. 650.

mortuos reverentior. Certum est autem, qui fide & fallaciter Historiam Ecclesiasticam scribunt, eos viros bonos atque sinceros esse non posse, totâque eorum narrationem inventam esse, aut ad quæstum, aut ad errorem; quorum alterum fœdum est, alterum perniciosum.

Hæc Veritas expressit Melchiori Cano, qui tamen fortè, si ei scribenda fuisset Historia Ecclesiastica, non multò magis Veritati nudæ litasset. Res est tanti momenti, & in quam tam contumaciter, à multis sæculis, peccatur; ut supervacuum non sit futurum si paucis confutem eos qui ita sentiunt, & quàm turpis & periculosa sit hæc ratio scribendæ Historiæ ostendam.

Primum igitur, quisquis in Historia Veritatem dissimulat, ut eâ ratione Religionem Christianam credibiliorem faciat, ostendit se nescire quibus fundamentis nitatur, adeoque causæ planè diffidere. Quisquis enim novit inconcussis fundamentis inædificatam esse Religionem, infirmis tibicinibus numquam eam fulcire nititur. Spernit omnia debilia argumenta, quisquis rationibus est instructus, quibus nihil sani opponi posse censet. Securus ac magnanimâ Veritatis fiduciâ

plenus, tantum abest ut quidquam occultare velit, ut contra omnia in clarissima luce poni exoptet; quia quò accuratius & plenius omnes Veritatis circumstantiæ aperiuntur, eò manifestior fit, eoque altius in animos descendit. E contrario qui non satis novit an quod tueri aggressus est verum sit, is timet necuriosius introspectiatur, nec nisi timidè id aperit. Dissimulat quæ minùs apta putat ad persuadendum, aut quæ fortè in sequiorem partem sumi possent; ne id falsum deprehendatur quod verum esse potius cupit, quàm novit. Circumspicit omnia & si qua fortè ex ignorantia audientium nascitur occasio utendi infirmis argumentis, quasi firmis, eam avidissimè arripit, & tum maximè fiduciam ostentat, cum ea dicit quæ nonnisi apud imperitos valent. Utramque illam rationem scribendæ Historiæ Ecclesiasticæ animadvertere licuit, variis temporibus, adhibitam ab hominibus diversissimæ indolis. Apostoli veritatis securi, historiam Christi & suam ipsorum ita scripsere, ut nihil dissimularint, sed omnia simplicissimè dixerint, quemadmodum contingerant; quamvis interdum sibi ipsis patrum honorifica, quales fuerunt eorum omnium

omnium ruditas ante acceptum Spiritum Sanctum, abnegatio Petri, ejus dissimulationis in observatione rituum Judaïcorum, dissidium Pauli & Barnabæ, aliæque id genus. At eadem historia, aliquot post annis, hominibus Religionis Christianæ parum peritis non satis cautè conscripta videbatur; ideoque non modò scripta nova Evangelia, & Historiæ Apostolorum, quibus addita sunt multa, sed etiam è veteribus resecta, ne quid dici videretur quod minùs dignum esset auctore Religionis Christianæ. Exempli causâ, fuisse exemplaria Evangelii Lucæ mutilata ab hominibus imperitis, ne Jesus flevisse videretur, Cap. XXII, 43. ut ostendi *Artis Criticæ* Parte III. S. 1. c. 14. Credibile est ab hominibus ejusdem indolis, in narrationibus antiquorum martyriorum, prætermittas esse circumstantias ex quibus intelligereliceret horrorem naturalem cruciatuum & mortis non magis in iis extinctum fuisse, quàm in Christo; cum quo nemo, ut opinor, Martyrum conferri se velit, constantiâ magis & fortitudine, quàm ceteris virtutibus. At Apostoli, boni planè & simplices viri, callida ejusmodi dissimulatione uti nesciverunt, in sanctissimis Historiis scribendis; eaque

eorum nullo fūco , nullo prudente , ut dicitur , silentio corrupta narratio ostendit eos ex Veri fiducia ita scripsisse : sicut nimis circumspecta Historia prodit animum non satis rebus suis fidentem.

Secundo loco , qui Veritatem Historiæ sine dissimulatione exponi non posse censent ; illi Deum gravissimè offendunt , Veritatemque infamant , dum illam æquiparant mendacio ; quàm sic tuentur , ut mendacium solet defendi. Quis enim dubitet , quin Deo ingrati sint , qui Veritatem professi narrant non quid sapientissima ejus Providentia passa sit fieri , in rebus ad Religionem pertinentibus , quasi non satis ejus veritati ac securitati consuluerit ; sed ex iis quæ contigerunt excerpunt id quod narrandum videtur , ut meliùs de ea homines sentiant , quàm videntur sensuri , si omnia aperirentur ? Quis non videt hoc esse divinæ sapientiæ prudentiam , aut potiùs calliditatem humanam præferre ? Veritatem etiam ægrè distinguas à Mendacio , quam videas defendi iisdem artibus , atque eodem affectu , quo Mendacium solet ; ac sanè qui Veritatem callidis dissimulationibus tuentur , eam minimè amant , sed eastantum partes in quibus nati sunt ; quibus haud
minùs

minùs acriter patrocinaarentur, si falsam Religionem sequerentur, modò eadem propòsita essent præmia. Eodem affectu non amatur Veritas, quo defenditur Mendacium. Delusa credulitas, æquè parata Mendacium amplecti ac Veritatem, non est ea Fides quæ apud Deum locum justitiæ obtinet. Venerando hoc nomine, significatur ea animi affectio, quâ Deo Veritatis amantissimo credimus affirmanti, quod non videmus, non hominibus fallacibus.

Tertiò, periculosissima est ejusmodi defensio, quæ dissimulatione nititur. Cùm enim dissimulamus indecorè facta aut dicta virorum, qui sacris præfuerunt, ne eorum commemoratio noceat Veritati Religionis Christianæ; tacitè fatemur eam in periculo versari, si ea vitia patefiant. Quare enim alioqui dissimularemus? Hoc autem perinde est, ac si fateremur Veritatis cœlestium dogmatum agnitionem, apud homines, pendere ex dictis aut factis eorum, qui ea dogmata sequi se profitentur; seu ea credibilia videri, si facta ac dicta hominum cum iis consentiant; sin minùs, fidem eorum laborare. Quod profectò nullus ullius sectæ Philosophicæ princeps vellet de dogmatibus

matibus suis statui; ut tum demum Rationi consentanea viderentur, cum sermones & vita ejus discipulorum cum iis consentirent. Facile enim non modò fieri potest, sed etiam quotidie fit, ut hominum mores cum iis sententiis, quas profitentur, graviter pugnent; quod in permultis Philosophis olim conspectum est, nec fortè in paucioribus Theologis Christianis; nam hoc certè cum nusquam dissimulandum sit, hinc taceri non potest. Igitur neque apertè, neque obscurius statuendum est, ex hominum opinionibus aut moribus pendere sortem Religionis Christianæ, si eam veram credimus & semper incolumem esse optamus.

Quartò, licet sperare possimus dissimulationes nostras aliquamdiu ignotas fore, aut à paucis animadversum iri, interea que iis nonnullos in fide Christiana confirmandos; attamen si præter spem fraudem contingat innotescere, quòd facile fieri potest, plus multò nocet resecta dissimulandi cupiditas, quàm officere potuisset quidquid dignum silentio judicatum est. Qui enim dissimulationem retegunt, hinc colligunt Scriptores, qui ea usi sunt, diffidisse causæ, & voluisse sibi fucum facere; quo fit ut sint in posterum eis planè suspecti,

suspecti, & nisi aliis de rationibus Religionem veram esse intelligant, illam etiam suspectam habeant, cujus viri docti historiam scribere, sine turpi dissimulatione, non potuerint. Cùm videant, omiſſis parum rectè aut nequiter etiam factis, homines pro bonis viris venditari, qui, si omnia eorum facta sine fuco narrarentur, mali fuisse judicarentur; arcanum quoddam mysterium se intellexisse putant, ex quo colligunt, perperam quidem, sed tamen colligunt veritatem ab Historicis illis dissimulatoribus Veri non magis spectari, in ipsa Religione, quàm in Historia. Quod si tam citò dissimulatio non innotescat, at tandem tamen patefit, & quò diutius ignota fuit, eò magis homines afficit reſecta. Oportet hoc expectemus aliquando futurum, quod tam sæpe factum est; nempe, omnia tandem arcana patefactum iri:

* Ο' χρόνος ἀπαντα πᾶσιν ὑπερον φερόσι.
 Δάλλ' ἐστὶν ἕτερος, ὅς κ' ἐρωτῶσιν λέγει.

*Tempus omnia posteris dicet. Is loquax est,
 etiam non sciscitantibus dicit quod novit.*

Quint

* Comicus apud Stobæum Eccl. Phys. T. XI.

Quintò, dum vitia, aut delicta occultantur, vel excusantur in Historiis Ecclesiasticis, summisque laudibus extolluntur qui iis laborarunt; quicumque hæc legunt ea aut levia esse putant, aut etiam licita. Quod enim à viris laudatis factum vident, sine ulla famæ jactura, aut certe sine ulla, apud posteros, nota; quidni idem sibi licitum, aut parum noxium esse putent? Ejusmodi fuerunt, exempli causâ, convitia turpissima in dissentientes & iræ gravissimæ, propter errores exigui momenti, aut etiam verissima dogmata; qui affectus cum excusantur in Veteribus, aut etiam laudantur, hodie nostri homines aut licitos, aut laude dignos esse existimant. Legantur quæ scripsit *Hieronymus* in *Rufinum*, *Vigilantium* & *Jovinianum*, ubi sæpè in Veritatem ipsam acerrimè invehitur, sæpè in leves errores adeò debacchatur; ut si ejusmodi indoles cum sanctitate morum in concordiam redigi possit, non videam cur mansuetudinem & caritatem, erga dissentientes, virtutes Christianas esse dicamus. Ac sanè nunc Ecclesia Romana in eos, quos vocat Hæreticos, eodem modo se gerit, solèturque exemplo *Hieronymi*, & aliorum Patrum non meliore se tueri. Quid dissimulatores,

latores nostri possint in ea carpere non video, nisi prius apertè damnent *Hieronymum*, bonique viri officio functum esse sine circuitu negent. Plura similia possem afferre, sed ex hoc exemplo de aliis similibus judicare licebit.

Sextò, cùm dubium esse nequeat, non paucos Veterum in graves errores esse lapsos; quì possunt illi errores excusari atque emolliri, quasi stare potuerint cum vera Religione, & singulari eruditione; nec tamen, eadem operâ, erroribus illis via muniri? Qui præter modum laudaverunt *Clementem Alexandrinum*, qui, ut ostendi, credidit non modò nullum affectum, sed ne dolorem quidem ullum Christum sensisse, verùm tantum visum esse sentire; quomodo *Phantasiastis* aut *Docetis*, qui similia antea & postea dixerunt, possit ignorantiam Scripturarum & errorem minimè tolerandum exprobrare non intelligo. Si numerosissimæ & nobilissimæ Ecclesiæ Alexandrinæ Catechistes, cùm hoc doceret, summâ existimatione floruit, nec propterea castigatus est; quare, inquierent *Docetæ*, nobis similia affirmantibus usque adeò indignamini? Quid hisce querelis *Cavemus* respondere meritò possit non comminiscor; nolim

lim enim suspicari eum imitaturum Scriptorem Indicis Expurgatorii Belgici, qui, deposito pudore omni, de *Bertrami* libro ita scripsit: *cùm in Catholicis Veteribus alios plurimos feramus ERRORES, extenuemus, excusemus excogitâto COMMENTO, persape negemus, & commodum iis sensum AFFINGAMUS, dum opponuntur in disputationibus, aut conscriptionibus cum adversariis; non videmus cur non eandem ÆQUITATEM & diligentem recognitionem mereatur Bertramus.* Hæ sunt artes eorum qui Veritatem apertam oppugnare impudenter non dubitant.

Septimò, dum ita scribitur Historia Ecclesiastica, ut dissimulentur quæ sunt viris Ecclesiasticis parum honorifica, & contrà eorum decora mirum in modum adaugeantur; hinc deduci potest hocce confectarium, licuisse semper, ac licere omnibus Historicis dissimulatione simili uti, prout publicè interesse existimabunt: aut id solis, singulari quopiam jure, fas esse Ecclesiasticis. Si posterius dicatur, poscent omnes sibi recitari Legem divinam aut humanam, quâ illi communibus aliis Legibus de scribenda Historia solvantur; quæ cùm proferri nulla possit, qui damnationem effugient dissimulato-

res

res errorum & vitiorum, in Ecclesiastica Historia ? Si prius, quærent cur ergo tantopere vituperentur Historici Ethnici, aut Christiani recentiores, qui in rerum domi & foris gestarum Historiis ea quæ norant diffimularunt : ut contra summis laudibus efferuntur quicumque nec in amicis vitia, nec in inimicis virtutes præterierunt ? Quod multis ostendit *Ger. Joan. Vossius*, *Artis Historicæ* Cap. X. Quòd si omissis ceteris Historicis, animum convertamus ad eos, qui superiore sæculo & hoc nostro scripserunt Historiam rerum ad ingentem illam secessionem ab Ecclesia Romana pertinentium ; quis potest non dicam mendacia & calumnias, sed diffimulationes Scriptorum Pontificiorum ferre ; qui, præteritis erroribus & vitiis eorum qui Ecclesiis Christianis per totum Occidentem præerant, describunt nobis eos qui sæculum suum ad saniores mentes revocare conabantur, quasi seditiosos homines, quibus nulla sat justa causa fuit rerum novandarum ? Quis non indignetur iis qui, prætermisissimis malis artibus Romanorum Episcoporum, in Synodo Tridentina, ita omnia narrant, quasi liberis suffragiis & summo consensu in ea essent constituta ?

ta ? Quis contrà gratias non habet & *Paulo Servita*, & ceteris omnibus Historicis, qui nihil eorum quæ potuerunt rescire dissimularunt ? An licebit, imò oportebit præterire quæ perperam facta aut dicta sunt ab iis, quorum doctrinam probamus; contrà verò omnia, quæ faciunt ad infamiam eorum, qui errant, erunt propalanda ? An ob Veritatem doctrinæ, vitiis omnibus & delictis erit ignoscendum, quæ errori non sunt condonanda ? Peccent licèt rectè sentientes, nihil erit quod sibi timeant ab Historicis, quibus non licebit castigare, nisi errantes ? Quid sani iis quæstionibus responderi possit profectò non video. Dissimulatio hinc licita, alibi illicita, dici non potest; nisi fas sit duplicia pondera, duplicésque mensuras, pro iis qui emunt aut vendunt, adhibere.

Octavò, illis dissimulationibus errorum & vitiorum, factum est ut boni viri, sed qui eâ ratione scribendæ Historiæ decepti fuerant, temerè professi sint se cum veteribus nonnullis Synodis ac Scriptoribus sentire; à quorum tamen sententiis procul absint necesse est, si vera sint quæ à peritioribus Antiquitatum Ecclesiasticarum, aut in lectione Veterum attentiori-

bus

bus postea deprehensa dicuntur. Ut insigni exemplo rem illustrem , non amplius mussitant viri eruditi, cum in Anglia vestra , tum alibi , Nicænos Patres credidisse in Deo esse tres Essentias æternas, & per omnia pares, non unum numero Deum. Constans etiam fama obtinet multos insignes viros , in ipso Ecclesiæ Anglicanæ Clero , ita sentire; quod & libris testati sunt nonnulli , nec nuperâ **Lege à summa Potestate damnatum esset, nisi fuissent qui defendere ausi essent. Quis autem** nescit non unam Ecclesiam, ex iis quæ à Sacris Romanis secessionem fecerunt , quæ omnes profitentur se unitatem numericam Essentiæ divinæ credere , in Confessione fidei Symbolum Nicænum admisisse ? Si ergo stare velint eo capite Confessionis suæ , oportet ut tres Naturas æternas & pares à se credi profiteantur , & numericam Dei unitatem repudient ; aut si nolint hoc dogma Confessione suâ ejicere , necesse habent id delere caput, quo fidem Nicænam probari sibi testantur. Nihil est inter hæc extrema medium , nisi excogitetur *commentum* quodpiam , quo affingatur *commodus sensus* Synodo Nicænæ ; quod esset dissimulationem minimè excusandam, ma-

lâ fide, tectum ire ; nec posset fieri , in hac sæculi nostri luce, sine maxima infamia. Qui laudant immodicè *Augustinum*, & mutationem ejus sententiæ in deterius, circa vexationem Hæreticorum, dissimulanter prætereunt , aut etiam excusant ; ii, nisi secum pugnare velint, coguntur aut dissimulare aut excusare dogma Pontificiorum , quo vexationes Religionis causâ tuentur ; nam *Augustinus* in Epistolis ad * *Vincentium & Bonifacium*, multis probare nititur vi uti licere, ad revocandos Hæreticos ad unitatem Ecclesiæ. Nemo queat aliter eas Epistolas interpretari, qui nolit Ecclesiæ Romanæ ludibrium debere , & in sensum communem gravissimè peccare. Nemo etiam possit obijcere Pontificiis, se non esse Hæreticum ; nam illi contrà sentiunt & ad suam Ecclesiam solam judicium de Hæresi pertinere censent. Itaque aut est apertè vituperandus Hipponensis Episcopus , ut fecit *Joan. Claudius* , vir eruditus ; aut herba porrigenda Pontificiis. Qui autem, hanc ob sententiam , *Augustinum* castigant, eos meminisse oportebit multas esse Leges, in utroque Codice , plurimum Imperatorum , contra Hæreticos,

pa-

* Ep. XCIII. & CLXXXV. Ed. Paris. 1682.

parum humanas; quæ non minore castigazione dignæ sunt, cum sint fœdissimæ maculæ, in vita Principum à quibus sunt latæ. Hæ tamen laudari solent, etiam ab iis qui Ecclesiæ Romanæ vexationes improbant, perinde ac si Potestatibus Pontificiis non liceret id facere, in ditione sua, quod licuit olim Constantini Magni filiis, eorûmque aliquot successoribus. Atqui aut omnes Potestates vituperandæ sunt, quæ vexant homines, theoreticarum opinionum causâ; aut omnes absolvendæ.

Existimarunt quidem prudentes viri ea incidere tempora, eâque esse rerum alias circumstantias, quibus satius est tacere vera quàm proloqui; cum, nimirum, tacendo nihil officimus utili veritati, neque pravis moribus viam aperimus; at quando alterutrum contingat necesse est, si dissimulemus, tum verò, etiam cum periculo nostro, loquendum est, nisi velimus haberi Veritatis ac Virtutis proditores. *Causus verum tacendi, ait rectè * Augustinus, longum est omnes quarere — quarum tamen est & hæc una ne peiores faciamus eos qui non intelligunt, dum volumus eos qui intelligunt facere doctiores,*

M 2. *quæ*

* *De Bono Persever. C. XVI. n. 40.*

qui nobis aliquid tale tacentibus, doctiores quidem non fiunt, sed nec peiores fiunt. Cum autem res vera ita se habet, ut FIAT PEJOR, nobis eam dicentibus, ille qui capere non potest; nobis autem tacentibus ille qui potest, quid putamus esse faciendum? Nonne potius est dicendum verum, ut qui potest capere capiat; quàm tacendum, ut non solum id ambo non capiant, verum etiam qui est intelligentior, ipse SIT PEJOR? At hîc silentio pejor fit & qui non intelligit Veteres errasse aut deliquisse, quod eorum dogmata non satis norit; & qui ea dogmata intelligit, sed vera aut certè innocua esse putat, quia à doctis diffimulantur.

Nonò, falsum est ullum vel minimum periculum creari fidei Christianæ, verâ & candidâ descriptione vitiorum, aut malorum facinorum eorum qui sacris præfuere. Quicumque enim Religionem Christianam sunt edocti sciunt eam totam, nec postea ulla in re vel minimum mutandam, olim à Jesu Christo & Apostolis traditam; ac proinde de illa, ex foliis Novi Testamenti tabulis, judicandum; non ex moribus, interpretationibûsque sequentium sæculorum. Mali fuerint mores multorum, qui postea Ecclesiis Chri-

Christianis præfuere, prævæ fuerint interpretationes Novi Testamenti ab iis in Theologiam Christianam imprudenter intrusæ; quid facit hoc ad doctrinam Christi & Apostolorum, quæ in Novo Testamento intemerata ad nos pervenit? Vitia, delicta, errores eorum, qui Reipublicæ Legibus parere se velle profitentur, non possunt tribui Legibus ipsis; si Leges sint reverâ iis vitiis, delictis, erroribus contrariæ. Itaque Christiani est Historici ex Legibus Evangelii iudicium ferre de iis, qui ratas esse voluerunt, quamvis vitâ eas minimè expresserint; non verò ex iis quæ facta, aut dicta sunt à Sacrorum Præfectis, de præstantia illarum Legum judicare. Ita se gesserunt ceteri omnes Historici, qui numquam putarunt ad contumeliam Legum pertinere, si pravis Magistratibus earum contemptus exprobraretur. Quis non rideret Historicum, qui diceret se ob reverentiam Legum, ne eas parvi facere videretur, omisisse quæ contra eas admixta sunt à Magistratibus, aut ea studiosissimè excusasse? Imò verò ejusmodi dissimulationes, aut interpretationes violentæ crederentur oriri ex merito Legum contemptu, quarum observationem magni non fecisset Historicus.

Crederetur scripsisse non ad defendendam majestatem Legum, non ad Reipublicæ usum; sed in gratiam factiosorum Magistratum, qui posthac vellent Leges impunè perfringere. Simile necesse est feratur judicium, de iis Historicis Ecclesiasticis, qui vitia & errores dissimulant aut excusant eorum qui Ecclesiasticas Dignitates obtinuerunt. In gratiam eorum, qui vitiis & erroribus præpediti fuerunt, aut posthac erunt, non Reipublicæ Christianæ, aut Evangelii, Historias suas ediderunt.

Postremò, libera & candida Veritatis expositio, in hisce rebus, summæ est utilitatis, duplici de causa. Primò, hinc colligunt Lectores quanta sit Legum Evangelicarum præstantia, quarum observans Historicus à dicenda Veritate deterreri non potest. Deinde hac ratione quàm optimè distinguuntur divinæ Leges à pravis opinionibus atque consuetudinibus; quæ si contrà misceantur, timendum est ne iniquitate ingenii humani, propter mala mista bonis, utraque nullo discrimine rejiciantur. Dum vident homines dubiæ fidei, propter bona, defendi aut extenuari mala; quasi vitia Antistitum necesse sit condonari sanctitati Religionis
Chri-

Christianæ, quam conculcant; suspicantur non causam agi Christi, sed vitiorum, nec semper falluntur.

At hisce obijciunt nonnulli, apertâ illâ & rigidâ professione Veri, ludibrio exponi Sacrum Ordinem, ejus auctoritatem collabi, reverentiâque ei debitam extinguui. Verùm rideri non potest Ordo reverendus, propter vitia aut delicta nonnullorum; magis quàm regia dignitas, quia liberè notantur vitia & prava facinora priscorum Regum. Distinguendæ sunt auctoritas & dignitas reverendi Ordinis, quæ intemeratæ semper esse debent, quæcumque sint singulorum peccata aut hallucinationes; ab existimatione, famâque uniuscujusque, quæ bonæ esse non possunt, nisi bonorum, & eruditorum, apud populos qui sciunt quid virtus, quidve eruditio sit. Ut verò quod de nonnullis minùs bonis dicitur dignitatem Ordinis non minuit: sic nec reverentia, quæ Ordini debetur, velum esse potest, quo singulorum peccata tegantur. Alioqui res omnium sanctissima sparium haberetur, quo homines tecti jura divina atque humana impunè violare potuissent; quod demum esset longè contumeliosissimum non jam hominibus, sed ipsi Sacro

Ordini. Eò tandem deveniunt diffimulatores , ut & homines & Ordinem ipsum infament , dum eos defendere conantur.

Verùm spretis, inquit, antiquis illis Sacrorum Antistitibus , spernuntur & hodierni ; iisque contemtis , ipsa contemnitur Religio. At sperni non possunt, qui nunc sunt reverâ laude & reverentiâ digni, si Veritas de Veteribus exponatur; à qua nihil fuit umquam Virtuti , nihil umquam Eruditioni timendum. Quòd si fortè essent digni , qui spernerentur , an vellent eos magni fieri, & conculcari propterea Veritatem ? Falsum præterea est contemptum nonnullorum ad omnes omnino pertinere. Falsum est quoque sequi contemnendam esse Religionem , eo quòd nonnulli Præsides Sacrorum ejus satis periti, aut satis observantes fuisse negantur ; quamquam non diffiteor malos mores & errores nonnullorum Ecclesiasticorum hominum , malis occasionem præbere de Religione malè sentiendi. At huic incommodo obviam eundum est , non pudendis ac periculosis dissimulationibus , quibus etiam modesta & Veri amantia ingenia quàm maximè offenduntur ; sed ostendendo ut vitia
ci-

civium Legibus tribui plerumque nequeunt : sic nec delicta Christianorum, cujuscumque sint Ordinis, Religioni officere posse, apud æquos Judices, ut jam antea dixi. Quod facile est, honorificum Religioni, gratum omnibus bonis, & utile Reipublicæ Christianæ. Sin verò malimus dissimulare aut excusare castigatione digna in singulis, rem difficillimam aggrediemur, turpem Religioni, gratam malis quibusque, qui eam infamari, corrumpi ac periclitari eo modo gaudebunt, & summopere noxiam universo Christianismo.

Hæc paullò pluribus diducenda mihi putavi, non quasi Tibi, REVERENDIS-SIME PRÆSUL, aut aliis bonis atque eruditis viris minùs perspecta ; sed quia mihi res est cum homine, qui ita loquitur, ut qui contraria omnia sentiret. Diceret hæc esse notissima ; nec à se negata ; sed interea ita in me investus est, quasi omnia quæ dixi essent falsa, ut singulorum examine liquebit ; quod in aliis literis aggrediar, ne hæ sint æquo prolixiores. Vale.

Dabam Amstelodami III. Nonas Julias.

CIO IO CXCIX.

E P I.

EPISTOLA VI.

A Clerico non esse traductum Ecclesiasticum Ordinem, eò quòd & privatorum & Synodorum etiam delicta nonnulla notarit. Constantinum Magnum & Constantium ejus filium fuisse saepe instrumenta alieni affectûs. Quàm necessariò mali mores Ecclesiasticorum hominum sint in Historia Ecclesiastica memorandi, & præsertim in recensione Scriptorum Auctoris antiqui, qui in eos invectus est. Exemplum Isidori Pelusiotaë, quod Clericus sequi potuit & debuit.

E I D E M S. P. D.

JOANNES CLERICUS.

Superioribus meis ad Te litteris ILLUSTRISSIME PRÆSUL, ostendere conatus sum illicitas prorsus esse dissimulationes omnes in Historia Ecclesiastica, non minùs quàm in aliis; contrà quàm volunt, aut certè faciunt, Religionis vel Antiquitatis obtentu, homines
non-

nonnulli, qui rem non satis expendisse videntur. Nunc ad singulas objectiones Viri Eruditi veniam, qui mihi grandem litem scripsit, quòd in Vitis Gallicis Veterum nonnullorum Scriptorum Ecclesiasticorum ausus fuerim scapham scapham vocare.

In Episcopos, inquit, omnémque Ordinem Clericalem acrius animadvertit, quos veluti præjudiciis in conventibus suis Synodalibus mirè occæcatos traducit; hácque præ Laicis prærogativa gaudentes, quòd simul & partes possint esse & iudices; quòd maximis etiam Principibus imponere isque tamquam instrumentis abuti soleant. Laudat, hanc in rem, præsertim paginas Versionis Anglicæ; quâ cum caream, difficilius loca ad quæ respicere fortè voluit animadverti. Attamen cum relegerim vitas Gallicas, & norim quid scripserim, mentem meam & Scripta tuebor, quàm commodissimè potero. Ante omnia, pernego me in ORDINEM ipsum Ecclesiasticum quidquam dixisse; hoc est, in formam ipsam Regiminis Episcopalis, quam nunquam vituperavi, & pluris etiam fecerim quàm Presbyterialem, si modò intra limites Evangelicos contineatur. At nonnulla dixi in homines, qui mihi videbantur

tur abuti dignitate atque auctoritate sua; quod nisi dicere liceat, ex Historia Ecclesiastica eliminandus est omnis candor, Veritatisque amor, quotiescumque delicta hominum Ecclesiasticorum nobis occurrunt.

Bibliothecæ Universalis p. 441. T. x. in quo vita *Eusebii* habetur, observavi Patres Concilii Nicæni non usque adeò Ariamis confutandis, Canonibusque condendis occupatos fuisse, ut privatarum litium immemores essent, quod probo ex *Sozomeno* Lib. I. c. 17. ubi insignis habetur Historia, quæ dissimulanter ab Historico præteriri non poterat, sine gravi in Leges Historicas delicto. Ideoque nuperus Scriptor *Benedictinus* Vitæ *Athanasii*, ad ann. cccxxv. num. 5. post narratam convocationem Synodi, nec desuere, inquit, qui oblatis *Constantino* libellis, quosdam Episcoporum reos agerent. *Arianine* an *Catholici* ii fuerint, nullius antiqui Scriptoris testimonio compertum est; sed arbitrantur, post *Baronium*, Recentiores penè omnes id rei non nisi *Arianis* Episcopis adscribi posse; qui infesto semper in reliquos animo, nullum non querimoniæ argumentum aucuparentur. Verùm si se se ita res habuit, quid causæ esse possit quòd *Ruffinus*, *Theodoretus* & *So-*
zo-

zomenus Arianorum nomen taceant ? An eorum estimationi consultum voluere, qui nihil non asperum in Ecclesiasticâ doctrinâ corruptores, passim per Scripta sua, conspergunt ? Unde in incerto res versatur, &c. Sic eruditus Monachus & candidior Canonico Windesoriensi, rem profert, quam hic in Vitis Anglicis *Eusebii & Athanasii* prudenter, ut putat, prætermisit. Hæc aliâque id genus aut verbotenus è Veteribus desumpta, aut ex rebus ipsis collecta mihi exprobrat *Caveus*, quasi acriores animadversiones in Ecclesiasticos. At quæsi-verim ab illo verane, an falsa ea censeat ? Si vera putat, non est cur queratur, nisi Veritatis in Historia Ecclesiastica inimicum se esse profiteatur. Si falsa, ea confutet, ostendâtque ex quibus arcanis libris resciverit illius ævi Sacerdotes meliores fuisse, quàm describuntur à priscis Historicis, aut quàm res ipsa docere videtur.

Pari jure, mihi exprobrat quòd de nonnullis Synodis ea scripserim, quæ me de iis malè sentire ostendant. Quod adeò non nego, ut apud ipsum *Caveum* propterea gloriari possim. Duo loca in margine indicat, alterum ex Vita *Eusebii*, alterum ex Vita *Gregorii*. Prior est pag. 468. T. x. B. U. ubi narratis rebus gestis
in

in Synodo Tyria anno cccxxv. contra *Athanasium* coacta, & in qua iniquissimè damnatus est, hoc æquissimo iudicio narrationem claudio: Sic *Episcopus Alexandrinus* ab inimicis, qui iudices ejus fuerunt, damnatus est: quemadmodum *Arius* Anathemate percussus fuerat ab *Athanasii* decessore *Alexandro*, aliisque *Episcopis*, qui antequàm Concilium convocaretur, ei palam adversati fuerant. Idem factitatum, in omnibus fermè *Episcoporum* cœtibus, qui ab illo ævo sunt coacti; nam singulari jure, præ Laicis, gaudent *Ecclesiastici*, quo simul adversarii & legitimi iudices esse possunt. An negabit *Careus*, in Synodo Tyria, *Arianos* qui adversarii erant *Athanasii*, ob decreta *Nicæna*, iudices & quidem iniquissimos in ejus causa sedisse? Non potest, nisi ostendat quæcumque de illa Synodo narrantur, falsa esse; quod non putat, ut liquet ex Sect. V. Vitæ Anglicæ *Athanasii*, ubi hanc Historiam narrat. Arium ab *Alexandro*, cum quo disceptare cœperat, & cujus iram proinde sibi contraxerat, damnatum nemo negaverit qui legerit Historiam illius ævi, aut inspexerit loca Veterum à nobis, in *Eusebii* vita, prolata, aut indicata. Hic de opinionibus utriusque non ago, quæ, si multis jam credimus, æquè

firmè dissidebant à Vero; cùm Alexander tres Naturas aut Mentis divinas pares, Arius tres impares esse contenderet. Ago de sola forma judicii, & quæro annon Alexander judex de Ario federit, cùm ejus adversarius fuisset? Sedit sine dubio, imò jure sedisse censetur, & sic semper fecerunt deinceps in Synodis Episcopi. Quamvis acerrimè contendissent cum iis, qui erroris arguebantur, quamvis eos ad Synodos detulissent; annon semper moris fuit ut judices federent, æquè ac si quid sibi placeret ne nutu quidem antea significassent. Quis nunc ergo negarit, in jure Ecclesiastico, judices & adversarios eisdem esse posse? Non quæram quâ ratione ei gravissimo incommodo occurrat; sed rem non posse negari contendo. Quòd si vera est, cur *Caveus* propterea invidiam mihi facere conatur? An tam malè sentit de Anglis Præsulibus, aliisque popularibus suis, ut Veritate manifestâ eos posse offendi speret? Viderit ille, nam ad me quod attinet, satis habeo id quod dixi falsitatis argui non posse.

Alter locus est, in *Vita Gregorii Nazianzeni*, *Tom. XVIII. B. U. p. 108. & seq.* in quo descripsi, post ipsum * *Caveum* & alios,

* *Scet. VI. Vita Gregorii.*

Crederetur scripsisse non ad defendendam majestatem Legum, non ad Reipublicæ usum; sed in gratiam factiosorum Magistratum, qui posthac vellent Leges impunè perfringere. Simile necesse est feratur judicium, de iis Historicis Ecclesiasticis, qui vitia & errores dissimulant aut excusant eorum qui Ecclesiasticas Dignitates obtinuerunt. In gratiam eorum, qui vitiis & erroribus præpediti fuerunt, aut posthac erunt, non Reipublicæ Christianæ, aut Evangelii, Historias suas ediderunt.

Postremò, libera & candida Veritatis expositio, in hisce rebus, summæ est utilitatis, duplici de causa. Primò, hinc colligunt Lectores quanta sit Legum Evangelicarum præstantia, quarum observans Historicus à dicenda Veritate deterreri non potest. Deinde hac ratione quàm optimè distinguuntur divinæ Leges à pravis opinionibus atque consuetudinibus; quæ si contrà misceantur, timendum est ne iniquitate ingenii humani, propter mala mista bonis, utraque nullo discrimine rejiciantur. Dum vident homines dubiæ fidei, propter bona, defendi aut extenuari mala; quasi vitia Aristitum necesse sit condonari sanctitati Religionis Christi.

Christianæ, quam conculcant; suspicantur non causam agi Christi, sed vitiorum, nec semper falluntur.

At hisce obijciunt nonnulli, apertâ illâ & rigidâ professione Veri, ludibrio exponi Sacrum Ordinem, ejus auctoritatem collabi, reverentiâque ei debitam extinguî. Verùm rideri non potest Ordo reverendus, propter vitia aut delicta nonnullorum; magis quàm regia dignitas, quia liberè notantur vitia & prava facinora priscorum Regum. Distinguendæ sunt auctoritas & dignitas reverendi Ordinis, quæ intemeratæ semper esse debent, quæcumque sint singulorum peccata aut hallucinationes; ab existimatione, famâque uniuscujusque, quæ bonæ esse non possunt, nisi bonorum, & eruditorum, apud populos qui sciunt quid virtus, quidve eruditio sit. Ut verò quod de nonnullis minùs bonis dicitur dignitatem Ordinis non minuit: sic nec reverentia, quæ Ordini debetur, velum esse potest, quo singulorum peccata tegantur. Alioqui res omnium sanctissima sparium haberetur, quo homines tecti jura divina atque humana impunè violare potuissent; quod demum esset longè contumeliosissimum non jam hominibus, sed ipsi Sacro

Ordini. Eò tandem deveniunt dissimulatores , ut & homines & Ordinem ipsum infament , dum eos defendere conantur.

Verùm spretis, inquiunt, antiquis illis Sacrorum Antistitibus , spernuntur & hodierni ; iisque contemtis , ipsa contemnitur Religio. At sperni non possunt, qui nunc sunt reverâ laude & reverentiâ digni, si Veritas de Veteribus exponatur; à qua nihil fuit umquam Virtuti , nihil umquam Eruditioni timendum. Quòd si fortè essent digni , qui spernerentur , an vellent eos magni fieri, & conculcari propterea Veritatem ? Falsum præterea est contemptum nonnullorum ad omnes omnino pertinere. Falsum est quoque sequi contemnendam esse Religionem , eo quòd nonnulli Præfides Sacrorum ejus satis periti, aut satis observantes fuisse negantur ; quamquam non diffiteor malos mores & errores nonnullorum Ecclesiasticorum hominum , malis occasionem præbere de Religione malè sentiendi. At huic incommodo obviam eundum est , non pudendis ac periculosiss dissimulationibus , quibus etiam modesta & Veri amantia ingenia quàm maxime offenduntur; sed ostendendo ut vitia
ci;

civium Legibus tribui plerumque nequeunt : sic nec delicta Christianorum, cujuscumque sint Ordinis, Religioni officere posse, apud æquos Judices, ut jam antea dixi. Quod facile est, honorificum Religioni, gratum omnibus bonis, & utile Reipublicæ Christianæ. Sin verò malimus dissimulare aut excusare castigatione digna in singulis, rem difficillimam aggrediemur, turpem Religioni, gratam malis quibusque, qui eam infamari, corrumpi ac periclitari eo modo gaudebunt, & summopere noxiam universo Christianismo.

Hæc paullò pluribus diducenda mihi putavi, non quasi Tibi, REVERENDIS-SIME PRÆSUL, aut aliis bonis atque eruditis viris minùs perspecta ; sed quia mihi res est cum homine, qui ita loquitur, ut qui contraria omnia sentiret. Diceret hæc esse notissima, nec à se negata ; sed interea ita in me invectus est, quasi omnia quæ dixi essent falsa, ut singulorum examine liquebit ; quod in aliis literis aggrediar, ne hæc sint æquo proluxiores. Vale.

Dabam Amstelodami III. Nonas Julias.

CIO IO CXCIX.

EPI-

EPISTOLA VI.

A Clerico non esse traductum Ecclesiasticum Ordinem, eò quòd & privatorum & Synodorum etiam delicta nonnulla notarit. Constantinum Magnum & Constantium ejus filium fuisse sæpe instrumenta alieni affectûs. Quàm necessariò mali mores Ecclesiasticorum hominum sint in Historia Ecclesiastica memorandi, & præsertim in recensione Scriptorum Auctoris antiqui, qui in eos invectus est. Exemplum Isidori Pelusiotæ, quod Clericus sequi potuit & debuit.

EIDEM S. P. D.

JOANNES CLERICUS.

Superioribus meis ad Te litteris ILLUSTRISIMÆ PRÆSUL, ostendere conatus sum, illicitas prorsus esse dissimulationes omnes in Historia Ecclesiastica, non minùs quàm in aliis; contrà quàm volunt, aut certè faciunt, Religionis vel Antiquitatis obtentû, homines
non.

nonnulli, qui rem non satis expendisse videntur. Nunc ad singulas objectiones Viri Eruditi veniam, qui mihi grandem litem scripsit, quòd in Vitis Gallicis Veterum nonnullorum Scriptorum Ecclesiasticorum ausus fuerim scapham scapham vocare.

In Episcopos, inquit, omnemque Ordinem Clericalem acrius animadvertit, quos veluti præjudiciis in conventibus suis Synodalibus mirè occæcatos traducit; hæcque præ Laicis prærogativa gaudentes, quòd simul & partes possint esse & iudices; quòd maximis etiam Principibus imponere iisque tamquam instrumentis abuti soleant. Laudat, hanc in rem, præsertim paginas Versionis Anglicæ; quâ cum caream, difficilius loca ad quæ respicere fortè voluit animadverti. Attamen cum relegerim vitas Gallicas, & norim quid scripserim, mentem meam & Scripta tuebor, quàm commodissimè potero. Ante omnia, pernego me in ORDINEM ipsum Ecclesiasticum quidquam dixisse; hoc est, in formam ipsam Regiminis Episcopalis, quam nunquam vituperavi, & pluris etiam fecerim quàm Presbyterialem, si modò intra limites Evangelicos contineatur. At nonnulla dixi in homines, qui mihi videbantur

tur abuti dignitate atque auctoritate sua; quod nisi dicere liceat, ex Historia Ecclesiastica eliminandus est omnis candor, Veritatisque amor, quotiescumque delicta hominum Ecclesiasticorum nobis occurrant.

Bibliotheca Universalis p. 441. T. x. in quo vita *Eusebii* habetur, observavi Patres Concilii Nicæni non usque adeò Ariamis confutandis, Canonibusque condendis occupatos fuisse, ut privatarum litium immemores essent, quod probo ex *Sozomeno* Lib. I. c. 17. ubi insignis habetur Historia, quæ dissimulanter ab Historico præteriri non poterat, sine gravi in Leges Historicas delicto. Ideoque nuperus Scriptor *Benedictinus* Vitæ *Athanasii*, ad ann. cccxxv. num. 5. post narratam convocationem Synodi, *nec defuere*, inquit, *qui oblatis Constantino libellis, quosdam Episcoporum reos agerent. Arianine an Catholici ii fuerint, nullius antiqui Scriptoris testimonio compertum est; sed arbitrantur, post Baronium, Recentiores penè omnes id rei non nisi Arianis Episcopis adscribi posse; qui infesto semper in reliquos animo, nullum non querimonie argumentum aucuparentur. Verum si se se ita res habuit, quid causa esse possit quòd Ruffinus, Theodoretus & So-*

zo-

zomenus *Arianorum nomen taceant* ? *An eorum existimationi consultum voluere, qui nihil non asperum in Ecclesiastica doctrina corruptores, passim per Scripta sua, conspergunt* ? Unde in incerto res versatur, &c. Sic eruditus Monachus & candidior Canonico Windesoriensi, rem profert, quam hic in Vitis Anglicis *Eusebii & Athanasii* prudenter, ut putat, prætermisit. Hæc aliâque id genus aut verbotenus è Veteribus desumpta, aut ex rebus ipsis collecta mihi exprobrat *Caveum*, quasi acriores animadversiones in Ecclesiasticos. At quæsi-verim ab illo verane, an falsa ea censeat ? Si vera putat, non est cui queratur, nisi Veritatis in Historia Ecclesiastica inimicum se esse profiteatur. Si falsa, ea confutet, ostendâtque ex quibus arcanis libris resciverit illius ævi Sacerdotes meliores fuisse, quàm describuntur à priscis Historicis, aut quàm res ipsa docere videtur.

Pari jure, mihi exprobrat quòd de nonnullis Synodis ea scripserim, quæ me de iis malè sentire ostendant. Quod aded non nego, ut apud ipsum *Caveum* propterea gloriari possim. Duo loca in margine indicat, alterum ex Vita *Eusebii*, alterum ex Vita *Gregorii*. Prior est pag. 468. T. x. B. U. ubi narratis rebus gestis in

in Synodo Tyria anno cccxxv. contra *Athanasium* coacta, & in qua iniquissimè damnatus est, hoc æquissimo iudicio narrationem claudo: Sic *Episcopus Alexandrinus* ab inimicis, qui iudices ejus fuerunt, damnatus est; quemadmodum *Arius Anathemate percussus* fuerat, ab *Athanasii* decessore *Alexandro*, aliisque *Episcopis*, qui antequàm *Concilium* convocaretur, ei palam adversari fuerant. Idem factitatum, in omnibus fermè *Episcoporum* cœtibus, qui ab illo ævo sunt coacti; nam singulari jure, præ *Laicis*, gaudent *Ecclesiastici*, quo simul adversarii & legitimi iudices esse possunt. An negabit *Caveus*, in Synodo Tyria, *Arianos* qui adversarii erant *Athanasii*, ob decreta *Nicæna*, iudices & quidem iniquissimos in ejus causa sedisse? Non potest, nisi ostendat quæcumque de illa Synodo narrantur, falsa esse; quod non putat, ut liquet ex *Sect. V. Vitæ Anglicæ Athanasii*, ubi hanc *Historiam* narrat. *Arium* ab *Alexandro*, cum quo disceptare cœperat, & cujus iram proinde sibi contraxerat, damnatum nemo negaverit qui legerit *Historiam* illius ævi, aut inspexerit loca *Veterum* à nobis, in *Eusebii* vita, prolata, aut indicata. Hic de opinionibus utriusque non ago, quæ, si multis jam credimus, æquè fer-

firmè dissidebant à Vero; cùm Alexander tres Naturas aut Mentis divinas pares, Arius tres impares esse contenderet. Ago de sola forma judicii, & quæro annon Alexander judex de Ario federit, cùm ejus adversarius fuisset? Sedit sine dubio, imò jure sedisse censetur, & sic semper fecerunt deinceps in Synodis Episcopi. Quamvis acerrimè contendissent cum iis, qui erroris arguebantur, quamvis eos ad Synodos detulissent; annon semper moris fuit ut judices sederent, æquè ac si quid sibi placeret, ne nutu quidem antea significassent. Quis nunc ergo negarit, in jure Ecclesiastico, judices & adversarios eisdem esse posse? Non quæram quâ ratione ei gravissimo incommodo occurri queat; sed rem non posse negari contendendo. Quòd si vera est, cur *Caveus* propterea invidiam mihi facere conatur? An tam malè sentit de Anglis Præsulibus, aliisque popularibus suis, ut Veritate manifestâ eos posse offendi speret? Viderit ille, nam ad me quod attinet, satis habeo id quod dixi falsitatis argui non posse.

Alter locus est, in Vita *Gregorii Nazianzeni*, *Tom. XVIII. B. U. p. 108. & seq.* in quo descripsi, post ipsum * *Caveum* & alios,

* *Scet. VI. Vita Gregorii.*

alios, quàm iniquè expulsus sit à Synodo Constantinopolitana; deinde addidi iudicium *Gregorii Nazianzeni*, cùm de ea Synodo, tum etiam de aliis. Ad rem ipsam quod attinet, plura non dixi quàm *Caveus*, quamvis ex *Gregorio Nazianzeno* quædam paulò distinctius expresserim. Fateor me non intelligere, cur non licuerit mihi dicere, quæ licuit Viro Erudito. Si falsa quidem dixisset, non diffiterer me eum sequutum, ejus tamen exemplo defendi non posse, nec palinodiam ullam recusarem; sed vera dicenti cur adsentiri non licuerit, ac similia proferre, sine invidia, hætenus non capio. An *Caveus* non recordatur similia à se, de Synodo Constantinopolitana, deque *Gregorio Nazianzeno* scripta? An jus hoc sibi soli singulare esse putat? Profectò conjecturâ adsequi non possum, cur in me reprehendat quod ab ipso factum est.

Profert dein verba mea Gallica ex vita *Eusebii*, T. X. B. U. p. 460. quæ ita Latine verto: *At profectò tunc temporis Imperator (Constantinus) pauca sponte suâ faciebat, merùmque erat nonnullorum Sacerdotum instrumentum; quod nimis sæpe, etiam maximis Principibus, contigit. Primùm agam de Constantino, deinde de ceteris. Confirmo*

firmiter igitur quod de Constantino dixi, rebus ipsis. * Primum summopere spre-
vit controversiam inter Alexandrum & Arium exortam, quos dixit contendere
ὡς ἐξ πινυ ματαίᾳ ζητήματι, *de stulta quadam quaestione*, & idem re ipsâ sentire. Satis eruditus non erat, ut per se aude-
ret iudicium de re ejusmodi ferre; & vi-
detur omnino quispiam, Ario ab auctori-
tate Alexandri timens, quaestionis mo-
mentum extenuasse, apud Constantinum. Eusebium Nicomediensem hac de re con-
sultum, non ineptè conjicit Scriptor Vi-
tæ Athanasii, Operibus ejus nuper præ-
fixæ, ad annum cccxxiv. quod litteræ Constantini sint Nicomediæ datæ. Anno
sequente cccxxv. idem Imperator suffra-
gia plurium in Synodo Nicæna sequutus
Arium ab ea damnatum acerbissimè in-
fectatus est. At iterum anno cccxxxii.
Arium in conspectum suum admisit, ar-
tibus Presbyteri cujusdam, qui Constans
Augusti carus fuerat, jussitque in
Ecclesiam recipi anno cccxxxii. Athana-
sio, nō faceret, exilium minatus. Verum
anno cccxxxv. cum Athanasius à Synodo
Tyria damnatus fuisset, Constantinus gra-
viter Synodum castigavit, & honorificè,

Tom. III.

N

in

* *Socrat. Lib. I. c. 7.*

in litteris ad eam datis , de Athanasio lo-
 quutus est. Exstant in Apologia contra
 Arianos *Athanasii Operum* T. I. p. 201.
 Ed. nuperæ Parisiensis. Sed cùm Ariani
 eum infimulassent , apud Constantinum,
 quasi minatus esset intervertere commea-
 tum frumenti , quod Alexandria Constans-
 tinopolin quotannis mittebatur , illico in
 exsilium est in Galliam missus. Nolu-
 it tamen ab Arianis Episcopum ullum ejus lo-
 co substitui , graviterque eos propterea
 increpuit. Summa hæc inconstantia , in
 eadem causa , liquidò ostendit Constans-
 tinum aliorum suggestionibus mollium
 aut exasperatum , non sponte suâ & cog-
 nitione causæ , quasi ventis adversis huc il-
 luc actum fuisse. *Permirus sanè* , inquit
 eruditus Benedictinus , ad annum cccxxxv.
 n. 28. *tantâ pietate & aequitate Principem*
ed canonis maledicorum adductum , ut ne
quidem expectatâ defensione , infontem virum
pelleret in exsilium. Verùm criminis opportu-
nitate , ita Imperatoris animum occupavit Eu-
sebius , ut perquam difficilis aditus veritati
relinqueretur. Id eum non supplicii causâ fe-
cisse affirmat Constantinus junior , sed quò vi-
rum eriperet inimicis magnopere sævientibus.
At licet Constantini facilitate nonnumquam
Eusebius ad libidinem abuteretur , non tamen
 ejus

ejus animus eo usque Eusebii placitis deditus erat, ut in ejus gratiam, quem existimaret insonantem, solum vixere juberet. Quod sanè perspicuum ex ejus ad Episcopos Epistola, ubi acriter objurgat illos, quòd Athanasium abdicassent. Quamobrem vero similis arbitramur hac dixisse Constantinum juniorem, ut Patris memoriæ confuleret, utque pulsi Athanasii iniquitatem & invidiam minuere saltem posset. Næ ita in Athanasium exasperatum Constantini animum narrant Ægyptii Præsules, ut ex sola Numinis providentia factum putent, quòd exilio tantum non capite virum mulcicaret. Hæc & alia habet vir eruditus, ex quibus patet Constantinum nimis facilem Ecclesiasticorum criminationibus aurem præbuisse. Quod & liquidò colligere est, non tantum ex vita nostra Eusebii, sed & ex ipsius Carvei Athanasiana.

Cum res de Constantino negari nequeat, quin de nimis multis aliis magnis Principibus sit æquè vera nemo, nisi hospes in Historiis, inficiari sustineat. Non difficulter fatebitur Caveus, Constantium, exempli gratiâ, Constantini F. instrumentum fuisse in manibus Arianorum, quo adversarios, dum regnavit, malè haberent; quod & de Valente satis constat. Quis Protestantium nescit Reges & Prin-

cipes Pontificios solere esse organa Pontificii Cleri, ad vexandos aliter sentientes? Hoc quàm verum sit, maximo suo malo, experti sunt populi Anglis & Belgis vicini. Quid ergo in meis verbis carpere meritò potuit, aut invenire, quo mihi odium crearet? Profectò nihil invenisset, nisi carpendi libidine, præter modum, exarsisset.

Pergit verò, exprobrare mihi dicta, quæ, pro more suo, dissimulata mallet: *Ecclesiasticorum vitia, avaritiam, ambitionem, dominandi libidinem, Sacerdotii & Episcopatum aucupationem, superbiam, iracundiam, lites & jurgia pro nugis, nulliusque momenti rebus, idque sub specioso fidei defendenda prætextu, ex Basilio & Nazianzeno luculenter exponit.* In margine notat varia loca Vitæ Gregorii Nazianzeni. Vide pag. 56. T. XVIII. B. U. Si Vir Doctus quæretur me falsi quidpiam, contra venerandam Antiquitatem, protulisse, propterea que indignaretur, non mirarer; nihil enim in Historia gravius committi potest, quàm cum quidpiam fingitur. Si Dei atque hominum fidem appellaret, ob turpem dissimulationem, quâ malos homines pro bonis venditarem; memet ipse damnarem, querelæque ejus justas esse existi-

existimarem. Si levi auctori aut cuius veritatem ignorari, vel corrumpi interfuisset, sine examine ac temerè, credidissem de re gravi, & quasi testem fide dignum eum protulissem, non possem diffiteri esse cur à *Caveo* inscitix & temeritatis arguerer. Verùm ex *Gregorio* Nazianzeno, & solis fermè ejus verbis mores Ecclesiasticorum ejus ævi pinxi, nec testem graviozem adducere potui. Igitur neque mendacii, neque dissimulationis, neque temeritatis insimulari potui, quæ vitia sola possunt Historico objici. Sed video, nisi fallor, quid sit. Meam *παρρησίαν* ferre non potuit *Caveus*, & quia *Gregorio* Nazianzeno indignari non ausus est, iram in me suam convertit. Hic quæso attendas, ILLUSTRIS SIM E PRÆSUL, hominis iniquitatem. Consilium mihi fuit in Vitis aliquot Patrum, quas in *Bibliotheca Universali* Gallicè edidi, Vitas eorum ita scribere, ut non modò quæ iis contigissent candidè narrarem, sed etiam ut eorum Opera diligenter recenserem, quoad ejus fieri posset, in Vitis exiguo Volumini inferendis. Rem præstiti eâ fide, ac brevitate, quæ multis placuerunt; nisi me amici fallunt, exemplariumque celer venditio decipit. Probè novi Anglicam

etiam Versionem, haud malè à populis vestris exceptam; nisi à *Caveo* ejusque, si qui sunt, similibus; qui indoluerunt (ut videtur, neque enim aliud conijcere possum) quòd nimis apertè dicerem, quòd maxima ex parte silentio involvèbant; & quòd Vitas à me scriptas legentes, conferentèsque cum *Caveanis*, intellecturi essent multa sibi esse dissimulata.

Non repetam hìc quæ in aliis litteris dixi, de fœda illa & periculosa consuetudine dissimulandi in Historia Ecclesiastica; sed duo quæram, annon descriptio morum Ecclesiasticorum hominum illius ævi pertineat ad Historiam Ecclesiasticam Sæculi IV? Item an gravissimæ querelæ de eorum vitiis, quæ querelæ passim leguntur in Operibus *Gregorii*, possent ab eo prætermitti qui aggressus esset scribere non tantum de Vita, sed & de optimi viri Scriptis?

Prius, ut mihi quidem videtur, non potest negari. Cum enim ex vitiis aut virtutibus hominum profluant eorum rectè aut secus facta, hæc sine illis intelligi nequeunt; adeoque de utrisque agere debet Historia. Propterea ab omnibus laudatur *C. Sallustius*, ob accuratas descriptiones

nes collapsorum morum , in Romana Republica ; sine quibus pænè incredibilis visa fuisset conjuratio Catilinaria , & longa illa Jugurthini belli , quod brevi alioqui potuisset confici , mora. At quia scimus longè maximum fuisse luxum Romanorum , ac proinde ingentem alienæ pecuniæ cupiditatem , quæ est luxûs perpetua comes ; quia scimus mores nobilitatis Romanæ , eâ ætate , fuisse perditissimos ; nihil tam fœdum ac sceleratum est , in utraque Historia , quod incredibile nobis videatur. Similiter nisi sciremus ex *Gregorio* , quænam fuerit indoles multorum Sacerdotum illius ævi ; vix impetrare possemus à nobis ut nonnulla crederemus , quæ eâ tempestate contigerunt. Exempli causâ , schisma dicitur fuisse in Ecclesia Antiochena , non modò inter Nicænis placitis addictos & Arianos , sed & inter priores ab anno ccclxii. quo Lucifer Paulinum Presbyterum Episcopum intempestivè consecravit , quamvis jam esset illic Meletius Nicænarum partium Episcopus. Ab eo tempore , * cùm neuter Episcopatu cedere vellet , Schisma perduraverat ad annum usque ccclxxxii. quo habita est Constantinopolitana Synodus.

dus. At consenserant partes ab alterutro,
 qui supertes foret, solo rectum iri An-
 tiochenam Ecclesiam, nullo alio successore
 electo. Cum autem ad Synodum se
 contulisset Meletius, Constantinopoli
 obiit. Itaque actum in Synodo, de re-
 digendis in concordiam, secundum illud
 prius pactum, dissidentibus Antiochenis.
 At homines factiosi coeperunt novam ele-
 ctionem in Synodo poscere & Flavianum
 quidem Meletio substituendum conten-
 debant, contra jus & fas, & spretâ prorsus
 Ecclesiæ pace. Ibi *Gregorius* sententiam
 dixit de componendo dissidio, quâ illis
 satisfactum iri putabat; nimirum, cen-
 suit Paulino, ætate confecto, soli relin-
 quendam Antiochenæ Ecclesiæ curam;
 quo vitâ functo, dissidentes in locum
 unum coacti, communibus suffragiis, es-
 sent unum Episcopum sibi electuri. Nihil
 foedius erat tam longo Schismate, ex
 quo colligere licebat Antiochenum Cle-
 rum minimè pacis amantem fuisse, &
 Episcopalis dignitatis æquo avidiorem,
 Nihil turpius facere potuit Synodus,
 quàm pudendum Schisma fovere; cum
 præsertim ratio iniri posset, quâ utrisque
 partibus satisfaceret, & quam *Gregorius*
 proloquutus fuerat. Attamen Sacer-
 dotes

dores, quos meritò vocat *Gregorius* * *παραρχίδας*, & αὐτοὺς φυσώσας τὴν ἐνημερὲς φλόγα, *studiosos imperii*, & *auras flantes accensam flammam*; Sacerdotes, inquam, optimo consilio spreto, successorem Meletio suffecerunt Flavianum. Qui potuerunt ita se gerere, eos profectò oportet fuisse quales describit *Gregorius*; cujus verba significantiora multò sunt & plurimis, quibus Gallicè rem expressi. Nihil enim est in narratione mea, quod æquet vim horumce verborum, quibus describit eos, qui prudentie ejus consilio surdam aurem opposuerunt: †

Ἀἴμα καλοῖων εἰς ἓν ἐσθλασμή,
 Τύρβη νέων τις, καὶνὸν ἐργασίον,
 Λαίλαξ κένιν σύρσας, πυρμαίων σείσας,
 Οἷς ἔδ' ἂν ἡξίωσε τῶν τις ἐντελῶν
 Φόβω τε θείῳ καὶ θρόνῳ δέναι λόγον,
 Ἄτακτα παφλάζουσιν, ἢ σφηκῶν δίκλιν
 Ἄτρεσιν δ' οὐ τῶν προσώπων αἰθρώως.

Plebs græcularum in unum collecta, turba quædam juvenum, nova taberna, turbo pulverem trahens, ventorum seditio, cum quibus nemo eorum, qui timore Dei & sede episcopali

* *Tom. II. p. 25. in Carmine de vita sua.*

† *Ibid. p. 27.*

scopali ornati erant colloqui dignatus esset, sine ordine garrientibus, aut vesparum more illico & confertim vultum involantibus.

Alia multa habet æquè aspera, aut asperiora, in eodem Carmine de Vita sua; sed iis elogiis digni erant, qui cum Constantinopolitana sede deturbarunt, ut ei Nectarium substituerent; quod sine indignatione nec legi, nec narrari potest, quamvis ceteroquin hoc tam turbulentum Concilium merito Macedonium damnarit, & Oecumenicum habeatur. Legatur & hanc in rem *Gregorii* querela de Episcopis, quæ Latinè tantum est edita à *Joanne Leunclavio*; nec videbor ampliùs asperri-
ma quæque excerpisse, in Vita Gallica *Gregorii*. Si hæc prætermittantur in Historia Sæculi IV. adeoque prætermittenda, nescio quem in finem, censeantur; non video cur in aliis Historiis dissimulationes vituperari queant, & cur non liceat etiam pessimos homines describere non quales fuerunt, sed quales esse debuerunt.

Posterius meum quæsitum fuit, an liceret dissimulanter omittere quæ de moribus Ecclesiasticorum habet *Gregorius* Opera ejus diligentius recensenti, eorumque

rúmque argumenta singillatim tradenti.

Quod nemo affirmarit qui legerit Opera Gregorii, sciveritque frequentissimas eas esse & gravissimas apud illum querelas. Si quis aggrediretur nos docere quid sit observatu dignum in Epistolis Iſidori Pelusiota, an posset omittere acerri-
rimas castigationes Episcoporum Ægyptiorum & Presbyterorum, ex quibus maximè apparent optimi illius viri παρρησία & studium virtutis?

Dicendum omnino esset quod iudicium rulerit de Theophili Alexandrini indole, & facinore adversus Joannem Constantinopolitanum, cui ob eloquentiam Chrysostomo nomen inditum: Ἡ γείτων Αἰγυπτός, inquit, συνήθως ἠνόμησε, ——— τὸν λιθουμανῇ ἢ καὶ χρυσολάτρειν περιβαλλομένη Θεόφιλον, πένταρσι συνεργοῖς, ἡ μάλιστα συναποστάταις ὀχυρωθέντα, τὸν Θεοφίλῃ, καὶ Θεολόγον κατεπολέμησεν ἄνθρωπον: Vicina Ægyptus, pro more suo, nefariè se gessit — mittens enim amore lapillorum furem, & auri cultorem Theophilum, formatum quatuor sociis aut potius unà transfugis, expugnavit hominem pium ac Theologum. Lib. i. Ep. 152.

Non omittenda essent monita libera & iusta, quibus Cyrillum, Theophili successo-

cessorem, in Ephesina Synodo æqui aut iniqui rationem exiguam habentem, ad officium revocare conatus est. Πραπάθεια μὲν, inquiebat, σὲν ὁξυδορεῖ, ἀντιπάθεια ᾗ ὅλως σὲν ὁρᾷ: *præposterus quidem favor non acutè cernit, odium verò nihil omnino videt.* Tum pergit, ut intelligamus quò spectet egregia sententia, à qua Epistolam ad Cyrillum orditur. Εἰ τοίνυν ἐκπέρας λήμης βέλῃ καθαρῶσαι, μὴ βιαίας λυποφάσις ἐκβίβαζε, ἀλλὰ κρείσσει δικαίᾳ τὰς αἰτίας ὑπὲρ τρεψόν· ἐπεὶ δὲ καὶ Θεὸς ὁ πάντῃ εἰδὼς περὶ ἡμέσεως, καταβῆναι καὶ τὴν κραυγὴν ἰδεῖν Σοδόμων φιλανθρώπως ἠυδόκησεν, ἡμᾶς ἀκρεβῆς ἐρῶντος διδάσκων ὑποθήσειν· πολλοὶ γάρ σε κωμῶδῶσι τὴν συνειλεγμένην εἰς Ἐφεσον, ὡς οἰκίαν ἀμυνόμενον ἐχθραίν, αἰὶν δὲ παρὰ τὸ Ἰησοῦ Χριστοῦ ὁρθοδόξως ζητῶντα. Ἀδελφιδῶς ἐστὶ, Φασί, Θεοφίλῃ, μίμνῃ ἐκείνῃ τὴν γνώμην. ὥσπερ γὰρ ἐκεῖνῃ μανίαν σαφῆ κατεσκεύασε τὸ θεοφῶς καὶ θεοφιλῶς Ἰωάννης, ὅτως ὑπὲρ τῆς καυχῆσθε καὶ ἔσθε. εἰ καὶ πολὺ τὴν κληρονομίαν ἐστὶ τὸ ἀφφορον: *Quapropter si ab utraque lippitudine purus esse vis, noli violentas sententias ferre; verum criminationes iusto iudicio committe. Quare & Deus qui omnia novit, antequàm sint, censuit descendendum esse & videndum clamorem Sodomorum; nos docens*
opor-

oportere accuratum examen adhibere. Multi enim, ex iis qui sunt Ephesum coacti, te traducunt, ut privatam persequentem inimicitiam, non quæ sunt Christi rectâ sententiâ querentem. Sororis Theophili, inquirunt, filius est, qui ejus animum imitatur; ut enim ille manifestum furorem effudit in religiosum ac Deo amicum Joannem; sic & hic superbire gestit, quamvis eorum qui judicantur multum sit discrimen. Lib. I. Ep. 310. Non minus liberè contendendi libidinem in Cyrillo alibi castigat, ubi hisce verbis eum alloquitur; Ἰνα τοίνυν καὶ γὰρ μὴ κατακερῶ, καὶ αὐτὸς πῶς θεὸς μὴ κερῆς, παῦσον τὰς ἐριδας· μὴ οἰκείας ὑβρεως ἀμυναν, ἣν πῶς θνητῶν κεχρηώσηται, ζῶσαν ἐκκλησίαν μεθύσδωκε, ἢ αἰώνιον αὐτῇ διχόνοιαν ἐν πειρήματι δι' σεβείας κατασκιάζει: Quamobrem ne & ego condemner, & tu judicium divinum subeas, desine contendere. Ne privata contumeliæ ultionem, quâ à mortalibus tamquam ære alieno obstrictus es, in viventem Ecclesiam arte deriva, nec æternam ei divisionem obtentu pietatis crea. Ep. 370. ejusdem Libri. Quàm hæc sint libera monita ii. intelligunt, qui sciunt Isidorum furdo cecinisse; quod hominum genus monitionum est impatientissimum.

Minimè etiam prætermittenda essent quæ

quæ habet vir constantissimus, de Eusebio, Pelusiotarum Episcopo, & nonnullis ex ejus Clero. Pauca eorum attingam, nam, si omnia colligerentur, vel sola non exiguam Epistolam implerent. Eusebius ergo ὁ κατ' ἀντίφρασιν τῆς ἀσεβείας Εὐσεβιον ἑαυτὸν καλέσας — Φαυλὸν πῃ καὶ πεπατημένον προῖγμα τῆς ἱεροσύνης ἡγήσασθαι, καὶ τοῖς τὰ αὐτὰ αὐτῷ δρωσὶ ταύτην νέμειν πολὺν τὰς μὲν πάσης πρὸς αἵμας ἐξοσεύκον, τὰς δὲ μὴδ' ἐν λαοῖς τῆς πελαῖν δικαίας, εἰς τὸ σεπτὸν θυσιαστήριον ἀνάγων, διπλῇ τῷτο, πρὸς αὐτὸν ἦγον, καὶ βεβαίον, τῷ τε τὰς αἵμας ἀπείργειν, τῷ τε τὰς ἀναξίας ἐγκρίνειν: *cum per impietatis antiphrasim se ipsum Eusebium appellarit — rem vilem esse & conculcatam sacerdotium ratus, iis qui similia ipsi faciunt tribuere id audet, dignos omni honore expellens; eos qui ne in laicorum quidem ordine censeri digni sunt ad venerandum altare subvehit, ac duplici contumelia, quantum in se est, id afficit; quod & dignos arceat, & indignos adlegat.* Idem vendebat sacerdotia, ut liquet ex Epp. 26. & 151. Lib. I. incolas pellebat Pelusio, Epp. 39, 119, 120. Lib. I. ædificabat tamen illic Ecclesiam, sed ex rapto. Epp. 37 & 113. Lib. I. erat superbus & ignarus Ep. 45. Lib. IV.

Passim

Passim etiam gravissimè invehitur in Zosimum, & Maronem Presbyteros, qui in Pelusiotarum Ecclesia Sacerdotium emerant, in Lucium Archidiaconum & alios, quos necesse est sceleratissimos homines fuisse. Zosimus præsertim ei est *vitii promptuarium, impudentiæ thesaurus*, ταμείον κακίας, θησαυρὸς ἀναρχυρίας, Lib. II. Ep. 108; *vitia omnia in se habens, virtutis ne vestigium quidem ullum, ab hominum genere excludendus, ut bellua humanam formam gerens, aut pestifer daemon, naturæque hostis*: πάντα ἐλαττώματα ἐν αὐτῷ ἐχόμενον, κατεργώματ' ἧ δὲ ἰχνη· ἐκείνον δ' ἔ' ἀνθρώπων ἀπεδοκίμαζον γῶγες, καὶ ἀνθρώπου μορφὴν θηρίον, ἢ δαίμονα αἰλάσσει, ἢ δ' φύσεως ἐχθρὸν ὠρίζον. Lib. III. Ep. 248. Talibus *elogiis* eum passim ornat, & severè omnis generis Sacerdotes castigat. Ex quibus castigationibus intelligere est Ægyptiarum Ecclesiarum miseram fuisse conditionem, in qua tales viri ferebantur, in muneribus Ecclesiasticis.

Non esset etiam dissimulandum querelas *Isidori* non spectare paucos tantum Episcopos, aut Presbyteros in Ægypto, sed magnum eorum numerum, ut liquet ex Ep. 21. Lib. V. ubi conferens præterita

rita tempora cum suis, τότε μὲν, inquit, οἱ φιλάρετοι εἰς ἱερωσιώνην περὶήγοντο, νυνὶ δὲ οἱ φιλάργυροι· τότε οἱ φάροντες τὸ πρῶγμα, ἔχ' τὸ μέγεθος τῆς ἀρχῆς, νυνὶ δὲ οἱ ὀπιπιδῶντες τῷ πρῶγματι, ἔχ' τὸ μέγεθος τῆς τρυφῆς. τότε οἱ ἀκτημοσύνη ἐκασίῳ ἀναβρυτόμυροι, νυνὶ ἣ οἱ πλεονεξία ἐκασίῳ χρηματιζόμενοι. τότε οἱ περὶ ὀφθαλμῶν ἔχοντες τὸ θεῖον δικαστήριον, νυνὶ ἣ οἱ μηδ' ἐννοίαν τέτα ἔχοντες. τότε οἱ τύπτεσθαι, νυνὶ ἣ οἱ τύπτειν ἔτοιμοι. καὶ τί δεῖ τὰ πολλὰ λέγειν; μεταπεπλῶκέναι λοιπὸν τὸ ἀξίωμα ἔδοξεν ὁπὲρ ἱερωσιώης εἰς τυρραινίδα, ὁπὲρ ταπεινοφροσύνης εἰς ὑπερηφάνιαν, ὁπὲρ νηστείας εἰς τρυφῶν, ὁπὲρ οἰκονομίας εἰς δεσποτείαν, καὶ ὥς οἰκονόμοι ἀξιῶσι διοικεῖν, ἀλλ' ὥς δεσποταί σφετερίζεσθαι: *Tunc virtutis amantes Sacerdotio sunt admoti, nunc avari; tunc qui rem fugiebant, propter magnitudinem imperii, nunc verò qui rem invadunt, propter magnitudinem deliciarum; tunc voluntariâ paupertate gloriantes, nunc spontaneâ cupiditate pecunias coacervantes; tunc qui habebant prae oculis divinum tribunal, nunc qui de eo ne cogitant quidem; tunc parati verberibus accipiendis, nunc inferendis. Sed quid pluribus opus est? Recidisse nunc ea dignitas videtur à Sacerdotio ad tyrannidem, ab humilitate ad superbiam, à jejunio ad delicias,*
ab

à dispensatione ad dominium. Non enim ut dispensatores administrare rem volunt, sed instar dominorum sibi quasi propriam vindicare. Non erant quidem omnes ejusmodi, sed tanto tamen numero ut bonis essent terrori, adeoque auctoritatem eorum securè riderent: Ταῦτα ἡ ἡ πάντων εἰρηται, αἰπα καὶ ἡ τῷ ἐνόχων· εἰσὶ γὰρ εἰσὶν οἱ καὶ τῷ ὑποσολιχὸν μὴ ζῶσι χαρκακτῆρα, ῥῆ-
ξαι ἡ Φωνῶ μὴ πολμῶντες· εἰ καὶ λίαν εἰσὶ καὶ τῷ τῷ μόνον μεμπτοί, ὅπ δεδοικότες τῷ ἀνγλά-
των πὸ πλῆθος, πὸ γὰρ εἰς αὐτὰς ἦχον, τῷ τηλι-
καύτης ἀπορρώσεως ἀμελεῖσι: Hæc verò non in omnes dicta sunt, sed in reos. Sunt enim sunt, inquam, qui secundum Apostolicum in-
stitutum vivunt, vocem tamen emittere non audent; etiamsi sunt propter hoc solum vituperandi, quòd improborum veriti multi-
tudinem, quòd est ipsorum officii, talem emen-
dationem aggredi negligunt. Hæc habet Epist. 21. Libri V. cum qua sunt confe-
rendæ etiam Epp. 37 & 126.

Hæc & alia multò plura necessariò essent commemoranda, ei qui Isidori Epistolas recensere ea, quâ par est, fide vellet. An propterea jure haberetur Ecclesiastici Ordinis inimicus & insectator? Non magis quàm ipse Isidorus, qui quanto odio invehebatur in vitia, tanto amore homines

Tom. III.

O

pro-

prosequeretur ; & quàm acerbè abusus Dignitatum Ecclesiasticarum castigabat, tam reverenter de ipsa Hierarchia sentiebat, ut sæpe ostendit.

Attamen *Carissimus* noster, quâ est æquitate, non potuit ferre me ex *Gregorio Nazianzeno* describentem mores Ecclesiasticorum ejus ævi ; utque majorem mihi inde apud malos (nam apud bonos nihil est quod timeam, cum & ipsi ingemant propter multitudinem malorum) invdiam conflet ; *ne quò*, inquit, *hac tendant nescirentus*, subdit : *nisi constaret nobis de quibus hac dicta sunt, existimaret quis non aliud hæc præter hodiernorum Theologorum imaginem nobis exhiberi.* Horum verborum sensus legitur p. 57. T. XVIII. B. U. Hic verò quæsierim à nostro, an hodie Ecclesiasticorum mores, per totam Europam, etiam quâ regnum Pontificium patet, sint meliores moribus sæculi quarti? Non audebit, nisi fallor, dicere, cum antiquiora videatur hodiernis multum præferre. Itaque deteriores, aut certè non meliores esse respondebit. Quare ergo queritur, quòd verum dixerim? An debet dissimulari, hoc tempore, potiusquàm ævo *Gregorii* aut *Isidori*? Profectò non video. Igitur oportet ut dam-

net

net optimos illos viros, si me damnatum velit, aut me cum illis absolvat. Annon etiam nimis multi sunt, inter eos qui secessere ab Ecclesia Romana, quibus merito possis aptare quæ de sæculi IV & V. Ecclesiasticis dixere fortissimi ac constantissimi homines? An talem neminem novit *Caveus*?

Propter hujus modi querelas, in libello de *Incredulitate*, Parte II. Cap. 2. vult me Theologorum Christianorum inimicum esse: Et sanè, inquit, *quàm benevolentiam in Theologos Christianos gerat animum, in libro suo de Incredulitate, nuper apud nos edito, testatus est.* Testatus sum, in eo Libro, prave Ecclesiasticorum mores occasionem præbere incredulis rejiciendæ immerito Religionis Christianæ, cujus Veritas ob eorum moribus non pendet. Inventus sum in Theologos simulatores virtutis, qui Religioni vitiis suis officiunt. Quis bonus non idem faciat, aut non fecerit?

Res ipsa non potest negari, nisi à dissimulatores, quos sciunt quivis ex animo non loqui. Quod cum ita sit, an dicendum erit Theologis licere per Evangelium ita vitam instituire? Non puto. An erit ipsa Religio in discrimen adducenda,

cenda, ut existimationem eorum, qui eam infamant, tueamur, fucatâ oratione, & pravis artibus? Non opinor. Itaque cum sint damnandi eorum mores, aut amittenda Religio; prius illud eligamus necesse est, si velimus haberi ex animo Christiani. In Concilio Tridentino, arte hac frequentissimè usi sunt Pontificii Legati; dictitabant, scilicet, consulendum esse honori Pontificis Romani, aut Synodi etiam, vel totius Ordinis Ecclesiastici; si quid proponeretur emendandum, ex cujus emendatione colligi potuisset peccatum ab iis contra bonos mores, aut contra Veritatem fuisse. Si quis emendationem paullò acrius urgeret, eum continuo infamabant, quasi Sanctæ Sedis, Synodi, aut totius Sacri Ordinis inimicum. Sic tandem Patres illi Tridentini, ut honori suo consulerent, ipsam Religionem, sanctissimâque ejus præcepta prodiderunt. Vellētne *Cavens*, ut honori eorum consulerem, qui maculæ sunt reverendi Ordinis, & scandalum ad quod permulti offendunt; me, contra quam omnes vident, dictitare Theologos ubique longè plurimos vivere, qui sint exemplaria virtutum omnium Christianarum, & calumnias meras esse, quæ de illis

illis sparguntur? Hoc demum esset blandiri vitiis, & Religionem perditum ire, cum qua mali vehementer optant conjungi causam vitiorum, ut unâ cum vitiis damnetur; utque mera histronia habeatur, ab iis qui vident pallium pravis moribus nonnullorum Ecclesiasticorum obtendi, æquè magno studio ac ipsa Religio defenditur.

Non puto Virum Eruditum vidisse confectaria hæc, quamvis necessaria, eorum quæ mihi objecit, nimio affectu præpeditus, & in me fortasse aliunde exacerbatus. Itaque nec ea illi tribuo, sed fuere recensenda, ut intelligeret quàm immeritò in me invehens esset, posteaque cautius sibi adversarios deligeret. Operam etiam dedi, ut hæc nostra disceptatio minùs tædiosa fieret, examine capitum ad quæ eam retuli; quod an adsequutus sim, nemo meliùs judicaverit, quàm tu, ILLUSTRIS- SIME PRÆSUL, cujus & acumen & eruditio ubique notissima sunt.

Sic existimo me luculenter probasse dissimulatorem esse *Caveum*, & quidem sine ratione, & contra id quod leges de scribenda *Historia* exigant;

tum etiam me ita diluiffe quæ obiectit, ut nullus dubitationi superfit locus. Si tamen, apud alios Judices, causa hæc agenda fuisset, effet quod timerem mihi ab affectibus, aut à præjudicatis opinionibus; quibus plerique multò plus tribuunt, quam Veritati. Sed apud tales disceptatores, quales estis, nihil sibi timere potest qui Veritatem aggressus est tueri; contra quam nihil valent apud vos affectus, nihil temerè conceptæ opiniones, quibus minimè omnium laboratis. Propterea peregrinus cum populari vestro, alienus ab Ecclesia Anglicana cum ejus Presbytero & Canonico, vobis Judicibus, certare minimè dubitavi, nec imprudentiæ aut temeritatis à quoquam ne infimularer veritus sum. Quòd si res aliter caderet, quàm spero, non possem non laudari ab æquis hominibus, quòd & de causa & de iudicibus optimè sentiens eam fiduciam ubique præ me tulerim. Me pateret minus bene sensisse de eruditione & æquitate Præfulum Ecclesiæ Anglicanæ, quàm ex re ipsa postea par fuisse viderem; at me honestissimæ opinionis de viris doctissimis atque ad tantas dignitates

CRITICÆ &c. *Epist.* VI. 215
tates evec̃tis numquam pœnitebit. Va-
le , REVERENDISSIME PRÆ-
SUL , & me inter nominis tui cultores
habeto.

Dabam Amstelodami, Nonis Julis
CIC IDC XCIX.



O 4

EPI-

EPISTOLA VII.

Ex nullo teste fide digno constare à Platone Prophetarum Hebræorum Scripta lecta fuisse ; nec ullo indicio liquere eum quidquam ab iis esse mutuatum. Cur ad illum potissimum auctorem doctrina de Tribus Principiis referatur. Eam non esse petitam ex Vetere Testamento , nec eandem ac Trinitatem Christianam ; quamvis crediderint Patres , ex nimio studio Philosophos insignes ad se trahendi. Rem maxima ex parte à Timæo , & Platone inventam , quod ex eorum libris demonstratur.

L. CANDIDO VERO

S. P. D.

JOANNES CLERICUS.

CUM ineunte anno decimi septimi hujusce sæculi XCV , edidissem , ut nosti , L. CANDIDE , Animadversiones ad XVIII. prima commata Cap. I. Evan-

Evangelii Joannis, & probare conatus
 essem Evangelistam ad *Philonis* Alexan-
 drini doctrinam & loquutiones respexisse;
 de *Philone* loquutus sum, quasi de Philo-
 sopho Platónico, & qui ex *Platone* varia
 hauserat. Ac sanè ostendi ad *Æ. 1.* Evang.
 Joannis cum aliis Philosophis, tum etiam
Platonem αὐτὸν δὲ Λόγῳ antè loquutos esse,
 quemadmodum *Philo* postea est loquutus.
 Proposita hæc conjectura, ut ab Erudi-
 tis expenderetur, ceteraque verborum
 Joannis interpretamenta mea, excitarunt
 nonnullos; qui ostenderunt non modò se
 à me dissentire, sed etiam in me inhumani-
 tiùs invecti sunt; quasi dissentire, sine
 ira atque acerbitate, non liceret. Quod
 quamobrem fecerint nolo quærere, cum
 præstet sepeliri oblivione perpetuâ convi-
 tia ac contumeliosè dicta; quàm, accu-
 ratâ confutatione, posteritati mandari.
 Ad rem verò ipsam quod attinet, hoc
 unum à Lectore veri & æqui studioso po-
 stulo, ut ne judicet de hisce controver-
 siis, ex solis eorum libris; sed ut *Opus-
 culum* meum etiam perlegat. Ex colla-
 tione utrorumque Scriptorum satis intel-
 liget, ex utrorum partibus stet Veritas,
 aut Verisimilitudo; nisi sit aut iniquus,
 aut harum rerum prorsus imperitus. Nul-
 lus

lus esset unquam finis contentionum ac molestiarum, si reponendum esset omnibus objectionibus, quæ aliæ ex aliis nascuntur; præsertim si qui iis utuntur aut non satis acuti sint, aut etiam malæ fidei. Me quidem ita distædet rixarum, ut prope modum malim citò ab iniquo Lectore damnari; quàm si necesse sit à me aliquot volumina edi, ut retundam calumnias adversariorum, aut errores demonstrarem.

Igitur missis omnibus eorum dictis ac paralogismis, aliquot questionum summa veluti capita ex concertatione excerpam accuratius expendenda; de quibus ea poterunt dici, quæ sunt in disceptatione partim prorsus intacta, partim obiter duntaxat indicata. Dabo præterea operam ut ea excutienda deligam, quarum examen neque injucundum, neque inutile possit videri. Primum erit de *Platone*, à quo voluit multi aut lectes Libros Sacros Hebræorum, aut certe interrogatos Judæos, dum in *Egypto* versarentur, atque ex eorum doctrina multa postea in *Grecis*, quæ ad nos pervenerant, scripta. Quarum præsertim an quod de *tribus senioribus Diis* sensit, è Judæorum sermonibus, vel Libris hauserit.

Duo

Duo sunt, ex quibus intelligere licet, an *Plato* quæ affinia habet aut *Judaicæ* aut *Christianæ Religioni*, ex Libris vel sermonibus *Judæorum* desumerit; testimonia, nimirum, aut ipsius, aut aliorum fide dignorum: vel res ipsæ, quæ ejusmodi sint, aut iis verbis expressæ, ut dubium esse nequeat, quin eas ex *Hebræorum* Libris mutuatus sit.

Plato quidem non diffitebatur multa se à *Barbaris* accepisse, quemadmodum ostendit *Clemens Alexandrinus Strom. Lib. I. p. 301. & seqq.* At non erat unum *Barbarorum* genus; *ἢ καὶ τὰ τῶν Βαρβάρων γένη*, inquit ille in *Phadone*, quæ etiam recenset *Clemens*, loco laudato. Ideoque, si fateamur *Platonem* multa debuisse *Barbaris*, propterea tamen consequens non est *Hebræos* aut *Libros*, aut homines ab eo fuisse consultos. Si vel solos *Egyptios* adiisset, quod constat ex ejus vita, recte dici posset *barbaros* audivisse *Magistros*, quamvis reliquorum *barbarorum* ne nomina quidem fando accepisset. *Annobis* dixit *Cicero Lib. V. de Finibus c. 29. Plato Ægyptum peragravit, ac à Sacerdotibus Barbaris numeros & cælestia accipere?*

At obijciunt præterea viri eruditi *Platonem*

tonem in Cratylo, fateri Græcā nomina rerum accepta esse aut à Diis, aut à Barbaris; quam posteriorem opinionem ita exprimit: *οὗτοι βαρβάρων πρῶτον αὐτὰ παρειλήφαμεν, εἰσι δ' ἡμῶν δεχαιώτεροι βάρβαροι*: à barbaris quibusdam ea accepimus, sunt autem nobis antiquiores barbari. At intelligit non Hebræos, sed primos Græciæ incolas; quorum barbara erat Lingua, nec nisi longo temporis lapsu in Græcam mutata; nimirum, Pelasgos quos Græciam primū occupasse multis ostendit *Eduard. Stillingfleetus* vir doctissimus, *Originum Sacrarum* Lib. III. C. IV. Sect. 11. Nec sanè quisquam sanus dixerit Linguam Græcam debere Heberi, non Javanis, vel Ionis posteris, à quibus constat Græciam primū cultam fuisse, ex Gen. X, 4, 5. & quorum Lingua initio Hebræicæ, ut ceteræ Orientales, affinis erat. Itaque frustra hîc quærentur Judæi, frustra que *Plato* eos idè novisse colligitur.

Verū ut videatur *Plato* Hebræos audivisse, dicitur mentionem facere Lib. III. de Republica non procul à fine, *fabula Phœniciæ* de origine hominum; in qua putatur alludere ad historiam creationis, quæ apud Mosē exstat; ita ut *Phœniciam* fabulam dixerit pro *Judaica*, quòd cum

cum Phœnicibus Judæos miseret, quippe vicinos & apud Græcos minùs celebres. At quàm sit hæc levis conjectura, quàmque inanis, liquebit ex ipsis verbis *Platonis*, quæ paullò plura proferemus. Antequàm ad rem veniat, ita præfatur: τίς ἂν ἐν μηχανῇ γήοιτο τῶν ψευδῶν τῶν ἐν δέοντι γινομένων; ὧν δὴ νῦν ἐλέγομεν θρηναῖόν. πῃ εἶναι ψευδομένους πείσῃ, μάλιστα μὲν καὶ αὐτὲς τὰς ἀρχοντας, εἰ ᾗ μὴ, τὴν αἰὸν πόλιν: *Quæ ergo possit esse machina mendaciorum, ubi necesse est, fictorum? Qualia diximus generosum quidpiam esse mentientes persuadere, præsertim quidem magistratus, seu minùs, reliquam civitatem. Si Plato quod dicturus est acceperat à Judæis, sique de iis, eorùmqve Libris bene sentiebat, turpi profectò præfatione. Sacras eorum Historias infamabat, nedum ut eas Græcis commendaret, & contra animi sui sententiam sine necessitate loquebatur. Nihil enim vetabat quominùs creationem hominis narraret, prout exstat apud Moysen. Invidiosior narratio esse non poterat, apud Græcos, quàm quæ ea de re in *Timæo* habet. Deinde ita pergit: ποῖόν. π; ἔφη. *Quale istuc ais? inquit ille. Μηδὲν κακὸν, ἣν δ' ἐγὼ, ἀλλὰ Φοινικικόν. π, πρὸς τῶν καὶ ἀρχῶν γεγονός, αἷς. Φωσὶν οἱ ποιηταὶ**

πικρῶς καὶ πεπαισμένῳ ἐφ' ἡμῶν ἢ δ' ἡγεῖται,
 εἰδὼς οἷα εἰς ἡμετέραν ἀν' ἀρετὴν ἢ οὐκ ἔστιν ἡμῶν.
 Θῦς: Nihil novi equidem, imperator, sed Phari-
 nicum quiddam, quod multò antè quidem
 contigit, ut dicunt Poëtae & persuaserunt;
 nostris verò temporibus minimè factum; nec
 scio an unquam contigerit; persuadere certè
 difficillimum esset. Ως ἐσθλας, ἔφη, ὀκνεῖν
 λέγειν. Quàm gravatim, inquit, ad dicen-
 dum videris accedere. Δόξα δέ σοι, ἣν δ' ἐγώ,
 καὶ μάλα σιγῆς ὀκνεῖν, ἐπειδὴν εἶπῃ. Ἔν
 debor tibi, inquam ego, meritò gravatus,
 cum dixero. Αἰγ', ἔφη, καὶ μὴ φοβῆς: Dic,
 inquit, nec timeto. Λέγω δὲ καί περ ἐκ οἷα
 δαίμων πόλεμῳ, ἢ πόλεος λόγοις χρῆμασιν ἐπὶ
 καὶ ἀπὸ χειρὸς προῦτον μὲν αὐτὸς τὸς ἀρχον-
 τας πείθειν καὶ τὸς στρατιώτας, ἐπειτα ἢ καὶ
 τὴν ἀπὸ τοῦ πόλεως, ὡς ἀπ' αἰῶνός αὐτοῦ ἀπὸ
 φαρμάκου τε καὶ ἰπποδρόμου, ὡς περ ἐν ἡμέ-
 ρῃ αὐτῶν: Dico sanè, quamvis nesciam
 quâ audaciâ, aut qualibus verbis utens di-
 cam. Primum quidem aggrediar ipsos Magi-
 stratus & milites persuadere, deinde & re-
 liquam civitatem: quasi ea in quibus nos con-
 sultari videmus, & erudimus, infra somnium
 tam omnia eis contigissent; & facta circa eos
 fuissent.

Hæc omnia, quæ tam anxie præmitteit,
 minimè

minimè redolent animum credentem vera esse quæ dicturus est. Verùm egregie conveniunt homini fabulam timide fingenti, ad imitationem Poëticarum, quas ex Reipublicæ suæ civium animis exterminatas volebat; quamobrem timebat ne rideretur, cum persuadere vellet similia iis quæ ipse adunco naso suspendere solebat. Nec profectò ea vera credere poterat de creatione hominum quæ hîc habet, si credebat ea quæ in *Timæo*, aut in *Politico*, aut in *Symposio*, eadem de re leguntur, & quæ sunt planè diversa. Ac sanè auctores fingendæ à se hujus fabulæ laudat *Phœnicæ*; hoc est, hominès apud Græcos usque adedò mendaciis infames, ut eorum mentiendi libido in proverbium abiisset; quo *Φαινικὸν ὕβρισμα* dictum est absurdissimum quodvis mendacium. Vix etiam dubium est, in hoc *Platonis* loco, eâ voce significari fabulam fictam, ad imitationem veteris illius fabulæ *Phœnicæ*, quâ hominès è dentibus draconis, à *Cadmo* *Phœnice* satis, armati à terra emissi dicuntur. Certè mentio *Poëtarum* ostendit eam ad fabulam à Græcis Poëtis narratam spectasse, & *Φαινικὸν* potius est ad *Phœnicium morem fictum*, quàm *Φαινικόν*, hoc est, ad *Phœnices* pertinet; & quòd

quòd armati à *Platone* dicuntur viri pro-
diisse, id suadet eum respicere ad satos
à Cadmo homines. Ita rem interpreta-
tus est vir eruditus *Adrian. Junius*, in pro-
verbiis, quæ cum *Erasmianis* edita sunt.
Sed concedamus esse hanc etiam fabulam
reverâ à Phœnicibus, & quidem à Poë-
tis Phœnicibus, narratam; an sequetur
Judaicam, aut veram Hebræorum à *Pla-
tone* spectari Historiam? Non video, cum
Phœnices de initio humani generis non-
nulla, longinquitate temporis, & men-
tiendi libidine corrupta, narrare Græcis
æquè potuerint, ac reliquæ Gentes. Con-
stat sanè Phœnices multas ejusmodi fabu-
las narrasse, si verè ex *Sanhoniathone* cas
vertit *Philo Byblius*, quarum fragmenta
habemus, apud *Eusebium Præp. Evang.*
Lib. I. c. 9 & 10. Re ipsâ judicium hocce
nostrum confirmatur.

Sic enim tandem fabulam suam narrare
aggreditur *Plato*; Ἦσαν ᾧ πότε τῇ ἀληθείᾳ
ὑπὸ γῆς, ἐν τοῖς πλατύμοις καὶ τεφρόμοις,
καὶ αὐτοὶ καὶ τὰ ὅπλα αὐτῶν, καὶ ἡ ἀλη-
θεία, δημοργέμενα. ἐπειδὴ ᾧ παντελῶς
ἐξειργασμένοι ἦσαν, καὶ ἡ γῆ αὐτὰς μητὴρ ἔσθαι
αἰνῆκε, καὶ νῦν δὲ ὡς πατρὸς καὶ τροφῆς
τῆς χάριτος, ἐν ᾧ εἰσὶ, βαλόμεθα τε καὶ ἀμύ-
ναι αὐτὰς, ἐάν τις ἐπ' αὐτῶν ἴη, καὶ ὑπὲρ
τῶν

ἡρώων πολιτῶν , ὡς ἀδελφῶν ὄντων ἢ γυναικῶν , διανοεῖσθαι : *Erant autem tunc re vera sub terra , intus formati , & educati cum ipsi ; tum arma eorum & supellex omnis. Postquam verò omnino perfecti fuerunt , terra illos , ut mater , ad superos enixa est. Et nunc quidem , tamquam matri ac nutrici , regionis huius , in qua sunt , consulere debent atque succurrere , si quis eam invaserit ; deque aliis civibus , quasi fratribus ac terræ genitis , sentire. Res ipsa , ut dixi , manifestò clamat Phœniciam hanc fabulam minimè oportere Judæis acceptam ferri , quod pluribus ostendere nihil attinet. Igitur meritò is , cui fabula narratur , respondet : Οὐκ ἐπὶ πάλαι ἡρώων τὸ ψεῦδος λέγειν : non immeritò dudum te pudebat mendacium dicere. Sequuntur deinde alia fabulosa , quæ piget exscribere.*

Hinc colligere est , summatim quidem facile esse dictu , memorari à Platone fabulam Phœniciam , quā feruntur homines è terra orti , & quā ostendit se non fuisse ignarum Historiæ Sacræ ; qualia jactantur ab iis quos *P. Ventidius* , in Dissertatione περὶ τοῦ Λόγου , exscripsit ; sed ubi ad accuratius examen deventum est , nulla Hebraicæ Historiæ apparent vestigia. Certè *Plato* , quo erat ingenio , si

Judaicam Historiam audivisset narrari, aut legisset, multò meliora de Deo & hominum origine docuisset; nec opus habuisset confugere ad ridiculam fabulam Phœniciam, ut homines consanguineos esse demonstraret; sed dixisset omnes ex uno viro, unâque muliere ortum ducere. Quod non modò verum erat, sed multò faciliùs à Græcis admissum fuisset; quàm armatas singulas gentes, è patriæ terræ specubus, in lucem emissas.

Proferunt denique loca *Platonis*, in quibus accepta refert nonnulla *Veteribus* quibusdam, quos esse volunt *Hebræos*. Sic in *Philebo*, non procul ab initio, οἱ μὲν, inquit, παλαιοὶ κρείττονες ἡμῶν, καὶ ἐργατέω θεῶν οἰκῶντες, ταύτῃ φήμῃ παρέδοσαν: *Veteres nobis meliores & propius Deos habitantes hanc famam tradiderunt.* Quæ verò illa est fama? Hæc, nimirum: cùm ea quæ semper dicuntur esse constant ex uno & multis, finemque & infinitatem in se insitam habeant, oportere nos, rebus sic constitutis, semper unam ideam de omni re singulatim ponentes quærere, nos enim comperturos eam inesse; & alia nescio quæ περὶ φυσικὰ metaphysica nullius pretii, de quibus ne somniando quidem umquam cogitarunt *Veteres Hebræi*. At cùm viri do-

docti viderent hîc mentionem fieri *Unius*,
Infiniti & Multorum ; continuò existima-
 runt respici ad S. Trinitatem ; quam
 numquam hîc quæsiuissent , si locum
 paullo attentius legissent. Rectè quoque
 fecisset *P. Ventidus* , si ex fide aliena hæc
 non protulisset , sed inspexisset ipsum
Platonem. Si quidpiam simile admissem,
 quos triumphos de me ageret?

Adducitur alter *Platonis* locus è Lib. IV.
 de Legibus , p. 600. Ed. Gen. Ficini,
 Θεός, ὡς αὖτε καὶ ὁ παλαιὸς λόγος, ἀρχὴ
 καὶ τέλος καὶ μεσότης ὄντων πάντων ἔχων
 θεῖαν περιεχὴν φύσιν περιεσφιγμένην·
Deus, ut fert etiam antiquus sermo, initium
& finem, & media omnium Entium habens
rectâ absoluit, per naturam circumactus.
Vult Justinus in Adhortatione ad Gentes
p. 24. hæc Mosi deberi. Sed oportuisset
ab eo proferri locum Mosi, in quo sit
quidpiam simile. At non potuit, quia
reverâ nihil ejusmodi exstat, proferturque
hîc à Platone sensus eorum, quæ à Timæo
dicta erant de Anima mundi, quam Deus
Opifex rerum, τῷ κόσμῳ μεσότην ἐξέφασ
ἐπαγαγὼν ἐξω, mundi medio indidit, & ex-
tra eduxit. Quamobrem obtinet initium
finem, & medium. Igitur nulla ratio est,
cur παλαιὸς credamus esse Hebræos po-
P 2
tius,

tius, quàm antiquissimos Græcorum Philosophos; à quibus multa dici potuerant aut vera, aut veris proxima, seu ea accepissent à Majoribus, seu ipsi invenissent. Cur enim omnes populos fingamus fungos, per omnia, ac stipites fuisse, exceptis Hebræis?

Jure ergo *Lactantius* à *Platone* numquam auditos fuisse Judæos existimavit: * *Soleo*, inquit, *mirari quòd, cum Pythagoras & postea Plato, amore indagandæ Veritatis accensi, ad Ægyptios & Magos & Persas usque penetrassent, ut earum gentium ritus & sacra cognoscerent (suspiciabantur enim sapientiam in Religione versari) ad Judæos tamen non accesserint; penès quos tunc solus erat, & quò faciliùs ire potuissent.*

Sunt tamen multò plures & Judæi & Christiani (neque enim verum dissimulabo) qui contenderint *Platoni* ignotos non fuisse Judæos, imò & multa suppeditasse, quibus Philosophiam suam exornavit. At hæc eorum dicta nequaquam sunt testimonia hominum, qui quæ viderant aut à testibus æqualibus accepta narrent; sed judicia & conjecturæ *Scriptorum Platone*, non unâ ætate, recentiorum. Itaque non possunt majoris esse ponderis, quàm rationes

* *Inst. Divin. Lib. IV, c. 2.*

tionibus quibus nituntur ; quæ si parum graves sunt, nulla causa est cur in iis iudiciis, conjecturisve acquiescamus. Præterea sunt eorum Scriptorum, qui honorificum atque utile sibi ducebant *Platonem* videri Scriptoribus Sacris Hebræorum multa debuisse. Judæi, qui ita primi omnium loquuti sunt, retundebant eo pacto superbiam Philosophorum Græcorum, qui ceteras gentes quasi barbaras spernebant ; quod immeritò ab iis fiebat, si constaret Philosophorum nobilissimum ea Judæis debere, quæ vulgò invenisse putabatur. Eadem operâ, alliciebant eos, qui *Platonem* magni faciebant, eorumque animos Judaïsimo aliquin iniquiores sibi conciliabant ; cum illis ostenderent *divinum Platonem*, ut vulgò vocabatur, ex fontibus Hebræorum rivulos in hortos suos derivasse. Legantur libri *Josephi* contra *Apionem*, & liquebit olim hoc manibus, pedibusque egisse Judæos, ut ostenderent Græcos fures esse, & quidem in eos fines quos commemoravi. Christiani postea Scriptores, iisdem de rationibus, imitati sunt Judæos.

Hæc si probè expendantur, satis firma, nisi fallor, videbuntur, ad evertendum

dum quidquid colligi potest, hanc in rem, ex dictis Veterum Judæorum aut Christianorum; qui an rectè olim conjecerint, necne, parum nunc nostrâ interest; cùm Dei Opt. Maximi beneficio, non ampliùs subjaceamus imperio Ethnicorum, quorum animum sibi conciliare necesse illi habebant; cùmque exigua jam sit *Platonis* aliorumve Philosophorum Ethnicorum auctoritas. Attamen nonnulla hac de re proferam Veterum judicia, quæ ad examen revocabo.

Antiquissimum, quod nunc mihi occurrit, est *Aristobuli*, Philosophi Judæi qui vixit temporibus Ptolemæi Philometoris. Eius verba profert *Eusebius* Præp. Evang. Lib. XIII. c. 12. quorum initium dumtaxat subjiciam : Φανερόν, inquit, ὅτι κατηχλήθησεν ὁ Πλάτων τῇ καθ' ἡμᾶς Νομοθεσίᾳ καὶ Φανερός ἐστι περὶ τῆς αὐτῆς ἑκάστα τῶν ἐν αὐτῇ. Διηρημένωται γὰρ περὶ Δημητρίῳ καὶ Φαλερέῳ, δι' ἐτέρων, περὶ τῶν Ἀλεξάνδρου καὶ Περσῶν Ὀπικρατήσεως, τὰ τε καὶ τῆς ἐξαγωγῆς καὶ ἐξ Αἰγύπτου τῶν Ἑβραίων, ἡμετέρων δὲ πολιτῶν, καὶ ἡ τῶν γεγονότων ἀπάντων αὐτοῖς Ὀπιφάνεια καὶ κρατήσις τῶν χώρων καὶ τῆς ὅλης νομοθεσίας ἐπεξήγησις, ὡς δὲ δηλοῦν εἶναι τῶν περὶ τῆς αὐτῆς Φιλοσόφου εἰληφέναι, πολλὰ γέρονε γὰρ πολυμαθῆς, καθὼς καὶ Πυθαγόρας.

νόμος, πᾶν δὲ τὸ παρ' ἡμῶν μετενέγκας εἰς τὴν
 αὐτῆς δογματοποιεῖν κατεχώρισεν: Constat
 Legum nostrarum instituta sequutum esse
 Platonem, & in singula earum capita curio-
 sius inquisivisse eum liquet. Nam etiam ante
 Demetrium illum Phalereum, adeoque ante
 Alexandri ac Persarum imperium, ea jam
 omnia Græcè ab aliis conversa fuerant, qui-
 bus illa Hebræorum popularium nostrorum ex
 Ægyptoeductio, & omnium quæ illis conti-
 gerunt ratio insignis, & occupatio regionis
 & totius legislationis expositio, ita ut mani-
 festum sit memoratum Philosophum multa
 sumfisse. Fuit enim lectionis plurimæ, ut
 & Pythagoras, qui multa è nostris in sua
 dogmata transtulit. At illius versionis nec
 vola, nec vestigium supererat; nec in
 Historia translationis LXX. Interpretum
 ejus vel minima mentio. Quo mihi fit
 credibile Aristobulum hoc finxisse, ut fidem
 sibi faceret, apud Lectores, illico quæ-
 situros unde Pythagoras & Plato dogmata
 Hebræorum noscere potuissent. Quam-
 obrem rectè Augustinus, de Civit. Dei
 Lib. VIII. c. 11. negat illum potuisse Scri-
 pturas legere, quæ nondum fuerant in Græ-
 cam Linguam translata, quæ ille pollebat; at
 perperam, ut postea ostendam, suspica-
 tur eum per interpretem cum Judæis egisse.

fe, in sequentibus verbis: *nisi fortè quia fuit acerrimi studii, sicut Ægyptias, ita Christus per Interpretem didicit, non ut scribendo transferret, quod Ptolemæus pro ingenti beneficio, qui regiâ potestate etiam timeri poterat, meruisse perhibetur; sed ut colloquendo quid continerent, quantum capere posset, addisceret.*

Aristobulum sequutus est Josephus, qui Lib. II. contra Apionem p. 1079. Ed. Gen. ita loquitur: μάλιστα ὃ Πλάτων μίμηται τὸν ἡμέτερον νομοθέτην, καὶ τῷ μηδὲν ἔτιω παίδδμα περσάττειν τοῖς πολίταις ὡς τὸ πάντα ἀκελῶς τὰς νόμους ἐκμαίνθάνειν: Plato potissimum imitatus est nostrum legislatorem, in hoc quoque quod civibus sic præceperit, quàm accuratè omnes leges discere. Verùm si quis dixerit Platoni hoc, aliâque idgenus in animum incidisse, cùm res sint minimè abstrusæ, aut excogitatu difficiles; æquè verisimilis hæc erit conjectura, ac Josephi affirmatio.

Josephum & Aristobulum subsequuti pariter sunt Scriptores multi Christiani, atque inter alios Justinus, Clemens Alexandrinus & Eusebius, qui similia habent, & primus quidem præsertim in Parænesi ad Gentes, alter verò Stromatum Lib. I. tertius denique Præpar. Evangelicæ Lib. XII.

XII. ubi multis hac de re agunt. Verum hi quoque judicium suum protulerunt, non rem à testibus fide dignis acceptam; aut potius, ut dixi, Judæos imitati sunt, iisdem de causis, propter quas à Judæis furti insimulatos esse Græcorum Philosophos ostendi.

Verum objecerit fortè quispiam Scriptores nonnullos Ethnicos, quorum loca affert *Clemens*; & primùm quidem *Megasthenem*, qui æqualis fuit Seleuco Nicatori & cujus hæc sunt verba è Libro III. Rerum Indicarum, apud *Clementem Strom.* Lib. I. p. 305. Ἄπαντα μὲν τοι τὰ παλαιὰ φύσεως εἰρημύα παρὰ τῆς ἀρχαίης λέγεται καὶ παρὰ τῆς ἔξω τῆς Ἑλλάδος φιλοσοφῆσαι τὰ μὲν παρ' Ἰνδοῖς ἀπὸ τῶν Βραχμάνων, τὰ δ' ἐν τῇ Συρίᾳ ἀπὸ τῶν καλεσμένων Ἰσδαίων: *Omnia quæ de natura dicta sunt à Veteribus, dicuntur etiam ab iis, qui extra Græciam philosophantur, partim quidem apud Indos à Brachmanibus, partim verò in Syria ab iis qui vocantur Judæi.* Verum non nego apud Judæos varia dogmata, atque instituta obtinuisse, quibus postea similia scripsit Plato; at contendo ea à Platone, antiquioribusve Philosophis, partim desumpta ab Ægyptiis, aliisque populis; partim etiam inventa, aut à Socrate inventore accepta fuisse.

Nu-

Numenius quidem *Pythagoreus*, cui Scripta *Mosis* innotuerant, hoc iudicium de *Platone* tulerat: Τί γάρ ἐστι Πλάτων, ἢ Μωσῆς Ἀττικίζων; *Quid est enim Plato, nisi Moses Atticè loquens?* At hisce verbis, significatur tantum consensus, variis in rebus; ex quo colligere non licet, à *Platone* lectum fuisse *Mosè*; cum, ut dixi, & ipse nonnulla excogitare & ab *Ægyptiis* multa *Mosaïcis* similia accipere potuerit.

Ut eum è *Mosè*, quæ habet paria, furatum esse constaret; quandoquidem, ut vidimus, testes fide digni nobis defunt; oporteret ostendi ejusmodi esse, ut nec ab aliis quàm à *Judæis* accipere, nec ipse comminisci ea potuerit, aut certè ita expressa esse, ut loquutiones *Scripturæ* manifestò redolerent. Tu verò, L. CANDIDE diligenter, quæso, legito *Justini* *Parænesin* ad Gentes, *Clementis* *Stromat.* Lib. I. & *Eusebii* *Librum* XII. *Præp. Evang.* ubi congesse ea, quibus maximè cum *Sacris Litteris* consentire *Platonem* credere; iisque perlectis, nisi fatearis *Platonem* aut aliunde ea omnia discere potuisse, aut ipsum invenire, causam non dico, cur hancce meam *Epistolam* non abjicias, ut lectu indignam.

At meminisse te oportet primùm in anti-

tiquissimo & florentissimo Ægyptiorum regno varias fuisse leges Hebræicis affines; seu eæ sint leges, sine quibus nulla stare humana Societas potest, & quæ apud populos omnes excultos viguerunt, seu peculiare Ægyptiis & Hebræis; quod in Commentario meo in Pentateuchum sæpe ostendi. Secundò, merâ ratiocinatione, contemplationeque operum divinorum multa à Socrate, *Platonis* Magistro, inventa fuisse Mosaïcis consentanea; ut liquet ex *Memorabilibus Socratis*, à *Xenophonte* collectis.

Tertiò, antiquas leges Atticas nonnulla habuisse similia Ægyptiacis, seu eæ Athenienses partim accepissent à Cecrope Ægyptio, seu alia quapiam viâ; quod non rarò observavi ad Leges Mosaïcas, post viros doctissimos, qui de Jure Attico egere. Primas quidem meritò, inter omnes Leges, exceptis Legibus Evangelicis, tribuimus Mosaïcæ νομοθεσίᾳ, nec Ethnicorum instituta cum ea ullâ ratione æquiparanda censemus; sed tamen non passus est Deus ita rectam Rationem, apud reliquos omnes homines, exstingui, nihil ut experientiâ, & ratiocinando inveniri uspiam posset; verum omnes nisi desipere vellent, necesse haberent Mo-
saïca

saica Scripta expilare, aut instituta imitari. Talia somniare nemo possit, nisi cui Græcorum & Latinorum monumenta ac ingenia, ne jam Orientales populos memorem, planè ignota fuerint. Vitia legum Ethnicarum nec tueor, nec excuso; sed sine dubio plurima complectuntur sapienter sancita, quæ tamen Legislatorum soli prudentiæ debentur. Horum si memor fueris, confido fore ut nihil invenias quod à Platone ex Hebræis adumbratum esse videatur. Quod si esset mihi singulatim demonstrandum, justum hac sola de re conscribendum esset volumen, nedum ut brevis Epistolæ finibus coerceri queat.

At unum dogma est, quod præ ceteris ex Scriptura deductum esse contendunt Eusebius, aliique; id, nimirum, quod spectat τρεῖς ἀποδείξεις ἀρχικαὶς, tres substantias, quæ sunt omnium rerum principia. Quod dogma solet ad Platonem, quasi ad potissimum auctorem, apud Ethnicos, referri, quod distinctius de eo scripserit; nam Parmenidis quidem, à quo creditum docet Plotinus Ennead. V. c. 8. nihil exstat præter fragmenta obscurissima; Pythagoræ verò ne littera quidem ulla, nam Symbola illa αἰνιγματώδη, quæ supersunt.

utrum

utrum sint ipsius, vel ejus discipulorum non constat; ceteræque doctrinæ ejus reliquæ non unam capiunt sententiam. At viri docti contendunt memorati dogmatis originem esse altius repetendam. Quæ de re vir eruditissimus Rod. Cudworthus in Anglico Opere, quod *Systema Intellectuale Rerum Universitatis* inscripsit, * his verbis loquitur: *Nunc verò quandoquidem non satis intelligi queat quæ ejusmodi Trinitas divinarum Hypostaseon primum inveniri potuerit solo ingenio humano, & Ratione, quamvis nihil ei insit, si modò rectè intelligatur, quod Rationi repugnet; & quandoquidem sunt in antiquis Scriptis Veteris Testamenti certa indicia pluralitatis in Deitate, vel plurium Hypostaseon; colligere meritò possumus quod Proclus affirmat de Trinitate, quemadmodum exprimitur in Chaldaïcis Oraculis; idesse verum; nimirum, fuisse Θεοπαράδοτον Θεολογίαν, divinitus traditam Theologiam, vel divinam Cabalam; inter Hebræos primum, deinde ab illis communicatam cum Ægyptiis atque aliis gentibus. Ego verò, quod cum pace viri eruditissimi dictum sit, non puto usquam in Vetere Testamento indicium esse ullum plurium numero substantiarum divinarum, quales somniabat*
Plat.

* *Lib. I. C. 4. p. 547.*

Plato, & quales Patres credidere. Certè cum omnia loca, quæ huc trahi possent, expendo, nullum invenio, ex quo tres substantiæ divinæ colligi queant. An tale quid viderit *P. Ventidius* ignoro, at cum protulisset hæc & plura *Cudworthi* verba, non sine elogio Operis, debuisset clariùs mentem suam exprimere. Nam si *Plato* credidit tres esse divinas substantias, sique hanc suam sententiam ex Veteri Testamento, aut ipse per se, aut per alios, hausit, ut vult *Cudworthus*; oportet omnes fermè Christianos nunc in gravi errore versari, qui, quamvis Trinitatis Personarum patroni, acerrimè contendunt, & quidem meritò, unicam esse numero divinam substantiam. Non puto *Ventidium* tantùm tribuere Antiquitati, ut, quemadmodum fecit *Cudworthus*, vir ceteroqui laudibus in eum collatis dignissimus, propter ejus auctoritatem, Platonicum Tritheïsmum admittere sustineat. Quod si ita est, cur nobis fingit *Pythagoram*, & *Platonem* hausisse hoc suum dogma ex Scriptis Hebræorum, qui unitatis numericæ Numinis vehementes semper propugnatores fuere? Nescio etiam an satis noverit *Ventidius* quodnam sit eruditissimi *Cudworthi* institutum, in eo Capite

pite *Systematis Intellectualis*; quod eò spectat ut ostendat ab universa Antiquitate creditas esse tres pares substantias divinas. Si minùs intellexit, non satis prudenter fecit, cum testem adduxit testimonium contra se dicturum. Si intellexit, non minùs imprudenter se gessit, cum nobis futurum facere se posse existimarit, proferendo verba; quæ, si quid probant, ostendunt Tritheïsmum Veteri Testamento originem debere.

Sed ut ad *Platonem*, ceterosque Philosophos, qui ei fortè præiverunt, redeam; non video cur revelatione indiguerint, ad constituenda tria illa Principia; ut jam omittam falsitatem ejus sententiæ, quæ cum vera revelatione consistere nequit. Solâ ratiocinatione, conjunctâ cum divinorum Operum contemplatione, potuerunt intelligere τὸ πᾶσι ὃ θεὸς, hoc est, esse quampiam intelligentem Naturam, eamque perfectissimam, quæ omnia fecerit, & omnia regat, aut per se, aut per alium; imò verò intellexerunt, ut liquet ex sermonibus Socratis apud *Xenophontem*, aliisque ejusmodi. Cum verò viderent Mundi Opificem non temerè, & fortuito, sed summâ ratione omnia fecisse, generâque singula omnium rerum, pro suis quæque

que naturis, sine mutatione, conservari ac propagari; hinc collegit *Plato*, post alios, esse & alteram substantiam divinam primæ illi proximam, quæ vocaretur *Ratio* seu Λόγος, quæ complecteretur æterna atque immutabilia exemplaria omnium rerum, & per quam singula essent facta. Nec dixeris *Rationem* illam fuisse perfectionem Dei; non substantiam singulari existentia præditam; nam *Plato* (rectène an secus, nunc non quærimus) ita ratio-cinatus est. *Rationem*, quam & *Ideam* vocat, descripsit quasi substantiam; qua in re prævit *Platoni Timæus*, qui *Ideam*, distinguit à Deo, & substantiam seorsim existentem habet, initio Operis sui. Ait enim duas esse causas summās *Deum* & *Necessitatem*, & ad hanc quidem referri *Ideam* & *Materiam*, quasi συναίτια causas unā cum Deo. Tum *Ideam* docet esse quidpiam ἀγέρατον τε καὶ αἰκίνατον, καὶ μέρον τε καὶ τῶς ταυτῶ (leg. ταυτῆς) φύσις, νοατὸν τε καὶ παρῑδείγμα τῷ ἁνωμένῳ, ἐκείνῳ ἐν μεταβολῇ ἐντί, ingentum, & immotum & manens & ejusdem naturæ, ac intelligibile exemplat genitorum omnium quæ in mutatione sunt. Græca hujus loci attentè legenda, nam non modò *Joan Serranus*, sed ne *Marsilius* quidem *Fieinus*, multò eruditior

eruditior ea adsequutus est. Attamen non indigna sunt quæ legantur quæ *Serranus* collegit de Ideis, in argumento *Parmenidis* Platonici Dialogi. Deinde cùm animadverteret *Plato* animalia & plantas, per omnes terras, mirum in modum nasci, augescere, vegetari; hinc, post *Timæum*, collegit à *Ratione* divina esse Mundo *Animam* inditam, cujus vi omnia illa fierent, & totius Mundi machina ageretur. Quamobrem etiam Mundum *Animal* & *Deum* esse dixit.

Hæc distinctiùs verbis ipsis *Platonis* probabo, & cùm de summo Deo nulla moveatur controversia, de secundo, seu Λόγῳ primùm videndum. Sic ergo de hoc loquitur in *Timæo*, ubi de Creatione Mundi, p. 528. C. Ed. Gen. Οὕτῃ δὴ πᾶς ὄντως ἀεὶ Λογισμὸς Θεῷ πρὸ τὸν ποτὲ ἐσόμενον Θεὸν λογιζοίς λεῖον καὶ ὁμαλὸν, πανταχῇ τε ὅκ μὲν ἴσον, καὶ ὅλον καὶ τέλειον ὅκ πλέων σωμάτων σῶμα ἐποίησε: Hic ergo, qui reverà est omnis *Ratiocinatio Dei*, de futuro Deo *ratiocinatus*, lævem eum effecit, æqualēque & undique à medio parem, ac totum & perfectum corpus è perfectis corporibus. In *Epinomide* verò p. 702. G. memorato Mundo, illico subjicit: ὃν ἐταξε Λόγῳ ὁ πάντων θεϊότατος ὁρᾶν: quem *fe-*
Tom. III. Q cit

cit *Ratio omnium diviniſſima conſpicuum*.
 Quem Λόγον & Λογισμὸν hīc vocat Plato
 recentiores Platonici ſolent etiam vocare
 Νῆν, *mentem*, quia Λόγος ſubſtantiam ra-
 tiocinantem ſonat, ſeu mentem. Vide,
 ſi vacat, *Plotinum* Ennead. V. Lib. I. Capp.
 3 & 4. Ait *Plato* Mentem hanc eſſe *omnium*
diviniſſimam, quia alias *Mentes* ſeu Λόγους
 eſſe putabat, inferiores *Deos*. Non ad-
 dam quæ habet de *Idea*, quod eſt alterum
 nomen ἢ Λόγος, quia nemo nunc ſomnia-
 rit quod de *Idea* ſcripſit *Plato* id ex Ve-
 tere Teſtamento eſſe deſumtum. Adi,
 ſi vacat, quæ hac de re præfixit *Serranus*
Parmenidi & Lib. VI. de *Republica*, ubi pau-
 cis mentem *Platonis* explicat.

Quæſiverim nunc à Theologis paullo
 accuratioribus, an propterea poſſit *Plato*
 cenſeri deſumſiſſe quæ habet de *Ratione*
 aut *Mente* ex Scriptura; dumtaxat quia
Mofes, & alii Scriptores Sacri inducunt
Deum omnia facientem Ἀλλὰ λόγος, hoc
 eſt, ῥήματι, *per verbum*, ut deſcribant
 maximam ejus potentiam, & ſpiritualem
 agendi rationem, quam vocis imperio
 exprimunt? Non poteſt ſanè affirmari,
 niſi à ludentibus ambiguitate vocis Λό-
 γος, quæ Gracè & rationem & ſermonem
 ſonat. Quod tamen fecit *Eusebius* Cap.

14. Lib. XI. Præpar. Evangelicæ, nimia cupiditate trahendi ad partes Christianorum insignis Philosophi.

Audiamus tandem quæ habeat, de tertio Principio, seu *Anima Mundi*, de qua sic loquitur in Timæo, p. 528. C. ubi postquam descripsit corpus rotundum Mundi, ita pergit: Δια πάντα δὴ ταῦτα διδαιμονα Θεὸν αὐτὸν ἐγγυήσατο. τὴν δὲ ψυχὴν ἔχ' ὡς νυῦ ὑστέραν ὑπὸ χειρὸς μὲν λέγειν, ἔτως ἐμμηχανήσατο καὶ ὁ Θεὸς νεότεραν ἢ γὰρ ἀν' ἀρχῆσιν πρεσβύτερον ὑπὸ νεώτερα συνέρξας εἶασεν· ἀλλὰ πῶς ἡμεῖς πολὺ μετέχοντες ἔπεσυχόντ' τε καὶ εἰκῇ, ταύτῃ πῃ ἢ λέγομεν. *Omni*bus hisce de causis beatum eum Deum genuit. *Animam* verò, non ut nunc agredimur dicere posteriorem, sic & *Deus* fecit juniorem; neque enim qui hæc conjunxit parere juniore antiquius permisisset, sed nos, ut pote multum fortunæ & casus participes, temerè etiam & sine ordine dicimus. Mira profectò est hæc excusatio perturbati in loquendo ordinis, sed tamen, ut opinor, vera. At ad institutum meum rei examen non pertinet. Itaque pergam recitare verba *Platonis*, de ratione quâ *Anima Mundi* creata est: ὅς τ' καὶ γινέσκει καὶ ὄρετ' ὑστέραν καὶ πρεσβύτεραν ψυχῇ σώματι, ὡς δεσπότιν, καὶ ἀρχαὶσιν ὀρχομένης

συνεσήκατο, ἐκ τῶνδε καὶ ποιῶδε τρόπῳ τῆς
 ἀμερείας καὶ αἰεὶ καὶ τ' αὐτὰ ἐχέσης ἑσίας, καὶ
 τῆς αὖτε πάλιν τὰ σώματα γυρομένης μεριστῆς,
 τρίτον ἐξ ἀμφοῖν ἐν μέσῳ συνεκεράσατο ἑσίας
 εἰδόμενῃ, τῆς τε τ' αὐτῆς φύσεως αὖτε πέρας καὶ τῆς
 ἑτέρας, καὶ καὶ τ' αὐτὰ ξυνέστησεν ἐν μέσῳ ὅ
 τε ἀμερείας αὐτῶν, καὶ ὅ καὶ τὰ σώματα μερι-
 στῇ καὶ τρίτῃ λαβὼν αὖτε τὰ ὄντα συνεκεράσατο
 εἰς μίαν πάντα ιδέαν, τὴν θεατέρως φύσιν δύσ-
 μικτον ὅσαν εἰς τ' αὐτὸ ξυναρμότιον βία: *Ille*
verò ὅ generatione ὅ virtute priorem Ani-
matam Corpore, quasi dominam ὅ imperatu-
ram parenti constituit, ex his videlicet, at-
que hoc modo. Ex substantia individua ὅ
quæ semper eadem ratione se habet, ὅ ea
rursus quæ in corporibus dividua est, tertiam
ex ambobus mediam commiscuit substantia
speciem, quæ esset ejusdem naturæ ὅ alterius;
eámque sic mediam constituit inter eam illarum
quæ individua est, ὅ eam quæ in corpori-
bis est dividua. Cúmque tria sumfisset quæ
erant, omnia miscuit in unam speciem, ejus
quod alterum diximus naturam vix miscen-
dam, cum eo quod idem dicitur vi conjun-
gens. Postea tradit arithmeticas nescio
quas rationes, secundum quas tria mi-
sceuit, quas ex ipso petas licet.

Si *Plato* Trinitatem ex *Scriptura Sacra*
Veteris Testamenti desumpsit, ex ea quo-
 que

que statuendus est hanc tertiæ Substantiæ descriptionem hausisse ; quam mihi quidem ostendi cupiverim, in quopiam Veteris Testamenti loco ; nam hæcenus in eo nihil simile animadvertere potui. Non opus est etiam me dicere notionem hanc Animæ Mundi creatæ , & constantis mixturâ substantiæ immutabilis & corporeæ, longè distare ab eo quod Christiani de Spiritu Sancto omnes credunt ; res enim est manifesta. Nemo non videt describi non quod nos Spiritum Sanctum vocamus, sed vim quamdam omnia fœcundantem, ac vegetantem, quam *Virgilium* Æn. VI, 724. sic pinxit :

Principio cælum ac terras, campósque liquentes,

Lucentémque globum Lunæ, Titaniáque astra

Spiritus intus alit, totámque infusa per artus

Mens agitat molem & magno se corpore miscet.

Inde hominum, pecudúmque genus, vitæque volantum

Et quæ marmoreo fert monstra sub æquore pontus.

Attamen Veteres nimio Platonice Philosophiæ amore capti, hîc invenerunt Spiritum Sanctum; nam quamvis *Eusebius* aggressus non sit ostendere, singulari Capite, *Platonem* idem sensisse ac Christianos *ἐν τῇ αἰτίᾳ*, ut de primo, & secundo; attamen Cap. XX. Lib. XI. Præp. Evang. *ἐν τῶν δρχικῶν ὑποστάσεων*, de tribus substantiis quæ Principia sunt, agens, prolato de iis loco *Platonis* ex Epistola ad *Dionysium*, ita loquitur: Ταῦτα οἱ τὸν Πλάτωνα διῃσαφεῖν πειρώμενοι ὑπὲρ τὸν πρῶτον Θεὸν ἀνάγει, ὑπὲρ τὸ δεύτερον αἶπρον, καὶ τρίτον τὴν δὲ κόσμος ψυχὴν, Θεὸν τρίτον καὶ αὐτὴν ὀρεζόμενοι εἶναι. οἱ δὲ γε θεοὶ λόγοι τὴν ἁγίαν καὶ μακαρίαν τεράδα Πατρὸς καὶ Υἱὸς καὶ ἁγίᾳ Πνύματος ἐν δρχῆς λόγῳ τάττεισι: *Hæc qui conati sunt Platonem elucidare ad primum Deum referunt, & ad secundam Causam, & ad tertiam hanc Mundi animam Deum tertium esse definientes. Divini verò libri sanctam & beatam Trinitatem Patris & Filii & Sancti Spiritûs principii rationem habere statuunt.*

At tenuis similitudo, quæ inter Principia tria, seu tres Deos summos *Platonis*, primâ fronte esse videtur non debuit ita animum *Eusebii* aliorumque afficere; ut illico se Trinitatem Christianam Patris,

tris, Filii & Spiritûs Sancti in ejus verbis agnoscere profiterentur; ac proinde hoc ejus dogma contenderent ex Vetere Testamento desumptum ab eo fuisse. Sensit hoc partim *Cyrillus* Alexandrinus, qui Principiorum Platoniorum inæqualitatem pugnare cum τῷ ὁμοσίῳ rectè animadvertit, Lib. VIII. contra Julianum. Scio virum doctissimum, cujus Anglicum Opus antea laudavimus, ex *Plotino* aliam sententiam *Platonis* verbis adscribere, & duas Animas Mundi proferre; quarum altera sit ὑπεργόμιστος, & consubstantialis summo Deo, adeoque æterna, de qua *Plato* filuerit; altera verò ἐργόμιστος & creata, de qua *Philosophus*. Sed *Plotino* tot sæculis post *Platonem* nato, nec alia ejus Scripta proferenti, quàm quæ habemus; de *Plannis* genuina sententia, non magis crediderim, quàm Monachis VII. Sæculi, de dogmatibus Christi & Apostolorum. Nam quo jure *Plotini* Metaphysicæ meditationes hateri possunt supplementa indubitata eorum quæ *Plato* cogitavit, etiam ubi *Platonis* orationi nihil deest; potius quàm quæ Novo Testamento addiderunt VII. Sæculi Monachi? Imò verò *Plotini* figmenta suspecta habeamus necesse est, si meminerimus *Platonis Timæum* esse dumtaxat

taxat prolixiorē explicationem libri *Timæi* Locri; in quorum duplicis illius *Animæ* Mundi ne minimum quidem vestigium est.

Qui volunt priscam illam doctrinam, de tribus Causis, vel Principiis omnium rerum, ad *Parmenidem*, *Pythagoræ*que referri, potius quàm ad *Platonem*, iisdem premuntur incommodis, quibus ii qui à *Platone* è Vetere Testamento hauritam esse contendunt. Cùm enim eam ex solo *Platone* perspicuè cognoscere liceat, cùmque manifestum sit in Vetere Testamento nusquam extare ei quod ex *Platone* protuli quidquam simile; nemo etiam dixerit ea à Pythagoricis ex Libris Sacris depromta.

At mentio fit, inquires, in Vetere Testamento *Dei* boni *Sapientie*que & *Spiritus* ejus, ex quibus collegerunt res esse summos Deos, qui possent vocari *Bonum*, *Ratio* & *Anima Mundi*. At sintne hæc usque adeò similia, ut qui posterius dicat necesse sit eum Vetus Testamentum legisse? Non puto; aut omnia, quæ aliquatenus sunt similia, erunt confundenda. De ejusmodi errore, & similitudine orto, egi *Critica* P. 2. S. 1 C. 14. ubi diversarum Sectarum sermone simili diffimilia

milia sæpe significari ostendi, nec repetam quæ dixi.

Minus etiam probabile est quod habet *Plato* de hominum Creatione & primæ ætate, seu in Convivio, seu in Politico, Judæis deberi; propter multas absurdas circumstantias, quæ tenui Veritatis umbræ miscentur. In Convivio enim describit hominem ἀνδρόγυνον, hoc est, virum cum muliere, posticis partibus conjunctum; ac postea à Deo, quod æquo superbior esset, divisum. In Politico verò, memorat nescio quas periodos, quibus Orbis renovatus sæpe fuerit, & quarum singularem initio homines ex humo, plantarum instar, renati fuerint. Quæ si paullò attentius legantur, intelligentur esse partim fabulæ Græcicæ, quibus nonnihil Veritatis Historicæ admistum est, ut plerumque solet; partim figmenta *Platonis* fabulas illas ornantis, novis mendaciis, aut etiam quærentis rationem priscarum illarum fabularum, eamque ex conjectura proferentis. Non est ideo tantum, quia *Plato* dicit homines aliquando ortos, & quidem ex terra, quamvis ceteræ circumstantiæ cum Mosaicis minimè consentiant, continuò judicandum eum hæc Judæis debuisse. Quare enim, apud Græcos,

cos, non superfuerint antiquissima fama nonnulla, ut ita dicam, ἀπηχίματα, inter innumeras falsas narrationes? Quare etiam censeamus *Platonem* quæ à Judæis acceperat de rerum creatione, non modò rectæ Rationi consentanea, sed etiam credibilia, absurdis & incredibilibus fabulis corrupisse, ut ab omnibus rejicerentur? Multò credibilibus est quod ipse dicit in *Politico*, illa, ut alia quæ de regno Saturni jactabantur, esse petita ἐκ τῶν πάλαι λεχθέντων ex olim narratis, & de quibus postea dicit: Ἀφ' ἧς χρόνος πολλῶς τὰ μὲν αὐτῶν ἀπέσβηκε, τὰ δὲ δεσπαρμύα εἰρηται χωρὶς ἕκαστ' ἀπ' αἰδήλων, *longinquitate temporis, alia eorum extincta sunt, alia dispersa dicta sejunctim ab aliis.* Quibus addere debuit imperitiam narrantium & audientium, mentiendique libidinem; quæ veris Historiis innumera mendacia admiscuerunt.

Verùm & alterum suppetit nobis argumentum, ex quo licet colligere neque *Pythagoram*, neque *Platonem* ex Libris Sacris Veteris Testamenti, aut ex sermonibus Judæorum quidquam, ad Theologiam quod attinet, esse mutuatos. Petitum id est ex Libro *Timæi* Locri, atque ex ipsius *Platonis Timæo*. Pythagoricus
Lo-

Locrus, de Mundi Creatione acturus, non modò nullam cujusquam auctoritatem profert; sed philosophicè, pro more ejus sectæ, ratiocinatur à capite ad calcem Opusculi, nec quidquam habet quod Mosaicam creationem redoleat. Similis est *Platonis* interpretatio, quam liquet esse veluti prolixiorem paraphrasin Opusculi Locri Philosophi; à quo totus pendet, & cui ratiocinationes suas addit. Nusquam ex Mose sapit, aut emendat Pythagoricum Philosophum. Hoc unum illis est commune cum Mose, quòd Deum esse & omnia ab eo creata statuunt; sed creationis ratio apud illos simile nihil habet. Quod si rem à Judæis accepissent, unà cum re, etiam rationem quâ facta est audivissent, suisque Scriptis inseruissent; neque enim credibile est, re tantâ auditâ, homines φιληνός & barbaricorum dogmatum curiosos nihil aliud quæsisse. Crediderim ergo eos quidem partim ex ratiocinatione, partim ex consensu antiquissimarum Orientis gentium, accepisse esse Numen à quo omnia procreata sunt; omnes verò rei circumstantias ab iis excogitatas.

Certè *Plato* hæc omnia inducit *Timæum* proferentem, non quasi accepta
ab

ab aliis, sed quasi eruditionis suæ fortū. Quod paucis demonstrasse præter rem non erit. Sic ergo Critias loquitur, ut loquendi partes in *Timæum* transferat: Ἐδοξε ἡμῖν Τίμαιον μὲν, ἅπερ ἀστρονομικῶ-
 των ἡμῶν, καὶ περὶ φύσεως ἔχει πάντῃ εἰδέ-
 ναι μάλιστα ἔργον πεποιημένον, πρῶτον λέγειν
 ἀρχόμενον ἀπὸ τοῦ ἔκαστου γένεσως, τελευ-
 τῶντα δὲ εἰς ἀνθρώπων φύσιν: *Visum est no-
 bis Timæum, quippe nostrum Astronomia
 peritissimum, & qui potissimum operam de-
 derit ut cognosceret Univerſi naturam, pri-
 mum dicere exorsum à creatione mundi, & de-
 finire in naturam humanam.* Debuisset
 dicere, si barbaricam hîc quoque narra-
 tionem tradituruserat, ejus peritissimum
 fuisse *Timæum*. Sic historiā, quæ an-
 teceſſit de Atlantica Insula, palam proſi-
 tetur Ægyptiis auctoribus deberi.

Timæus deinde ita rem aggreditur, ut
 suas eum, Platone judice, conjecturas
 proferre liqueat: εἰάν ᾤν, inquit, πολλὰ
 πολλῶν εἰπόντων περὶ Θεῶν καὶ τοῦ ἔκαστου γε-
 νέσεως, μὴ δυνατοὶ γινώμεθα πάντῃ πάν-
 τως ἀντὶ τὰς αὐτὰς αὐτοῖς ὁμολογημένους καὶ
 ἀπικερβόμενους λόγους ἀποδέναι, μὴ θαυμά-
 σης, ἀλλ' εἰάν ἄρα μηδενὸς ἤτιον παρεχόμε-
 θαι εἰκότας, ἀγαπᾶν καὶ μεμνημένον ὡς
 ὁ λέγων, ὑμεῖς τε οἱ κεῖται φύσιν ἀνθρώπων καὶ
 ἔχομεν.

ἐχομένων ὥστε ἀπὸ τῶν τ' εἰκότων μῦθον ἄπο-
δεχομένους περὶ μηδὲν ἐπὶ πέρας ζητεῖν : Si
ergo, cū multi multa de Diis, & Univer-
sitis creatione dixerint, non possimus per
omnia rationes eorum consentientes & accu-
ratas reddere, ne mireris. At si certè non
minùs verisimiles quàm quisquam alius, con-
tentum te esse oportet; memorem & me qui
dico & vos, qui estis iudices, humanam ha-
bere naturam. Itaque si de hisce verisimilem
fabulam acceperitis, decet vos nihil ampliùs
querere. Quisquis ita loquentem inducit
credidisse profectò non videtur *Timæi* ora-
tionem complecti Θεοπαράδοτον θεολογίαν,
quod existimavit postea *Proclus*. Ac sanè
Timæus ipse, ne verbulo quidem, innuit
se ulli debere quod ait de Deo, deque
rerum Universitis creatione, sed ita
dumtaxat orditur: Τίμαιος ὁ Λοκρός τάδε
ἔφα: *Timæus Locrus hæc dixit.*

Scio *Justinum* Martyrem, in Adhorta-
tione ad Gentes p. 24. & seqq. velle Pla-
tonem φόβῳ ἑκωνείας, metu cicutæ quod
propinatum noverat Socrati, quasi im-
pio, non modò subinde loqui cum Vul-
go, sed etiam in *Timæo* veluti ex sua ipsius
sententia proferre quæ ab Hebræis acce-
perat. Verùm id quod de *Timæo* modò
dicebamus ostendit *Justinum* errare; nec mi-

συνεήσθητο, ἐκ τῶνδε καὶ ποιῶδε τρόπῳ τῆς
 ἀμελείας καὶ αἰεὶ καὶ τ' αὐτὰ ἐχέσης ὑσίας, καὶ
 τῆς αὖτε τοῦ σώματος γυρομένης μερῆς,
 τρίτον ἐξ ἀμφοῖν ἐν μέσῳ συνεκεράσθητο ὑσίας
 εἶδος, τῆς τε τ' αὐτῆς φύσεως αὐτῆς πέρι καὶ τῆς
 ἑτέρας, καὶ καὶ τ' αὐτὰ ξυνέστησεν ἐν μέσῳ ἑ
 τε ἀμερῆς αὐτῶν, καὶ ἑ καὶ τὰ σώματα μερῆ-
 σιν καὶ τρία λαβὼν αὐτὰ ὄντα συνεκεράσθητο
 εἰς μίαν πάντα ιδέαν, τὴν θαιτέρῃ φύσιν δύσ-
 μικτον ἔσαν εἰς τ' αὐτὸ ξυναρμότιον βίᾳ: *Ille*
verò ὅ generatione ὅ virtute priorem Ani-
matam Corpore, quasi dominam ὅ imperatu-
ram parenti constituit, ex his videlicet, at-
que hoc modo. Ex substantia individua ὅ
quæ semper eadem ratione se habet, ὅ ea
rursus quæ in corporibus dividua est, tertiam
ex ambobus mediam commiscuit substantiæ
speciem, quæ esset ejusdem naturæ ὅ alterius;
eamque sic mediam constituit inter eam illarum
quæ individua est, ὅ eam quæ in corpori-
bus est dividua. Cúmque tria sumfisset quæ
erant, omnia miscuit in unam speciem, ejus
quod alterum diximus naturam vix miscen-
dam, cum eo quod idem dicitur vi conjun-
gens. Postea tradit arithmeticas nescio
quas rationes, secundum quas tria mi-
scuit, quas ex ipso petas licet.

Si *Plato* Trinitatem ex *Scriptura Sacra*
Veteris Testamenti desumfit, ex ea quo-
 que

que statuendus est hanc tertiæ Substantiæ descriptionem hausisse ; quam mihi quidem ostendi cupiverim, in quopiam Veteris Testamenti loco ; nam hætenus in eo nihil simile animadvertere potui. Non opus est etiam me dicere notionem hanc Animæ Mundi creatæ , & constantis mixturâ substantiæ immutabilis & corporeæ, longè distare ab eo quod Christiani de Spiritu Sancto omnes credunt ; res enim est manifesta. Nemo non videt describi non quod nos Spiritum Sanctum vocamus, sed vim quamdam omnia fœcundantem, ac vegetantem, quam *Virgilium* Æn. VI, 724. sic pinxit :

Principio cælum ac terras, campósque liquentes,

Lucentémque globum Lunæ, Titaniáque astrâ

Spiritus intus alit, totámque infusa per artus

Mens agitat molem & magno se corpore miscet.

Inde hominum, pecudúmque genus, vitæque volantum

Et quæ marmoreo fert monstra sub aquore pontus.

Attamen Veteres nimio Platonice Philosophiæ amore capti, hîc invenerunt Spiritum Sanctum; nam quamvis *Eusebius* aggressus non sit ostendere, singulari Capite, *Platonem* idem sensisse ac Christianos *ὡς ἐν τεύχεσι αἰτίαι*, ut de primo, & secundo; attamen Cap. XX. Lib. XI. Præp. Evang. *ὡς ἐν τριῶν δόχμασιν ὑποστάσεων*, de tribus substantiis quæ Principia sunt, agens, prolato de iis loco *Platonis* ex Epistola ad *Dionysium*, ita loquitur: Ταῦτα οἱ τὸν Πλάτωνα Διασφαεῖν πειρώμενοι ὑπὲρ τὸν πρῶτον Θεὸν ἀνάγκη, ὑπὲρ τε τὸ δεύτερον αἶπον, καὶ τρίτον τὴν ἑκὼς κόσμον ψυχῶν, Θεὸν τρίτον καὶ αὐτὴν ὁρίζομενοι εἶναι. οἱ δὲ γε θεοὶ λόγοι τὴν αἰτίαν καὶ μακαρίαν τετριάδα Πατρὸς καὶ Τριῶν καὶ αἰγίῳ Πνέματι ἐν δόχμῃ λόγῳ τάττεισι: Hæc qui conati sunt *Platonem* elucidare ad primum Deum referunt, & ad secundam Causam, & ad tertiam hanc Mundi animam Deum tertium esse definientes. Divini verò libri sanctam & beatam Trinitatem Patris & Filii & Sancti Spiritus principii rationem habere statuunt.

At tenuis similitudo, quæ inter Principia tria, seu tres Deos summos *Platonis*, primâ fronte esse videtur non debuit ita animum *Eusebii* aliorumque afficere; ut illico se Trinitatem Christianam Patris,

tris, Filii & Spiritûs Sancti in ejus verbis agnoscere profiterentur; ac proinde hoc ejus dogma contenderent ex Vetere Testamento defumtum ab eo fuisse. Sensit hoc partim *Cyrillus* Alexandrinus, qui Principiorum Platoniorum inæqualitatem pugnare cum τῷ ὁμοσίῳ rectè animadvertit, Lib. VIII. contra Julianum. Scio virum doctissimum, cujus Anglicum Opus antea laudavimus, ex *Plotino* aliam sententiam *Platonis* verbis adscribere, & duas Animas Mundi proferre; quarum altera sit ὑπεργήσμιος, & consubstantialis summo Deo, adeoque æterna, de qua *Plato* filuerit; altera verò ἐγνήσμιος & creata, de qua *Philosophus*. Sed *Plotino* tot sæculis post *Platonem* nato, nec alia ejus Scripta proferenti, quàm quæ habemus; de *Plannis* genuina sententia, non magis crediderim, quàm Monachis VII. Sæculi, de dogmatibus Christi & Apostolorum. Nam quo jure *Plotini* Metaphysicæ meditationes haberi possunt supplementa indubitata eorum quæ *Plato* cogitavit, etiam ubi *Platonis* orationi nihil deest; potius quàm quæ Novo Testamento addiderunt VII. Sæculi Monachi? Imò verò *Plotini* figmenta suspecta habeamus necesse est, si meminerimus *Platonis Timæum* esse dum-

taxat prolixiorẽ explicationem libri *Timai* Locri; in quorum duplicis illius *Animæ* *Mundi* ne minimum quidem vestigium est.

Qui volunt priscam illam doctrinam, de tribus Causis, vel Principiis omnium rerum, ad *Parmenidem*, *Pythagorámque* referri, potiùs quàm ad *Platonem*, iisdem premuntur incommodis, quibus ii qui à *Platone* è Vetere Testamento hauritam esse contendunt. Cùm enim eam ex solo *Platone* perspicuè cognoscere liceat, cùmque manifestum sit in Vetere Testamento nusquam extare ei quod ex *Platone* protuli quidquam simile; nemo etiam dixerit ea à Pythagoricis ex Libris Sacris depromta.

At mentio fit, inquires, in Vetere Testamento *Dei* boni *Sapientiaque* & *Spiritus* ejus, ex quibus collegerunt res esse summos Deos, qui possent vocari *Bonum*, *Ratio* & *Anima Mundi*. At sintne hæc usque adeò similia, ut qui posterius dicat necesse sit cum Vetus Testamentum legisse? Non puto; aut omnia, quæ aliquatenus sunt similia, erunt confundenda. De ejusmodi errore, & similitudine orto, egi *Criticæ* P. 2. S. 1 C. 14. ubi diversarum Sectarum sermone simili diffimilia

milia sæpe significari ostendi, nec repetam quæ dixi.

Minus etiam probabile est quod habet *Plato* de hominum Creatione & primæ ætate, seu in Convivio, seu in Politico, Judæis deberi; propter multas absurdas circumstantias, quæ tenui Veritatis umbræ miscentur. In Convivio enim describit hominem ἀνδρόγυνον, hoc est, virum cum muliere, posticis partibus junctum; ac postea à Deo, quod æquo superbior esset, divisum. In Politico verò, memorat nescio quas periodos, quibus Orbis renovatus sæpe fuerit, & quarum singularem initio homines ex humo, plantarum instar, renati fuerint. Quæ si paullò attentius legantur, intelligentur esse partim fabulæ Græcicæ, quibus nonnihil Veritatis Historicæ admistum est, ut plerumque solet; partim fragmenta *Platonis* fabulas illas ornantis, novis mendaciis, aut etiam quærentis rationem priscarum illarum fabularum, eamque ex conjectura proferentis. Non est ideò tantum, quia *Plato* dicit homines aliquando ortos, & quidem ex terra, quamvis ceteræ circumstantiæ cum Mosaicis minimè consentiant, continuò judicandum eum hæc Judæis debuisse. Quare enim, apud Græcos,

cos, non superfuerint antiquissimæ famæ nonnulla, ut ita dicam, ἀπὸ πηχίματα, inter innumeras falsas narrationes? Quare etiam censeamus *Platonem* quæ à Judæis acceperat de rerum creatione, non modò rectæ Rationi consentanea, sed etiam credibilia, absurdis & incredibilibus fabulis corrupisse, ut ab omnibus rejicerentur? Multò credibilibus est quod ipse dicit in Politico, illa, ut alia quæ de regno Saturni jactabantur, esse petita ἐκ τῶν παλαιῶν λεχθέντων ex olim narratis, & de quibus postea dicit: Διὰ τὸ χρόνον πολλόν, τὰ μὲν αὐτῶν ἀπέσβηκε, τὰ δὲ διεσπαρμένα εἰρηται χωρὶς ἕκαστα ἀπ' ἀλλήλων, longinquitate temporis, alia eorum exstincta sunt, alia dispersa dicta sejunctim ab aliis. Quibus addere debuit imperitiam narrantium & audientium, mentiendique libidinem; quæ veris Historiis innumera mendacia admiscuerunt.

Verum & alterum suppetit nobis argumentum, ex quo licet colligere neque *Pythagoram*, neque *Platonem* ex Libris Sacris Veteris Testamenti, aut ex sermonibus Judæorum quidquam, ad Theologiam quod attinet, esse mutuatos. Petitum id est ex Libro *Timæi* Locri, atque ex ipsius *Platonis Timæo*. Pythagoricus
Lo-

Locrus, de Mundi Creatione acturus, non modò nullam cujusquam auctoritatem profert; sed philosophicè, pro more ejus sectæ, ratiocinatur à capite ad calcem Opusculi, nec quidquam habet quod Mosaicam creationem redoleat. Similis est *Platonis* interpretatio, quam liquet esse veluti prolixiorem paraphrasin Opusculi Locri Philosophi; à quo totus pendet, & cui ratiocinationes suas addit. Nusquam ex Mose sapit, aut emendat Pythagoricum Philosophum. Hoc unum illis est commune cum Mose, quòd Deum esse & omnia ab eo creata statuunt; sed creationis ratio apud illos simile nihil habet. Quod si rem à Judæis accepissent, unà cum re, etiam rationem quâ facta est audivissent, suisque Scriptis inseruissent; neque enim credibile est, re tantâ auditâ, homines φιληνός & barbaricorum dogmatum curiosos nihil aliud quæsisse. Crediderim ergo eos quidem partim ex ratiocinatione, partim ex consensu antiquissimarum Orientis gentium, accepisse esse Numen à quo omnia procreata sint; omnes verò rei circumstantias ab iis excogitatas.

Certè *Plato* hæc omnia inducit *Timæum* proferentem, non quasi accepta
ab

ab aliis, sed quasi eruditionis suæ fortum. Quod paucis demonstrasse præter rem non erit. Sic ergo Critias loquitur, ut loquendi partes in *Timæum* transferat: Ἐδοξε ἡμῖν Τίμαιον μὴ, ἀπὲ ἀστρονομικῶ-
 πατων ἡμῶν, καὶ περὶ φύσεως ὅτι πάντ' ὅτι εἰδέ-
 ναι μάλιστα ἔργον πεποιημένον, πρῶτον λέγειν
 ἀρχομένον ἀπὸ τοῦ ὅτι κόσμος γένεσως, τελευ-
 τῶν ὅτι εἰς ἀνθρώπων φύσιν: *Visum est no-
 bis Timæum, quippe nostrum Astronomiæ
 peritissimum, ὅς qui potissimum operam de-
 derit ut cognosceret Universi naturam, pri-
 mum dicere exorsum à creatione mundi, ὅς de-
 finire in naturam humanam. Debuisset
 dicere, si barbaricam hîc quoque narra-
 tionem traditurus erat, ejus peritissimum
 fuisse Timæum. Sic historiā, quæ an-
 teceffit de Atlantica Insula, palam profi-
 tetur Ægyptiis auctoribus deberi.*

Timæus deinde ita rem aggreditur, ut
 suas eum, Platone iudice, conjecturas
 proferre liqueat: εἰάν τις, inquit, πολλὰ
 πολλῶν εἰπόντων περὶ Θεῶν καὶ τοῦ ὅτι πάντος γε-
 νέσεως, μὴ δυνατοὶ γινώμεθα πάντῃ πάν-
 τος ἀντὶ τὰς αὐτὰς αὐτοῖς ὁμολογεμένους καὶ
 ἀπικελευμένους λόγους ἀποδύναι, μὴ θαυμά-
 σης, ἀλλ' εἰάν τις μὴδενὸς ἤτιον παρεχόμε-
 θαι εἰκότας, ἀγαπᾶν καὶ μεμνημένον ὡς
 ὅ λέγων, ὑμεῖς τε οἱ κεταὶ φύσιν ἀνθρώπων καὶ
 ἔχομεν.

ἐχομένων ὥς τε πάλαι τῶν τ' αἰχμάτων μῦθον ἔδοξε
 δεχομένων πρὸς μηδὲν ἐπὶ πέρας ζητεῖν : Si
 ergo, cū multi multa de Diis, & Univer-
 sitatis creatione dixerint, non possimus per
 omnia rationes eorum consentientes & accu-
 ratas reddere, ne mireris. At si certè non
 minùs verisimiles quàm quisquam alius, con-
 tentum te esse oportet; memorem & me qui
 dico & vos, qui estis iudices, humanam ha-
 bere naturam. Itaque si de hisce verisimilem
 fabulam acceperitis, decet vos nihil ampliùs
 querere. Quisquis ita loquentem inducit
 credidisse profectò non videtur *Timæi* ora-
 tionem completi Θεοπαράδοτον θεολογίαν,
 quod existimavit postea *Proclus*. Ac sanè
Timæus ipse, ne verbulo quidem, innuit
 se ulli debere quod ait de Deo, deque
 rerum Universitatis creatione, sed ita
 dumtaxat orditur: Τίμαιος ὁ Λοκρὸς ταῦτα
 εἶπε: *Timæus* Locrus hæc dixit.

Scio *Justinum* Martyrem, in Adhorta-
 tione ad Gentes p. 24. & seqq. velle Pla-
 tonem φόβῳ ἧ κωνείας, metu cicuta quod
 propinatum noverat Socrati, quasi im-
 pio, non modò subinde loqui cum Vul-
 go, sed etiam in *Timæo* veluti ex sua ipsius
 sententia proferre quæ ab Hebræis acce-
 perat. Verùm id quod de *Timæo* modò
 dicebamus ostendit *Justinum* errare; nec
 mi-

minùs periculofum erat ea quafi à fe inventa proferre, quæ contraria habebantur Religioni publicè institutæ, imò periculofius; quàm narrare quid Syriæ quidam populus, Athenienfibus ignotus, hac de re sentiret. Narrare enim licebat etiam quæ publicè improbabantur, fed non quafi à fe inventa in vulgus edere, ut aliis perfuaderentur.

Hæc fi penfites, L. CANDIDE, facile, nifi fallor, mihi concedes non videri *Platonem* umquam confuliffe Libros Sacros Hebræorum, aut Judæos adiiffe; quamvis aliter fenferint olim multi Patres, qui *Aristobuli* & *Josephi* aliorumque fortaffe prifcorum Judæorum conjecturis nimis facilem adfensum præbuerunt. Solemne, nimirum, illis ferè erat, fi quis quidpiam dixiffet, quod aptum videretur, ad alliciendos Ethnicos ad fidem Christianam, id fine examine exfcribere; nec consensus eorum, hac in re, quidquam aliud probat, nifi æquè cupidos fuiſſe lucrificiendi Chriſto eos qui *Platonem*, aliòſve Philoſophos magni facièbant. Quòd eo credibilius, hoc in negotio, videbitur, quòd dum *Platonem* ad fe traherent, objectiones omnes, quæ in S. Trinitatem fieri ab Ethnicis poterant,

rant, retunderent; tanta enim erat *Platonis* fama & auctoritas, ut acutissimi viri cum illo propemodum errare mallent, quàm verum cum aliis dicere. Tu verò, CANDIDE VERE, hæc omnia, pro tuo acumine tuâque eruditione expendes, & quid judices mihi significabis. Vale.

Dabam Amstelodami a. d. VII. Idus Julias,

CIO IOC XCIX.



EPI-

EPISTOLA VIII.

Philonem Platonica Philosophiæ fuisse additissimum, cujus decreta in Scriptura Sacra postea quæfuit; cum in aliis rebus, tum etiam quod attinet ad Dei Rationem. Fuisse eum in sententia de tribus Principiis, quæ Ariana propior est, quam nostra. Voci Λόγος non subjecisse significatum Sermonis, sed Rationis, Per totam Epistolam confutatur P. Ventidius.

E I D E M S. P. D.

JOANNES CLERICUS.

CONJECI Joannem Apostolum, in iis quæ de *Ratione* habet, initio Evangelii sui, non ad Mosem, aut alium Veteris Testamenti Scriptorem, sed ad *Philonem* Alexandrinum respexisse; nec obscurè indicavi quæ de *Ratione* Divina scripsit *Philo*, ea ex priscis Philosophis Ethnicis, ac præsertim ex *Platone* hausta ab eo fuisse. Dubium quidem esse non potest, an *Plato* similia dixerit ac postea *Philo*,

insimularit, optimâ fide à me fuisse prolatum; ac tandem apud eum voce Λόγος non significari *Sermonem*, aut *Verbum*, sed *Rationem*, eamque summo Deo minorem demonstrabo.

Quamvis *Philo* non unum legisset *Philosophum*, ut liquet ex iis quos laudat; attamen præ ceteris gavisus est *Platone*, cujus stylum ubique, & dogmata non raro expressit. Quod adeò liquet iis qui *Philonem* legunt, ut res ferme in Proverbium abierit. *Hieronymus* in *Catal. Scriptorum Ecclesiasticorum*: *De hoc vulgò, apud Græcos, dicitur: ἡ Πλάτων φιλωνίζει, ἡ Φίλων πλατωνίζει, id est, aut Plato Philonem sequitur, aut Philo Platonem; tanta est similitudo sensuum & eloquii.* Quod proverbium exstat etiam apud *Isidorum Pelusiotam*, *Suidam* & *Photium*. Quamobrem mirari subit virum eruditum, qui olim *Genevæ*, anno *MDCCXIII.* præfationem *Philoni* præfixit, maluisse *Philonem* esse *Ecclesiasticum*, quàm *Platonicum*. Sed est res magis particulatim probanda.

Atticus *Platonicus*, apud *Eusebium* *Præp. Evang. Lib. XV. c. 13.* contendit nihil esse insignius in universa *Platonica* *Philosophia*, quàm doctrinam de ideis: τὸ κεφάλαιον, inquit, καὶ τὸ κύριον τῆς Πλάτωνος.

των ὡς αἰσίσις ἢ ὡς τῶν νοητῶν ἀνάγκη·
caput & cardo Platonice Sectæ est doctrina
de rebus intelligibilibus, quam contumeliosè
traductam queritur ab Aristotele ideas Pla-
tonicas irridente. Paulo post: τὸ μὲν ἄν
ἄκρον τε καὶ ἔσχατον τῶν Πλάτωνος φιλοσοφη-
ματων ἐστὶ τὸ ὡς τὴν νοητὴν ταυτίαν καὶ αἰ-
διαν εἶσαν τὴν τῶν ιδεῶν. Summum illud at-
que ultimum est Platonicorum dogmatum,
quod circa intelligibilem hanc & æternam na-
turam idearum versatur. Igitur si Philo-
sophi ostenderimus acrem fuisse Idearum
patronum, non erit amplius cur negetur
Platonicus fuisse. Id autem illico liquebit
legenti Libanii de Mundi Opificio, ubi non
procul ab initio φ' 3. Eu. Gen. Deum
creationem mundi efficiētem sic describit:
Ἰσχυροὶ δὲ οὗτοι οἱ θεοὶ, ὃς μύμημα
καλλόνισκ' ἂν ποτε ἰδοίτο καλῶς διόρα, ὡς
δείγματι. ἐδὲ τῶν αἰσθητῶν ἀνυπαίπον,
οἰμαίνοντες ἀρχιπυρρὴ καὶ νοητὴν ἸΔΕΑΝ
ἀπτακτοῦσθαι βεβλήθει τὴν ἀρχαυ τῆς τοῦ κόσ-
μου δημιουργίας περὶ ἐξέτυπ' τὸν νοητὸν, ἵνα
ἡρώδης ἀπαμύτω καὶ θεοειδεσάτω ὡς
δείγματι τὸν ἀμωμὸν ἀπεργαστήν, πῶς
ἐντερον νεότερον ἀπαμύτωμα, τοσαῦτα ὡς
ἔχοντα αἰσθητὰ ὄντα, ὅσα περ ἐν ἐμὴν νοητὰ
τὰν ὁμοῦ ἸΔΕΑΝ. συνεσῶτα κρυσμον ὄντα πῶ
τινι λόγῳ ἢ ὑποκρίσει ἢ θεμίστον. Providens

Deum, pro sua deitate, imitamentum pul-
crum non posse unquam esse, sine pulcro ex-
emplari, nec sensibile quidquam esse sine vi-
tio, quod non ad archetypam & intelligibilem
Ideam effectum sit, cum vult conspiciam
hunc mundum creare, prius formavit in-
telligibilem, ut usus incorporeo & Dei simi-
limo exemplari corporeum faceret antiquio-
ris recentioris imaginem, totidem com-
plexurum sensilia genera quot sunt in illo in-
telligibilia. Mundum autem istum, qui ex
Ideis constat, in quodam loco esse dicere, aut
cogitare non licet. Alia in eandem senten-
tiam habet, in sequentibus, ex quibus
etiam nonnulla postea proferam. Sed
prius observandum *Philonem* adeo *Plato-*
nice Philosophiz addictum fuisse, ut
ipsum Deum *Platonico* more de Ideis lo-
quentem inducat *Lib. i. de Monarchia*,
pag. 63 r. Describit *Mosē* quidem peten-
tem à Deo, ut quoniam sibi ejus natu-
ram videre non licebat, at saltem vi-
dere posset eius *δορυφόρους πάντας διωτικούς,*
potentiores ejus satellites; Deum vero illi
respondentem: *ὅς ἐστιν ὁ θεὸς πάντων, ὁ ἀρχὴς
αὐτοῦ καὶ νοητῶν πάντων, ἐμὲ δὲ οὐκ ἐν-
νοεῖς. λέγω δὲ νοητὰς ὅτι καὶ ἡδὴ ὑπὸ τῶν
κατακατεβαυμένων, ἀλλ' ὅτι ἐν ἡ κατελθόντων
βαίνουσιν οὐκ ἐπὶ τὸν, ἐν δὲ αὐτῶν αἰθέρος οὐρανῶν.*
αὐτῶν

αἱ δ' ἀκραιφνέστερος νῆς καταλαμβάνειν πέφυ-
 κεν· αἱ δ' ἀκατάληπτοι καὶ τὴν ὑσίαν, ὁμῶς
 περιλαμβάνουσιν ἐκμαγεῖον π καὶ ἀπεικόνισμα
 τῆς αὐτῶν ἐνεργείας. οἷα παρ' ὑμῖν σφραγι-
 δεῖς, ὅταν σφραγισεν ἡ κηρὸς ἢ τις ὁμοιότητο-
 πῶ ὕλη, μυρίαις ὅσας τύπας ἐναπομάττον-
 ται μηδὲν ἀκρωτρελαθεῖσιν μέρῳ, ἀλλ' ἐν
 ὁμοίᾳ μύρυσται· τοιαύτας ὑποληπτίον καὶ τὰς
 πρὸ ἐμὲ διωάμεις περιποιέουσιν ὁποῖαι ποιότη-
 τας, καὶ μορφὰς ἀμόρφους, καὶ μηδὲν τῆς
 αἰδέας φύσεως μήτ' ἐλαττώσας, μήτε μετε-
 νας· ὀνομαῖζας δ' αὐταῖς ἐκ ἁπλοῦς σκοπεῖν
 παρ' ὑμῖν ἸΔΕΑΣ, ἐπειδὴ ἔκαστον τῶν ὄντων
 ἰδιοποιεῖσι, καὶ τὸ ἐξῆς: *Potentia quas quæris
 sunt inconspicua & prorsus intelligibiles, cum
 sum ego inconspicius & intelligibilis. Eas
 dico intelligibiles, non jam quasi mente com-
 prehendantur, sed quia si possent comprehen-
 di, non sensus, sed purissimum mentis acu-
 men eas comprehendere posset. Illæ verò in-
 comprehensibiles secundum essentiam, atta-
 men ostendunt expressionem quamdam & imita-
 tionem suæ efficaciæ: quemadmodum, apud
 vos, sigilla, cum admoventur cera aut similis
 materia, sexcentas formas imprimunt, absque
 ullius partis imminutione, sed in simili statu
 manentia. Tales censendæ potentiæ, quæ sunt
 circa me, & qualitates, formasque addum
 rebus qualitate, formasque carentibus, abs-*
 ἰστέλη

que ullo sempiternæ suæ naturæ detrimento. Vocant eas non malè quidam, apud vos, IDEAS, quia singulis eorum quæ sunt proprietates suas tribuunt &c. In hisce, purum putum Platonium agnoscis; soli enim Platonici Ideas, eo modo, tuebantur; nec immeritò, Dionys. Petavius Dogm. Theol. Tom. I Lib. IV. c. 9. prolato hoc loco: *Hæc Philo*, inquit, *sanè ridiculè. Nam Deum merè Platonium facit, ac de nugis istis parum opportunè garriensem. Quinam verò isti sunt, qui tantò ante Platonem & Socratem, ac Mosis ipsius tempore, imò ante Mosem, ideas illas aut nominarunt, aut earum omnino mentionem attigerunt?*

Non satis fuit Philoni Platoniam doctrinam de Ideis suam facere, sed eam etiam Mosis disertè tribuit, verbâque ejus eò detorquet, pag. 4. de Opificio Mundi, ubi, postquàm multa in eam rem dixit: ita pergit: Μωσέως γάρ ἐστι τὸ δόγμα τῶν, ἐκ ἐμὸν τὴν γέν. ἀνθρώπου χύεσιν ἀναγεφφών ἐν ταῖς ἐπειτα ὁμολογεῖ ἀληθῆδ' ὡς αἶρε κατ' εἰκόνα Θεῷ διετυπώθη. εἰ ᾗ τὸ μέγθ' εἰκὼν εἰκόνθ', δηλονότι καὶ τὸ ὅλον εἶδος ὁ σύμπας αἰὼν πὺς ἔπασσι κόσμθ', ὁ μείζων ἐστὶ τῆς ἀνθρωπίνης μίμημα θείας εἰκόνθ' : *Mosis enim dogma hoc, non meum. Igitur hominis generationem describens in sequentibus disertè*

disertè fatetur, secundùm imaginem Dei formatum esse: (hoc est, ad instar Rationis Divinæ, quæ est imago Dei) Si autem pars est imago imaginis, manifestum est universam speciem, totum hunc sensibilem mundum ejusmodi esse, qui majus est imitamentum divinæ imaginis, quàm humana natura. Hæc, aliæque similes Scripturæ detorsiones ad mentem Platonis fefellerunt Clementem Alexandrinum & Eusebium, qui existimarunt reverâ hanc esse doctrinam Mosis. Vide Eusebii Præp. Evang. Lib. XI. c. 24. ubi profert verba Philonis, καὶ τῶν ᾧδῶν Μωσῆ ἰδεῶν, de Ideis apud Mosem, & Cap. 25. ubi ex Clemente similia habet.

Ut autem intelligas *Philonem* hîc non esse dimidiatum Platonicum, Ideas illas distinguit à Deo, & τῷ Λόγῳ seu *Rationi* ejus tribuit. Δῆλον ᾗ ὅτι, inquit in proximè sequentibus verbis, καὶ ἡ ἀρχέτυπος σφραγὶς ὃν φανερὸν εἶναι κόσμον νοητὸν, αὐτὸς αἶν εἶη τὸ ἀρχέτυπον παρὰδειγμα ἰδέα τῶν ἰδεῶν, ὁ Θεὸς Λόγος: Liqueat autem archetypum sigillum, quem dicimus esse mundum intelligibilem, ipsum esse archetypum illud exemplar ideam idearum, *Rationem Dei*. Ac sanè eum ante oculos habuisse *Platonem*, in toto hoc libro, non modò res ipsa ostendit, sed & pag. 3. *Platonem* laudat, negatque

R 4 cum

cum aberraturum esse à scopo, quisquis dixerit ὅτι καὶ τὸ δεῦχαιον εἶπε τις, quod quispiam *Veterum* dixit, bonum esse patrem & conditorem, ideóque suapte naturæ bonitate, non invidisse substantiæ nihil boni ex se habenti &c. quæ leguntur in *Platonis Timæo*. Sed & alibi sæpe illum laudat, contra quàm nonnulli scribunt, qui *Philonem* legere debuissent; antequàm de eo judicare aggrederentur.

P. Ventidius * tamen nos vellet credere *Philonem* non tantùm tenacissimum fuisse patriarum legum sectatorem, sed etiam *Platonem* nec ita multùm legisse, nec amasse. Quod quàm falsum sit superiora satis ostendunt; sciuntque omnes qui *Platonem* & *Philonem* legerunt. At affert locum ex libro, mundum esse incorruptibilem, ex quo putat *P. Ventidius* liquere *Philonem* non fuisse multùm versatum in Scriptis *Platonis*; quòd ex aliena fide sententiam ejus aperlat, quæ satis clara est iis qui *Platonem* legerunt. Verùm hinc liquet ipsum *Ventidium* neque *Platonem*, neque *Philonem* umquam studiosè legisse; sed tantùm quæsiivisse loca in iis nonnulla, ut me oppugnaret. Locus enim hic unus *Platonis* in Indice. Ed. *Genevensis Philonis* notatur.

* Pag. 42. Diff. de Voc. ἀέχου.

tur, quasi nusquam alibi *Plato* laudaretur; cuius sapius, in illo ipso libro, verba proferuntur, ut & alibi, præterquam quod sapissimè ad eum respicit *Philosophus Alexandrinus*. Imò verò si locus ille diligentius consideretur, liquebit in hoc quoque negotio *Philonem* se genuinum *Platonicum* præstare. Cum enim essent variae sententiæ de *Platonis* mente, ad æternitatem materiæ mundi quod attinet, alios potius profert ejus interpretès, & præsertim *Aristotelem*, quam suam ipsius sententiam; ne, quia notum erat ipsum nimium *πλατωνίζειν*, videretur veram Magistri sententiam dissimulare, ut *Platoni* melius cum *Mose*, de ortu mundi, conveniret. Hac de causa, *σοφιστομάχας καὶ Πλάτωνα*, eique tribuentes opinionem de æternitate mundi, confutat non tantum *Δὲ παντὸς συγγραμμάτων*, toto *Timæi* libro, sed etiam ipsius *Aristotelis* testimonio.

Ut autem scias *Philonem* hinc quoque præter modum *πλατωνίζειν*, lege quæ initio ejusdem paginæ habet; ubi, more *Platonico*, initium tribuit formæ mundi, sed non materiæ. Statum enim quaestionis *πρὸ ἀφθαρσίας κόσμου* proponens, sic loquitur: *Ὡς περ ἐκ τῶν μὴ ὄντων. ἔθεν γίνεται, ἔθεν εἰς τὸ μὴ ὄν φθίρεται. ἐκ τῶν ἔδωκεν*
μή

μη ὄντ' ἀμήχανόν ἐστι γινέσθαι, τὸ, πῶς, πῶς
 ἐξαπολέσθαι ἀνήνυσεν: *Quemadmodum ex ni-*
bilo nihil fit, sic ne in nihilum quidem cor-
ruptitur. Ex eo enim quod non est, fieri
nequit ut fiat aliquid, & ut id quod est pror-
sus intereat. Vide initium orationis Ti-
mai, in Platonis dialogo, & ipsius libelli
Locri Philosophi, ubi materia unum ex
principiis esse dicitur, quod statuitur Deo
συναΐδον.

Eâ lectione, cui nimium erat addictus
Philo, factum est ut ei Ethnicæ loquutio-
 nes adhæserint, qualis hæc est pag. 4. Lib.
 de Opif. Mundi, ubi sic loquitur de Cæ-
 lo: ΘΕΩΝ ΑΦΑΝΩΝ τε καὶ ΑΙΣΘΗΤΩΝ
 ἕμελλεν οἶκος ἔσεσθαι ἱερῶτατ' : *Deorum in-*
conspicuiorum & sensilium futurus erat san-
ctissima domus. Sensiles Dei sunt Stellæ,
inconspicui verò Ratio, & Angeli. Doc-
cet hoc ipse Philo in Lib. de Monarchia I.
p. 627. ubi postquam invecus est in eos
qui putabant Stellas solos esse Deos, ita
loquitur: Πάντας ἔν τ' ἐς καὶ ἔργον ἔς αἰ-
σθησις ὀπισκοπεῖ Θεὸς, ἐκ αὐταρχεῖς νο-
μισέον, τὴν ὑπάρχων τάξιν εἰληχότας,
ὑποθύντες μὲν φύσιν γεγονότας, ἕνεκα δ' ὄρε-
της διθύνην ἔχ' ὑφέξοντας: Omnes igitur
Deos, quos sensus intuetur in Cælo, non cre-
dendum esse summos ac sui juris, quippe qui
sortiti

sortiti sunt ordinem præfectorum, & naturâ quidem obnoxii sunt castigationi, virtutis vero causâ, castigationem non subeunt. Hic habemus astra, quæ animis prædita, imò vero etiam Dii sunt; quæ dogmata sunt Platonis, in Timæo & alibi. Subjicit Philo:
*Ὁς ὑπερβάντες τῷ λογισμῷ πᾶσαν τὴν ὀρεγ-
 τὴν εἰσὶν, ὅτι τὴν ἑ ἀειδὲς καὶ ἀοράτου, καὶ
 μόνῃ Διανοίᾳ καταληπτὴ τιμῶν ἴσμεν, ὅς ἐ
 μόνον Θεὸς Θεῶν ἐστὶ ΝΟΗΤΩΝ τε καὶ
 Αἰσθητῶν, αἰτὶα καὶ πάντων δημιουργός:*
Itaque supergressi ratiocinatione omnem con-
spiciam essentiam, pergamus ad cultum illius
formâ destituti, & inconspicui & solo intel-
lectu comprehensibilis Dei, qui non tantum
est Deus Deorum INTELLIGIBILUM &
SENSILUM, sed etiam omnium opifex.
Nemo hoc legat, evoluta antea Plato-
nis Timæo, qui non recordetur initii Ora-
tionis summi Dei ad inferiores Deos:
Θεοὶ Θεῶν, ὧν ἐγὼ δημιουργὸς πατὴρ τε ἔργων:
Dei Deorum, quorum operum ego opifex &
pater sum &c.

Qui hîc non agnoscet intolerandam in
 Judæo imitationem Ethnicorum, non vi-
 deo quid sit intellecturus; nec cui usui esse
 posset apud eum ratiocinatio. Quæ cum
 ita sint, præterea, L. CANDIDE, re-
 corderis necesse est ejus quod fieri sæpe
 solet

solet à Theologis ; nimirum , eos interpretari Scripturam ex ea Philosophia , quam optimam ac præstantissimam esse judicant. Cum enim Philosophiam suam veram esse putent ; cumque merito negent quidquam falsi inesse Scripturæ Sacre , priori hanc adversari non posse censeant. Id eoque si quid in Scriptura occurrat , quod eorum Philosophiæ affine videatur , aut interpretatione ejus indigere ; illico utramque jungunt , quasi mutuam opem sibi ferentes. Non aliunde factum ut , iis temporibus quibus Platonica philosophandi ratio ceteris præferebatur , Scripturæ interpretationes non paucae ex Platonismo peterentur ; postea verò , cum *Aristoteles* pluris fieri cœpisset quàm *Plato* , Scholastici Doctores Aristotelicis dogmatibus Theologiam Christianam interpolarunt. Eleganter & verè *Des. Erasmus* * in *Ratione Veræ Theologiae* : *Qui bonam vitæ partem in Bartholis ac Baldis , in Averroibus , in Holcotis , Bricotis ac Tartaretis , in Sophisticis cavillationibus , in confusissimis Samulis ac collectaneis posuerunt , iis divina littera non sapiunt id quod sunt , sed quod illi sensus adferunt. Etenim ut elegans est fortassis , in tractatione divinarum litterarum , non*

* Tom. V. Op. p. 70.

nihil velut ab exoticis illis opibus obiter ad-
 spargere: ita vehementer absurdum videtur,
 cum rem typicis ab omni sapientia mundana
 longè diversissimam, nihil crepare, nisi Pytha-
 goram, Platonem, Aristotelem, Averroësem,
 & his profaniores auctores; vel horum opinio-
 nes, velut ad oracula obstreperare; horum
 placitis & argumentis serio veri nostra Reli-
 gionis dogmata; unde summorum virorum ju-
 dicto pleræque hereses exstiterunt, & quorum
 armis potissimum nos oppugnant Hæretici
 Aufert, & inquit Tertullianus, Hæreticis
 quæcumque Ethnici sapiunt, ut de
 scripturis quæstiones suas sistant, &
 stare non poterunt. At hodie non alia
 in re Theologismajus studium. At non istud
 est Christi celestem Philosophiam condire, sed
 prorsus inani reddere. Taxatur Chrysippus,
 quod totas Tragedias in ejus commentariis,
 quas de Logicis conscripsit, reperiri liceret.
 Quò non iustis taxaverit aliquis, si videat
 plusquam totum Aristotelem in Theologorum
 commentariis inveniri? Quin & hodie, post-
 quam Aristotelis auctoritas ferme concu-
 dit, & magis arridere coeperant Ren. Car-
 resti ab omnique recentiorum inventa, ex
 illis jam conspimus Scripturam interpretari.
 Nec mirum, quandoquidem, ut dixi,
 verum cum vero pugnare posse non pta-
 mus.

mus. Attamen abstinendum esset ab eorum consuetudine, qui ex detorta Scriptura Philosophiæ suæ dogmata firmare conantur; cum satis sit eam Veritati nihil contrarii habere, nisi fortè interdum cum vulgo loquatur.

Non proferam hîc exempla detortæ eo modo Scripturæ, quæ possent ex Veteribus & Recentioribus colligi. Unum dumtaxat, quod ad Platonismum pertinet, commemorabo. *Augustinus*, ut liquet ex primis ejus Operibus, Platoniciæ Philosophiæ æquo addictior cum esset, mundum illum intelligibilem, seu *κόσμον νοητόν*, de quo ex *Philone* nonnulla antea dixi, putabat posse probari, hisce verbis Christi Joan. XVIII, 36. *Regnum meum non est de hoc mundo*; quasi, hinc liqueret esse alterum intelligibilem mundum, qui ab hoc distingueretur, sensu Platonico. Sic loquitur Lib. I. de Ordine. num. 32. *Esse autem alium mundum ab istis oculis remotissimum, quem paucorum sanorum intellectus intuetur satis ipse Christus significat, qui non dicit: Regnum meum non est de mundo; sed: Regnum meum non est de hoc mundo.* Verùm cum non ampliùs de Philosophia Platonica tam bene sentiret *Augustinus*, testatus est *Retract.* Lib. I.

C. 3. n. 2. sibi displicere quòd duos mundos, unum sensibilem, alterum intelligibilem, non Platonis, vel ex Platoniorum persona, sed ex sua, sic commendasset tamquam hoc etiam Dominus significare voluerit &c.

Cujus rei si meminerimus, non mirabimur Philonem, quæ ex Platone hausserat, ea locis Mosis confirmatum ire, quasi esset Mosæica doctrina, prout vidimus ab eo factum esse circa Ideas. Igitur quamvis quod dicit de Ratione divina, id ita proferat quasi ex Mose accepisset, non sequitur sine Platonis lectione eum de Ratione illa umquam fuisse cogitaturum lectis Scripturæ locis, quæ eam in rem trahere conatur. Magis ex re ipsa hoc liquabit, si protulero verba quæ ex ejus primo Quæstionum, Solutionumque libro habet Eusebius, Præp. Evang. Lib. VII.

C. 13. Διὰ τί ὡς πρὸς ἐπὶ τὸν Θεὸν φησὶ τὸ ἐν εὐαγγελίῳ Θεὸς ἐποίησα τὸν ἄνθρωπον. αἰτ' ἔχει τῇ ἑαυτοῦ; παγκάλως καὶ σφῶς, τὰ πὶ κεχρησμέθηται. Θνητὸν γὰρ ἐδὲν ἀπεικονισθῆναι πρὸς τὸν ἀνωτάτω καὶ πατέρα τῶν ὅλων ἐδυῶτο, ἀλλὰ πρὸς τὸν ΔΕΥΤΕΡΟΝ ΘΕΟΝ, ὃς ἐστὶν αἰεὶν Λόγος. ἔδει γὰρ τὸν λογικὸν ἐν ἀνθρώπῳ ψυχῇ τύπον ὑπὸ θεῶν Λόγου, ἡχαραχθῆναι, ἐπειδὴ ὁ πρὸς τὸν Λόγον Θεὸς κρείσσων, ἔστιν ἡ πᾶν

σε

σα λογική φύσις, τῷ ᾧ ὑπὲρ τὸν λόγον ἐν τῇ
 βελτίᾳ καὶ πνι ἐξαίρετω καθεστῶτι ἰδέα,
 ἔδεν θέμις ἦν ἄνθρωπον ἐξομοιοῦσθαι: Cur, per-
 inde ac si de alio Deo loqueretur, ad imagi-
 nem Dei factum à se hominem esse ait, non
 autem ad suam? Id verò præclarè omnino
 atque sapienter divino celebratur oraculo. Ni-
 hil enim mortale ad summi illius ac rerum
 universarum parentis imaginem fieri poterat,
 sed ad secundi Dei, qui est illius Ratio.
 Oportebat enim rationalem in hominis animo
 formam à divina Ratione informari, quò-
 niam Deus ille, qui Ratione prior est, me-
 lior est quàm universa natura rationalis. Nec
 fas erat quidquam, quod ortum habuisset,
 ei qui est superior Ratione, & in optima ac
 eximia quadam idea constitutus, adsimila-
 ri. Quibus in verbis, nonnulla sunt ob-
 servanda.

Primum, hîc videre est Philonem, qui
 Platonismo totus imbutus erat; ad eam
 Philosophiam detorsisse locum Mosis
 Gen. I, 27. Creavit Deus hominem ad
 imaginem suam, ad imaginem Dei; cum
 manifestum sit postrema verba addita esse
 ad explicandam ambiguitatem pronomi-
 nis possessivi quod antecedit; non ad
 significandum hîc de altero Deo agi. Ne-
 mo non videat hunc esse sensum Mosis,
 nisi

nisi Platonismo præpeditus. Vide Orationem Jovis ad ceteros minores Deos, in Timæo Platonis.

Secundò, *Philo* planè contra quàm fas erat Judæo, more Platonico, vocat hîc Rationem *alterum & secundum Deum*, quia sic loqui solebant Platonici, ut ex *Numenio*, *Plotino* & *Proclo* ostendit *Rod. Cudworthus*, pag. 548. & seqq.

Tertiò, liquet ex eo quòd ait creaturam *rationalem*, λογικὴν, similem esse τῇ Λόγῳ, vocem hanc vertendam esse *Rationem*, non *Verbum*. Quod partim sensit eruditus Jesuita *Fr. Vigerus*, qui tamen utramque significationem absurde conjunxit, in versione *Eusebii*, ubi postquàm primo loco *Verbum* habuit pro *Ratione*, ita pergit: Oportebat enim hominis animo characterem illum rationis à Divina Ratione informari, cum & Deus ille Verbo, seu Ratione prior naturam omnem ratione præditam infinito superet intervallo; nec fas omnino quidquam esset, quod ortum habuisset, ad Numinis illius Verbo superioris & in optimæ planèque singularis naturæ gradu constituti similitudinem adspirare. Perspicuum est ubique *Rationis* notionem fuisse adhibendam.

Quartò, ex hoc loco intelligere est
 Tom. III. S Phi-

Philonem existimasse naturam ἢ Λόγῳ minùs præstantem esse, quàm naturam summi Dei ; cùm ratione præditæ creaturæ sint quidem ad imaginem Divinæ Rationis effictæ, at non ad imaginem primi Dei, quippe præstantioris quàm ut homines ad ejus imaginem creati dici queant. Quæ consentanea sunt quidem Platonismo, sed contraria divinæ revelationi. Si hæc animadvertisset *P. Ventidius*, numquam dixisset *Philonem* Scripturæ debuisse quod de Λόγῳ dixit, potiusquàm *Platoni*. Falsus esset, quamvis *Philo* laudet Scripturam, talia in Scriptura numquam inventurum hominem fuisse, nisi priùs à Philosophis Ethnicis didicisset.

At objicit * *Philonem* interdum contemtim loqui de Philosophis & Philosophia. Verùm hoc facit cùm Philosophos confert cum Prophetis, Philosophiamque cum doctrina divinitus revelata; quam ab eo necesse fuit præferri Philosophorum libris, nisi deficere vellet à Judaïsimo. Ceteroqui nec Philosophiam, nec Philosophos, si in se spectarentur, spernebat; quandoquidem ab eo non rarò summis laudibus ornantur.

Sic Lib. de Mundi Opific. p.13. postquam

* Pag. 44.

quàm loquutus est de contemplatione rerum cœlestium : ὅθεν, inquit, τὸ φιλοσοφίας ἐβλάψθη γένος, ὑφ' ἧς καίτοι θνητὸς ἂν ἄνθρωπος ἀπαθανατίζεται : *hinc nata est Philosophia, quâ homo, quamvis mortalis, immortalitatem consequitur.* In libro verò de congressu quærendæ eruditionis gratiâ, p. 340. Ἔστι, inquit, φιλοσοφία ὁπιτιθώσις σοφίας, σοφία ᾗ ὁπιτήμη θείων καὶ ἀνθρωπίνων καὶ τῶν τετῶν αἰτίων. γήροισ' ἂν ὅν ὥσπερ ἡ ἐγκύκλιος μεσική φιλοσοφίας, ἔτι καὶ φιλοσοφία δέλη σοφίας. φιλοσοφία ᾗ ἐγκράτειαν μὴ γαστρός, ἐγκράτειαν ᾗ τῇ μὲν γαστρί, ἐγκράτειαν ᾗ γλώσσης ἀναδιδάσκει. ταῦτα λέγεται μὴ εἶναι δι' αὐτὰ αἰρετὰ, σεμνότερα δὲ φαίνοιτο εἰ θεῶν τιμῆς καὶ δρεσκείας (leg. θρησκείας) ἕνεκα ὁπιτιθώσιτο : *Est enim Philosophia meditatio sapientiae, sapientia verò scientia rerum humanarum, divinarumque, & harum causarum. Ergo sicut encyclopædia philosophia servit: sic Philosophia sapientiae. At Philosophia docet nos continere ventrem, quæ sub ventre sunt & linguam. Hac quidem dicuntur propter se expetenda, augustiora tamen videntur, quando in honorem Dei & Religionis causâ exercentur.* Ex quibus verbis, aliisque similibus, manifestum est à Philone nequaquam sperni Philosophiam Ethnicam;

quamvis pluris multò eam faceret, quando erat cum Judaïca Religione conjuncta. Qui legerunt *Philonem* non indigent hisce exemplis; sed res mihi est cum homine, qui judicare voluit de *Philone* quem numquam videtur legisse; certè Græcè intelligere non potest, qui usque adeò Linguae Græcae rudis est, * ut malit *πρώτην δυνάμιν* verti *principem virtutem*, quam *primam potentiam*.

At *P. Ventidius*† vult *Philonem*, si quid habet affine doctrinae Christianae, non absurdè posse dici id à Christianis accepisse. Qui factum ergo est ut nusquam meminerit Christianorum, nam non puto *Therapeutas Philonis* esse Christianos *Ventidio*? Quî contigit ut ea exprimeret verbis Ethnicis, ut quando meminit *alterius & secundi Dei* ad cujus imaginem homines sint creati, quod à Christianis auribus, non minùs ac Judaïcis vix ferri potest? Cur naturam secundi hujus Dei minùs præstantem esse credidit, naturâ primi? Sanè si hæc à Christianis accepit, oportet fuisse sequioris generis Christianos; hæc enim non esse dogmata Apostolica sat notum est. Aut si audita à genuinis Christianis ita corrupisse censetur

* Pag. 39. † Pag. 54 & 74.

teatur *Philo*, ut similia facta sint *Platonis* quàm Christi dogmatibus; non video cur non potius ex ipso *Platone* primum petita existimentur.

Ne hoc fateatur *Ventidius*, mavult *Philonem* hausisse ex *Judæis* Scriptoribus *Cabbalisticis*, *Paraphrastisque* *Chaldæis*; quorum aliquot loca à *Steph. Rittangelio*, aut *Jos. Vicinio* mutua accepta profert. Non dicam *Philonem* *Hebraicè* nescivisse, quamvis ejus nomine editus fuerit liber de *Nominibus Hebraicis*, quòd eorum significationes potuerit à *Judæo* *Hebraicè* sciente accipere. Similiter enim *Cabbalistica* dogmata, *Thargumicæ*que loquutiones potuit audire à *Judæis* *Hebraicæ* & *Chaldæicæ* *Linguae* peritis. Verùm dicam hîc tria statui, quorum incerta est veritas, aut explorata etiam falsitas. Primum est Doctores ejusmodi *Cabbalisticos* *Paraphrastæ*que *Chaldæos* antiquiores esse *Philone*; aut certè doctrinas suas, loquutionesque, quibus utuntur, ab antiquioribus accepisse, quod nullo certo indicio constat. Alterum est *Cabbalistarum* dogma esse *Platonicam*, aut *Christianam Trinitatem*; quod ex eorum verbis nonnisi fidiculis exprimi potest. Tertium denique, loquutione *Verbum Dei*, apud *Chaldæos* *Pæ-*

raphraſtas, ſignificari perſonam quam-
 dam à Deo Patre diſtinctam, & quidem
 Meſſiam, quod planè eſt fictitium. Hæc
 qui audacter affirmant., & quaſi argu-
 menta egregia, quibus Sancta Trinitas
 probetur, proferunt, cauſam, quam pro-
 pugnare ſe fortiter putant aut ſimulant,
 planè produnt, & ludibrium adverſariis
 debent. Temerè hoc à me non dici ut
 oſtenderem, necesse eſſet juſtum ea de re
 conſcribere volumen; quod minimè opus
 eſt, poſtquam dum in hiſce ſcribendis
 Litteris verſor, edita eſt *Bilibra Veritatis*
 & *Rationis de מִימְרָא דֵּי* ſeu *Verbo Dei*, *Li-*
bra Joan. Steph. Rittangelii, & *Appendix*
 Joſepho de Voisin, Raimundoque Mar-
 tini oppoſita; cui præmiſſa eſt *Diſſertatio de*
Verbo Dei cujus creberrima fit mentio apud
Chaldaeos Paraphraſtas. In hoc enim libro,
 quæſtiones memoratæ ita expenduntur,
 ut liqueat ex Judæorum armamentariis
 tela apta defendendæ Trinitati Chriſtia-
 næ non poſſe ſumi, niſi ab iis qui aut vo-
 lunt fucum nobis facere, qualis fortè
 fuit *Rittangelius*: aut ab iis quibus arma-
 mentaria illa ſatis nota non ſunt. Obji-
 ciet fortè *P. Vemidius*, librum eſſe ab ho-
 mine; qui ſe Unitarium proſitetur, con-
 ſcriptum; at ego non ſoleo quærere qua-
 rum

rum partium sit qui scribit, ut sciam rectène ratiocinetur, an secùs, sed quibus utatur argumentis. Undecumque affulgeat Veritas, mihi grata, acceptaque est: ut Mendacium, undecumque originem ducat, odi atque abominor. De rebus, non de hominibus, hîc agimus; nec minùs libenter à *P. Ventidio* discerem quod ignoro, quàm ab homine quem longè optimum ac doctissimum esse existimarem. *Bilibram* hanc tamen *Veritatis*, quamvis in iis quæ dixi, ita expendisse putem argumenta *Vicinii* & *Rittangelii*, levia ut esse omnia ostenderit; per omnia, ne fallaris, probare nolim. At ex ea, nisi nolit, intelliget *P. Ventidius*, qui ei edendæ occasionem præbuit, non facile esse credendum alienis oculis, alienove iudicio. Nihil opportunius contingere potuit Unitariis, quàm contra eos adhiberi & laudari argumenta; quæ tam facile confutari poterant, prolato libro, qui aliquin in æternum fortè delituisset. Nihil opportunius etiam mihi, verique aliis amantibus umquam accidit, qui contra Unitarios huiusmodi telis utendum non esse nonnullos frustra monuimus. Videram quidem *Disceptationem* præmissam, quam absurdè confutavit *P. Ventidii* delirium

Rittangelius ; sed de *Bilibra* hac ne fando quidem quidquam acceperam.

Nunc veniendum ad loca *Philonis*, quæ malâ fide à me prolata dictitat *P. Ventidius*. Sub finem Proœmii Animadversio-
num mearum in Joannis initium, varia loca è *Philone* protuli, verbis tenus simi-
lia Christianis dogmatibus ; quibus falli poterant Christiani, ac reverâ decepti sunt, dum existimant Christi doctrinam latere in Platoniciis commentis. Negat hoc *Ventidius*, vultque *Philonem* è Mose, non è *Platone*, sua hausisse, insimulâtque me malæ fidei. Videamus ergo quznam sint hæc loca, quod ut sine repetitionibus ac tædio fieri queat, inspicias quæso, L. CANDIDE, primum locum *Philonis* à me illic allatum, quo fermè videtur Christianam Trinitatem adumbrare. Inducit enim Deum stipatum duabus Potentiis, quarum altera, quæ mundum condidit, vocatur *Deus* ; altera, quæ eum administrat, *Dominus*. At hæc non esse Christianorum Trinitatis descriptionem facile est intellectu, ex eo quòd secernat eum qui creavit ab eo qui administrat ; quia posterioris quidem nomine intelligit *Animam Mundi*, prioris verò *Rationem*. Has vocat *διωάμεις πρεσβυτάτης ἡ ἐγγυτάτης*

ὁ ὄντων, *potentias antiquissimas & proximas Entis*; ex quibus verbis liquet non intelligi proprietates divinas, quæ Deo sunt non proximæ, sed συνάδου & παντάσῃσι, seu ejusdem numero naturæ & æternitatis participes, aut potius ipse Deus. *P. Ventidius* Cabbalisticas *Sephiras* hîc significari putat, quæ cùm sint Dei proprietates, huc nihil faciunt; ne jam repetam non liquere an ante *Philonem* ea philosophandi ratio nota Judæis fuerit. Meritò ergo monui hîc latere sententiam, *qua similior sit dogmati, quod postea Arius propugnavit*; quàm, videlicet, sanæ doctrinæ, quæ Rationem Divinam & Spiritum Sanctum Patre inferiores esse negat.

In altero loco *Philonis*, observo πρωτόγονον Υἱόν, *primogenitum Filium* dici Λόγον, quemadmodum loqui solent Christiani. At ibidem *Philo* eum facit ὑπαρχον μεγάλης βασιλείας, *præfectum magni Regis*; qui est, ex Christianorum sententia, ipse magnus Rex, naturâ suâ omnibus imperans. Itaque similia hæc quoque sunt Arianis doctrinis, quàm nostris; ac proinde erat quod sibi caverent Christiani ab ejusmodi sermone.

Hîc *Ventidius* in me graviter invehitur, quòd

quòd non addiderim *Philonem* probare quod dicit, hoc modo: καὶ γὰρ εἰρηταί πρ.
 „ Ἰδὲ ἐγὼ εἰμι, ἀποσελῶ ἀγγελόν με εἰς
 „ πρὸσωπόν σε, φυλάξαι σε ἐν τῇ ὁδῷ:
Etenim alicubi dictum est: Ecce ego sum, mittam Angelum meum ante faciem tuam, ut custodiat te in via. Vult hinc liquere *Philonem* debuisse Mofi quod dixit de Ratione, & candorem meum hinc desiderat. Verùm si illi concederem à *Philone* rem ex Mose haustam, nulla esset mala fides in omissione eorum verborum; nam in eo loco Procerii ad Joannis Evangelium, nequaquam quæro an *Philo* debuerit suam sententiam Mofi, necne, nec eam in rem hunc ejus locum attuli; sed ut ostenderem ab eo vocari Λόγον *primogenitum*, more Christiano. Itaque non debui addere plura *Philonis* verba, præter ea in quibus dicit, Λόγον esse πρωτόγονον. Igitur *Ventidius* noster falsò & perperam me insinuat malæ fidei. Præterea, ex iis quæ jam dixi, satis constat *Philonem* quæ legerat in Platonicis Philosophis quæsisisse in Scriptura; nec hac de re contrarium probat quod ait *Ventidius*, Psalm. lxxxix, 27. Filium Dei futurum Regem Israël dici *primogenitum* Dei. Nam præterquàm quod facile possit probari

bari de Messia illic sermonem non esse, cum ex re ipsa, tum ex eruditissimorum Interpretum sententia; oporteret *Ventidium* ostendisse *Philonem* locum Psalmi in eam sententiam protulisse; & cum hoc ostendisset, non multum propterea promovisset, ab causam antea allatam.

Postea, ut pergerem ostendere *Philonem* multa habere verbo tenus Christianis dogmatibus affinia, protuli locum è libro *quis divinarum rerum heres*, p. 397. in quo Λόγος describitur quasi *Mediator* inter Deum & homines. Hoc unum volui eo loco probare, non quod somniat *Ventidius*, hæc *Philonem* à *Platone* habere. Quare detraxi verba Mosis ab Alexandrino Philosopho detorta, quæ nihil faciebant ad rem meam; qui non soleo eos imitari, qui corradunt omnia quæ sibi occurrunt, si cum quæstione quæ agitur vel minimùm sint conjuncta. Igitur perabsurdum est, ne dicam iniquum & inhumanum, me doli & fraudis insimulare.

Sed omnem absurditatem superat quod hîc vult *Ventidius*, ex historia allegoricè explicata potuisse *Philonem* discere Λόγον esse *Mediatorem* inter Deum & homines. An quia Moses alloquens populum

He-

Hebræum, Deut v, 5. narransque quid in Legislatione contigisset dicit: Καὶ γὰρ εἰσήκειν ἀναμέσον Κυρίου καὶ ὑμῶν, καὶ τὰ ἑξῆς: *Et ego steteram inter Dominum & vos, in illo tempore, ut nunciarem vobis verba Domini, quod timebatis à facie ignis, & non adscendistis in montem, &c. an, inquam, ex hac narratione potuit colligere Philo Λόγον esse Mediatorem nostrum, atque Internuntium apud Deum? An necesse est quidquid Moses de se dicit id posse affirmari καὶ τῷ Λόγῳ? An hoc alicubi docuit Philo? Nusquam; sed hîc, pro sua perpetua consuetudine, Scripturam trahit in Allegorias; ut doctrinam, quam jam animo prius conceperat, ejus verbis illustret. Locus Mosis eum ad credendum Λόγον esse Mediatorem non adduxit, sed præconcepta hæc opinio effecit ut verbis Mosis, à superioribus & à sequentibus avulsis, Allegoristarum more, abuteretur.*

At unde, inquires, *Philo* incidit in eam cogitationem de munere Mediatoris, quod *Rationi* tribuit? Ex notione, nimirum, Platonica naturæ *Rationis*, quæ media est inter summum Deum & Creaturas; quæ non est ingenita ut Dei natura, neque facta ut nos, quemadmodum in eo loco docet.

Alia

Alia nonnulla loca, præter sensum proprium detorta, *Philonem* non magis docuerunt id quod de *Ratione* habet, ut Num. xvi, 50. & quod dicit de Nube media inter Israëlitas & Ægyptios. Inspice locum, & miraberis inventum fuisse, qui auderet dicere hinc *Philonem* didicisse quod de *Ratione* sentiebat; nisi irascaris homini usque adeò præcipiti, & petulco.

At *Ventidius* præfert *Eusebii* similia de *Philone* sentientis verba: Non mirum est ab *Eusebio* creditum *Philonem* desumpsisse ex Scriptura quæ habet de Tribus Principiis, qui *Platonem* ipsum ex eo fonte hausisse temerè existimavit, ut antecedente Epistolâ ostendi; & qui cum *Philone* secundum Principium, aut secundum *Deum*, ut loquitur ille, putavit esse inferiorem primo; quam sententiam non veretur tribuere antiquis Hebræis. At ego planè existimo, quàm falsum est veteres Hebræos sensisse quæ postea sensere Ariani, tam falsum esse *Philonem* hanc sententiam in Hebræorum libris invenisse. Hæc non animadvertit *P. Ventidius*, qui ex versione *Fr. Vigeri* integra duo Capita protulit. Itaque oportet rem à nobis hic ostendi, ut discat legere attentius quæ

quæ profert, nec ita fidere judiciis Veterum, quorum dogmata non satis expendit.

Quamvis non ostendissem, Epistolâ II. ad Illustriss. & Reverendiss. Archiepiscopum Cantuariensem scriptâ, *Eusebium* fuisse Arianum, liceret hoc discere cùm ex verbis à *Ventidio* prolatis, tum ex loco qui exstat Lib. VII. c. 12. P. E. ubi *Hebræorum de secunda causa*, *ὁ δὲ δὲ πρὸς αἰτίαν*, Theologiam sic interpretatur, ut *Arius* fecisset: Μετὰ τὸ ἀναρχὸν καὶ ἀγέννητον ὃ Θεὸς τῶ ὅλων ἔσταν ἀμικτὸν ἔσαν καὶ ἐπέκεινα πάσης καταλήψεως, ΔΕΥΤΕΡΑΝ ΟΥΣΙΑΝ καὶ θείαν δύναμιν ἀρχὴν τῶν ἡμετέρων ἀπάντων, πρώτῃ τε ὑποστάσει, καὶ ἡ ΠΡΩΤΟΤ ΑΙΤΙΟΤ ἡγενημένην εἰσάγουσι, Λόγον καὶ Θεὸν δύναμιν αὐτῇ προσαγορεύοντες: *Post Dei omnium essentiam sine initio & ingentam, mixtura expertem & ultra omnem comprehensionem sitam, inducunt SECUNDAM ESSENTIAM, & divinam potentiam, principium creatorum omnium, primam existentem, & ex PRIMA CAUSA genitam; Rationem aut verbum, & sapientiam & Dei potentiam eam vocantes.* Deinde profert varia loca Veteris Testamenti, ubi mentio fit Verbi, Sapientiz & Potentiz Dei, quæ nonnisi ab-

absurdè intelligi queunt de *secunda essentia* divina, ut jam omnes Theologi faterentur. Post falsam interpretationem Theologiæ Veterum Hebræorum, sequente Capite subjicit locum *Philonis*, quem antea jam exscripsi, & qui egregiè quidem cum Theologia *Eusebii*, hoc est, cum Arianismo consentit; sed planè adversatur Theologiæ & aliorum Christianorum & Veterum Hebræorum. Similiter Lib. ix. postquàm Cap. xiv. ex Veteri Testamento eodem modo ratiocinatus est, profert Capite xv. verba *Philonis* sententiam illam confirmantia, quæ habet *Ventidius* Latinè. At si Græca paulò diligentius inspexisset, vidisset *Eusebium* manifestò ἀπειριζεν, qui ita de loco Psalm. cx, i. Dixit Dominus Domino meo, &c. ratiocinatur: ὃ μὲν ἀνωτάτω Θεὸν λέγει πρῶτον Κυρίῳ, ὃ δὲ (supplendum Θεὸν) ἑτέρον λέγει ὃ δώτερος ἀποφύνας προσηγορίας: primo Domino altissimum Deum, secundâ verò appellatione (Deum) qui est ab illo secundus significans. Hic est merus Arianismus, quem *Ventidius* imprudenter affirmat *Eusebium* in Veteri Testamento invenisse. In locis *Philonis* petitis ex libro, quo probat deteriorem infidiam meliori, ita distinguitur Λόγος

à Deo, itaque inferior habetur, ut doceat *Philo* eum, qui nondum qui filius Dei vocetur dignus fuerit, studere oportere ut se componat secundum primogenitam ejus *Rationem*, *Angelorum antiquissimum*, & ut *Archangelum* variis nominibus gaudentem, &c. Καὶ μηδέπω μέντοι τυγχάνη πρὸς ἀξιώχρεως Υἱὸς Θεῶν προσκαρδύεσθαι, σπουδαζέτω κρημνίσθαι καὶ τὸ πρῶτόγονον αὐτῷ Λόγον, τὸ Ἀγγέλων πρεσβύτατον, καὶ ὡς ἀνὴρ Ἀρχάγγελον πολυώνυμον ὑπάρχοντα. Si *Philo* credidisset Λόγον esse unius numero naturæ participem æquæ ac Deum, numquam ita loquutus esset; nec eam cogitationem repetiisset, ut facit in sequentibus. Nam ex Christiano dogmate, filii ἑ Λόγου eo ipso sunt filii Dei, cui est una numero essentia ac *Rationi*. Sed sunt Platonica hæc *Philonis* commenta, quæ invenit in Scriptura, ut pueri in nubibus quæcumque volunt animalia. Visne ejus rei aliud certum argumentum? Postquam dixit *Rationem* vocari *Orientem* Zachar. vi, 12. negavitque hoc nomen convenire homini, ita pergit philosophari. Ἐὰν δὲ τὸ ἀσώματον ἐκείνον θείαν ἰδέαν φορέντα ἱκανῶς ὁμολογήσεις ὅτι οὐθυσολώτατον ὄνομα ἐπεφημίσθαι τὸ Ἀνατολή αὐτῷ· τῶν μὲν γὰρ πρεσβύτατον Υἱὸν ἂν τὸ ὅλον ἀνέτειλε

Πατὴρ,

Πατὴρ, ὃν ἐτέρωθι πρωτόγονον ἀνόμασε. καὶ ὁ γνηθεὶς μὲν τῷ μιμνέμενῳ τὰς ἑ Πατρὸς ὁδὸς πρὸς ὡς αὐτοὶ γὰρ ἔχουσι τὰ ἐκείνῃ βλέπων ἐμόρφῃ τὰ εἶδη: *Si uerò (dici censeras, λέγεσθαι νομίσῃς) incorporeum illum divinam Ideam ferentem, satis fateberis convenientissimum nomen ei Orienti inditum fuisse. Hunc enim antiquissimum filium Pater universi oriri fecit, quem alibi primogenitum vocavit. Genitus autem imitatus vias Patris, adspiciens illius Archetypa exemplaria, formavit species. An Ideas hasce ex Scriptura, vel ex Platone defumfit? Sine dubio ex posteriore, ut jam ostendimus, quamvis Eusebius quoque eas in Scriptura quæsierit.*

Dixi, ut id repetam quod oblitus est *P. Ventidius*, in Animadversionibus ad initium Joannis, *Philonis* sermonem, multis in rebus similem Christianorum doctrinæ, potuisse fallere Christianos non satis acutos, aut attentos, rémque probavi, multis exemplis; ac inter alia, loco in quo Λόγῳ dicitur *Pontifex Maximus*, num. 4. At noster *Ventidius*, qui ubique carpendi studio ita occæcatur ut vix perpendat ratiocinationis nexum, in me invehitur, quasi eo in loco voluerim probare loquutiones Platonicas esse in Chri-

stianam Theologiam intromissas; quod ne somniabam quidem, ea in parte Animadversionum mearum. Sic passim facit, ita ut vix sedato animo legisse videatur quod confutandum suscepit. Sed operæ pretium non est multis probare hominem carere & ἀκρίβειᾳ & bona fide, quod statim animadvertent quicumque vel pagellas aliquot ejus Scriptorum cum meis comparabunt. Unum tantum exemplum addam, in quo me ratiocinantem inducit planè aliter quàm feci. Ad ψ. i. Joannis probavi Veteres multos Ethnicos usos esse voce Λόγῳ, ad significandam Naturam, à qua omnia creata sunt, ante *Philonem*; qui de *Sermone* non cogitarunt, sed tantum de *Ratione*. Tum amando Lectorem ad *Philonem*, quem simili sensu ea voce usum contendo. Fingit hîc *Ventidius* me in eo loco voluisse docere quo sensu Joannes utatur voce Λόγῳ, quod & in Paraphrasi feci, & in sequentibus. Eo verò loco, hoc unum agebam, ut ostenderem vocem Λόγῳ, antequàm Joannes scriberet, pro *Ratione* vulgò usurpatam apud Ethnicos, & nonnullos Judæos, ubi de creatione mundi sermo esset; quod, nisi fallor, præstiti. Verùm hæc aliæque similia, ut & omnes criminationes hæreseos,

seos, & contumeliosa dicta prætermitto. Qui norunt *Ventidium* jam dudum sciunt hæc esse potissima ejus arma, nec eos novi quidquam docerem, iis prolatis. Parum nocuit Symmictis suis, quos oppugnavit iis artibus; nec, ut spero, mihi multum nocebit. Videat tantum ipse ne præmio εἰρηνοποιῶν excidat, & animum suum coram Deo excutiat; quod opto ita ab eo fieri, ut intelligat quid communis Servator ab homine & à Theologo Christiano postulet.

Tandem veniendum ad loca, quæ profert, ut ostendat *Philonem*, ubi de creatione agit, vocem Λόγον adhibere significatu *Sermonis*, non *Rationis*, prout contendendi. Sed oportet hîc te esse memorem, L. CANDIDE, quo sensu hoc à me dictum sit. Quod, nimirum, est intelligendum quando Λόγος significat Naturam distinctâ existentiam præditam, qualem antea ejus verbis descripsi; nam ea in re nostræ disceptationis cardo vertitur. Numquam negavi *Philonem* aliquando respicere ad loca Mosis, in quibus Deus dicto, seu imperio omnia creans inducitur, aut ea loca protulisse. Non negavi actionem ipsam τῷ Λόγῳ, seu *Rationis* divinæ, seu secundi Dei, ut *Philo* lo-

T 2

qui-

quitur, posse ab eo dici λόγον, seu *sermonem*; sed tantum ideò *Rationem* divinam dictam ab eo Λόγον, quòd imperio creans Deus describatur ab Hebræorum Legislatore; *Philonémve* ullo verbo indicare se propterea in eas cogitationes πρὸς τὸν Λόγον incidisse.

Nunc videamus quomodo contrarium probet *Ventidius*. Profert locum ex Lib. de Sacrificiis Abelis & Caïni, p. 109. ex versione *Sigism. Gelenii*, ut solet, quamvis parum accurata. Græcè verò eum subjiciam particulatim & Latinè vertam. Postquàm ergo *Philo* dixit Deum non indigere tempore, ut disciplinas homines edoceat, quemadmodum non indiguit tempore ad creandum, sic pergit: ὁ γὰρ Θεὸς λέγων ἅμα ἐπίει, μηδὲν μεταξὺ ἀμφοῖν πηθείς· εἰ δὲ καὶ δόγμα κινεῖν ἀληθέστερον ὁ λόγος ἔργον αὐτοῦ. λόγος γὰρ δικινητότερον ἔδεν καὶ πρὸς τῷ θνητῷ γένει: *Deus enim dicens simul faciebat, nihil inter utrumque (factum & dictum) ponens, vel si oportet dogma verius proloqui, sermo est ejus operatio. Nihil est autem mobilius sermone, apud mortale genus.* Hic describitur actio ipsa Dei, non verò ὁ ἐμπόστατος Λόγος, (non ἰσοπαπὴς, ut ridiculè habet *P. Ventidius*) ideòque hic locus, quod pace *P. Ventidii* dictum sit,

CRITICÆ &c. *Epist. VIII.* 293
fit, nihil ad rem facit, cum non probet
id quod probandum erat.

Sic pergit de sermone, vel loquela philosophari Philo: *ᾧ ἀκολουθεῖται ὡς τῇ ῥύμῃ τῶν ὀνομάτων ἢ ῥημάτων τὴν ἐπ' αὐτὰς φθάνουσαν κατὰ λήψιν. ὡς περ ἐν τῷ ἀφ' ἡμετέρων ἐκρεόμενα αἰένως ἀνάματα ἀληκτὸν ἔχει τὴν φθορὰν, ὅππαστα λαμβάνοντος αἰεὶ τὴν λήξιν ἔξ ὀππόντος ῥώματος, ἕως ἢ ἔξ λόγου ἀλημύρα ὅταν ἀρξῇται φέρεσθαι, τὸ ἐν ἡμῖν τῇ ὀξυκίνητοτάτῳ ἀγνοίᾳ, ὃ καὶ τὰς πληνὰς ἀκολουθεῖται φύσεις, συνετέχει:* *antecedentem enim conceptum adsequitur verborum nominumque fluxu.* Igitur ut perennes fontes tubis effluentes jugem habent decursum; superveniente fluctu adsequente eum qui desinit; sic exundatio sermonis, cum ferri cœpit, cursu aequat mentem celerrimam omnium rerum quæ sunt in nobis, quæ & volucres naturas adsequitur. Hæc quidem ad controversiam nostram minimè pertinent, nec debuerant à *Ventidio* proferri; sed ostendunt *Philonem* judicasse loquutione *Mosis*: & dixit *Deus, fit lux*, &c. significari divinarum actionum celerem exsequutionem; non verò à *Mose* obscurè descriptam Naturam divinam ἐνυπόστατον, quæ *Sermo* aut *Verbum* dici posset, prout vulgò postea crediderunt Christiani.

Subdit *Philo*, ex lectione meliorum Codicum, quæ est ad calceam Editionis *Adriani Turnebi*, typis regiis anni M D LII: καθάπερ ἐν ὁ γυνήτος φάσκει πᾶσαν νόσον, ἔτω καὶ ὁ τῆ ἀγγλῆτος λόγος πᾶσιν τὸν (sic vice versâ melius alii Codices, quàm παρὰ π τῶν) γένους καὶ ὁξύτατα ὀπνηφῶν πᾶσφάρεται: Igitur ut genitus sermo antecurrit omnem nutum: sic sermo ingenerati prætercurrit genitum, quamvis vigilans acutissime prætergrediatur. Hæc omnia ostendunt imperia divina quàm celeritimè executioni mandari, sed nihil πᾶσι δ' ἐννοσάτω λόγος complectuntur.

Sequuntur hæc verba: οἷς καὶ παρρησιάζεται, φάσκων, „ ἤδη ὄψαι ἐπὶ (leg. εἰ „ ὀπνηφῶντα.) καταλήφεταί σε ὁ λόγος μου, ὡς πάντα ἐφθαιότῃ καὶ καταληφότη ὅδε ἔστι λόγος. Βίβ' ὁ λόγος ἐφθαιε, πολλὰ μάλ' ὁ λέγων αὐτός: Quapropter ὅδε liberè loquitur, dicens: jam videbis an te consequetur, verbum meum; eo quippe omnia antecedente ὅδε adsequuto. Si autem verbum adsequutum est, multò magis ipse loquens. Hic desinunt verba à *Ventidio* Latine laudata, quorum postrema nihil prorsus faciunt ad rem, cum in iis nec de Λόγῳ ἐννοσάτω, nec de creatione sermo sit. Oportebat enim proferri locum *Philonis* ubi de secundo Deo, ut

ut loquitur, agens ostenderet cum dici à se Λόγον, eò quòd putaret Mosẽm ad eum respexisse in Historia Creationis, ubi Deum verbo creantem inducit. Quod cum non fecerit, *Ventidius* imprudenter omnem illam disceptationem de *Philone* & Λόγω ingressus est, & iniquè inane in-
vestus.

Verum prætermittis, inquires, locum unum atque alterum *Philonis*, à *Ventidio* laudatos. Volebam sanè prætermittere, quia ne ulla quidem cum rationis specie proferuntur. Prior est ex Libro de Migratione Abrahami, p. 312. & sic habet: Καὶ δὲ λογήσω σέ, τὰ τέσιν ἐπαινετὸν λόγον δα-
ρήσωμαι τὸ ᾧ δὲ πάντως ἐπ' ἀρετῆς: hoc est laudatum animum & sermonem (nam λόγος hic & pro ratione, seu mente, & pro sermone sumitur, ex tota amplitudine quam duplici significato obtinet) dabo; nam illud bene (δὲ in δὲ λογήσω) omnino virtutem significat. Sed quid hic est de mundi creatione, aut de ejus creatore εὐνοστάτω Λόγω? Quis non videt, ex *Philonis* sententia, Deum polliceri Abrahamo bonam mentem, seu recta consilia, & sermones cum eis consentientes? Λόγος ἦ, inquit *Philo* in proximè sequentibus verbis, ὁ μὲν πηγὴ ὅμοιος, ὁ ἦ ἀπὸ πύργου πηγὴ μὲν

μὴ ὁ ἐν Δαναοῖς, περφορεῖ ἢ ἡ δὲ πρὸς σῶμα-
 τος καὶ γλωττίης διαπόρρη. *Alter λόγος est*
similis fonti, alter verò rivo. Fons quidem
est ille qui in intellectu, decursus verò est
rivus qui est ab ore et à lingua. Paullò post
hæc quoque habet, quæ à P. Ventidio etiam
partim proferuntur: πολλοὶ γὰρ λογίζονται
μὴ τὰ βέλπιστα, ὑπὸ ἢ ἑρμηνέως κακῆς πει-
δόθησαν λόγος: multi enim optima quidam co-
gitant, sed à malo interprete sermone pro-
duntur. Addit & tertium locum, ex libro
quo Philo probat deteriorem potiori insidiari,
p. 139. ubi loquacibus tribuitur ἀχρη-
στὸν λόγον, indecorus sermo. At quis non
videt hæc aliena omnia esse à re, quæ hîc
agitur? An hæc probant, apud Philonem,
creatorem mundi ideò Λόγον dici, quia
Moses Deum omnia verbo creantem descri-
pfit? Hoc tamen erat P. Ventidio demon-
strandum; at noster non magis meminit
ejus quod probare ipse aggressus est,
quàm ejus quod probandum ego susce-
pi. Verùm quod ratiocinanti deest, id
incredibili confidentiâ pensat; quæ ubi-
que in libellis ejus maxima cernitur, etiam
ubi ne minimum quidem colorem opinio-
nibus suis illinere potuit: ut hoc loco, in
quo, quasi re bene gestâ, me temeritatis
inima-

immanis insimulat, quòd ausus fuerim dicere ex nullo *Philonis* loco colligi posse Λόγον ἐν ὑπόστασιν ita dictum, ob creationem verbo peractam. Vidisti, L. CANDIDE, quibus locis me oppugnare conatus sit, quæ si verisimilem ejus opinionem tibi fecerint, me victum fatebor.

Ex superioribus satis liquet *Philonem* Platonicum fuisse, qui à Magistro ὁ Λόγος notionem accepit; quem etiam inferiorem statuit summo Deo, quemadmodum ostendi. Hæc cum minimè sint hausta ex Libris Veteris Testamenti, ne nomen quidem Λόγος ex eo desumptum meritò videatur. Vocem hanc debuit *Platoni*, qui Λόγον vocavit Naturam intelligentem ac ratiocinantem, & quæ aliter à Platoniciis Nōs dicitur. Hæc eò credibilia sunt, quòd *Philo* frequenter vocet Λόγους, rationes, aut mentes, Angelos, ut multis exemplis dudum ostendat *Christoph. Sandius*, in Dissert. περὶ τοῦ Λόγου, pag. 260 & 261. quæ est Paradoxis ejus Interpretationibus subiecta. Non probo equidem, ne *Ventidius* mihi hæresin *Sandii* objiciat, quæcumque habet in ea Dissertatione; aut, ut clariùs loquar, ea Dissertatio mihi parum placet, cum ad summam rei quod attinet, tum etiam in plerisque partibus. Sed tot-

exem-

exempla vocis Ἀόγῳ, pro Angelo sumtz, protulit ex *Philone*, ut nullum superesse possit dubium; quidquid tandem in aliis deliquerit, quod nunc non inquirō. Ante illum idem animadverterat *H. Grotius* ad *Sapient.* XVIII, 15. Quamobrem necesse non est ullum à me præterea afferri exemplum.

Si *P. Ventidius* potuisset id quod probandum susceperat demonstrare, quemadmodum feci quod ille negavit; ipse sibi triumphum decerneret, existimaretque se summo jure posse me omnibus contumeliis ac convitiis proscindere. Ego verò ex iis quæ probavi, hunc unum fructum capere ut mihi liceat posulo, ut ne ejus aliis criminationibus contra me fides ulla habeatur; nisi postquam accuratè expensum fuerit quod in *Scriptis* meis carpit. Neque enim vacat singula ejus dicta ad examen revocare, ac ostendere quàm me & mea parum norit; præterquàm quòd nihil nisi tedium *Lectori* parerent particulatim discussæ calumniæ. Adde quòd iis prætermisiss & meæ operæ, & adversarii existimationi parcam, quâ integrâ me posse defendere maluissim. Tu verò, *L. CANDIDE*, qui probè nosti
quis

CRITICÆ &c. *Epist.* VIII. 199
quis sim, & qui mea legisti, omnium op-
timè potes & ipse judicare & ceteros ab
errore revocare. Vale.

Dabam Amstelodami, Idibus Juliis,

CIO IDC XCIX.



EPISTO-

EPISTOLA IX.

Defenditur Clerici conjectura de initio Evangelii Joannis, in quo ad Philonem respectisse Evangelistam existimavit. Error P. Ventidii supposititium Philonem cum vero miscentis. Judæos ex Philosophia Platonica Theologiam suam, ante tempus Christi, corrupisse. Ideò Apostolos monuisse Christianos ut sibi carerent à Philosophia; quo monito spreto, Veteres Hæretici alique in multos errores delapsi sunt. Prudenter factum à Joanne, quòd docuerit quo sensu adhiberi possent voces nonnullæ Philosophicæ. Videri illi lectum Philonem, aut certè notum ex narratione eorum qui legerant. Passim confutatur P. Ventidius.

E I D E M S. P. D.

JOANNES CLERICUS.

POSTQUAM, in superioribus meis ad te Litteris, CANDIDE VERE, probavi nec *Platonem*, nec ejus discipulum *Philonem* ex Hebræorum libris aut sermonibus

monibus hausisse quæ habent de tribus Principiis; nunc ostendendum est nihil esse quod sit vero ab simile, in mea conjectura de initio primi Capituli Evangelii Joannis, in quo existimavi Evangelistam ad *Philonem* respexisse. Sed ante omnia, necesse est, ne quis errore *P. Ventidii* abreptus decipiatur, me profiteri à me intelligi *Philonem* Alexandrinum, qui Græcè scripsit, & cujus Opera Græcè & Latine prostant; non *Philonem* illum editum ab *Annio Viterbiense*, à quo ridiculum opus Antiquitatum Judaicarum nobis obtruditur. Potuisset hoc discere *P. Ventidius* à *Ger. Joanne Vossio*, Lib. II. de Hist. Græcis Cap. 7. aut ex Indice Operum *Philonis* genuini, ubi nihil simile comparere vidisset; sed ne eum quidem umquam satis attentè evolvit, nedum ut *Philonem* ipsum legerit. Ut enim probet * tanti non fuisse Joanni aut aliis Christianis *Philonem*, ut ostenderet Joannes, quo sensu usurpari possint verba quibus utitur, profert judicium *Joann. Spencers*, viri doctissimi, de Leg. Heb. Lib. III. C. IV. Diss. 7. ubi ita habet: *Veritatis hujusce gemmam, radio licet obscuriori emicantem, in Philonis amea laudati fabularum sterquilinio*

* Pag. 39.

nio forſan oftendere poſſimus. Laudat Spencerus in margine *Antiquitatum Biblicarum* librum, ex quo locum affert, qui in editione *Anni* exſtat. At *Ventidius*, cui non multò notior eſt verus *Philo*, quàm fictitiuſ, avidè hæc arripuit, quaſi de vero *Philone* ageret, ſubjicitque: *Quàm parum proinde ei tribuat ſequentia palam faciunt*: Sed fortè *Philonem* illum, ut nugacem, & nullius fidei Scriptorem, non pauci repudiabunt. Tam exigua exiſtimatio eſt, quam tot ſæculis, ipſo *Spencero* teſte, ſibi comparavit *Philo*, cujus tamen adhuc recentis, imò vix dum cogniti, tam ſollicitè ab ipſis *Apoſtoliſ* ratio fit habita, ut de vocabulis in Religionem ab ipſo & aliunde tranſlatis, mentem explicare *Joanni* opera pretium fuerit. At *Spencerus* non fuit ita imperitus, ut miſceret hunc *Philonem* cum *Alexandrino*, quem alibi non rarò laudat. Ipſum pronomen *illum* hoc ſatis innuit, quo diſtinguitur Scriptor *Antiquitatum Biblicarum* ab *Alexandrino Philone*. Nec ullâ ratione hic dici poteſt *fabularum ſterquilinium*, q̄ti fabulas, aut fictas hiftorias minimè narrat, ut *Annianus Philo*. Si in huiuſmodi turpi hallucinatione me deprehendiſſet *Ventidius*, quas illi poenâs non darem? At illi ego pro talibus auſis me-

melio^{re}m animu^m à Deo precor, opto-
que ut sibi caveat in posterum ne in cer-
tamen descendat cum bono viro, ab om-
nibus imparatus, nisi à convitiis & fi-
ducia.

Nunc ut ad rem veniam, ostendam
Jadzos, diu ante tempora Joannis, ex
Philosophorum lacunis Theologiam suam
corrupisse; quamobrem etiam Paulus
monuit Christianos ut sibi à Philosophia
caverent; quo monito contempto, anti-
quissimi Hæretici in turpes errores pro-
lapsi sunt; qua de causa, Joannem pru-
dentissimè usu suo ostendisse quomodo
adhiberi possent voces nonnullæ, præser-
tim à *Philone* usurpatæ, qui ignotus ei
esse vix potuit. Quæ si ostendero, nemo,
ut opinor, conjecturam meam temerita-
tis arguerit, cum præsertim quasi sa-
luti-necessariam nemini obtrudam.

Ex quo Seleucidæ ac Lagidæ in Asia &
in Ægypto Monarchias condiderant, unâ
cum Lingua Græca, artes ac libri Græco-
rum cœperunt Asiaticis innotescere. Phi-
losophia præsertim, & quidem Platoni-
ca, non Idololatriis tantum sed & ipsiis
Judæis, inter eos, in Syria atque in Æ-
gypto versantibus, mirum in modum pla-
cuit. Unde factum ut & Philosophi in-
ter

ter eos esse cœperint, & varia Græcorum dogmata in Theologiam Judaicam derivarint, cum qua ea consentire putabant.

Philosophus fuit Judæus *Aristobulus* Peripateticus, cujus sæpe meminerunt *Clemens* Alexandrinus & *Eusebius* Cæsariensis, & qui Ptolemæo Philometori inscripsit explanationes in Legem Mosaicam. Sic habet *Eusebius* in Chronico, ad ann. M D CCC XL: *Aristobulus* natione Judæus Peripateticus Philosophus, cognoscitur, qui ad Philometorem Ptolemæum explanationum in Moysen Commentarios scripsit. Ad quem locum, vide *Jos. Scaligerum*, cum quo, si ita videatur, confer etiam *Hemr. Valesium*, ad *Eusebii* H. E. Lib. VII. c. 32. Tres insignes ejus locos habemus, apud *Eusebium*, in Præp. Evangelica. Primus est Lib. VII. c. 24. in quo contendit cum eo quod Salomo dixit de Sapientia consentire dogma nonnullorum Peripateticorum. Secundus est Lib. VIII. c. 10. ubi agit de membris, quæ Scriptura Sacra videtur Deo tribuere, & ubi obiter insinuat Poëtas & Philosophos Ethnicos furti. Tertius denique est Lib. XIII. c. 12. in quo de industria idem probare nititur. Hic ergo Philosophus nequaquam spernebat Ethnicorum Scripta, cum ea ad sen-

sententiâs Judaicas summâ vi trahere conaretur.

Credibile est fuisse & alios Judæos, qui magni facerent Ethnicorum Philosophiam, quandoquidem Scriptor libri *Sapientie* ex ea desumfit opinionem de animorum περὶ πάρεξ, ut liquet ex Cap. VIII, 19 & 20. Πᾶς ὃ ἤμην ἀφύης, ψυχῆς τε ἔλαχον ἀγαθῆς, μαῖνον ὃ ἀγαθὸς ὦν ἦλθον εἰς σῶμα ἀμίαντον: *puer eram bonæ indolis, animam sortitus eram bonam; aut potius, cum bonus essem, veneram in corpus purum.* Ad quem locum consulendus *H. Grotius*, ut & ad Joan. IX, 2. Hanc opinionem nemo, ut opinor, existimat ex Veteri Testamento haustam, nec Platoniam esse quicquam dubitabit.

Postea *Philonem* fuisse, Platoniciâ doctrinâ madentem, antea satis ostendimus; nec res potest esse dubia ei, qui *Platonem* & Philosophum Alexandrinum legerit. Elogia hujus præferri à me nihil necesse est, cum in fronte ejus Operum legantur.

Sed & integras Judæorum sectas à Græcis mutuas accepisse opiniones & loquutiones, quibus alteram vitam describebant constat ex *Josepho* Ant. Jud. Lib. XVIII. c. 2, & de Bello Jud. Lib. II. c. 12.

Tom. III.

V

Ut

Ut à Phariseis initium faciam, sic eorum sententiam describit *Josephus*, in Ant. Judaïcis: Ἀθάνατόν τε ἔχον ταῖς ψυχαῖς πίστις αὐτοῖς εἶναι, καὶ ὑπὸ χθονὸς δικαιοσύνης τε καὶ πιναις, οἷς δρετῆς ἢ κακίας ὀπτιήδωσις ἐν τῷ βίῳ γέρονε· καὶ ταῖς μὴ εἰργμὸν αἰδίου περσίθεος, ταῖς δὲ ρασιώνων δὲ ἀναβίον: *Immortalem vim inesse animabus fides apud illos est, & sub terra pœnas & præmia esse iis quibus aut virtuti aut vitio affinis ratio vivendi fuit in vita, & aliis quidem æternum vinculum addi, aliis verò facultatem concedi ad vitam redeundi.* In Vetere Testamento, nusquam legere est loca, in quibus homines, post hanc vitam, præmia accipient & pœnas dabunt, esse sub terra; at multis hoc habetur, cùm alibi passim, apud Ethnicos Scriptores, tum præsertim in *Platonis Phædone*, sub finem. In Vetere Testamento, nusquam legimus malos æterno vinculo sub terra constrictos manere, bonos verò facto functos ad vitam hancce redire; at similia legere licet, in Dialogo *Platonis*, quem memoravi. Rempaulò clariùs repetit *Josephus* de bello Judaïco Lib. II. c. 12. ubi ait, ex Phariseorum sententia, ψυχὴν πᾶσαν μὴ ἀφ' ἑαυτῶν, μεταβιβάζειν ἢ εἰς ἕτερον σῶμα, πῶς δὲ ἀγαθῶν μόνων πῶς δὲ καὶ φαύλων αἰδίου πρᾶξις

πρώτη καλὰ ζεῶς: omnem quidem animam incorruptam esse, sed solam bonorum animam transire in alterum corpus, malorum verò æternâ pœnâ plecti.

Audiamus verò quid Esseni de altera vita dicerent. Existimabant, ut idem Josephus, eodem in loco, prodidit, τὰς ψυχὰς ἀθανάτας αἰεὶ διαμένειν, καὶ συμπλέκεσθαι μὲν ἐν τῷ λεπτοτάτῳ φοιτῶσας αἰθέρος, ὡς περ εἰρκταῖς, τοῖς σώμασιν ἰσχυρὴν πύσιν καὶ κατασσωμνίας: animas immortales semper manere, atque ex æthere subtilissimo venientes, quasi carceribus, ita corporibus implicari, naturali quadam illecebrâ ad inferiora detraχτας. Hic perspicuè quidem habemus Platonice πύρριν animorum, de qua in Prophetarum Scriptis nec vola, nec vestigium; sed digna sunt sequentia, quæ à nobis pensitentur: ἐπειδὴν ἡ ἀνέ-
 θῶσι τὰ καὶ σάρκα δεσμῶν, οἷον δὴ μακροῦς
 δουλείας ἀπὸ πλεονεξίας τότε χαίρειν καὶ με-
 πώρως φέρεσθαι καὶ ταῖς μὲν ἀγαθαῖς, ὁμο-
 δοξοῦντες παυσὶν Ἑλλήνων, ἀποφαινόμενται τὴν
 ὑπερὺν ὡρεατὴν διαίταν ἀποκείσθαι, καὶ χῶρον
 ἔτε ὁμβροῖς, ἔτε νιφετοῖς, ἔτε καύμασι βαρυ-
 νόμῳ, ἀλλ' οὐκ ἐξ ὡρεατῆς πρὸς αἰεὶ Ζέφυ-
 ρου ὁπασίων ἀναψύχει. ταῖς ἡ φάλακας ζο-
 φώδη καὶ χειμέριον ἀφορίζονται μυχὸν γέ-
 μαρτα πρῶτων ἀδελφειπτῶν: postquam ve-

τὸ aufugerint è carnalibus vinculis , quasi à longo carcere liberatas letari ac sublimes ferri. Et bonis quidem animabus , consentientes cum Græcorum filiis , aiunt repositam esse habitationem trans Oceanum , & locum neque imbribus , neque nivibus , neque aestibus incommodum , sed quem ex Oceano lenis semper Zephyrus flans refrigerat. Malis verò tenebricosum & procellosum tribuunt secessum , plenum indefinentibus pœnis. Hæc si Esseni didicerunt ex Prophetis , quos etiamnum habemus ; fatendum est nos esse non lusciosos , sed cæcos prorsus , qui nihil simile in eorum libris animadvertere possumus. Verùm hæc , apud *Homerum* , Antiquiorem sine dubio Essenorum sectâ , ita descripta habemus , ut si non Esseni ab eo sumserint , *Josephus* ipse sit necessariò furti insimulandus. Sic enim *Homerus* campos Elysios poëticis coloribus pingit *Odyss. Δ. v. 565. & seqq.*

Τῇ περ ῥήτῃ βιοτὴ πέλας ἀνθρώπων ,
 οὐ νιφετὸς , ἔτ' αἶψ' χειμῶν πολὺς , ἔπε καὶ
 ὄμβρος ,
 Ἄλλ' αἰεὶ Ζεφύροιο λιγυπνεϊόντας αἴητας :
 Ὀκεανὸς ἀνίησιν , ἀναψύχειν ἀνθρώπους.

Ubi beatissima est vivendi ratio hominibus ;

non

non nix, neque hyems (aut procella) multa,
 neque imber; sed semper Zephyri suaviter spi-
 rantes auras Oceanus mittit, ut refrigerent
 homines. Nemo non agnoscit Homerum
 in Iosepho; at ut intelligas superbiam Ju-
 daicam, quæ nihil aliis acceptum refert,
 omnia sibi deberi vult, audi hominis se-
 quentia verba: Δοκῶσι δέ μοι καὶ τὴν αὐτὴν
 ἔννοιαν Ἑλληνες, τοῖς τε ἀνδρείοις αὐτῶν, ὅς
 Ἰσθρίας καὶ Ἡμίθεος καλεῖσι, τοὺς μακάρων νή-
 σους ἀνατεθειμέναι, ταῖς ᾗ τὸ πονηρῶν ψυχαῖς,
 καθ' ἃς αἰσεῶν χώρον, ἐνθα καὶ κολαζο-
 μένους πινῶς μυθολογεῖσι, Σισύφους καὶ Ταν-
 τάλους καὶ Ἰξίονας καὶ Τιτυὺς, πρῶτον μὲν αἰ-
 δίους ὑφ' ἐπὶ μέλοι τοὺς ψυχαῖς, ἔπειτα ᾗ εἰς πρε-
 ποτὴν ἀρετῆς καὶ καλίας δοποτοπὴν: Viden-
 tur autem mihi, secundum hanc notionem,
 Græci viris quidem fortibus, quos Heroas &
 Semideos vocant, beatorum Insulas tribuisse;
 improborum verò animis in inferis impiorum
 locum, ubi & quosdam plecti fabulantur
 Sisyphos & Tantalos, & Ixionas & Tityos;
 statuantes quidem primum animas esse immor-
 tales, deinde ut ad virtutem homines addu-
 cant, & à vitio deterreant. Non aliter lo-
 queretur Iosephus, si Homerus fuisset Pro-
 pheta Hebræus, à quo Græcorum Poætæ
 sua desumssissent. Atque hinc liquet non
 facile esse credendum Judæis, affirmantibus

· nol

V 3

sibi

sibi à Græcis multa deberi; cùm ita loquatur *Josephus*, in manifesto furto deprehensus. Possemus addere Phariseos quod de fato sentiebant à Stoicis mutuatos; imò & loca proferre LXX. Interpretum, & Scriptorum Apocryphorum, ex quibus liqueret sumssile eos voces ac loquutiones à Græcis, ubi de altera vita loquuntur; quibus nullæ similes respondent Hebraicæ, in priscorum Prophetarum Scriptis. Verùm de hisce fortè aliàs agam.

Exempla allata satis ostendunt Paulum, non sine gravi ratione, dixisse Jesum Christum *φωτίσαι ζωὴν καὶ ἀφθαρσίαν Ἀπὸ τοῦ Εὐαγγελίου*, in clariore luce collocasse vitam & immortalitatem per Evangelium, 2 Tim. I, 10. cùm vulgò Judæi ex Poëtis, Philosophisque Ethnicis desumerent loquutiones, quibus exprimebant quod de ejusmodi rebus sentiebant.

Indidem intelligere licet eundem Apostolum non temerè monuisse Colossenses, ut viderent ne quis eos deciperet per *PHILOSOPHIAM & inanem fallaciam*, secundum traditionem hominum, secundum elementa mundi, & non secundum Christum, Cap. II. 8. Hæc enim spectant Judæos nescio quos; Philosophiâ Platonica imbutos, ut liquet ex v. 16. in quo post lon-

longam parenthesin ad rem, de qua cœperat loqui ψ. 18. redit Apostolus: *Nemo ergo vos judicet in cibo, aut in potu, aut in parte diei, aut Neomeniæ, aut Sabbatorum; quæ sunt umbra futurorum, corpus autem Christi. Nemo vos seducat volens in humilitate & religione Angelorum, in ea quæ non vidit ambulans, frustra inflatus sensu carnis suæ &c.* Legendi ad hosce versus sunt *Hug. Grotius & Henr. Hammondus*; quorum tamen posterior hæc videtur frustra trahere ad Gnosticos, cùm commodissimè intelligantur de Judæis Philosophiâ Ethnicâ abutentibus. Iis lectis, satis liquebit Judæos Platonicos spectari, à quibus poterant Christiani, nisi sibi caverent, *ᾠδολογίζεσθαι ἐν πικανολογίᾳ*, falli probabilibus sermonibus, ut antea loquitur Paulus.

Eodem pertinent iteratæ ejusdem Apostoli admonitiones, in 1. ad Timotheum, ubi Cap. I, 3, 4. ait se eum reliquisse Ephesi, ut denunciaret quibusdam ne aliter docerent, neve intenderent fabulis & genealogiis interminatis, quæ quæstiones præstant magis, quàm edificationem Dei, quæ est in fide; & Cap. IV, 7. jubet Timotheum profanas & aniles fabulas evitare. Eosdem homines notat & Cap. VI, 3, 4, 5.

Quanti momenti hoc esset monitum, sequentia tempora luculenter ostenderunt. Constat enim antiquissimos quosque Hæreticos sua dogmata, Christianismi atque Philosophiæ Ethnicæ misturâ quadam absurdâ, conflasse. Quam in rem, ne plures ad testimonium citare necesse sit, unum audiamus *Tertullianum*, cujus hæc sunt verba in Libro de Præscriptione Hæreticorum Cap. VII. *Ha sunt doctrinæ hominum & damoniorum, prurientibus auribus natae de ingenio sapientiæ secularis, quam Dominus stultitiam vocans, stulta mundi in confusionem etiam ipsius Philosophiæ elegit. Ea est enim materia sapientiæ secularis, temeraria interpretes divinæ naturæ & dispositionis. Ipsa denique Hæreses à Philosophia subornantur. Inde Aëones & formæ nescio quæ, & trinitas hominis apud Valentinum; Platonicus fuerat. — Eadem materia, apud Hæreticos & Philosophos, volutatur; iidem retractus implicantur: unde malum & quare? & unde homo & quomodo? & quod proximè Valentinus proposuit, unde Deus? Scilicet, de ecthymesi & ectromate. Miserum Aristotelem, qui illis Dialecticam instituit, artificem struendi & destruendi, versipellem in sententiis, coactam in conjecturis, duram in argumentis, operariam contentum, molestam*

lestam

lestam etiam sibi ipsi, omnia retractantem, ne quid omnino tractaverit. Hinc illa fabulæ & genealogiæ interminabiles & questiones infructuosæ & sermones serpentes velut cancer; à quibus nos Apostolus refrænans nominatim contestatur Philosophiam caveri oportere scribens ad Colossenses; videte ne quis vos circumveniat per Philosophiam & inanem seductionem, secundum traditionem hominum, præter providentiam Spiritûs Sancti. Libro verò contra Heremogenem, Cap. VIII. eidem dicuntur *Hæreticorum Patriarchæ Philosophi*; & Lib. de Anima Cap. XXIII. Examen, inquit, Valentini semen Sophia insulsi anima, per quod historias atque Mithras. Æonum suorum ex imaginibus visibilibus recognoscant. Doleo bonâ fide Platonem omnium hæreticorum condimentarium factum. Illius est enim & in Phædone, hinc euntes sint illuc, & inde huc. Item in Timæo quod genimina Dei, delegatâ sibi mortalium geniturâ, accepto initio animæ immortalis, mortale ei circumgelaverint corpus. Tum, quod mundus hic imago sit alterius alicujus. Quæ omnia ut fidei commendet, & animam retrò in superioribus cum Deo egisse in commercio idearum, & inde huc transvolare, & hinc retrò norit de exemplaribus recensere, novum elaboravit argumen-

gumentum, μαθήσεις ἀναμνήσεις, id est, discentias, reminiscencias esse. Venientes enim inde huc animas oblivisci eorum, in quibus prius fuerint, dehinc ex his conspicuis edoctas recordari.

Hinc sat manifestò intelligere est antiquissimos quosque Hæreticos ex Philosophia Platonis multa haussisse, ut dogmata sua confingerent. Sed non Hæretici modò, verùm etiam docti homines, qui in rectius sentientium communione obierunt, nimio Platonismi studio Theologiam Christianam, ut antea Judaicam Philo, ejus commentis corruerunt. Malo rem alienis verbis exprimere, quàm meis, ne *Ventidius*, aut alius ei similis me seorsim ab aliis sentire putet. Audiat ergo Reverendiss. Antistitem, & virum longè doctissimum *P. Dan. Huetium*, Origenian. Lib. II. c. 1. sic loquentem, eademque operâ ab eo discat quid sit de *Philone* sentiendum, quod à me discere noluit: Unum ergo præ reliquis Platonem (*Origenes*) admiratus est; sic ut Christiana dogmata ad Platonice doctrinæ leges, non ipsam Platonis doctrinam ad Christi effata ACCOMMODARET. Exemplo suo *Origenem* eò compulit *RHILO* Judæus, totus ad Platonis exemplum compositus, non Pla-

Platoni nimium tribuendo dumtaxat, sed Scripturam etiam allegoriis perpetuis explanando. Compulit & Præceptor illius Clemens Alexandrinus; Academiæ pigmentis res Christianas illustrare suetus; quod & maxima pars fecit vetustiorum Patrum, sed parcius & verecundiùs. His itaque Platonico-
rum deliriis sincerum doctrinæ Christianæ vas postquàm incrustavit Adamantius, ex illo doctrina ejus corrupta est, & profanis imbuta erroribus, unde infinitis jactatus convitiis, & quævelis in summas incidit calamitates; & laudem meritis partam decoxit.

Ex hisce intelligere est periculosam fuisse non Philosophorum tantum Ethnicorum, sed Philonis etiam lectionem; hancque incautis eò periculosiorem, quòd multis in rebus instar Christianorum loquatur, & à Polytheismo abhorrere, ut pote Judæus, censeatur. Non modò Clemens & Origenes, ut animadvertit Huetius, ejus loquutionibus decepti sunt, sed & Eusebius; qui hominis Platonici Trithæismum cum Christiana Trinitate miscuit, & alios multos Veteres & Recentiores fefellit.

Quod cum ita sit, quid mirum si Joannes Apostolus, qui multis annis post Philonis mortem scripsit, & videbat quanta

quanta in existimatione esset, obiter initio Evangelii sui ostenderit, quo sensu liceret uti voce Λόγος, docueritque Christianos ἐνυπόστατον Λόγον non esse alterius naturæ, non tantum specie, sed etiam numero, ita ut ὁ Θεός & ὁ Λόγος sint unus idemque Deus propriè dictus. Certè Spiritus divini, quo Joannes agebatur, providentiâ indignum non fuit tam periculosum errorem antevertere.

At *Ventidius* noster * hæc negat *Philonem* à Joanne lectum fuisse, aut cum *Platone* collatum; quasi hæc ego uspiam affirmassem. Dixi dumtaxat *Philonem* videri notum fuisse Joanni, sed lectum non contendi. Potuit Joannes accipere quæ essent dogmata *Philonis*, loquutionesque ejus aliquot insigniores, ab aliis qui ejus Opera legerant; potuit curare ut sibi nonnulla ex iis prælegerentur; quamvis numquam studiosè ipse, ut nunc solemus, eum aut ejusmodi alium Scriptorem versarit. Nihil tamen vetat ut ipse, oculis suis, nonnulla sibi indicata legerit. Sic *H. Grotius* ad Heb. IV, 12, non sine ratione credidit Scriptorem Epistolæ ad Hebræos legisse *Philonem*, ob variarum loquutionum, cogitationumque similitudinem, cujus

* Pag. 40. de vocabulo Λόγος.

cujus multa in ejus Adnotationibus occurrunt exempla, quibus adde id quod adnotavimus ad Cap. I, 3.

Sed legerit *Joannes Philonem*, inquit *P. Ventidius*, haud tamen sequitur vocabula ex *Platonismo* jam dudum in veram Religionem illata curiosè observasse, & adversus eorum abusum Lectores monere voluisse. Atqui verisimillimum est eum qui *Philonem* legit, & ita loquitur, ut voces ab eo frequenter usurpatas adhibeat, sed in sensum diversum & rectum, voluisse obiter emendare peccata à *Philone* admissa, & usu suo legitimam earum vocum potestatem ostendere; cùm præsertim, ut ostendi, ejusmodi vocabula ac placita & anteriores & posteriores ætates fefellerint. Sed falli videtur *Ventidius*, quòd de antiquis temporibus & hominibus judicet ex hodiernis: ut solent, qui non satis attentè Veterum libros legerunt. Parvi facit *Philonem* & Philosophiam Platonicam, nec quidquam sibi nunc ab iis timet; ideòque numquam quidquam ab iisdem timendum fuisse Christianæ Theologiæ censet. Fallacissima sunt omnia ejusmodi judicia, de rebus antiquis; de quibus numquam rectè judicamus, nisi nostræ ætatis veluti obliti opiniones & ingenia

Vete-

Veterum dumtaxat spectemus. Itaque illi auctor sim ut posthac, non ita facile de rebus antiquis, ex hoc ævo nostro, judicet.

Monitum etiam velim, ut libros eorum, quos sibi oppugnandos deligit, attentius & sedatiore animo legat; ne eas illis tribuat opiniones, quas minimè tuentur. Exprobrat mihi à me induci Joannem scribentem *haud secus ac si, hac in parte, Scholiasten Platonis, aut Philonis egerit vir Dei.* Quod est perabsurdum, cum tota mea disputatio eo spectet, ut ostendam Joannis animum fuisse docere quo sensu possent adhiberi voces nonnullæ à *Philone*, & ab aliis Judæis usurpatæ, ne fallerent Christianos. *Scholiastis*ne hoc munus est, an potius confutatoris? Demonstravi Judæos dudum cœpisse Philosophia Platonica abuti, ante tempora Joannis, Paulumque monuisse Christianos, ut ab ea sibi caverent. Addo videri etiam Joannem obiter notare quî, sano sensu, possent usurpari voces nonnullæ insigniores, in Judaicam Theologiam ab iis illatæ; an hoc est fingere Joannem esse *Scholiasten Platonis aut Philonis*? Pari jure dixeris me *P. Ventidii* esse *Scholiasten*, in hisce litteris, quibus eum confutavi.

Plura

Plura non addam, ad defendendam conjecturam meam, de consilio Joannis; nec aggrediar ceteris calumniis, aut contumeliosè dictis *P. Ventidii* quidquam reponere. Infelicissima esset conditio bonorum omnium, qui maximo labore suo conantur tenebris Antiquitatum Sacrarum & Profanarum lucem aliquam afferre; si, quotiescumque liberet *Ventidiis* ἀνεμώλια βάζειν, omnibus relictis, seriò essent confutanda, quæ nullâ ex re ortum ducunt, nisi ex malignitate aut invidia. Itaque ea missa facio, nec quidquam à lectoribus, si qui sint, contumeliosorum illorum Scriptorum peto; nisi ut cohibeant iudicium, donec mea quoque legerint. Quod æquissimum postulatum si ab eis impetro, salva res est, nisi fortè omni æquitate & eruditione careant; si verò mihi negant, aut si, re expensâ, possunt favere *Ventidio*, nihil est quòd pluribus verbis causam meam apud eos agam, qui indictâ causâ damnare sint parati. Si tamen ab adversariis offeratur mihi occasio inquirendi in rem quampiam, cujus plenior cognitio aut jucunda, aut utilis esse possit, non decro officio meo; & ita Veritatem investigabo, ut appareat me ejus solius amore captum,

NON

Quanti momenti hoc esset monitum, sequentia tempora luculenter ostenderunt. Constat enim antiquissimos quosque Hæreticos sua dogmata, Christianismi atque Philosophiæ Ethnicæ misturâ quadam absurdâ, confluxisse. Quam in rem, ne plures ad testimonium citare necesse sit, unum audiamus *Tertullianum*, cujus hæc sunt verba in Libro de Præscriptione Hæreticorum Cap. VII. *Hæ sunt doctrinæ hominum & demoniorum, prurientibus auribus natæ de ingenio sapientiæ secularis, quam Dominus stultitiam vocans, stulta mundi in confusionem etiam ipsius Philosophiæ elegit. Ea est enim materia sapientiæ secularis, temeraria interpret divina natura & dispositionis. Ipsæ denique Hæreses à Philosophia subornantur. Inde Æones & forma nescio quæ, & trinitas hominis apud Valentinum; Platonici fuerat. — Eadem materia, apud Hæreticos & Philosophos, volutatur; iidem retractus implicantur: unde malum & quare? & unde homo & quomodo? & quod proximè Valentinus proposuit, unde Deus? Scilicet, de eëthymesi & eëtromate. Miserum Aristotelem, qui illis Dialecticam instituit, artificem struendi & destruendi, versipellem in sententiis, coactam in conjecturis, duram in argumentis, operariam contentiones, molestam*

lestam etiam sibi ipsi, omnia retractantem,
 ne quid omnino tractaverit. Hinc illæ fabu-
 læ & genealogiæ interminabiles & quæ-
 stiones infructuosæ & sermones serpentes
 velut cancer; à quibus nos Apostolus refra-
 nans nominatim contestatur Philosophiam ca-
 veri oportere scribens ad Colossenses; videte
 ne quis vos circumveniat per Philosophiam
 & inanem seductionem, secundum tra-
 ditionem hominum, præter providentiam
 Spiritus Sancti. Libro verò contra Her-
 mogensem, Cap. VIII. eidem dicuntur
 Hæreticorum Patriarchæ Philosophi; & Lib.
 de Anima Cap. XXIII. Examen, inquit,
 Valentini semen Sophiæ insulsi anima; per
 quod historias atque Mithrias Æonum suo-
 rum ex imaginibus visibilium recognoscant.
 Doleo bonâ fide Platonem omnium hæretico-
 rum condimentarium factum. Illius est enim
 & in Phædone, hinc euntes sint illuc, & inde
 huc. Item in Timæo quòd genimina Dei, de-
 legatâ sibi mortalium geniturâ, accepto ini-
 tio animæ immortalis, mortale ei circumgela-
 verint corpus. Tum, quòd mundus hic imago
 sit alterius alicujus. Quæ omnia ut fidei
 commendet, & animam retrò in superioribus
 cum Deo egisse in commercio idearum, & in-
 de huc transvanire, & hinc retrò moris de ex-
 emplaribus recensere, novum elaboravit ar-
 gumen-

gumentum, μαθήσεις ἀναμνήσεις, id est, descendentias, reminiscencias esse. Venientes enim inde huc animas oblivisci eorum, in quibus prius fuerint, dehinc ex his conspicuis edoctas recordari.

Hinc sat manifestò intelligere est antiquissimos quosque Hæreticos ex Philosophia Platonis multa haussisse, ut dogmata sua confingerent. Sed non Hæretici modò, verùm etiam docti homines, qui in rectius sentientium communione obierunt, nimio Platonismi studio Theologiam Christianam, ut antea Judaicam Philo, ejus commentis corruperunt. Malo rem alienis verbis exprimere, quàm meis, ne *Ventidius*, aut alius ei similis me scorsim ab aliis sentire putet. Audiat ergo Reverendiss. Antistitem, & virum longè doctissimum *P. Dan. Huetium*, Origenian. Lib. II. c. I. sic loquentem, eadèmq; operâ ab eo discat quid sit de *Philone* sentiendum, quod à me discere noluit: *Unum ergo præ reliquis Platonem (Origenes) admiratus est; sic ut Christiana dogmata ad Platonica doctrinæ leges, non ipsam Platonis doctrinam ad Christi effata ACCOMMODARET. Exemplo suo Origenem eò compulit RHILLO Judæus, totus ad Platonis exemplum compositus, non Pla-*

Platoni nimium tribuendo dumtaxat, sed Scripturam etiam allegoriis perpetuis explanando. Compulit & Præceptor illius Clemens Alexandrinus; Academia pigmentis res Christianas illustrare suetus; quod & maxima pars fecit vetustiorum Patrum, sed parcius & verecundiùs. His itaque Platonico-
rum deliriis sincerum doctrinæ Christianæ vus postquàm incrustavit Adamantius, ex illò doctrina ejus corrupta est, & profanis imbuta erroribus, unde infinitis jactatus convitiis, & querelis in summas incidit calamitates, & laudem meritis partem decoxit.

Ex hisce intelligere est periculosam fuisse non Philosophorum tantum Ethnicorum, sed Philonis etiam lectionem; hancque incautis eò periculosiorem, quòd multis in rebus instar Christianorum loquatur, & à Polytheismo abhorrere, ut pote Judæus, censeatur. Non modò Clemens & Origenes, ut animadvertit Huetius, ejus loquutionibus decepti sunt; sed & Eusebius; qui hominis Platonici Tritheïsmum cum Christiana Trinitate miscuit, & alios multos Veteres & Recentiores fefellit.

Quod cum ita sit, quid mirum si Joannes Apostolus, qui multis annis post Philonis mortem scripsit, & videbat quanta

quanta in existimatione esset, obiter initio Evangelii sui ostenderit, quo sensu liceret uti voce Λόγος, docueritque Christianos ἐνυπόστατον Λόγον non esse alterius naturæ, non tantum specie, sed etiam numero, ita ut ὁ Θεός & ὁ Λόγος sint unus idemque Deus propriè dictus. Certè Spiritus divini, quo Joannes agebatur, providentiâ indignum non fuit tam periculosum errorem antevertere.

At *Ventidius* noster * hîc negat *Philonem* à Joanne lectum fuisse, aut cum *Platone* collatum; quasi hac ego uspiam affirmassem. Dixi dumtaxat *Philonem* videri notum fuisse Joanni, sed lectum non contendi. Potuit Joannes accipere quæ essent dogmata *Philonis*, loquutionesque ejus aliquot insigniores, ab aliis qui ejus Opera legerant; potuit curare ut sibi nonnulla ex iis prælegerentur; quamvis numquam studiosè ipse, ut nunc solemus, eum aut ejusmodi alium Scriptorem versarit. Nihil tamen vetat ut ipse, oculis suis, nonnulla sibi indicata legerit. Sic *H. Grotius* ad Heb. IV, 12, non sine ratione credidit Scriptorem Epistolæ ad Hebræos legisse *Philonem*, ob variarum loquutionum, cogitationumque similitudinem

* Pag. 40. de vocabulo Λόγος.

cujus multa in ejus Adnotationibus occurrunt exempla; quibus adde id quod adnotavimus ad Cap. I, 3.

Sed legerit *Joannes Philonem*, inquit *P. Ventidius*, haud tamen sequitur vocabula ex *Platonismo* jam dudum in veram Religionem illata curiosè observasse, & adversus eorum abusum Lectores monere voluisse. Atqui verisimillimum est eum qui *Philonem* legit, & ita loquitur, ut voces ab eo frequenter usurpatas adhibeat, sed in sensum diversum & rectum, voluisse obiter emendare peccata à *Philone* admissa, & usu suo legitimam earum vocum potestatem ostendere; cum præsertim, ut ostendi, ejusmodi vocabula ac placita & anteriores & posteriores ætates fefellerint. Sed falli videtur *Ventidius*, quòd de antiquis temporibus & hominibus judicet ex hodiernis: ut solent, qui non satis attentè Veterum libros legerunt. Parvi facit *Philonem* & Philosophiam Platoniam, nec quidquam sibi nunc ab iis timet; ideòque numquam quidquam ab iisdem timendum fuisse Christianæ Theologiæ censet. Fallacissima sunt omnia ejusmodi judicia, de rebus antiquis; de quibus numquam rectè judicamus, nisi nostræ ætatis veluti obliti opiniones & ingenia Vcte-

Veterum dumtaxat spectemus. Itaque illi auctor sim ut posthac, non ita facile de rebus antiquis, ex hoc ævo nostro, judicet.

Monitum etiam velim, ut libros eorum, quos sibi oppugnandos deligit, attentius & sedatiore animo legat; ne eas illis tribuat opiniones, quas minimè tuentur. Exprobrat mihi à me induci Joannem scribentem *haud secus ac si, hac in parte, Scholiasten Platonis, aut Philonis egerit vir Dei*. Quod est perabsurdum, cum tota mea disputatio eò spectet, ut ostendam Joannis animum fuisse docere quo sensu possent adhiberi voces nonnullæ à *Philone*, & ab aliis Judæis usurpatæ, ne fallerent Christianos. *Scholiastis*ne hoc munus est, an potius confutatoris? Demonstravi Judæos dudum cœpisse Philosophia Platonica abuti, ante tempora Joannis, Paulumque monuisse Christianos, ut ab ea sibi caverent. Addo videri etiam Joannem obiter notare quî, sano sensu, possent usurpari voces nonnullæ insigniores, in Judaicam Theologiam ab iis illatæ; an hoc est fingere Joannem esse *Scholiasten Platonis aut Philonis*? Pari jure dixeris me *P. Ventidii* esse *Scholiasten*, in hisce litteris, quibus eum confutavi.

Plura

Plura non addam, ad defendendam conjecturam meam, de consilio Joannis; nec aggrediar ceteris calumniis, aut contumeliosè dictis *P. Ventidii* quidquam reponere. Infelicissima esset conditio bonorum omnium, qui maximo labore suo conantur tenebris Antiquitatum Sacrarum & Profanarum lucem aliquam afferre; si, quotiescumque liberet *Ventidiis* ἀνεμάλια βάζειν, omnibus relictis, seriò essent confutanda, quæ nullâ ex re ortum ducunt, nisi ex malignitate aut invidia. Itaque ea missa facio, nec quidquam à lectoribus, si qui sint, contumeliosorum illorum Scriptorum peto; nisi ut cohibeant iudicium, donec mea quoque légerint. Quod æquissimum postulatum si ab eis impetro; salva res est, nisi fortè omni æquitate & eruditione careant; si verò mihi negant, aut si, re expensâ, possunt favere *Ventidio*, nihil est quòd pluribus verbis causam meam apud eos agam, qui indictâ causâ damnare sint parati. Si tamen ab adversariis offeratur mihi occasio inquirendi in rem quampiam, cujus plenior cognitio aut jucunda, aut utilis esse possit, non deero officio meo; & ita Veritatem investigabo, ut appareat me ejus solius amore captum,

NON

non cupiditate infamandi cujusquam, aut turpis gloriæ ex aliena ignominia captandæ. Quam animi affectionem, L. CANDIDE, & *Ventidio*, & ceteris omnibus ejusmodi hominibus ex animo, ita me Deus amet, precor, haud secius quàm mihi ipsi. Tu verò amicos nostros quid de tota hac concertatione dicam, docebis, quos ego tecum disceptatores totius negotii esse volo. Quod ut facilius fieri queat, Litteras ad te scriptas edere constitui. Neque hoc erit fortè unum volumen ejusmodi Litterarum, quod emittam; nam multa habeo propemodum parata. Optarim quidem ea edere, sine cujusquam confutatione; sed si aliter, per importunos homines, non liceat; id ipsi sibi tribuant, non mihi, qui nihil, nisi Pacem & Veritatem, sine ullius infectione, quæsi. Vale.

Dabam Amstelodami, Calendis Augusti

CIO IDC XCIX.

JOAN-



JOANNIS CLERICI

Epistola ad Amicum Anglum,

DE VERSIONE ANGLICA

Additamentorum suorum ad Adnotationes

HENRICI HAMMONDI

In Novum Testamentum; ubi & nonnulla
de *Arte Critica*.

CUM ad me transmissa essent aliquot folia Versionis Anglicæ Additamentorum meorum ad doctissimi viri *Henr. Hammondi Adnotationes in Novum Testamentum*, eaque perlegissem; probavi quidem fidem ac diligentiam Interpretis, nec dubitavi quin cetera, quæ nondum vidi, pari curâ esset interpretaturus; sed cum apud animum meum reputarem quàm iniqua interdum sint iudicia

Tom. III. X eorum,

eorum, qui vernaculæ dumtaxat Linguae periti legunt ejusmodi Scripta, an gaudendum propterea mihi esset dubitabam. In vulgus, nimirum, sparguntur expendenda, quæ interdum sunt supra vulgi captum posita; nam hic non pauca sunt quæ, quamvis Anglicè expressa, non possunt intelligi nisi à Græcæ Linguae, & Antiquitatum Profanarum ac Ecclesiasticarum aliquatenus peritis. Alii certè de iis satis tutò judicare nequeunt, cum vis argumentorum sæpe tota pendeat ex cognitione usûs Linguae Græcæ, aut Ecclesiasticæ, Profanæve Historiæ. Attamen nulli confidentius de hisce rebus judicium ferunt, quàm qui ea cognitione destituuntur, quòd putent se posse judicare de iis omnibus, quæ vernaculâ Linguâ scripta sunt. Quamobrem sæpe miratus sum doctissimum illum virum, cujus Adnotationes in Linguam Latinam transtuli, non maluisse Latinè potiùs scribere, quàm Anglicè; cum probè nosset multa, imò optima quæque, à se in iis ita scripta esse, ut à Lectoribus Anglicè dumtaxat scientibus satis intelligi non possent. Nesciebam etiam an nonnullis eruditis viris, in Anglicanæ vestræ Ecclesiæ Clero, satis probanda esset translatio Additamentorum

rum meorum; non quòd , ullo in loco, Ecclesiæ Anglicanæ placita oppugnarim; sed quòd multi , nescio quare, ægrè patiantur libros peregrinorum à popularibus suis legi. Expertus hoc sum & antea & non ita pridem, cùm quispiam mihi prorsus ignotus , me nescio atque inconsulto, Anglicè vertit Vitas aliquot Patrum, quas Gallico sermone scripseram jam dudum, in *Bibliotheca Universalis*. Ex enim Vitæ Anglicæ, quas nondum vidi, in me concitarunt virum doctum *Guil. Caveum*, qui de Gallicis Vitis nihil fortè dixisset; certè hætenus tacuerat, cùm revera non esset cur in me propterea inveheretur, ut aliquando, & fortè brevi, ostendam. Atqui nemo fortasse est cis mare, qui pluris faciat eruditionem Cleri Anglicani, aliorumque ejusdem gentis doctorum virorum, quàm ego, quique eam frequentius & ore & Scriptis prædicet; non profectò adulandi studio, (nam quæ comoda hinc ad me, qui in Hollandia sedem dudum fixi, redeunt, aut redire possunt?) sed quia ita ex animo sentio. Quin etiam rebus ipsis hoc ostendi, qui non unius Scripta verti in Linguas notiores, quàm est Anglica, ut omnes Anglicæ gentis eruditione fruerentur. Quæ ergo

causa esse potest, cur nolint nonnulli Angli nostra Scripta sermone Anglico legi? Non intelligo, nec mihi tanti est, ut anxie in rem inquirere necesse habeam.

Verum pacis amanti, & alienissimo ab omnibus rixis, satius fortè fuisset me Latinæ Linguae latebris, ut ita dicam, tetum, nec imperiti vulgi temeraria judicia timere, nec iram doctorum, qui se solos à vulgo audiri volunt, concitare. Attamen quoniam jacta est alea, & me Anglicè loquentem popularibus suis sistere voluit Bibliopola, nonnulla te, Vir Amicissime, monebo, quibus fortasse iniquiora quorundam amoliri possim judicium.

Ex quo editus est *Hammondus* meus, vidi quidem hominis famam longè maximam fuisse, ex distractione exemplarium, quorum jam magna copia volitat per totam Europam, & Studioforum Litterarum Sacrarum manibus teritur. At aviditas emtorum ac lectorum non obstitit, quo minùs varia de hoc meo labore essent judicia, cum amicorum meorum, tum etiam aliorum. Horum nonnullorum ad me pervenit notitia, quibus paucis hinc aliquid reponam.

Sunt qui nollent me tantum temporis
& la-

& laboris insumsisse in vertendo *Hammondo*, sed ipsum potiùs novam Paraphrasin Novi Testamenti scripsisse, adjectis iis quæ ab aliis Interpretibus prætermisâ putabam. Hi nimis benignè de me, nec satis honorificè de viro doctissimo sentiunt. Ego verò, qui me & illum propiùs novi, & me meo metiri pede scio, honori duco tanti viri purpuræ meos centones adfui; si modò liceat per alios, qui in contraria prorsus sunt sententia. Me autem non fictâ modestiâ, sed ex animo loqui, sat clarè ostendit ingens labor quem *Hammondi* causâ, potiùs quàm mei ipsius, suscepi; nisi enim Scripta ejus magni fecissem, numquam tantum volumen vertissem; nec voluissem quidquam addere inanibus commentis, aut tempus terere in iis confutandis, quorum futilitatem omnes viderent. Ac sanè cùm tria postulentur in Interprete, sine quibus nihil eximium ab eo exspectari potest, & quæ, si quis iis præditus sit, malè faciat nisi in utilitatem publicam exferat; ea in *Hammondo* nostro reperiébantur, ut mihi quidem videtur, omnia. Hæc autem sunt peritia cùm Linguae, quâ utitur Scriptor quem interpretamur, tum etiam rerum de quibus agit; diuturna, atque attenta

lectio ejus Scriptoris, ita ut stylum, ac dispositionem illius in numerato habeamus; ac denique facultas quædam critica aut grammatica, longo usu acquisita & lectione optimorum Interpretum firmata, quâ fit ut ea quæ tenemus de Lingua & rebus, aptè ac scienter, ubi opus est, in usum revocare possimus.

Fuit verò *Hammonds* non modò Theologiæ Christianæ peritissimus, sed etiam Linguae Græcæ, ad quam accedebat Hebraïca, cujus idiomatica frequentissimè miscent Scriptores Novi Testamenti eloquutioni Græcis vocibus constanti. Qui sunt tantum Theoriæ Theologiæ periti, ii persæpe cespitant, in singularibus locis, quæruntque passim dogmata, vera quidem illa, sed ad rem nihil facientia, in locis, in quibus non sunt; & locis, in quibus reverâ latent, opportunè uti nesciunt. Satis habent nihil alienum à consecratis dogmatibus scribere, putantque non posse à se peccari, in iis quærendis, ubicumque libet, modò ne verba nimis apertè repugnent. Qua in re, videmus antiquissimos Scripturæ Interpretes, Græcos & Latinos, quòd verborum & Grammaticæ securi dogmatum dumtaxat veritatem attenderent, mirum in modum aber-

aberrasse à vero sensu locorum. Hinc partim natæ sunt innumera inanes Allegorizæ; quas non inanes voco, quòd falsas doctrinas complectantur, sed quòd nullâ certâ ratione nitantur. Hinc prodierunt coactæ interpretationes, & miseræ argutiæ, quibus scatent eorum Interpretum Scripta. Legantur vel unius *Augustini* Commentarii in Psalmos, ubi vix ulla occurret pagina, in qua ejus rei non inveniantur exempla. Quæ si vera esset ratio interpretandi, quidvis ferè è Scriptura probari atque oppugnari posset, ope cujusvis loci. Vitavit hoc diligenter *Hammondus*, & aliquantò amplius vitasset, nisi animo ejus nonnulla paullo sæpius quàm opus erat se se obtulissent; qualia sunt *Hæresis Gnosticorum*, *Jerosolimitanum exscidium* & *Disciplina Ecclesiastica*; quæ tria non rarò quæsit, ubi à nemine perito styli Apostolorum quæsitæ fuerant, & à paucis posthac quærentur. Attamen, ut dixi, multò infrequentius ad hunc scopulum impegit *Hammondus*, quàm Veteres, & plerique etiam Recentiores Interpretes, præsertim qui præterito sæculo scripserunt. Possit etiam & hoc addi, quod ad commendationem ejus Adnotationum non parum facit; quòd eam Theologiæ rationem,

nem, magna ex parte, sit sequutus, quæ melius cum Scriptura Sacra consentit, quàm multorum Interpretum opiniones; quippe qui mediam viam tenet, inter eos qui fatalem quamdam necessitatem ab omni æternitate deducunt, cujus necessitatis merum est instrumentum mens humana; & eos qui, instar Ethnicorum, virtutem ullatenus Deo deberi negasse dicuntur.

Quisquis legerit ejus Adnotationes, non dubitabit an esset alterâ illâ dote egregii Interpretis præditus; quam diximus sitam esse in accurata cognitione styli Librorum Sacrorum, quæ nonnisi diuturnâ lectione comparari potest. Profectò pauci sunt Interpretes, in quibus tanta Litterarum Sacrarum scientia deprehendi queat. Frequens illa & accurata comparatio loquutionum & vocum sacrarum inter se, quæ Lectori volumen aperiienti illico sese objicit, rem extrâ omnem controversiam collocat.

Tertia dos, quam dixi esse facultatem criticam judicandi de sententia locorum, si in eo tanta non fuit ac superiores, at minimè erat spernenda. Quam ego cùm attentâ lectione optimorum Scriptorum, tum præsertim *H. Grotii*, adeptum eum esse

esse non dubito; & quam majorem multò comparaturus erat, nisi perpetuus labor defendendæ Ecclesiæ Anglicanæ, contra varia adversariorum genera, eum distinuisset. Sed si compareretur cum antiquis Interpretibus, aut cum plerisque etiam, qui patrum nostrorum memoriâ scripserunt; inter Veteres nullum, inter Recentiores paucos inveniemus, qui cum eo possint æquiparari. Veteres enim, quamquam Græcè docti, multò magis nitebantur suâ dicendi facultate, quam Linguae peritiâ; multò libentius in locos communes, aut in allegorias excurrerant, quam seriò verba & loquutiones interpretabantur. *Origenes & Hieronymus*, qui Hebraicè etiam sciebant, multò quoque rariùs usi sunt ea sua eruditione, quam eloquentia, qualis eorum ævo probabatur. Recentiores verò Interpretes suam Theologiam & Controversias, cum aliis Christianorum familiis, studiosius intrudunt in suos Commentarios; quàm disquisitionibus accuratis, de significatione loquutionum & vocum, operam dant. Verùm *Hammondus* noster, memor eorum quæ ab Interprete expectantur, nec ignarus discriminis quod est inter Concienatorem aut Theologum, & Interpretem, immoratur

tur iis quæ sunt Interpretis, cetera ferè prudenter omittit.

Quæ cum ita sint, nemo meritò dicere queat à me horas malè esse collocatas, quas impendi vertendis *Hammondi* Adnotationibus, iisque illustrandis, castigandis, atque augendis. At prout sunt hominum iudicia, non ex Veri studio sed ex affectu manantia, alii exorti sunt qui se seriò, seu simulantes contendunt me quidem non malè fecisse quòd *Hammondum* verterim; sed quòd ejus Adnotationibus adfuerim ea, quibus illum non rarò erroris argui, aut alioquin ab ejus sententia aliena; quasi omnia aut probare necesse mihi esset, aut ita me cum revereri oporteret, ut non auderem palam testari me existimare minùs feliciter varia loca esse interpretatum.

Verùm, ut hisce hominibus satisfaciam, si modò sibi satisfieri velint, ab illis libenter quæfiverim, utra majoris fieri debeat, fama *Hammondi*, an Veritas? Existimatio hominis dudum mortui, & cuius placita nos sequi jus nullum divinum, aut humanum cogit: an Veri numquam intermorituri & à quo deficere nos nec Deus, nec homines sinunt, defensio? Si sint eo ingenio, ut malint famam Theologi

legi doctissimi quidem, ut dixi, at errori obnoxii, tueri, quàm Veritatem, ne tria quidem verba cum illis commutare sustinuerim. Nullum erit mihi bellum, cum ejusmodi hominibus, Veritatis palam inimicis; quos, absque responso, ipsorum atrabili conficiendos relinquam. At magnorum virorum, inquiunt, sunt peccata dissimulanda, potius quàm exaggeranda. Ego verò nihil uspiam exaggeravi, & molliissimis verbis eum confutavi, sicubi errare putabam. At non censeo dissimulanda peccata vel maximorum virorum, qui quò majores habentur eò plures incautos fallere possunt; ideòque sunt in rectam viam, sicubi ab ea deflectant, maximè omnium revocandi. Condonanda sunt illis peccata, ferendæ eorum aberrationes, propter majores multò virtutes, & insigniora erga Rempublicam Litterariam merita; sed non, pravâ dissimulatione, fermè Veritatis loco habendi sunt errores. Quicumque Litteras colunt, & præsertim Sacras, eos summâ ope eniti decet, & certatim adlaborare, ut ubique & per omnia Veritas eluceat; non ut dissimuletur, in gratiam cujusquam, aut error ejus loco colatur. Hoc unum carpi meritò possit in iis, qui viros magnos castigant, si falsò,

falsò, si acerbè, si malignè eos reprehendant ; non ut Veritas notior fiat, sed ut eorum minuatur fama ; si ingentia eorum merita obscurare aggrediantur, in exigua verò delicta, quasi in minimè condonanda peccata, inclementer invehantur.

Cùm verò hallucinationes in viris, de Republica Litteraria ceteroqui bene meritis, modestè notantur, eo dumtaxat animo, ne quis imprudens eos errantes sequatur ; tantùm abest ut meritò queri possint ii, qui viros egregios magni faciunt ; ut si ipsi illi magni viri reviviscerent, sine animo ingratissimò atque intollerandæ superbiæ nota, non possent non agere gratias iis qui errantibus comiter viam monstrassent. Non ea est humani ingenii conditio, ut sine ullo errore vivamus ; & maximis laudibus effertuntur non qui numquam errarunt, sed qui quàm minimè, aut in rebus demum exigui momenti hallucinati sunt. Ne ergo ita laudemus homines, quasi magnitudo ingenii, aut eruditionis eos communi errandi periculo exemisset ; nec eos è contrario ex magnorum virorum numero detrahi putemus, quòd erroris cujuscpiam arguantur. Ego sanè ita sentio de *Hammondo*, evolutis ejus Scriptis, ut paucos
Theo-

Theologos aut Interpretes Scripturæ pares illi vixisse putem; quamquam ab ejus sententia non rarò abivi, & errasse eum aliquando ostendi. *Hug. Grotium* nemo pluris facit, nemo lubentius ac frequentius laudat, quàm ego; eum tamen & hîc, & alibi interdum confutavi, sine ulla existimationis, aut reverentiæ erga eum meæ imminutione. Non amo eorum indolem, qui nec in laudibus, nec in probis modum ullum servant. Laudanda, sine invidia, quæ laudibus digna sunt; improbanda, sine malignitate, quæ à Vero dissentiant.

Verùm aliena miscere, inquiunt, *Hammondianis* non debuisti. Quidni? nam tribuenda quidem ei non esse quæ non dixit fateor; sed in Opere tamdiu post ejus mortem edito, & quidem aliâ Linguâ, non video cur non licuerit addere quæ videbantur ei deesse; quamvis illa fortasse aliquando ipse improbaret, si in vivis esset. In ejus usum hoc Opus non edidi, sed eorum qui nunc vivunt, aut posthac erunt Veri meritò amantiores quàm *Hammondi*. Quibus nostra displicent, ea non emant. Exstat Opus *Hammondi* aliquoties Anglicè recusum, quo solo uti possunt. Annon edita sunt ingentia Opera
& in

& in Anglia & in Belgio, in quibus unâ leguntur Commentarii virorum eruditorum, & Pontificiorum & eorum qui à Romana Ecclesia secesserunt, gravissimè inter se dissidentium? Quis propterea, vel inter ipsos Pontificios, indignatus est, aut non potius consilium summopere laudavit, quia sic aliorum operâ suppletur quod aliis deest? At quamvis cum *Hammondo* ubique non sentiam, multum abest ut sint ea inter nos dissidia, quæ sunt passim inter Criticos Interpretes Veteris & Novi Testamenti; qualia si essent, profectò numquam ejus quidquam vertere aggressus essem. Quia verò in summis capitibus & Religionis, & rationis interpretandi ei adsentiebar, ideò ejus Adnotationes verti, quamvis in nonnullis dissentirem. Ut dissentiens ab aliis ferri cupio: ita dissentientes alios & ferre, & amare, & revereri possum. Honori, ut jam ab initio hujus Epistolæ professus sum, duco meas notulas cum ejus vigiliis prodire; verum, si paullò audaciùs sine invidia loqui licet, non ita tamen abjectè de meis sentio, ut ex *Hammondianarum* societate, pretium earum, si quod eis inest, minui posse existinem. Si enim ita sentirem, numquam eas nec unâ, nec

seor-

seorsim edidissim. Potui falli, ut omnes in iis, quæ ad nos pertinent, sæpe cecutimus; quod an mihi contigerit, æquidem atque eruditi Lectores judicabunt; sed non potui non facere quod consultum ratus sum.

Incidit nuper in manus meas libellus Anglicus, cui Auctor titulum fecit, *Liberam sed modestam Censuram*, cum nonnullorum aliorum Librorum Eristicorum, Anglicè scriptorum, tum etiam meæ *Artis Criticæ*, quamvis Latini Operis, & planè alieni à litibus illis. Ei quoque subjectum est judicium de consilio meo in vertendo *Hammondo*, de quo judicio pauca hæc subtexam. *Modestus* ille Scriptor, quicumque sit, sed *liber*, non ægrè patietur, certè meritò pati non poterit, me *modestè ac liberè* consilium meum tueri. Ait ille *noxium esse consilium nostrum de edendis Hammondi Adnotationibus in Novum Testamentum, admistis simul nostris Additamentis. Hæc est, inquit, calida ratio promovendarum partium, præsertim in Anglia; ubi Opera eruditi ac pii Adnotatoris sunt in tanta existimatione. Criticis ejus Adnotationibus & Interpretationibus admistis Socinianis, utraque quàm facile imbibentur? Existimavi necesse esse monere*
popu-

populares meos de hoc periculo, ne in errorem abriperentur, imò in pessimum omnium errorum, dum veritatis studio tenentur.

Partes quas tuendas mihi proposui, cum in aliis omnibus editis Scriptis, tum etiam in Additamentis ad *Hammondum*, nullæ sunt, nisi partes Christi & Apostolorum; quorum unicam auctoritatem, in Religionis negotio, suspiciendam ac ratam esse habendam existimant omnes qui secessionem fecere ab Ecclesia Romana; si de eorum sententia ex Confessionibus, quibus subscribunt, judicare possimus; in quorum ego sententia semper fui, ac semper ero. Non pluris facio nudam rationibus auctoritatem *Socini*, aut aliorum, qui minimè afflati à Spiritu Sancto fuerunt, quicumque sint; quàm *Hammondi*, aut, si mavis, *Synodi Tridentina*. Quando mihi consentire videntur cum Christo, ejusque Apostolis, illis adsentior; sin minùs, in diversa abeo. Numquam integra *Socini* opera legi, neque peculiaria hominis dogmata, quæ mihi innotuerunt, magis probo quàm aliorum, quos puto in errore versari. Interdum etiam ea confutavi, &, prout occasio feret, confutabo; non ut invidiam ejus sectatoribus creem, aut gratiam cujusquam mortalium ambiam

ambiam, verum ut tuear Veritatem. Sed non sum in eorum sententia, qui homines in nonnullis errantes, ceteroquin Evangelii præceptis parentes, expectantesque adventum è cælo Domini nostri Jesu Christi ad judicandum de vivis & mortuis, ad vitam revocatis, ex legibus Evangelicis, beandosque bonos, & plectendos malos; nec ullâ ratione salutem æternam se consequi posse putantes, nisi fide quam Christo habent, ut à Deo misso, & quam solam sibi sperant à misericordia divina *justitiæ imputatum* iri; non sum, inquam, in eorum sententia, qui ejusmodi homines æternis flammis addicunt, in eas si possent miseros præcipites illico conjecturi; intereaque anathematibus, poenisque ecclesiasticis ac civilibus, crudeliter vexandos sibi censent. Non ita *didici Christum*, non sic Apostolos animadverti umquam se gessisse: iisque tacentibus, nec exemplo ullo præeuntibus, malo in nimis misericordiæ periculum me conjicere, quam immanitatis ac feritatis posse vel minimum insimulari. Deus sui ex animo amantibus, hoc est, præceptorum suorum studiosis, & præsertim maximi illius ac toties repetiti de amando proximo, condonabit multò facilius benignitatem

tatem etiam nimiam; si nimia esse queat, in homines Dei & Christi timentes, quamquam aliqua in re errantes; quàm diram illam inhumanitatem, quâ solent infamari, vexari, & omni pœnarum genere mulctari, ea sola de causa, quia profitentur se non credere id quod nec à Christo, nec ab Apostolis revelatum esse putant. Malo profectò, malo in misericordium numero, apud summi Judicis tribunal, stare; quàm in vexantium grege, quæcumque sint horum divitiæ ac dignitates, in hisce terris. Malo me convitiis interea proscindi, & suspectum haberi errorum, à quibus quàm longissimè absum; quàm ut videar illi feritati, ullâ ratione, patrocinari.

Non sum etiam in eorum sententia, qui eos à quibus dissentiunt quibuscvis argumentis impugnant, & pravos causidicos imitantur, qui quidquid aiunt adversarij negant, quidquid inficiantur affirmant. Veritas, meo judicio, numquam bene defenditur, nisi Veritate. Pugnent alii affectibus, aiant id quod partium suarum interest verum videri, aut negent, non id quod falsum esse compererunt, sed quod falsum videri oportere existimant ut vincant; dicam semper quod verum esse
vide-

videbitur, nec Religioni Christianæ umquam à Veritate quidquam timebo. Ita olim sensit vir summus, & quem maximi semper fecit *Hammondus* noster, quem sæpe exscripsit, quem defendit contra adversariorum calumnias, cujus laudes ubique prædicavit. Omnes satis intelligunt à me designari *Hug Grotium*, qui quoties *Socinus*, aut *Crellius* bene interpretari Scripturam Sacram visi sunt, eos sequutus est; quamvis ideò malè feriatorum hominum convitiis jactari se probè sciret. Quamobrem ei meritò non semel patrocinator est *Hammondus*, ut norunt omnes, qui secundum Operum ejus Volumen eolverunt.

Nihil detractum volo existimationi *Hammondi*, ut satis jam ostendi; *pium atque eruditum* fuisse non nego; imò verò nisi de eo ita sensissem, numquam ullam ejus Scriptorum lineam vertere aggressus essem. At nec ejus eruditione, nec pietate indigent meæ Adnotatiunculæ, ut legantur, si bonæ sunt; si verò malæ, *eruditio & pietas Hammondi* Lectorem mihi nequaquam placabunt. E contrario, si qua in re à vero aberrassem, collatio *Hammondianarum* meas aberrationes conspicuas magis redderet. At *Sociniana dog-*

mata, ait Censor, cum veris imbibentur. Jam negavi me *Socinum*, quasi ducem, sequi; sed non capio cur sit tantus Censori nostro metus, ut verissima *Hammondi* doctrina falsas ac *Socinianas*, ut ait, Adnotationes possit superare in animis Lectorum. Si ejus more ratiocinarer, dicerem Censorem esse occultum *Socinianum*, qui clanculariis artibus *Socini* dogmatibus famam parare conatur. Oportet enim, ex ejus sententia, magnam esse vim doctrinæ, quæ si vel minimâ copiâ admisceatur Scriptis rectè sentientium Auctorum, omnes eorum rationes ita obscurat; ut facile, iis invitis, imbibatur. Profectò hæc sunt aptiora ad extollendum atque augendum, quàm ad deprimendum atque extinguendum *Socinianismum*; contra quem ne eruditissimæ quidem Adnotationes in Novum Testamentum sunt factis efficax Alexipharicum. Est & aliud quod trahi in suspensionem posset, & quod à Censore nostro, aliisque idgenus hominibus fieri solet. Nimirum, si quis ingenio aliquo polleat, eruditioneque vulgus superet, nec vulgaria scribat, illico est *Socinianus*; quasi sapere nemo posset, nisi in *Socini* castra se conferret. Insigne idemque nuperum ejus rei exemplum est
 opti-

optimus atque acutissimus vir *Joannes Lockius*, qui quia accuratius de multis philosophatur, quàm hactenus ab ullo factum est, in eximio libro de *Intellectu Humano*, continuò tamquam Socinianus infamatur à Censore & aliis. Hoc demum est verè favere Socinianis, eximia omnia ingenia eorum numero adscribere. Paria olim in *H. Grotium*, paria in *Ren. Cartesio* sunt jactata; quæ illis quidem viris dedecori non fuerunt, sed honori Socinianis. Similiter antea & *Des. Erasmus* Arianismi est ab illius ævi Monachis, aliisque non melioribus insimulatus; quasi nimio fuisset ingenio, quàm ut *Orthodoxus* esse posset. Probè novi quantum absum ab eruditione atque ingenio tantorum virorum; at si Censor noster ex animo me laudavit, oportet ut fateatur doctes, quas mihi tribuit, & quas nimis sine dubio extollit, me quoque conjecisse in dogmata, quæ *pessimum errorum* vocat. Sin verò fucatas laudes in me congeffit; ut postea acrius morderet; sciat simulatam illam humanitatem esse animi parum candidi, ne quid atrocius dicam.

Si dicat *Socinum* multis in rebus errasse, me adsentientem habet; at novi multos alios peiores errores, quorum unum-

dumtaxat hîc, in gratiam Censoris, commemorabo. Is est eorum, qui æternis suppliciis dignos homines censent, quos Christus minimè damnavit; qui omnibus modis eos vexant, qui à se dissentiunt, quamvis fateantur non minùs se esse errori obnoxios, quàm eos quos malè habent; qui denique putant fas esse, ob leves suspiciones, viros Religioni Christianæ addictissimos, & castigatis moribus, infamare quasi pestes quasdam, à quibus cavendum est. Qui Christo ea non tribuit, quæ non putat umquam sibi à Christo ipso adrogata, si ceteroqui fidele præstet obsequium omnibus ejus præceptis, quæ probè intelligit, ignorantia veniam potest ab æquissimo ac clementissimo Judice impetrare; at qui præceptum de amando proximo, meridianâ luce clarius, perfringit convitiis, acerbitate, ac sævitia, atque iis vitiis immoritur, is, nisi novum, ejus causâ, confletur Evangelium; Regni Cœlestis particeps numquam erit.

Hîc possem dimittere Censorem meum, sed quandoquidem *Arti meæ Criticæ* similem censoriam notam inurere voluit, paucis ostendendum est hominem vehementer errare, nec satis attentè legisse id quod carpere statuerat. Ait autè omnia, me
novâ

novâ & callidâ ratione voluisse, in eo Opere, *propagare Socinianismum*. Ego verò, qui animum ac consilium meum haud paullo melius novi, id pernego; nec quidquam est, in ipsa re, quo id à me imprudente factum esse constare possit. Consilium meum fuit, ostendere quâ viâ Litterarum Studiosi eruditionem minimè inanem ac jejunam sibi comparare possent. Ideoque multa admiscui exempla, ex rebus majoris momenti desumpta, ut Criticam minimè spernendam esse Artem demonstrarem.

At Censor loca profert, ex quibus colligere conatur me *Socini* placitis viam munire voluisse; quæ sunt paucis expendenda, ut omnes intelligant quâ fide, & quâ modestiâ hæc attigerit.

Dixi Part. I. Cap. I. §. 3. in Veterum Scriptis, ad opiniones illorum sæculorum passim respici; quæ propterea sunt tenendæ, ut intelligamus quid sibi velint. *Ita cum Judæorum præcipua in divino cultu caerimonia in sacrificio esset sita; ideò in Novo Testamento omnia ferè pietatis officia sacrificii nomine interdum indigetari. Tum sub jicio, mortem Christi sacrificium quoque vocari, quod fuerit præcipua ejus pietatis pars, & quedam habeat sacrificiis similia.* Hic

Censor tam festinanter verba mea vertit, ut voces *ejus pietatis*, transtulerit *of that Religion*; quali ad Religionem Judaicam respexissem, cùm manifestò loquar de pietate Christi erga Patrem. Tum hinc colligit me statuere Christi sacrificium fuisse tantum sacrificium *metaphoricum & improprium*, ut faveam iis qui rejiciunt satisfactionem Christi. Sed quæ hæc est Dialectica? Illa actio Christi, quâ potissimum homines redemit, dicitur sacrificium, loquutione petitâ ex consuetudine Judæorum, quamvis per omnia non sit similis sacrificio. Ergo nos Christus non redemit. Ex qua revelatione novit noster, ut nos Christus redimeret, oportuisse eum mactari planè instar victimæ, absque ullo discrimine? Quomodo nobis etiam ostendet, in Christi morte, omnia fuisse quæ in sacrificio cernere erat? Sacerdos certè & victima non erat idem, victima mactabatur in loco sacro, sanguis ejus effundebatur ad basin altaris; multique alii ritus adhibebantur, quorum nullus, si propriè loquamur, in crucifixione Christi observatus est. At id minimè obstat quominus mors Christi vim sacrificij obtinuerit. Non est inutile, ut hoc norit Censor, observare in morte Christi non esse quærendas

das omnes sacrificii circumstantias ; quia, dum hoc fit , revelationi divinæ putida passim hominum commenta miscentur ; quale est eorum , qui imprudenter crucem aiunt altare fuisse ; cum nullum fuerit , aut esse potuerit in hoc sacrificio altare , à quo victimam consecrari oporteret : quemadmodum fiebat , in Leviticis Sacris. Sed hæc sunt omnibus nota , nec commemorarentur à me , nisi Cenfor noster ita loqueretur , quasi ea ignoraret. Quod verò ait id quod dico , de vocabulo *sacrificii* imposito morti Christi , nihil facere ad rem , de qua eo in loco *Artis Criticæ* agere cœperam , id expendendum Lectori relinquo ; non satis mihi est temporis , quod possim perdere , ut elementa Logicæ aut Grammaticæ subinde tradam.

Part. II. Sect. I. C. III. ostendi , ita ut nullum superesse possit dubium , licet summum Numen elohim dicatur ab Hebræis , attamen eam vocem denotare Deum , prout est colendus , *εὐλόγητος* , non naturam perfectissimam. Demonstravi etiam vocem *Jeûs* à Judæis Græcè loquentibus , à Gentilibus & Christianis ipsis eodem sensu usurpata ; quod non parum facit ad intelligenda innumera loca Veterum Scriptorum , sacrorum & profanorum , quæ alioquin obscuro-

obscurissima sunt. Res est manifestissima, & totius Capitis consilium iis, qui non sponte cæcutiunt, apertissimum. Rem quidem ipsam non oppugnat Anonymus Censor, quòd negari non possit, sitque doctissimorum virorum consensu firmata; sed divinat à me hæc eo consilio scripta, ut innuerem, *quamvis Servator noster possit esse objectum cultûs divini, attamen eum non esse Deum.* An ex animo loquatur nescio, nec volo de arcanis ejus cogitationibus judicium ferre: sed eum oro ne posthac ita se gerat erga alios. Nam velle arcana animi intelligere, non modò non est *modestum*, sed ne *sanum* quidem; atque in hoc negotio, eum toto cælo aberrasse moneo. Numquam existimavi Christum posse esse *objectum cultûs divini*, quamvis non esset Deus. Esset hæc mera Idololatria. Imò verò ne ipsi quidem Sociniani volunt Christum coli, quasi Deum summum, dum eum summum Numen non putant; sed tantùm eo cultu, qui debetur legato summi Dei. Legat Censor eorum libros, antequàm eos oppugnare aggrediatur; nec mihi tribuat quæ nec ego, nec quisquam alius cogitavit. Non est viri *modesti* ea carpere, quæ non intelligit; nec candidi, aliorum sententiâs pravè exponere.

Sequen-

Sequente Cap. IV. dixi me non existimare ullam esse Emphasin, in hac loquutione, *morte morieris*, Gen. II. 16. sed eâ significari simpliciter mortem; repudiavique sententiam & *Augustini*, qui nescio quæ genera mortis hîc quærit, & eorum, qui volunt eâ describi mortalitatem; quos dixi hanc loquutionem ita interpretari, *contra usum constantem Linguae Hebraicae*. Quid ad hæc noster? An contrarium usum esse ostendit? An probat me errasse? Nullâ ratione, sed contendit tantum me partibus favere; nimirum, Socinianorum; quasi desint doctissimi Interpretes, omnium partium, qui eam interpretationem rejiciant; quæ certè nullo exemplo potest defendi, sed infirmis dumtaxat ratiocinationibus. Præterea, ut hoc sciat Censor, quamvis mortalitatem hîc signari non existimem, non ideo dubito an ante peccatum immortalis fuerit Adamus, anve reverâ mortalis peccato sit factus; quod ex meo Commentario discere potuisset, ad Gen. III, 19.

In eodem Capite, *scribere in corde leges*, apud *Jeremiam*, non esse facere *necessariè* ut observentur, sed ut teneantur, absque ullo monitore, certissimis exemplis probavi, non modò Ethnicorum, sed *Pauli*
&

& *Josephi*. Ait Censor Fœdus Novum à Propheta signari, quod nuspiam negavi; tum addit hac loquutione significari virtute *Spiritus Sancti intellectus illustrari, & voluntates sic efficaciter affici, ut homines idonei fiant observandæ ei legi*. Sed quo exemplo, non dubio, hoc probat? Nullo. Nec certè posset, ut nec ineluctabilis illa efficacia, ullâ ratione Theologicâ, demonstrari queat. Ego verò exemplis *Pauli Rom. II, 15. & Josephi*, probavi non esse nimium urgendam eam loquutionem. De *Pauli* quidem verbis tacet Censor, negatque *Ethnicorum* exemplis quidquam probari; quasi hæc sola protulissem. In *Josephi* verò locis, ait inscriptionem legis animis, & conservationem ejus in hominum memoria, sibi diversa videri. Legat verò Lector ea loca, & mirabitur liberi hujus Censoris acumen.

Dixi hac loquutione *Lucæ Act. xvi, 14. Dominus aperuit ejus cor, ut attendere* iis quæ dicebantur à *Paulo*; aliud nihil significari, nisi divinâ providentiâ factum esse, quibuscumque tandem machinis usus sit Deus, ut *Lydia* attentè aurem praberet *Paulo*. Quod superioribus exemplis, satis constat. Nostro Censori mira primum videtur loquutio, quibuscumque tandem machi-

machinis usus sit Deus; quasi obscurum esset Latine scientibus loquutionem hanc esse tralatitiam, ac desumptam ex urbibus, quæ machinis oppugnantur. Quæ translatio mira non potest esse iis, qui apud Paulum 2. Cor. X, 14. legerunt, arma militiæ Apostolorum non fuisse carnalia, sed potentia Deo ad destructionem munitiorum. Quidni enim pari translatione vocem machinas adhibere queamus? Quis etiam paullò humanior ignorat optimos Scriptores Latinos, eâ voce, in eum sensum tralatitium, usos? Audiat Cenfor vel Cicero-nem in Ep. XVIII. ad Brutum, ita loquentem: ad reliquos hic quoque labor mihi accessit, ut omnes adhibeam machinas ad tennendum adolescentem. At scisne, bone vir, quæ sint illæ machinæ, quas Deus adhibuit, ad aperiendum cor Lydiæ, quandoquidem mentem meam clariùs non expressi in Critica? Fuere arma illa spiritusalia Pauli, quibus munitiones destruebat; Evangelium, nempe, quod aperit animos audientium, nisi culpâ suâ occludantur divinæ vocationi. Sic Judæi dicere solebant Lege sibi aperiri animum, ut te docebit Lud. Cappellus ad Luc. XXIV, 25. Afflatus quo Deus omnes Evangelium audientes afficiat, ut idonei fiant ad id, ut

par

par est, excipiendum, si velint; aut nonnullos tantum, quos ineluctabili efficacis permoveat, Scripturæ ignotus est; ut dudum viri longè doctissimi ostenderunt, quos Censor legat.

Quæ addit de ambiguitate vocum *redimere*, & *spiritus*, quam datâ operâ ostenderim, ut Socinianis patrocinarer; ea sunt repetitiones calumniæ, quam ad nauseam usque iterat. Non potest negare vera esse quæ dixi; at, ut famæ meæ detrahat, vult esse malo animo scripta. Oportuit, nimirum, ut homini placerem, non tantum me convitiari Socinianis; sed etiam mentiri aut Veritatem dissimulare, ut facilius expugnarentur, aut potius viderentur expugnari. Tum demum laudabile consilium dissimulationes omnes ac mendacia laude digna effecisset. Hæ sunt artes hominis sibi malè consciî, & acerrimè faventis causæ Socinianæ, dum eam oppugnare videtur simplicioribus. Qualis si non est animus Censoris, quod affirmare nolim; ita certè se gerit ut facile sit intellectu tam parum esse aptum conficiendo illi bello, quam aptus est detrahendo ac calumniando.

Capite VII. ostendi & quod Deus propriè esse Deos, qui institutione hominum sunt

sunt Dii, aut potius habentur. Attamen, ait Censor, ejusmodi fuit Servator, in-
quiunt Sociniani Magistri, Deus ex divina
institutione. Ergo hinc debuit colligere,
si sibi constare volebat, nequaquam fuisse
consilium meum, gratificari Socinianis;
quos tamen malè confert cum Ethnicis.

Capite VIII. significavi gratiam illam
ineluctabilem, quam tuetur Augustinus,
mihi non videri consentaneam Scripturæ,
nec eo verbo quidquam perspicuum signi-
ficari. Non probat contrarium noster,
sed mihi invidiam facere conatur, quòd
dixerim Augustinum esse popularem orato-
rem, sed Criticæ imperitum. Quasi res non
esset omnibus, qui ejus Opera legerunt,
notissima, aut ulli dubia! Facile credo à
nostro numquam esse lecta Augustini Ope-
ra, qua in re me æquiores ei præbeo,
quàm se ille mihi. Alioqui dicerem aut
Censori nullam esse Sacrarum Litterarum
tincturam, aut ferream frontem, qui au-
sit tribuere Augustino Criticæ peritiam,
& quidem sacra, (nam hic sermo est de
interpretatione Scripturæ) velitque invi-
diam facere mihi qui negarim. Pium &
eruditum Patrem vocat, quibus laudibus
ornavit Hammondum, quem contraria dog-
mata sequutum non ignorat. At in hoc
nego-

negotio, neque *piè* sensit *Augustinus* de Deo, neque *eruditè* scripsit. Majorem *pietatem*, aut *eruditionem* non ostendit, in Epistolis ad *Bonifacium* & *Vincentium*; ubi vexationem, Religionis causâ, acerrimè tuetur, & quidem absurdissimis argumentis. Primus ille, vel inter primos, effecit ut consecrarentur dogmata duo; quibus Deo & hominibus bonitas omnis & justitia detrahuntur. Altero enim inducitur Deus creans homines plerosque, ut eos damnet, æternisque poenis addicat, ob alienum, vel ineluctabilia peccata; altero verò adducuntur Magistratus, & quicumque summæ rerum præsumunt ad vexandos aliter de Religione sentientes. At prius illud dogma ferri possit, quia si quis temerè beatitudinis sedes occludat aliis hominibus, Deique bonitati ac justitiæ errore detrahat, modò ne dissentientes vexet, & cogat profiteri id quod sentit; plus sibi nocet, quàm aliis, cum Deus propterea minùs bonus non sit, nec minùs æquus. Verùm qui dissentientes malè habendos censet, is & sibi, & aliis & Veritati summopere officit. Ex homine fit fera, salutemque æternam hominibus, non feris, promissam amittit; vexat innocentes, innumerisque cala-

calamitatibus objicit; Veritatem denique si iis artibus tuetur, infamat; si oppugnat, rem omnium sanctissimam violat, & Deo Veritatis auctori bellum infert. Neque hic est inanis metus, de re numquam fortasse futura; non frustra veremur, ne *Augustini* auctoritas Christianos ad vexandos dissentientes adducat. Res ipsa jam contigit, florentissimi enim Regni Monarcha, in cujus Regno multæ myriades Reformatorum nuper vivebant, hoc potissimum auctore, permotus est ad ea in obsequentissimos parentum tentanda ac perpetranda, propter quæ tota Europa miserorum ac profugorum justissimis personuit querelis. Constat Regem, ceteroqui non inclementem, nullis artibus potuisse adduci, ut antiquaret præterita omnia edicta, in gratiam Reformatorum condita; utque sævitiâ militum uteretur, ad extorquendum illis adsensum, quem pravis rationibus exprimere iis non poterat Regni illius Clerus; nisi postquam illi prælectæ sunt Epistolæ memoratæ *Augustini*, quem, falsis laudibus deceptus, auctorem se turò sequi posse existimavit. Eat nunc Censor, & ægrè ferat de *Augustino* me vera ausum esse proloqui. Ita

loquor, qui non soleo, prout multi faciunt, calumniari quidem vivos, mentiri verò in gratiam mortuorum.

Censor contendit me, Cap. IX. ubi dixi à Philosophis & Theologis sæpe adhiberi voces nihil significantes, quarum interpretationem postulantibus nihil sani responderetur, cujus rei exempla attuli nomina *Transubstantiationis* & *Consubstantiationis*; intelligere etiam *Trinitatem*, aliàque capita eodem pertinentia. Nimirum, hic est *modestus* ille Censor, idemque *καρδιογυνος*, qui divinat quid alii cogitent, quamvis altissimo silentio presum. Si ego, ex ejus Scripto, conjecturam facere vellem, dicerem ab hoc homine non caritatem tantum sed & æquitatem ac veracitatem è numero Christianarum virtutum eliminari; quas singulis lineis conculcat. At malo credere eum affectu nescio quo peccare, & contra ea, quæ ipse habet sanctissima Religionis officia, eo præpeditum delinquere.

Interpretatio vocum *justitia Dei*, allata Cap. XII, 17. pro justis Dei præceptis, nihil habet affine cum peculiari-
bus Socinianorum dogmatibus, nisi in cerebro hominis qui videt quod nus-
piam

piam est, & cujus animo tantus est injectus Socinianorum terror, ut si quid increpuerit, eorum cohortes adesse illico putet. *Crullius* certè & *Schlichtingius*, illorum principili, planè aliter hunc locum interpretari sunt.

Cap. XIV. non dixi Joannem, de *Ratione æterna*, idem sensisse ac *Platonem*; sed tantum, *Platonico more*, vocasse Λόγον divinitatem, quæ in Christo habitat; subjecique superesse querendum an *Platonico sensu* eam vocem intellexisset Joannes, nec obscure significavi me existimare sub eadem voce diversas latere sententias. Dixi etiam, si *Platonico sensu* intelligenda ea vox esset, apud Joannem, tum verò esse transfugiendum ad *Arianos*; quod fieri oportere, ex sententia quam mihi attribuit *Censor*, nemo nisi *insanus* dixerit. At noster rimator hæresium oblitus est hîc, *Platonismum* seu *Arianismum* multum à *Socinianismo* distare. Nescit etiam, aut simulat se nescire à me initium Evangelii Joannis, sensu à *Platonismo* alieno, peculiari *Diatribâ*, explicatum fuisse. Quod dixi *Christianos omnes* multum hodie abire à sententia *Synodi Nicænæ*, id non ignorat posse ex *Anglicis libris* fati

Z 2

tis luculentè probari, ne Latinos memorem. Probè scit virum doctissimum R. *Cudworthum* probasse Nicænos Patres aliòsque existimasse tres hypostases esse, prout hodie loqueremur, tres pares Deos. Legat etiam Vitam *Gregorii* Nazianzeni, à nobis conscriptam, & Anglicè versam, si Gallicè nescit; & videbit *Gregorium*, sine dubio, in illa fuisse sententia. Res est adeò clara, ut in dubium revocari ampliùs nequeat ab iis, qui eam expenderint. Sed hac de re aliàs.

Capite X V I. improbavi mysticas & tumidas interpretationes ac *ὑποθέσεις* Veterum, quibus nulla subest ratio; easque etiamnum improbo, cum præstantissimis quibusque Interpretibus Scripturæ. Rhetoricas ratiocinationes, ex solo arbitrio dicentis pendentes, neque exigendas ad rectæ Rationis normam, non pluris facio, quàm Cenforis calumnias, ex cerebro ejus, talium ferace, natas. Ejusmodi est quod ait, me rejecisse Rhetoricas argutias Patrum; quòd credam omnia esse clara, in Religione Christiana, nullùmque mysterium admittendum. Qua de re, ne verbulum quidem in eo Capite; ubi sermo est de Rhetoricæ, easque inani;

ni; non de obscuritate, aut perspicuitate Religionis. Numquam credidi omnium, quæ revelata sunt, nobis claras ac plenas notiones obversari, ut satis ostendi, in 2. Parte *Artis Criticæ*, ubi egi de Notionibus *Claris & Adequatis*. Censori, qui arcanas animi cogitationes novit, nota esse oportuerat quæ scripsi in Opere, quod castigare aggressus est. Verum id legit dumtaxat ut morderet, non ut eo in rem suam uteretur.

Quod dictum est à me, de *Concretis & Abstractis* notionibus Part. II. C. 5. relegat Censor, sedatiore animo; & videbit, non sine gravissima ratione, me *Synodorum* nomina esse idearum abstractarum vocabula dixisse; cum iis à multis tribuantur, quæ iis inesse debuerant, non quæ reverà inerant, ut augeatur illarum auctoritas in perniciem Religionis. Vel *Synodus Tridentina* ejus observationis necessitatem ostendere queat. Verum hæc monita sunt, in gratiam veri amantium scripta; non eorum, qui quidvis defendere aut oppugnare parati sunt, si proponantur illis præmia.

Ejusdem Partis Cap. VIII. dixi non omnibus eandem esse Dei notionem, sed aliis ampliorem & nobiliorem; aliis contractiorem,

tractiorem, aut demissiorem; cujus rei exempla manifestissima protuli, & quae propemodam inutilia esse putabam, quia nemo, cui sit aliqua generis humani vel minima cognitio, ea de re dubitare possit. At noster Censor neque intellexit quod dixi, neque semet ipse; quandoquidem has de Deo *parum* ~~seu minus~~ *cogitationes* esse vult. Illi ~~denique~~ *denique* ~~parum~~ *parum* reverenter de Deo sentiunt, ~~non utuntur~~ *non utuntur* qui Idola colunt, sed & qui postquam *spontanea* Veritate, & concutata omnia aiquitate ac caritate, homines Dei timenotes infamare conati sunt, putant se de Religione ac de Patria bene meritos esse, & sibi propterea census illos deberi; quos in gratiam bonorum & eruditorum virorum, non calumniatorum, condidit olim pietas Christiana.

Postea mihi exprobrat Censor, quod recensuerim in Parte III. varia loca Novi Testamenti, in quibus sermo est de Christo, in antiquis Codicibus a malis hominibus corrupta; seu illi bene, seu male de Christo senserint; quod non quaesivi, uti nec ullum consecutum, quod ad doctrinam ullam Theologicam pertineat, indidem deduxi. Noster quidem non ostendit in illis Codicibus nihil esse variatum,

riatum, neque enim potest; sed in malam partem hæc omnia interpretatur, ut solet. Quid ipse hinc de rebus sentiat ignoro, nec meâ scire interest; sed profectò causam, quam meliorem esse ait, ita hic & alibi defendit, ut solent desperatissimæ causæ defendi; hoc est, veritatem occultando, & invidia quam maximâ in eos, qui eam patefaciunt, concitât. Quod an honorificum sit partibus viderit ipse, viderint ii quibus ea curatio est attributa.

Tandem claudat iniquissimas criminationes, observatione, quæ confutandis fermè omnibus quæ dixit aperissima est. Ait, nimirum, nec nihil novi in gratiam Socinianorum protulisse circa ea loca, nec conatum esse confutare clarissimos Episcopos *Joan. Pearsonium*, & *Eduard. Stillingfleetum*. Hinc verò cum colligere oportuit, mihi fuisse aliud consilium; & quod non aliter exsequutus fuisset quàm feci, si nulli umquam fuissent in rerum natura Sociniani. Ostendere, nempe, tantum volui usum Criticæ, in rebus majoris momenti, nec à scopo meo, nisi fallor, aberravi. Cetera quæ habet noster, aut jam sunt confutata, aut minimè digna quibus amplius immoremur.

Hæc dicenda habui, Vir Optime, de *Hammondo*, deque *Critica* mea, quæ edi volui ut hæc consiliorum meorum testificatio exstaret, non ut ferram contentionis reciprocarem cum Censore; qui nisi à me dictis ad sapiorem mentem revoce-
tur, nullis confutationibus afficeretur. Rationem nunc criminationum suarum, apud se, subducatur; nec speret Deum sibi propitium fore, nisi indignissimi homine Christiano facinoris pœnitentiam agat; quod sic amico animo à me ei dicitur, ut Deum, precibus minimè fucatis, orem, ne hoc ei velit imputare, sed ut cum potius ad bonam mentem reducat. Vale, Vir Amicissime, & nos perge, ut facis, amare.

*Dabam Amstelodami a. d. VIII. Calend.
Februar. CIO ICQ XCIX.*

DIS-

DISSERTATIO ETHICA,

in qua solvitur hoc Problema,

AN SEMPER RESPONDENDUM SIT
CALUMNIIS THEOLOGORUM?

Ad Clarissimum Virum

PHILIPPUM LIMBURGIUM

S. Theologiæ Professore.

- I. *Quid debeamus veritati.* II. *An quotiescumque scriptis oppugnatur, sit iisdem armis defendenda. Esse interdum defendendam, interdum tacendum.* III. *Cum ratio tacendum suadet, Eristica Scripta non prodesse Auctori.* IV. *Non prodesse aliis, ac præsertim posteris.* V. *Deo semper non esse grata, ut nec contentiosum animum.*

CUM diebus hisce lectitarem viri summi
Des. Erasmi Apologias, ut animum aliis
laboribus fessum reficerem; miserebat me,
Vir

Vir Clarissime, fortis optimi ac doctissimi hominis, qui eâ ætate, quâ expectare suo jure poterat gratiarum actiones à Theologis, quibus per multos annos prodesse conatus erat, necesse habebat se se contra eorum calumnias, tot editis voluminibus, tueri. Ejus singulare ingenium atque eruditionem minimè vulgarem semper admiratus, ac exosculatus, vix poteram non indignari importunis illis atque ingratis hominibus, qui malè exercitam tanti viri senectam habuerant. Cum eorum dotes & merita in Rempublicam Christianam comparabam cum eximiis illis ornamentis, & ingenii, & doctrinæ, quæ in *Erasum* largâ manu contulerat Deus, & cum acutis juxta ac doctis ejus libris; tantum mihi videbatur esse discrimen, inter eorum inania molimina, & quæ ille feliciter præstiterat, ut ullo ejus responso prorsus indigni fuisse à me judicarentur. Attamen cum prava judicia, non modò vulgi, sed etiam eorum, qui in Ecclesiis Christianis summi erant, illo tempore, dignationis, pensitarem; existimabam homini non defuisse graves rationes, quibus ad tot condendas Apologias adductus fuisset. Tum verò incipiebam etiam irasci Proceribus illis Ecclesiasticis;

ficiis; quorum gratiâ ne excideret, co-
 ens fuit, non gladio quidem, sed calamo
 veluti armatus ambulare, eoque paratq
 ad confodiendos omnis generis calumnia-
 tores. Ubi in Civili Societate, Magistra-
 tus hanc sibi curam impositam esse intel-
 ligit, ne fures & latrones in civium in-
 nocentium fortunas ac capita impune
 grassentur: censebam eos, qui Ecclesiâ
 hica Societati praeerant, debuisse cavere,
 ne qui his parebant stylo favirent in exi-
 stimationem bonorum, ac praesertim be-
 ne de Theologia Christiana meritum.
 Sed contra tunc temporis accidebat, ut
 delatoribus, invito alias hominum gene-
 ri, si non praemium propositum, at certe
 impunitatis esset paratum asyllum, & sæ-
 pe etiam fama rectè sentientium acquire-
 retur. Poterant Mendacii ac Calumniae
 diri satellites, absque nullo metu, & cum
 aliqua etiam spe famae, operantes quosque
 & doctissimos feroci stylo invadere. Sed
 quod deterius erat, non licebat viris om-
 ni eruditionis genere ornatissimis, sine
 periculo, vitia Reipublicae Christianae vel
 minimum attingere; imò ne contra dela-
 tores quidem sese satis liberè tueri. Quod
 si tacerent, silentium vitio vertebatur;
 quasi fuisset iudicium animi malè sibi
 con-

conscii. Infelicia profecto tempora, quibus nec loqui sæculo suo fidelia consilia præbentibus, nec filere injuriâ laceffitibus uspiam licebat! Infelices Sacrarum Litterarum ac Veritatis amantes, quibus hæc reponebatur gratia, pro laboribus exantlatis; ut cum ignavis ac invidis tandem componerentur, utque bene secum agi putarent, si calumniatoribus minimè posthaberentur! Infelicem denique excogitandi ac scribendi facultatem, vigiliis innumeris comparatam, quàm magis ad propulsandas calumnias, quàm ad Veritatis illustrationem uti cogeabantur!

Cùm hæc aliquamdiu mecum reputassem, veluti oblitus nostræ hujusce ætatis, quâ mutatis personis eadem passim fabula agitur; tandem animum subiit id problema, quod non ita pridem me singulari Dissertatione solvere aliquando velle dicebam, *an semper respondendum sit calumniis Theologorum*. Quam pollicitationem meam differre amplius nolui, cùm præsertim Tibi, Vir Reverende, homini ab omnibus rixis naturâ alienissimo, & paci peculiari nomine addicto, ob Theologiam quam profiteris, subeunda fuerit nuper certatio cum Theologo bello gerendo nato atque adsueto; & mihi cum eodem, aliisque

aliisq; manus sit propemodum quotidie conferenda, si velim provocantibus pugnae copiam facere. Ad ea enim tempora pervenisse me sentio, quibus non tam copiarum quas Adversariis opponam, hoc est, responsionum atque argumentorum, delectus est mihi habendus; quam Adversariorum ipsorum, quibus reponam. Quod contingit gruibus, atque anseribus, ut ave unâ clangere incipiente, multæ aliæ, concentu incondito, clangorem subitum edant: id ego, paucis ab hinc annis, expertus sum ab hominibus, quos alia omnia magis decerent, ne quid de se deterius dictum à me querantur. Eorum nomina nec infamabo, gravioribus criminationibus; nec famæ tradam, frequenti commemoratione. Eos *fama obscura recondat*, per me licet; si modò per eos, vice versâ, mihi fas sit proferre rationes cur singulis ejus indolis hominibus, respondendum semper mihi fuisse non existimarim, quod hac Dissertatione aggredior.

I. Cùm agamus hîc de Calumniis Theologicis, quibus impetuntur homines litterati, propter Scripta edita ad propagationem, vel illustrationem Veritatis; ante omnia videndum quid Veritati debeamus,

mus, hinc enim intelligere licebit, quâ ratione & nos & illam contra calumniatores quàm optime defendere possimus. Consentiunt omnes, Veritates ad res sacras pertinentes esse ab iis, qui Sacrarum Litterarum studiosi sunt, diligenter investigandas; seu ex sint ejus generis, ut sine iis Religio constare non possit; seu faciant tantum ad ejus illustrationem, quamvis iis ignotis non minùs staret. Nemo non fatetur eandem esse rationem Veritatis, ad cujus cognitionem homines labore atque industriâ pervenire possunt, gradu factò ab iis quæ norunt ad ea quæ ignorant; ac talentorum illorum Evangelicorum, quæ à patrono peregrè profecto, libertis committebantur ut ea, ope mercaturæ, novâ pecuniæ accessione augerent. Indigni sunt, nimirum, revelatione Veritatis, qui ejus pretium ignorant; nec proinde eam, avidis mentis oculis, undequaque lustrant ac circumspiciunt, ejusque recessus omnes, quatenus licet, non considerant. Ideoque qui cœlitus revelatam Veritatem non colunt, neque animo subinde contemplantur, ut in dies splendidior atque amplior ei obversetur, tandem, ut ignavi liberti talentis, iis ipsis, quæ antea norant, paulatim

tim

tum destituuntur, Veritatique neglecta succedit turpis Ignorantia.

Hæc cum à nemine in dubium revocentur, pluribus verbis à me non diducuntur. Hoc quoque, quasi compertum, adsumere posse mihi videor; Veritatem inventam, sive sit necessaria, sive conducat ad necessariæ Veritatis illustrationem, esse cum aliis communicandam. Ideo enim nati sumus, ut nobis invicem proficimus; quâ antem magis prodesse aliis possimus, quàm si eos doceamus id quod necesse est ab iis sciri, ut beatitudinem æternam consequantur, aut certè id quo ejusmodi cognitio planior atque illustrior fiat. Hæc est *lux*, quam *modio subijci* vetat Christus; jubetque *candelabro imponi*, ut ab omnibus conspiciatur. Eò spectant labores Prophetarum, Apostolorum, Evangelistarum, & omnium, quotquot unquam fuere, Theologorum, qui vitam in aliis docendis trivere.

II. Cum non possint non laudari quicumque Veritatis à se inventæ participes alios faciunt; hoc unum nunc querimus, si contingat ab hominibus cæcis atque ingratis Veritatem sibi oblatam oppugnari, ejusque defensores convitiis propterea proscindi; an hi semper necesse habeant

habeant & se & Veritatem Scriptis contrariis tueri, adeò ut si tacuerint officio defuisse videri queant, aut ab adversariis meritorè reprehendi. Existimamus interdum calamum esse arripiendum, interdum satius esse tacere, pro varietate circumstantiarum; & tria quidem potissimum esse, quibus adduci queamus ad bellum illud chartaceum gerendum; quæ si absint, nulla causa est cur non potius taceamus. Primum est si oppugnata Veritas (quam alicujus momenti esse statuimus) nobis tacentibus oblivioni mandaretur, aut non satis ab ejus alioquin amantibus intelligeretur. Tum verò studium propagandi Veri, atque ad posteros, quatenus licet, transmittendi hoc à nobis postulat, ut calumnias confutemus, Veritatè que in quàm splendidissima luce collocatam, veluti sacram lampadem nobis in eodem munere successuris fideliter tradamus. At si jam ita sit illustrata Veritas, omnibùsque suis ornamentis, quibus à Mendacio discernitur, ita instructa prodierit, & tam latè sparsa sit, ut tantùm absit, ut extinguì queat, ut ne obscurari quidem, nisi apud ejus inimicos, possit; nihil est cur propterea tempus terant Veritatis studiofi, in discutienda tenebricosorum libellorum

rum caligine; nisi aliæ sint scribendi rationes, quas postea indicabimus. Errorum illi fumi, quibus homunciones conantur aliis conspectum Veritatis interceptare, brevi evanescent, neglectis, aut reiectis mendaciis; lux verò Veritatis, æternæ atque immutabilis, oculos spectantium iterum perstringet. Quæ de re, postea dicemus.

Altera reponendi calumniis causa est, si iis retusis, spes sit à pluribus Veritatem agnitam iri. Quæ spes non debet esse temerè concepta, ac potius à cupiditate profecta, quàm ex certa cognitione affectionis præsentis animorum. Nam, ut ille ait, * *quæ volumus & credimus libenter; & quæ sentimus, reliquos sentire speramus.* Quod eò observo, ne homines contendendi cupidiores, affectui suo eam spem semper prætexant; neque umquam inveniant eas rerum circumstantias, quæ eis silentium persuadere queant. Non possumus autem sperare fore ut plures Veritatem amplectantur, si eam tueamur contra calumniam, nisi quando nobis certò constat, per solam illam calumniam, stare ne Veritas pluribus probetur; quod tum demum liquet, cum aliis nullis affe-

Tom. III. A a etibus

* *Cæsar de B. G. Lib. II, c. 27.*

cibus homines præpediuntur ne Veritatem videant, visamque ament, atque amplexentur. At si, confutatâ calumniâ, validiores, ac pertinaciores affectus super sint vincendi, negligenda est criminatio, quâ dilutâ, neminis animus Veritati conciliabitur; nisi fortè alia subsit scribendi causa, qualis est ea quam primo loco attulimus, aut ea quam tertio proferemus.

Hæc autem est, si quis bonus vir, res, aut existimatio ejus grave detrimentum patiantur, si sileat, aut responsum nimis differat; quod detrimentum vitetur aut refarciatur, confutatione calumniæ. Si vir prudens judices innocentiam non aliter commodius posse defendi, nec sine successu defensum iri, eo modo; non tantum jus, falsque est ad calammum confugere, seque eo tueri, ut virum bonum decet; sed etiam legitima sui & suorum defensio id postulat. Verum hinc quoque non facile credendum est, quavis calumnias rei, existimationi, aut capiti bonorum esse noxias; sed postquam fuerint accuratè expensæ, detrimentumque sentiri cœperit. Alioqui nullæ calumniæ non noxiæ judicarentur, omnibusque esset necessariò aliquid reponendum. Si quis

quis ergo absurdis obtreptionibus impetatur, quas res ipsæ, quas spectata hominis virtus, quas Scripta ejus dudum nota, ac intellectu facilia retundant; nihil opus est inutilem confutandi laborem ab eo suscipi; nisi superiores causæ eum ad scribendum adducant.

Hiscæ diligenter apud se pensatis, loquetur, aut tacebit vir ille bonus, ac eruditus,

Cui caritate temperata libertas

Certat manere dissidentibus concors;

Piaque purus æquitatis affectus,

Damnatus aliis, ipse neminem damnat;

Modestiaque limitem premens donat

NUNC VERBA VERO, NUNC SILENTIUM PACI.

Agnoscis eximios versus maximi viri *Hug. Grotii*, ex *Epicedio Carminis* in mortem celeberrimi ac mitissimi ingenii Theologi *Jac. Arminii*.

Discipulus ejus, Magistro major, Simon *Episcopus* vixit iis temporibus, quibus necesse habuit & Latinâ & Belgicâ Linguâ maledica & Veritati contumeliosa Scripta confutare; quia nec verissima dogmata, quæ tuebatur, à se potissimum

in lucem revocata, satis nota erant; nec deerat spes plures eorum cognitione perfundendi, quæ sanè eum minimè fefellit; nec exiguum erat periculum, ne ipsum, aliòsque optimos viros similia sentientes, nondum satis notos calumnia opprimeret. Sic extorta illi necessitiò plurima illa Scripta Eristica, quibus, si hodie etiamnum viveret, neque ipse, neque alii indigerent. Itaque sine dubio calumnias omnes sperneret, & in tranquilla Veritatis investigatione, atque explicatione vitam ageret. Norat virum bonum numquam rixari, nisi invitum, nec ad inutilia certamina sponte suâ umquam descendisset. Postquàm per universam Europam lætitantur cùm summi illius viri, tum etiam optimorum & doctissimorum hominum *Steph. Curcellai*, *Arnoldi Poëmburgii*, & tua, Vir Clarissime, Scripta, nento nisi prorsus indoctus potest ignorare quæ sit Remonstrantium doctrina, nec cuiusquam existimatio propterea ampliùs periclitatur. Quamobrem securè possumus spernere pleraque adversariorum Scripta, quæ hodie in lucem prodeunt, sùntque, si ita loqui fas est, antequàm componerentur, solâ expositione contrariæ Veritatis pulcherrimè dudum confutata.

Quòd

Quòd si exempla quæramus, ex quibus liqueat, nisi quæpiam ex memoratis subfit causis, negligendas esse calumnias; primum omnium se se animi nostri oculis objiciet absolutissimum sanctitatis exemplar Jesus Christus; qui Judæorum criminationes, quamquam moriturus, confutare noluit. Norat, nimirum, ea quæ docuerat numquam esse ex hominum memoria delenda. Sciebat, quæcumque diceret, neminem ex Synedris ad ei fidem habendam adductum iri. Mala denique quæ à Judæis perpetiebatur, in humani generis salutem statuerat pati; cum præsertim longè maximæ præmia sibi, apud Patrem, reposita esse sciret. Igitur cum videret Judæos nec Veritati, nec sibi nocere posse; nec apud Synedrium, nec apud Pilatum causam suam operosè agere voluit. Quidni igitur & nos, quatenus licet & longo intervallo, *Ducem salutis nostræ* sequuti, si similes sint circumstantiæ, id exemplum imitemur?

Ne quis verò dicat tantum esse inter se & Christum discrimen, ut mirari quidem eum possit, sequi verò hac in re non possit; intueatur mihi Socratem, Ethnicum Philosophum, suspicantem dumtaxat

xat esse alteram, post hanc vitam, in qua boni à Numine præmia acciperent. Is cùm existimaret se per totam vitam Veritatem factis & dictis satis animosè docuisse ac defendisse, ita ut è memoria discipulorum & familiarium suorum nunquam esset elapsura; cùmque videret oratoriâ defensione non magis commotum iri iudices, quàm commoti fuerant integerrimâ vitâ, pulcherrimisque sermonibus, quos audire potuerant quicumque voluerant; ad saniozem mentem eos revocare frustra non tentavit, nec submissâ oratione flectere in casum conatus est. Si non prorsus conticuit, at ita in iudicio pro se ipse dixit, ut non supplex aut reus, sed magister aut dominus videretur esse iudicum; ut rectè observavit M. Tullius Lib. I. de Oratore, c. 54. ubi & alia hanc in rem leguntur.

III. MEMORATIS causis repellendæ Scriptis calumniæ, quæ si absint, satiùs esse tacere contendimus; nunc particulatim recensēbimus causas silendi, in quas potissimùm in hac Dissertatione inquirere statuimus. Existimamus igitur, nisi si quæ sint loquendi causæ, ex iis quas attigimus, Eristica Scripta nec Auctori apud homines, nec aliis prodesse, nec Deo deni-

denique placere; quæ utique nisi sint sat graves tacendi causæ, numquam erit ulla de ratione silendum. Certè non possunt esse, nisi duo genera occupationum; quibus, sine probro, distineamur. Aliæ pertinent ad officia utilia aut necessaria vitæ, sive ad corpus respiciant sive ad mentem, quæ singillatim recensere, aut in sua genera partiri non est hujus loci. Aliæ verò sunt relaxationes animi, aut corporis, quibus reficiantur necesse est, ut solitos diutius ferre possint labores. Ut priores ejusmodi sunt, ut non possit non vituperari quisquis aliquam earum partem in sui, aliorumque utilitatem non suscipit; sic posteriorum is debet esse modus, qui satis sit fini, propter quem institutæ sunt; non verò tam frequens usus ut maxima vitæ pars in iis teratur, quod nimis sæpe fieri videmus. Tunc enim non sunt *diverticula*, ut vulgò solent vocari in hodiernis Linguis, sed perpetuæ ac maximæ aberrationes, quibus totâ viarum regione errantes numquam ad finem humanæ vitæ propositum perveniunt.

Ad utrum verò genus occupationum possemus referre laborem inutilem, qualem esse cum statuimus, quo confutatur absurda calumniæ, & quæ sponte sua

corruunt? Non est necessarius labor, aut utilis corpori, vel animo. Non est etiam remissio ingenii; quâ ejus vires refocil-
lentur, corpûsve fessum recreetur; nisi
quis eâ sit indole, quam alienorum vi-
tiorum inutilis propalatio & infectatio
delectent; quæ indoles ut emendetur
danda sine dubio opera est, non foven-
da & confirmanda perpetuis rixis. Igi-
tur est nobis ab inutilibus concertatio-
nibus abstinendum; vel quia sunt inuti-
les, si aliud nihil in iis posset reprehen-
di; cùm sint longè plurâ in eo vitæ in-
stituto carpenda, ut in sequentibus de-
monstrabo.

IV. Ut incipiam à nobis ipsis, osten-
dâmq; parum nobis futilium calumnia-
rum confutationem prodesse; dubium
esse nequit, quin beatitudo, quam in
hisce terris adsequi possumus, sita sit in
ἀταραξία, hoc est, in tranquillitate ani-
mi futuram alterius vitæ beatitudinem,
ex norma Evangelica, sperantis atque
expectantis, eâque quanta maxima esse
potest. Nos quidem Evangelium muta-
tos non vult in stipites, aut immunes
esse ab omnibus affectibus, uti nec Ra-
tio; at nos in malis hujus vitæ ita so-
lantur, ut ab officio nos recedere nul-
la

la de ratione patiantur, utque propter futuræ vitæ spem omnia hujusce malâ æquo animo feramus. Turbatur quidem calamitatibus, incommodisque, sed ita ut paullò pòst ad se redeat, alacritérque & animosè Evangelio parère pergat, nec umquam minoris faciat spem felicitatis ex ejus promissis conceptam. Majus multò est gaudium quod ex ea spe, conscientiaque virtutis nascitur; quàm quod ex aliis ullis rebus oriri queat. Firmiter id est constantiusque, ac totius vitæ tempore, in secundis, in adversis, affectibus omnibus moderatur. Non patitur nos insolescere vitæ hujus bonis, quæ parvi facit; nec deprimi, si res minùs ex voto fluant; quia non aliter optare nos finitres secundiores, nisi prout consentire possunt cum beata illa spe quam dixi. Hæc est *ἀναγκή* Evangelica; ad quam adspirare nos omnes par est, & cui nihil est, in hisce terris quod possit æquiparari.

Igitur quæcumque ad finem illum ducere nos possunt, ea sunt nobis anquirenda, ac inventa diligenter excolenda; quæ verò nos ab eo revocant, impediuntque ne eum consequamur vitanda, ac studiosè fugienda sunt. Quis autem dubitet quin frequentior propulsandarum
etiam

etiam calumniarum consuetudo affectus incendat, animúmque dolore, irâ, aliisque perturbationibus urat, quibus ab illa *ἀταξία* planè excidimus? Quis possit sine ira repellere inimicorum tela? Quis sine dolore, animo verset convitia & calumnias, etiam cùm ab iis nihil sibi timet? Nemo est ita ferreus, ut hisce cogitationibus minimè afficiatur. Itaque tranquillitatis cupidis sunt animo planè ejiciendæ, negligendæque omnes inanes calumniæ, quandoquidem sine tranquillitatis, omnium rerum pretiosissimæ, jactura, nequeunt confutari.

Quare verò convitia propulsamus? Nimirum, ne nobis noceant, impediântque quominus tranquillam vitam agamus. At si propulsatio ipsa contumeliarum magis obsit tranquillitati animi, quàm earum neglectus; an dubitabimus id demum esse eligendum, quod minùs animum perturbat? Felicitatem cùm sectemur, an alemus affectus, qui cum felicitate consistere nequeunt?

Vixit nuper in Gallia * vir summi ingenii, ac singularis eloquentiæ, qui à prima adolescentia oppugnavit potentissimam Societatem, cui, ut ipse loquebatur,

* *Antonius Arnaldus.*

tur; per omnes terras sparsæ plura sunt ora quàm Famæ, ejusque in se acerrimè concitatæ, & implacabiliter indignantis tela postea, quoad vixit, repellere conatus est. Is à se quidem Veritatem defendi putabat, quamobrem sibi gratulabatur. Existimabat etiam sibi necesse esse famam suam adversus eos, quos irritaverat, tueri, ne eorum maledicta sibi nocerent. Itaque per totam vitam scriptitavit, ut confutaret ea quæ à Societate illa sibi obiciebantur. Statuamus ab illo Veritatem defensam, concedamúsque eorum, quorum ab Adversariis infimulabatur, reum non fuisse. Attamen illo vitæ instituto planè excidit tranquillitate animi, quæ ei multò plurius esse debebat, quàm nonnulla existimationis jactura. Vitam longam exegit in perpetuis fermè Scriptis, contra eam Societatem, aut in sui defensionem edendis; eodémque animo, quo eam adortus erat, in alios diversissimi generis homines pugnacem calumum strinxit, & tela etiam eorum declinare vice versâ coactus est. Igitur vitam in inferendo aut defendendo bello cum absumit, iræ usque ad eò addictus fuit, vix ut ullum Opus nisi felle tinctum ab eo prodierit. Quis verò invidet ei animi af-

affectioni, ac non potius malit *ἀναισθη-
σίᾳ* aliquā laborare, quā tetrissimi affe-
ctus ludibrium esse; quamvis ceteroqui
secunda omnia experirentur qui eo labo-
rarent, quod rarò contingit & ei qui-
dem, quem diximus, minimè omnium
accidit?

Ne ergo dum timemus jacturam levio-
rem, multò majorem faciamus, inani
quodam timore, aut alio simili affectu de-
cepti. At mihi hīc videor audire aliquem
dicentem tranquillitatem quidem animi
nonnihil turbari, dum intentus est pro-
pulsandæ calumniæ, de qua sine commo-
tione vix possumus cogitare; at ex ejus
propulsatione, quamvis non planè neces-
saria, famam acquiri, aut ab inimicis
commaculatam purgari. Contrà si ta-
ceamus, multos fore qui malè de nobis
sentiant, silentiūque nostrum quasi ta-
citam confessionem objectorum criminum
interpretentur; quæ si diluere possemus,
numquam verba nobis deessent.

Verū hīc est inanis prorsus timor,
quis enim, ut à postrema ratione inci-
piam, nescit homini non prorsus stupido
numquam deesse verba, quibus bonam
causam tueatur; cū quotidie videamus
desperatas causas, summā audaciā, &
maxi-

maximâ verborum copiâ, defendi? Quis ignorat chartam minimè erubescere, & in ejusmodi certaminibus, quæ Scriptis editis fiunt, omitti ac dici quidquid videtur, prout causa postulat? Quæ cum ita sint, nemo dubitare queat, non dicam bonam causam, sed etiam dubiam perfacile posse defendi. Nihil certè vetat, si boni possent hoc à se impetrare, pro convitiis temerè jactatis, opponi nomina verorum vitiorum, quibus laborant ii qui innocentium famam proscindunt. Rectè sanè Æneas * Homericus reponit Achilli contumeliosis verbis eum alloquuto; *utrique permulta esse convitia quæ sibi oggerent, & quorum pondus, si talibus pondus esset, ne centum quidem transfroriarum navis tolleret; volubilem esse linguam mortalibus, multosque omnis generis sermones, ac ingentem profusionem verborum hinc atque illinc; & quale dixerint verbum, tale etiam audituros:*

Ἔστι γὰρ ἀμφοτέροισιν ὀνείδεα μυθήσασθαι
Ποικαί μάλ' ἔδ' ἂν νηὺς ἑκατόνζυγος ἄχθου
ἄροισιν·

Στρεπτή γ' ὅ γλῶσσαι ἐστὶ βροτῶν, πολλές δ'
ἐνὶ μῦθοι,

Παν-

Iliad. γ, 246.

Παντοῖσι ἐπέκειν ὃ πολὺς νομὸς ἔνθα καὶ
ἔσθαι.

Ὁ πρῶτον καὶ ἀπῆλθα ἐκ τούτου, πῶς καὶ ἐπα-
κρίσεις.

Nemo igitur , qui non prorsus desipiat , existimarit ideo taceri , quòd verba reis desint ; præsertim quando in rixis esset consensendum. Dixi , ab initio hujusce Dissertationis , necessariam defensionem sui non esse negligendam ; sed necessaria non est , quotiescumque Adversariis videbitur jam confutatas criminationes denuò objicere. Semel crimine probè diluto , non opus est continuò dicta repeti , cùm malevolus id iterum iterumque objecit. Imò verò tantùm abest ut qui singulis criminationibus , aut calumniatoribus accuratè respondet , famam suam augeat , ut contrà , quamvis prior laceffitus , jurgiorum ac rixarum amans vulgò habeatur. Sæpe vidimus celebres Adversarios magnâ hominum expectatione certamen inire , eorùmque adversaria Scripta , quæ prima prodierant studiosè lectitari ; sed cùm rixari diutius pergerent , omnium animos à spectaculo tam tetro aversos , liberosque

Deferrè

* *Deferrî in vicum vendentem thus &
odores,
Et piper, & quidquid chartis amicitur
ineptis.*

Sic quod ab ira sua non poterant edo-
ceri pugnaces animi, id à fastidio emto-
rum & lectorum inviti tandem didice-
runt. Quantò satius est Lectores judica-
re, potuisse permulta dici ab homine rixa-
rum nequaquam amante, quæ datâ ope-
râ ab eo omiſſa ſint, quàm multis actum
id quod poterat ſemel & paucis expedi-
ri? Quantò optabilius eſt famam homi-
nis litterati otii amanti adipiſci, quàm
hominis jurgioſi atque otio ſuo ad rixan-
dum abuſentis?

Sed poſſunt omnia Adverſariorum tela
non ſilentio tantùm retundi, verùm etiam
verbis, quamquam aliò ſpectantibus,
cum plauſu atque laudibus omnium bo-
norum; ſi, nimirum, dum ii qui nullâ,
aut exiguâ operâ Rempublicam littera-
riam juvare poſſunt, eos convitiis lace-
rant; eam labore quopiam utili deme-
reantur, & ex quo liqueat eos tales ne-
quaquam eſſe, quales eos cuperent Ad-
verſarii

* *Hor. Ep. I. Lib. II. Ep. 7. 269.*

veriarum haberi. Multò magis famæ suæ consulit quisquis utilibus laboribus incumbit, in quibus nihil est quod quemquam lædat, sed multa quæ plerisque usui esse possint. Multò melius meriti sunt de Republica Litteraria, qui ejusmodi Operibus eam instruxerunt; quàm qui sexcentos calumniatores confoderunt, famamque suam acerrimè contrà omnes, multisque voluminibus defenderunt. Ideoque prioribus palma tandem sine dubio defertur.

Norunt omnes, quibus paulò notior est historia, pessimas causas, non rarò eloquentissimè & speciosissimè defensas; ita ut ejusmodi defensiones admodum ambiguum sint justitiæ argumentum. Imò quotidie, inter dissidentes Christianos, videmus controversias agitari eo acumine, eaque eloquentiâ & universo eruditionis exquisitæ apparatu, tam ab iis qui in errore versantur, quàm à Veritatis patronis; ut si ex illis externis subsidiiis judicium ferretur, sæpe Mendacium Veritati par, aut superius eâ judicaretur. Fuisset quidem optandum *numquam rebus ipsis apud homines, plus linguam posse, sed si quis fecisset benè, eum demum benè dicere; & ejus qui mala fecisset sermones esse malos,*

nec

*nec umquam posse injusta ullum benè tueri.**

— Ἀνθρώποισιν οὐκ ἐχρίω ποτέ
 Τῶν περὶ μαμάτων ἢ γλῶσσαν ἰαγύειν πλεόν,
 Ἀλλ' εἴ τε χρεῖς' ἐδέξατο, χρεῖς' ἐδέξαι λέγειν.
 Εἴτ' αὖ πονηρὸν, τὰς λόγους εἶναι σαθεὲς,
 Καὶ μὴ δυνάσθαι τὰ δίκ' οὐ λέγειν ποτέ.

Verum non ita cum humano genere agitur, ut semper verba factis sint consentanea. Quare meliore fama dignus erit, qui & moribus bonum virum se præstabit, & Scriptis operam dabit, ut homines adducat ad parendum sanctissimis Christi præceptis, atque ab eo felicitatem eâ lege exspectandam, quam ipse nobis tulit; nec à pulcherrimo proposito ullis contumeliis poterit umquam deduci. Sibi suisque privatis utilitatibus servit quisquis, pro sola sua existimatione, adversus maledicos decertat; at Reipublicæ servit, quisquis, posthabitis suis commodis, ea docet quæ omnibus prodesse possint. Nec omnes, mihi crede, experitur ingratos erga suos labores quisquis eo animo Litteris Sacris aut profanis illustrandis insudat; permulti sunt, qui gratias illi habent statim ac ejus opera vident,

Tom. III. B b dent,

* Ex Euripidis *Hecuba*.

dent, sed plures & graviores aget posteritas. Posteriore quidem hoc solatio frui vivus, apud homines non potest, quia gratias olim ei habituri nondum sunt nati, cum de iis benè meretur; sed summus ille humanæ Societatis auctor & vindex, qui ea sibi imputari voluit, quæ ob ejus præcepta, hominibus bene fiunt, gratias refert, statim ac eos ad meliorem vitam evocavit. Verùm hîc de hominibus tantùm constituimus loqui, quorum optimi quique censuerunt breviter & semel, ubi necesse fuit, confutatâ calumniâ, silentium sibi imponendum, nec aliter respondendum convitiis, quàm elaboratis in usum omnium Scriptis.

Jacobus Sadoletus, vir suâ ætate discretissimus, *Desid. Erasmo*, ab innumeris scurris & rabulis lacerato, olim ut ita se gereret * auctor erat. *Te*, inquiebat, ita crebrò, & à tam multis peti & mirum sanè mihi & permolestum est; nec video qua fit causa, nisi fortè ea, de qua jam pridem ad te scripsi; existimatio tua, videlicet, qua in tam alto sita est loco, ut omnibus flatibus invidiæ proposita esse videatur. Nam qui in hanc Theologiæ palæstram, nomen suum profitentur, quò sibi de principio commendationis aliquid

* In Ep. quæ exstat Lib. IV. ejus Epist.

aliquid in vulgus quærunt, nomen eligunt clarissimum, in quod invehantur; auget deinde rixam ipsa contentio. Sed ego si isto loco essem, unâ semel defensione in universum omnibus responderem &c. Hoc Opere edito, perenne mihi silentium susciperem adversus malevolos, quorum insolentiam iniquasque calumnias, cum res ipsa & veritas, tum tua excellens fama virtusque refutaret.

Vixit olim in Gallia vir, non dignitate tantum Senatoriâ, in Parisiensi Senatu conspicuus, sed & meliorum litterarum amore; quibus non leviter tinctus erat, ut ex ejus editis Epistolis intelligere est. Fuit is summus amicus *Claudii Salmasii*, existimationisque ejus patronus acerrimus; ita tamen ut hominis vitia, ac delicta minimè in suis ad eum litteris, pro veri amici officio, dissimularet. Cum ergo *Salmasius* à multis ejus ætatis Criticis, Jurisconsultis, & Theologis carperetur, nec exiguum tempus tereret in confutandis iis Scriptoribus, quod ita suæ famæ interesse putaret. Hæc ad eum scripsit *Sarravins*, in Epist. Gallica, quæ Latine vertam: Non dubito quin te aculeata dicta angant, quietemque tuam perturbent. Hoc verò eorum unicum est consilium, & hoc adsequuti fines suos adsequuntur, prout solemus

stylo forensi loqui. Sed semel te oportet claudere aures omnibus illis maledictis, hominesque ulcisci, compositione Operum quæ te digna sint. Cum enim prodit in lucem quidpiam, quod tuum esse dicitur, omnes ad emendandum concurrunt; sed quando nihil in istis tuis Scriptis deprehenditur, præter minutas quaestiuiculas, quamvis eruditè atque exquisitè pertractatas, audio tamen vulgò dicentes: hiscène occupationibus distinetur magnus ille vir? Hoccine posteritas laudabit? Hoccine nobis promisit, atque ab eo expectavimus? Omnia ejus Scripta plena sunt promissis magnificis librorum ac commentariorum in Plinium, in Tertulianum, in N. Testamentum, in Dioscoridem; pro quibus edit Scripta in homines nihili, & quos vix sciremus esse in rerum natura, nisi famam illis conciliaret? Scio quid respondeas, controrque eo uti quam maximè possam. Sed paucos invenio, quibus placeat. Deberet, inquiunt, contemnere quisquiliis illas hominum, & semel iis valedicere. Nihil dicas cani latranti, cogitur tacere; sed si eam irritaris, denuo vehementius incipit & suam adlatrationem auget. Quaeso mihi ignoscas, quod molesta illa judicia tibi scribam, sed tam sæpe verberant aures meas, ut à me non possint

*possint non reflecti ad te quædam eorum ἀπὸ
χημάτων.*

Hoc fuit iudicium virorum eruditorum, qui tunc temporis in Gallia vivebant & *Salmasii* Scripta lectitabant, de contentionibus ejus diuturnioribus de rebus exigui momenti. Sed & credunt plerique homines litteratos, qui nimiam operam tribuunt confutandis calumniis, quamvis Veritatem unâ cum sua fama tueantur, non tam Veritati defendendæ insudare quàm existimationi suæ; imò verò suspicantur interdum eos pro Veritate ne verbum quidem unum facturos fuisse, nisi cum ejus defensione fama eorum esset conjuncta. Aliquando profectò vident maximam, & accuratissimam partem Operis, pertinere ad defensionem Scriptoris; Veritatem verò non pari studio, nec simili diligentia defendi; unde minùs eam cordi esse Scriptori colligunt. Non semper quidem rectum est id iudicium, sed quid facias? ita sunt homines, multò procliviores ad malè sentiendum de aliis, pravèque interpretandum id quod faciunt, quàm ad æqua benignaque iudicia. Itaque multò præstat nos videri negligentiores existimationis nostræ, dum maledicta minimè confutamus, quæ ad nos

390 *An semper respondendum*
tantum pertinent, si amantiore judice-
mur Veritatis.

IV. HINC igitur liquet Scripta Eristica,
minimè necessaria, nequaquam prodesse
Auctori; jam ostendamus ea utilia non
esse aliis, ac præsertim quidem poste-
ris.

Ante omnia, hoc constat, plerisque
omnes qui libros emunt & studiis littera-
rum Sacrarum aut profanarum dediti sunt,
res in libris quærere; non vitia aut de-
licta Scribentium, quorum cognitionem
nihil ad se pertinere putant. Malè ratio-
cinetur Anemolius aliquis, erret, imperi-
tus sit eorum quæ tractare aggreditur,
calumniis delectetur, nullo pudore tenea-
tur, nihil pensi habeat quid scribat, dum-
modo convitiatur adversario, existima-
tionique ejus detrahat, vitam in puden-
dis concertationibus absumat; quid hoc
ad me? (inquiet Lector, cui est homo ig-
notus, aut qui nihil vidit ejus quod di-
gnum sit lectu;) Vel aperto ejus volumi-
ne, si quod fortè in manus meas inci-
dat, satis per me intelligam talia legere
non mei esse otii. Quid mea interest
scire esse calumniatores, qui famæ tuæ
detrahant, ô qui in usum publicum scri-
bis, quicumque sis? Non qui sis attendo,
sed

sed quid dicas; quod si sit utile, gratias tibi habebo & agam, prout se dabit occasio, quidquid invidi de te dicant. Imò verò si quid præstiteris quod sit operæ pretium ex eo de te iudicium feram, & maledicta Adversariorum pro calumniis habebo. De te, deque tuis Adversariis ex rebus, non ex verbis, iudicabo. Vita nimis brevis est, nimisque multæ res magni momenti supersunt mihi discendæ aut altius memoriæ infigendæ, quàm ut tempus teram in legendis convitiis, aut eorum confutationibus.

Hæc loquuntur, aut certè cogitant sapientissimi quique, quorum potissimum Scribentibus ratio habenda est. Si qui sunt, qui calumnias, earumque confutationes legunt, ii sunt numero multò pauciores, nec pares auctoritate. Sunt qui utrumque contendendum norunt, aut qui alterutri favent vel adversantur, gratiâ aut odio transversi acti. Hi legunt initio quæ ad homines ipsos pertinent, & utrumque dicta expendunt. At hi ipsi qui primùm attentis oculis, atque animis hæc lustrant, si contentio paulò diuturnior sit, fessi & nauseantes ab eo spectaculo abeunt. Primos ac secundos ictus, eorumque declinationes aut repulsiones

Bb 4 spectant;

spectant; deinde eos piget pœnitētque tetri spectaculi, ad quod tandem nemo concurrit, quantacumque sit contendentium pertinacia, quemadmodum antea jam dixi.

Ac sanè quid discerent Lectores, ex ejusmodi conflictu? An calumniari, vel convitfari; vel calumnias aut convitia repellere? Atqui prius disci non debet, posterius autem satis discimus, ubi opus est, ab iis qui tradunt Artes ratiocinandi aut dicendi; præterquàm quòd res ipsa ac Veritas virum bonum, calumniâ appetitum, quid sit respondendum satis docent.

At fortè aliquis dixerit, defensionibus esse mistam Veritatem, quæ unà cognosci queat; ideóque Eristica ejusmodi Scripta non esse legentibus inutilia. Verùm si Veritatem docere cupimus, eamve amabiliorem hominibus reddere, solam proponamus, suisque ipsius subnixam viribus & argumentis; non mistam affectibus nostris, quibus obscuratur ac suspecta fit. Cum nostram existimationem conamur tueri, alienamque minuere de hisce rebus multò magis anxii sumus, quàm de Veritate. Tela tantum repellimus, aut declinamus, vel etiam vice versâ in Adversarios

farios conjicimus; nec Veritate sæpe utimur, nisi quasi clypeo, aut telo; clypeo quo existimationem nostram tueamur, telo quo alienam lædamus. Eam proferimus, quia protulisse nobis contra Adversarium prodest, alioquin omissuri si nobis, apud homines, noceret; aut quia, si probè cognoscatur, Adversariorum nostrorum fama minuetur. Sic videmur amare Veritatem, quia nobis quidem prodest, aliis verò nocet; quo fit multis suspecta, qui sæpe ex circumstantiis de re ipsa judicant; non de circumstantiis, sicut par esset, ex ipsa re. Obscuratur etiam misturâ rerum ab ea prorsus alienarum, dum iis involvitur quæ ad singulares homines pertinent; quo verò obscurior est, eo minùs animos hominum subit; si præsertim alia accedant, quæ ingressum ei occludant, qualia sunt quæ modò dicebamus.

Exemplum hæc illustrem, doctissimum Jesuita *Dionysius Petavius*, non tantum singularia placita Ecclesiæ Romanæ, sed & multa vera dogmata aliisque etiam Christianis cum ea communia, in *Dogmatibus Theologicis* defendit contra varios adversarios, quos quasi calumniatores ubique infectatur; sed eorum calumniis (ut jam concedamus esse calumnias) tantâ acerbitate

bitate respondet, præsertim si qui ei re-
posuissent, sicut factum fuerat à *Claudio*
Salmasio, atque *Antonio Arnaldo*, ut su-
specta reddat etiam quæ vera habet; quia
videtur non tam amasse Veritatem, quàm
odisse homines, eaque usus non ad eo-
rum animos illustrandos, sed ad famam
commaculandam, invidiamque erranti-
bus creandam. Tot suis demonstratio-
nibus miscet contumelias, ut se contra
eorum, ut dicit, calumnias tueatur, quæ
ad Veritatem nihil faciunt, ut obscuriora
reddat quæ de ipsa Veritate habet. Ve-
ritas res non est iurgiosa, & pugnax; sed
placida & tranquilla; & quæ affectibus
quasi nebulis occultatur, nedum ut iis
clarius fiat. Victoriâ quidem gaudet, sed
clemente & in qua tetrum illud, *va victis*,
numquam audiatur; sed tranquilla, &
in qua victi victoribus ita postmodum
miscentur, ut eos discernere amplius non
liceat; quia æqua fore est omnibus, & par
gaudium ob defensam, vel relictam Ve-
ritatem.

Dixi antea æquales atque amicos con-
tendentium, aliquamdiu certamen spe-
ctare, tum spectaculi pertæsos ad alia se
se convertere; at hoc multò potiori jure
de posteris dici queat; qui vix ullum
ejus

ejusmodi contentiosum Opus legere sustinent. Ante aliquot annos, inter Jesuitas & Jansenistas, internecinum bellum in Gallia gestum est, innumerabiliæque aculeata Scripta utrimque, Gallico præsertim sermone, edita sunt; quæ initio avidè lectitabantur, ab iis qui in partes iverant, eorúmve amicis; sed nunc omnia planè conciderunt, adeò ut vix in Bibliothecis servantur, nec ab ullo ampliùs legantur. Si viri ingeniosi, qui in illam arenam descenderunt, pro innumeris Eristicis Opusculis, pauca edidissent in quibus Veritas sola spectaretur, atque exponeretur; hæc adhuc manibus hominum versarentur, non sine laude auctorum; cum superiora blattis & tineis dudum sint relicta.

Vir summus *H. Grotius*, quem multùm præfero pugnacibus illis omnibus Scriptoribus quicumque sint, reposuit nonnullorum calumniis, iis Opusculis, quæ videmus in IV. Theologicorum ejus Operum Volumine; quas multò meliùs sprevisset. Quis enim hodie ea Scripta dignatur legere, quæ contra eum à nonnullis Theologis edita sunt, aut etiam quæ ipse pro se respondit? Profectò perpauca sibi satis temporis, ad ea evolvenda, esse putant.

Quis

Quis verò non frequenter legit maximi filius viri Opera, ad interpretationem Scripturæ Sacræ aut Jurisprudentiæ pertinentia? Sæpius jam recusa, variis in Europæ locis, fuerunt & porrò recudentur; quia cum sint quotidiani usûs, ipsis evolventium manibus teruntur, sequentisque ætates iis non minùs indigent ac superiores. Non defuere quidem Theologi, quibus non satis fuit quæ ab eo humanitus delicta sunt modestè & sine acerbitate, confutare, ne incautiores ejus auctoritate fallerentur; quod semper jus fæsq; esse omnes boni atque eruditi judicarunt; sed qui optimum virum infamare, atque immeritò passim mordere conati sunt. At perpauci hæc pugnacium ingeniorum Opera legunt, & satis constat antesignanum quempiam eorum numquam emtores inventurum fuisse mordacibus Scriptis, nisi iis callidè integrum Opus Grotianum, in Scripturam Sacram, inseruisset.

Igitur qui non tantùm sæculi sui causâ, sed etiam propter posteritatem magni calamo admovent, ab utilibus Scriptis avocari non debent ad confutandas invidorum calumnias; nisi planè necessarium sit, ut iis ipsis æternæ utilitatis Operibus incumbere sedatiore postea animo possint.

possint. Nec quisquam objiciat, calumniarum confutationibus, Adversarios aliquando adduci non tantum ad agnoscendam bonorum virorum innocentiam, verum etiam ad Veritatem, quam oppugnabant, aut ignorabant, intelligendam atque amplectendam. Non nego quidem hoc aliquando contigisse, sed contendo rarissimos esse *Tilenos*, qui herbam ei, à quo bene confutati sunt, porrigant; quam historiam posteritati mandavit vir eruditus ac disertus *Arnoldus Poelenburgius*, * in præfatione ejus *Hypotyposi Dialogistica* præmissa, ad quam Lectorem nostrum amandamus. Plerique omnes alii, aut φιλαυγία, aut metu jacturæ impediuntur, ne Veritatem agnoscant, agnitamve profiteantur.

Quamvis confodiantur, ut ita dicam, inevitabilibus Innocentiæ ac Veritatis testibus, attamen ita superbi sunt, ita suæ ingnis existimationis amantes, ut numquam adduci possint ut fateantur se errasse, nec dum ut veniam petant, ut deberent, immerito læsæ bonorum famæ. Novimus ejusmodi hominem, qui cum non ita pridem turpissimæ calumniæ, omnium judicio, convictus sit & ita convictus ut non ingenio

* *Edita Horne an. 1659. in 8.*

ingenio ullo, sed oculis tantum opus sit,
ut res intelligatur; attamen multum abest
ut hoc ipse sentiat, aut, si sentit, susti-
neat profiteri, ut contra instat Caci Vir-
giliani

*Faucibus * ingentem fumum (mirabile
dictu!)*

*Evomat, involvâtque dolum caligine cœ-
câ,*

*Prospectum eripiens oculis, glomerâtque le-
genti*

*Fumiferam noctem, commistis igne te-
nebris.*

Exarsit enim, cum teneretur deprehensus
in aperta calumnia, incredibili irâ, om-
niâque infuscare sophisticis artibus cona-
tus est. An ejusmodi vir dignus est cu-
jus iterum, iterumque renovatis calum-
niis quidquam reponatur? Certè, si fiat,
non poterit prætexi spes adducendi ho-
minem ad sanio rem mentem.

Non sunt quidem omnes tam vehe-
mentis, contumacisque ingenii; at pau-
ci sat Veritatis amantes, constantisque
sunt, ut detrimentum pati queant, quod
sæpe

* *Parodia ex Æneïdis Lib. VIII, vers. 252. &
seqq.*

sæpe ferendum esset, si profiterentur se aliter sentire quàm antea senserant, quàmque sentit ea Christianorum Societas, cujus stipendiis sese sustentant. Itaque nihil juvat ejusmodi homines erroris perspicua demonstratio, calumniarumque, quibus usi fuerant, valida confutatio. Si se calumniatores faterentur, deferendum esset sæpe munus, cujus stipendiis æquo animo carere non possunt; inopia interdum esset subeunda, quæ minùs constantes terret. Quid ergo sibi volunt homines, quos dura necessitas trabalibus clavis affixit certis Partibus, cùm alios aggre- diuntur? Nolunt certè ab errore revocari, cum jactura stipendii. Itaque rixari volunt; ut ingenio suo indulgeant. Quærant verò homines sibi similes, qui verba ventis ferenda profundere sustineant; quique calumnias numquam retractandas, quamvis manifestò arguantur, summâ molestiâ, consutent. Quis velit vel optimam causam agere apud Judices, quibus norit impositam esse gravem multam, si secundum se judicent? Boni ergo & eruditi viri in utiliora Opera tempus suum impendant, quibus mansuetam Veritatem mansuetis atque ea usuris exponant.

Sunt

Sunt & alia multa, propter quæ non pauci indigni sunt qui seriò confutentur; quorum potissima recensebo. Primum quidem videas nonnullos, qui usque adeò negligenter philosophicis studiis, excolendaque Rationi operam dederunt, ut ne elementa quidem Artis rectè ratiocinandi norint. Cum homines non possimus ad saniores mentem revocare, nisi emendatis eorum paralogismis, necesse esset passim ostendere quam frequenter in Dialecticæ leges peccent, quæ molesta est & inutilis occupatio; quia grandioris ætatis homines propterea non dant operam Dialecticis, quòd in sophismatibus fuerint deprehensi. Studium hoc est, ut putant, puerile; ad quod si eos retrahas, indignantur. Consuetudinem diuturnâ negligentia contraxerunt malè ratiocinandi, quâ fit ut æquè audacter paralogismum proferant ac accuratissimam ratiocinationem. Idem vim argumentorum, quibus contra eos uteris, non adsequuntur, & frontem perfricant contra eas ratiocinationes, quæ sunt ad omnes Artis regulas accuratissimè exactæ. Igitur litus arant, qui adversus ejusmodi homines disceptant. Amandandi sunt prius ad Logicos, quorum præcepta si ediscere atque

atque observare nolint, quisquis contra eos ratiocinatur frustra est. Quot possem hic nominibus appellare, qui quàm acerbè in alios invehuntur, tam pueriliter ratiocinantur? Quot videmus homines audacter insimulantes alios *Socinianismi*, quia aliqua in re *Socinum* rectè sentire putant; quasi hæc esset recta ratiocinatio: *Adsentitur Socino in re quapiam; Ergo in omnibus?* Alios videas in similem criminationem incidere, quod nec vexare errantes, nec anathema piè viventibus, propter errores theoreticos, dicere velint; quasi quidquid improbatur pœnis aut anathematibus dignum necessariò habendum esset, ab iis à quibus improbatur! Ejusmodi tamen criminationes ad ravina usque repetuntur à multis; quos Logicam doceri oporteret, priusquàm Theologiam attingerent.

Secundo loco, sunt qui ignorant quæ necessaria sunt cognitu, ut possint de rebus quæ in controversiam vocantur judicium ferre. Agitur, exempli causâ, de significato aut phraseos Linguae, cujus elementa vix norunt, & in qua intelligenda ex Lexici fide planè pendent. Frustra aggrediaris ejusmodi homines ab errore revocare, nisi ab iis impetres, ut per ali-

quot annos ei Linguae operam dent; quod si facerent, tua admonitione nequaquam indigerent. Est nonnemo, qui nuper simulavit se velle defendere, quae delicta censuit alius à viro doctissimo, in insigni quodam Opere; sed tantum quaedam hinc illic, in additamentis ad id Opus, infelicissimè carpsit. Homo est planè imperitus Linguae Graecae & Hebraicae, humaniorumque litterarum rudis; sine quarum tamen modica cognitione, talia tentari non possunt, sine ludibrio Lectorum. Frustra sanè speret eum quem oppugnavit secum decertaturum, qui ei auctor est, ut aliquot annos in lectione bonorum Scriptorum absumat; quod ubi fecerit, si quid dubitet, non dedignabitur ei respondere. Idem, ut alii frustra jam eum monuerunt, Logicae etiam operam det oportet, antequàm ratiocinari ampliùs pergat, conculcatis omnibus regulis. Nimis est operae & cordatioribus omnibus Lectoribus tædiosae, paralogismos, & imperitiam ejus in singulis fermè versibus ostendere; nec res est, ut diximus, tanti. Brevis ejus iracunda Scripta involvendis exigui pretii mercibus absumuntur.

Tertiò, est in nonnullis usque adeò
extinctus;

extinctus Veritatis amor, & partium studium tam vehemens, ut nulla sit spes vel minima, confutatis eorum calumniis, posse homines ad saniora consilia adduci. Sciunt se Veritatem non quærere, sed partium, à quibus stant, victoriam; sciunt falsum esse quod ingerunt Adversariis, nec eo secius pergunt convitiari; quid ergo eos docere velis? An esse illi-cita quæ faciunt? Ne hoc quidem ignorant, sed malunt affectui indulgere, quàm officii sui observantes esse. Itaque nihil satius est, quàm ut taceas, obsequarisque sapienti monito Comici:

— * *Bacchæ bacchanti si velis adversarier,
Ex insana insanio rem facies, feriet sapius;
Si obsequare, unâ resolves plagâ.*

De iis rectè dixeris quod Seneca habet
Ep. xxix. *Nulli nisi audituro dicendum est.*

— *Quid enim, si quis surdos objurget,
aut naturâ, morbove mutos?*

Quartò, in aliis non modò extinctus est omnis Veritatis amor, ejusque virtutis loco successit studium partium; sed etiam nulla planè est non tantùm caritas

Cc 2

Chri-

* *Plant. Amphit. Act. II. Sc. 2. v. 71.*

Christiana, sed ne humanitas quidem, quæ nos æquos esse jubet omnibus, qui sunt ejusdem humanæ naturæ nobiscum participes. Itaque non partes dumtaxat suas tueri conantur, pravis quibusque artibus; sed & homines ipsos oppugnant, ac perdere omnibus viribus nituntur. Dum coguntur intra verba consistere, quòd non utantur *brachio saculari*, ut loqui solent, prout ipsis videtur; aut quòd ii, quos oppugnandos susceperunt, iis in locis degant ad quæ *brachium* illud non porrigitur; nullum est convitiarum aut calumniarum genus, quod avidissimè non adhibeant. Eadem alacritate ac lætitiâ venenatis illis telis, quantum quidem in iis est, homines ab eodem omnium progenitore ortos, & à communi Creatore ac Servatore conditos ac ad salutem vocatos, perimunt, quâ venatores occidunt feras. Sed si contingat bonos viros, ab iis dissentientes, vivere in iis locis, in quibus Magistratum, aut Principum auctoritate abutuntur; tum verò nulla est infamia, nullum supplicii genus, quibus non utantur, ut retractationem Veritatis extorqueant, quam rationibus confutare non potuerunt. Est cur Deo gratias agamus, in florentissima hac Republica, rem eà

eò non devenisse, imò verò contrariam de humanitate erga dissentientes sententiam vulgò obtinere. At reliqua Europa aliter aut apertè, aut clam sentit; nec fortè defunt hìc quoque Druïdæ, qui similia optrent. Certè convitiandi & invidiæ faciendæ consuetudo, quâ laborant, iraque quâ se incensos ostendunt, etiam cum humaniùs volunt loqui, mitiora nobis non pollicentur consilia, si illis umquam crederetur.

Ejusmodi autem hominibus quid profunt responsiones? Effet potiùs quærenda ratio quâ fera eorum indoles molliretur, atque mutaretur; quæ si posset inveniri, brevi ad sanio rem mentem redirent. Interea laterem lavat quisquis, dilutis quàm accuratissimè criminationibus, ad æquior sententiam eos revocat. Rixari volunt & inhumanitati suæ indulgere; non quærunt an æquitati consentaneum sit id quod agunt, sed an indoli convitiandi more dudum efferatæ.

Cum video ejusmodi certamen inter bonum virum, Veritatisque ac Æquitatis amantem, & hominem contendendi liddine excæcatum, atque obduratum, mihi in memoriam revocatur elegantissimus locus, celebris Platonici; *Maximi*, nĩ-

mirum, Tyrii, Dissertatione II, in qua
 quarit εἰ τὸν αἰδικήσαντα ἀνταδικητέον, an
referenda sit injuria, ostenditque pluris
 multò esse faciendos eos, qui minimè
 eam referunt. Locum hìc, propter sin-
 gularem elegantiam, quamvis prolixio-
 rem subjiciam: Ἀθλητῇ μὲν ἐν αἵματι, in-
 quit, περισφομενὸν αἰθλητῆς ἐκ τῆς ἰσῆς ἀγω-
 νίας καὶ φιλοπρέπειας ἀποδέχομαι ὡρῶ γὰρ αὐ-
 τοῖς ὁμοίαν μὲν τῇ φύσιν, πλεονησίαν δὲ τῇ
 μελέτῃ, ἰσότιμον δὲ τῇ ὀπλιθυμίᾳ ἔνικα
 ὅταν δὲ ἀγαθὸς ἀνὴρ πονηρῷ συμπέσῃ, ἐκ ἐκ
 τῆς αὐτῆς παλαιστράς περσεληλυθὼς ἐκάπερ
 ἐδὲ ὑπὸ τῷ αὐτῷ παιδοτελείῃ ἀσκηθεὶς, ἐδὲ τῇ
 αὐτῇ τεχνῇ ἐκμαθὼν, ἐδὲ τοῖς αὐτοῖς πα-
 λαίσμασιν ἐνπεθερμενίῃ, ἐδὲ τῇ αὐτῇ σεφάνῃ
 ἐρῶν, ἐδὲ τῇ κηρύγματος οἰκτείρῳ τῇ μάχῃ,
 ἀνίσταται ἡ ἀγωνία. *Facile, inquit, patior athle-*
tam cum athleta componi, ex pari certamine
et studio. Video enim illis similem indolem, pa-
rem exercitationem, aequalémque cupiditatem
vincendi. Quoties verò vir bonus cum im-
probo concurrit, cum uterque non progredia-
tur ex eadem palæstra, neque exercitatus sit
sub eodem Magistro, neque eamdem artem
didicerit, neque in iisdem luctationibus edu-
catus sit, neque amans ejusdem coronæ aut
ejusdem præconi; miseret me ejus pugnæ,
impar est congressus. Hinc quidem vir bo-
 nus

nus atque eruditus descendit in arenam solâ Veritate fretus, eique apertè & candidè proferendæ adsuetus. Solius erroris est inimicus, hominum verò omnium, licèt errantium, peramicus. His nolit quidquam facere, quod sibi ipsi fieri, si eorum loco esset, non cuperet. Itaque dum insectatur errorem summâ curâ errantibus parcit, omniâque eorum dicta & facta, quoad ejus fieri potest, benignè interpretatur. Illinc verò homo contentiosus, Veritatis curâ abjectâ, procedit armatus calumniis & convitiis omnis generis. Inimicus est multò magis hominis, quàm sententiæ; neque hanc oppugnat malis artibus, nisi ut homini invidiam conflet, apud imperitos, utque Veritare everfâ, ejus ruinâ Adversarium opprimat. Eum potissimùm petit, atque è medio sublatum cupit. Quod cum ita sit, quis auctor fuerit bono viro pugnandi cum ejusmodi homine? Quis non potius fugam tam iniqui certaminis ei suadeat?

Quid si ad eam dissimilitudinem armorum, accedant etiam pravi judices? *Necesse est malum virum superiorem esse in tali stadio pugnantem, cujus mali quidem sunt spectatores, injusti verò judices. Hic enim*

vir bonus est rudis, indoctus, destitutusque incredulitate, fraude, fallaciâ, & omnibus luctandi artibus, quibus confirmatur, ac corroboratur improbitas. Itaque ridiculus fiat, dum aggredietur injusto injuriam referre; cum ei rei nec naturâ, nec arte, nec consuetudine sit aptus. Ανάγκη τὸ πονηρὸν κρατεῖν ἀγωνιζόμενον ἐν ποικίλῳ σάδῳ, ὃ πονηροὶ μὴ θεαταὶ, ἀδικοῖ τὸ οἱ ἀλλοθιέται. ὁ δὲ ἀγῶν ἐν τέτοις ἀπχύνεται, καὶ ἀμαθὴς καὶ ἀπειρος ἀπίστως καὶ πανουργίας, καὶ ἀπάτης καὶ τῶν ἄλλων παλαισμάτων ὑφ' ὧν μοχθηρία κρατύνεται καὶ ἰσχυρίζεται ὥστε καὶ καταγέλασον αὖν γίγνεται ἀντεπιχειρῶν ἀδικεῖν ὁ μὴ πεφυκὼς τῷ ἀδικεῖν καὶ τῇ φύσει, καὶ τῇ τέχνῃ, καὶ τῷ ἔθῳ.

Magis impar erit certamen, si quinto loco statuamus eò nequitiae processisse malum virum, eamque esse infelicitatem temporum; ut diris calumniandi artibus sibi gloriam quærat, ac reverâ famam apud multos egregii ac memorabilis viri consequatur. Quo melior est, quo modestior, atque eruditior Adversarius; eo major fama interdum speratur, ex ejus infestatione, ac re ipsâ apud imperitos ac malos comparatur. Sic olim, Judæi qui hostiliter infestati sunt Christum & Apostolos, famâ atque existimatione apud suos

suos floruerunt. Sic in Pontificio regno, quicumque gravissimè calumniantur eos quos Hæreticos vocant, & maximo affectu in eos invehuntur, quibuscumque artibus utantur, ad cœlum, quasi eximii defensores Religionis Christianæ, laudibus feruntur. Igitur semel Veritate constitutâ extra periculum, multò præstat, ad hæc & similes contumelias tacere, ac pergere Veritatem ita exponere, quasi aliud nihil homines à nobis postularent; nisi ut eam in quàm maxima luce collocemus, & quasi sola ejus ignoratio impediret quominus ab omnibus admitteretur.

Hanc in rem, egregium exstat monitum Proverb. XXVI, 4. ubi duæ sententiæ, specie tenus, contrariæ confirmant ea quæ à nobis dicta sunt. *Ne respondeas, inquit Sapiens Hebræus, stulto, secundum stultitiam ejus, ne etiam tu ei similis habearis. Stultus* hîc dicitur, more solemni Sacrorum Scriptorum, vir malus; qui non est similibus armis oppugnandus iis quibus utitur, nisi ei pares nequitia haberi velimus, à bonis atque eruditis viris. At iis verbis contrarium, primo intuitu, monitum continuò subjicitur: *Responde stulto, secundum stultitiam ejus, ne sibi sapiens*

410 *Au semper respondendum*
piens videatur. Ergone licet *stultè* respon-
 dere *stulto*? Minimè verò, sed hoc vult
 Salomon ita esse homini respondendum,
 ut intelligat se esse malum virum, si modò
 quidquam intelligere possit. Si stultitia
 ejus ea sit, ut silentio meliùs arguatur,
 qualem antea descripsimus; silentio respon-
 dendum. Versus est senarius Comici Græ-
 ci, quo verissimè multis *silentium responso-*
nis loco esse statuitur:

Πολλοῖς ἀπὸ κέλεις ἡ σιωπὴ τυγχάνει.

Vel si quis malit Christianum præ-
 cipientem audire, vacuas aures præbeat
Justino * Martyri, dicenti oportere, ad-
 versus clamantem, *silentium tenere*, & eum
 videre qui putat se (clamore) *quempiam vi-*
cisse; non verò actum *stulto inanis gloriæ stu-*
dio, propter præsentem & audientem, mutuis
 verborum conflictationibus, æquè ac illos, eo-
 rum insultum confirmare. Secum quidem
 reputet, inquit, qui malè loquutus est, me
 injuriâ eum affecisse; nec voluisse reponere,
 vel ausum non esse. Adfit verò mihi, propter
 bonam conscientiam, letitia & tranquillitas.
 Πρὸς ὃ τ' κεκαγχάσσωπιπτόν, καὶ τ' οἰόμε-
 νον ὠλεηρονέναι πινὸς καταγλαστόν, μὴ ὑπὸ
 κενῶ-

* In Ep. ad Zenam & Serenum, p. 504.

κενοδοξίας ματαιίας ἀγόμενον, Διὰ τὰς πα-
ρόντας καὶ ἀκούοντας, ταῖς τ' λόγων ἀνθυπο-
φοραῖς ὁπίσης καὶ αὐτῶν ἐπανάσσειν κερτύ-
νειν. λογίζεσθαι ὁ κακῶς ἀποφαινόμενος, ὅτι
καὶ ἡδίκησα, καὶ ἀντεπεῖν ἔκ ἡθέλησα, ἢ ἔκ
ἐπόλησα. παρὲν δέ μοι, Διὰ τ' ἀγαθὴν συ-
νείδησιν, ὁ φρεσὶς καὶ ἀνάπαυσις. Hæc sibi
dicat quisquis ex circumstantiis judicat sa-
tius esse tacere, quàm diutius frustra dis-
ceptare.

Sed & aliter *respondere* possumus *stulto*
secundum stultitiam; si, nimirum, omiſſis
omnibus quæ peculiariter pertinent ad
hominem, cum quo nobis res est, non
secus ac si numquam in rerum natura
fuiſſet, Veritatem, quàm oppugnat, ita
proponamus atque illustremus, ut bonis
omnibus ac eruditis satisfaciamus. Ratio-
nem enim habemus ejus *stultitiæ*, dum
nihil proferimus, quo in furorem, ut fit,
acriore altercatione possit converti. Eo
modo respondemus, qui *stultitiæ* convé-
nientissimus est, dum hominem mánſue-
tè docemus quod prorsus ignorat, aut
non satis animadvertit. Eâ ratione, re-
vocabitur à *stultitia*, seu nequitia sua,
aut nullo modo poterit à nobis curari.

Ex hisce omnibus possum jam, nisi
fallor, confidenter colligere minùs neces-
saria

farias confutationes calumniarum, neque æqualibus, neque posteris prodesse; neque Adversarios, ad meliùs de nobis sentiendum, adducere.

V. SUPEREST ut ostendam inutiles illas sui purgationes, quæ non possunt institui, nisi alii Calumniæ convincantur, Deo parum esse gratas, quamquam hoc ex iis, quæ jam à me dicta sunt, facile colligi potest. Verùm idem paullò apertius & copiosius ostendendum.

Nemo quidem, qui Evangelia legerit, dubitare potest quin Deus ultionem venterit, animique ultionis cupidi sint ei parum grati; ideòque si calumnias confutare, præter necessitatem, genus sit ultionis, dubium non erit an sit à Deo vetitum. Sed erunt qui putent confutare Adversarium, quotiescumque ab eo calumniis adpetimur, inculpatæ esse tutelæ, ut loquuntur Jurisconsulti: quemadmodum licet, per Leges, toties nos tueri, quoties cum telo quispiam in nos irruit. At magnum est inter hæc discrimen, nam nisi telum illico repellam, aut declinem, aut aliquâ ratiõne fugiam, corpore excipiendum est, & vulnus expectandum; cum malignæ Linguæ calumnias possim persæpe negligere, sine ullo existimationis,

mationis, aut fortunarum detrimento, quod quotidianâ experientiâ intelligere licet. Tunc temporis, satis habere debeo calumniæ opponere mores ad sanctissimam Evangelii normam exactos, & Scripta in qua utilem quampiam Veritatem aut invenire, aut illustrare coner, absque ulla Adversariorum insectatione. Semel aut iterum nos ac nostra defendisse satis est, ut extra periculum versemur. Disceptatio omnis diuturnior in rixam tandem convertitur, in qua licet calumnias inimicorum veris repellamus responsis, ultionis cupiditas, perpetua ferè iræ comes transversos nos agit.

Virtus non est filere cum nemo nos laceffit, aut iis non detrahere, qui de nobis nihil dicunt, vel etiam honorificè loquuntur; virtus est Lingux nostræ moderari, quando aliâ pestilente Lingua laceramur, eaque uti ad bene precandum, quando diris devovemur. Sic præcipit Christus: * *benedicite maledicentibus vobis — Orate pro calumniantibus vos*; sic ipse se gessit, cum pro Judæis, quorum crudelibus maledictis laceffebatur, divinam misericordiam invocabat. † *Cum convitiis impeteretur, convitia non reddebat.* Hoc præ-

* *Matt. V, 45.* † *1. Pet. II.*

præcepto arque exemplo damnantur non tantum, qui in homines innocuos & rectè sentientes mendaciis debacchantur; quod est extremæ nequitiae; sed illi etiam qui Innocentiam ac Veritatem nimis acriter tuentur, ita ut non tantum eas defendere, sed etiam Adversarios vice versâ lædere voluisse videantur, sicut ferè contingit, in diuturniore disceptatione.

Quod cum ita sit, miror sanè Theologos fuisse & esse, qui (ut concedamus illis Veritatem atque Innocentiam ab eorum partibus stare) ceteros omnes homines acerbitate, in defendendis suis partibus, laceffendisque alienis, longè superant; ita ut non modò dogmata, sed etiam homines ipsos nominatim acerbissimè traducant. Dictitant quidem se rectam sententiam defendere, falsam aggredi, gloriam divinam agi in defensione Veritatis, & confutatione Erroris. Concedamus, inquam, hæc esse vera. An minùs Veritatem defendebat, Errorémque minùs oppugnabat Jesus Christus? An minùs agebatur gloria divina, in disceptationibus, quæ ei erant cum Judæis? Attamen in neminem nominatim invehit, nec si genera malorum hominum & errantium graviter notavit, singulos us-

piam

piam nominibus appellatos confutavit, quamvis ab iis laceffitus. Magistri instar, calumniis appetiti Apostoli exemplum ejus & præcepta sequuti sunt; quos, si velimus seriò Christiani esse, nos imitari necesse est, prout ipsi Christum sunt imitati.

In eodem Sermone, in quo Christus nos vetat ἀντλαιοῖσιν, jubet, ut diximus, nos pro iis precari; hoc est, ad Deum precibus confugere, non ut de maledicis supplicium sumat, sed ut, remissâ poenâ, eos cum Veritate ac Virtute, à quibus cæco affectu dissident, reconciliet, quod si fiat non possunt non redire in gratiam & nobiscum; quis enim Veritatis ac Virtutis amans, ullum mortalium odio habere potest; nedum ut sit infensus similia secum sentienti? Itaque dum pro solis Adversariis Deum orare videmur, tranquilliores etiam nobis vitam, nec maledictis perpetuis impetitam rogamus. Rem etiam bonis omnibus jucundissimam à Deo petimus; hoc est, ut minuatur quidem malorum numerus, sine cujusquam pernicië, augeatur verò bonorum, quibuscum amice vivamus, atque in posterum benefactis, non maledictis, decertemus.

Præ-

Præterea cum Christus nos ubique habeat misereri omnium, qui misericordia nostra indigent; quos dicemus esse ἐλεηνοτέρους iis, qui affectu præpediti in manifestam perniciem ruunt? Quis autem dubitet quin exitium maneat, non modò eos, qui contumaciter factis nocent iis, quos sibi eadem natura, idemque Servator commendarunt; sed etiam eos qui maledictis Innocentiam ac Veritatem infectantur? Quid potest magis misericordiam nostram commovere, quàm si reputemus convitiatores, dum nobis nocere frustra conantur, sibi longè maximas pœnas à divina iustitia contrahere, ac re ipsâ subire, si contingat eos dum affectibus ita indulgent, ad reddendam rationem factorum ac dictorum à Deo vocari? An possumus de tanto eorum periculo cogitare, quin simul corpore & animo pro iis contremiscamus? Existimabant vulgò Judæi facta tantùm, quale est homicidium, à Deo punienda; at Christus eos docuit *eum qui indignatur fratri*, nec vult redire in gratiam; *eum qui dixerit levem esse hominem*, nec potest adduci ad loquendum honorificentius, ejus virtute aut reditu ad saniores mentes; eum denique qui *stultitiæ*, hoc est, nequitia,

nequitia, infimulato numquam ignoscet, expectare oportere supplicia, in altera vita, quorum minimum est multò gravius poenâ capitis, quæ de homicidis ab hominibus sumitur. Igitur pro iis, qui convitiandi consuetudine se in laqueos tantarum poenarum induunt, orare Deum numquam desinamus, si velimus misericordium numero haberi; & contra eorum convitia, orationibus dumtaxat, apud Deum, certemus.

Claudam hanc Dissertationem, verbis Augustini, è Sermone * CCCLVII. de laude Pacis; quem virum non minùs libenter laudo Christum & Apostolos sequentem, quàm desero à recta via aberrantem: *Nemo, inquit, suscipiat cum aliquo litem, nemo velit nunc vel ipsam suam fidem altercando defendere, ne de lite scintilla nascatur, ne quærentibus occasionem occasio præbeatur. Prorsus convitium audis, tolera, dissimula, præteri. Memento curandum. Videte quàm blandi sint Medici eis, quos etiã mordaciter curant. Audiunt convitium, præbent medicamentum, nec reddunt convitium convitio. † Verbum*
Tom. III. D d fit

* In Editione Benedictinorum Parisina. T. v.

† Fortè, Utendum sit verbo.

fit verbo ; ut unus sit curandus , alter curret ; non duo litigantes. Fertote obsecro , fratres mei. Sed non fero , inquit , quia blasphematur Ecclesiam. Hoc te rogat Ecclesia ut feras , quia blasphematur Ecclesia. Detrahit , inquit , Episcopo meo , crimen dicit in Episcopum meum & taceo ? Crimen dicat , & tace , non agnoscendo , sed ferendo. Hoc præstas Episcopo tuo , si pro illo , illo tempore , non miscearis. Intellige tempus , habeto consilium. Deum tuum quanti blasphemant ? Tu audis , & ille non audit ? Tu nosti & ille non novit ? Et tamen facit oriri solem super bonos & malos , & pluit super justos & injustos. Ostendit patientiam , differt potentiam. Sic & tu agnosce tempus ; noli provocare tumentes oculos ad turbandos se ipsos. Amator pacis es ? Sit tibi in corde bene cum dilecta tua. Et quid agam ? Habes quid agas. Tolle jurgia , convertere ad preces. Noli convitiis repellere convitiantem , sed ora pro eo. Loqui vis illi , contra illum ; loquere Deo , pro illo. Non tibi dico quòd taceas ; sed elige magis ubi loquaris , apud quem tacitus loqueris , labiis clausis , corde clamante. Ubi non te videt , ibi esto bonus pro illo. Illi autem pacem non amanti & litigare volenti , responde pacificus : quidquid vis dicas , quantum

*nam libet oderis, ut placuerit detesteris, frater meus es. Quid agis ut non sis frater meus? Prorsus bonus malus, volens nolens, frater meus es? Et ille: unde sum frater tuus, hostis, inimice? Sic quomodo ista dicis frater meus es. Mirum videtur: odit, detestatur & frater est? Illi enim vis credam nescienti quid loquatur? cujus opto sanitatem, ut lucem videat & fratrem agnoscat. Illi ergo vis credam, quia non sum frater ipfius, quia detestatur, quia odit, & non potius ipsi luci? Audiamus quid dicat ipsa lux. Prophetam lege: * Audite, qui pavetis, verbum Domini. Spiritus Sanctus loquitur per Isaiam Prophetam: Audite, qui pavetis, verbum Domini. Dicite: Fratres nostri estis, eis qui vos oderunt, & qui vos detestantur. Quid est? radiavit lux, ostendit fraternitatem; & adhuc dicit lippus, claude fenestram.*

Hæc aliæque similia, quæ omnia Scriptis mandare visum non est, meditatus eram, Vir Reverende, non tam ut alios commonefacerem officii; quam ut altius animo ipse meo infingerem saluberrima Evangelii præcepta, & rectæ Ra-

D d 2

tionis.

* *Isai. LXVI, 5. secundum LXX.*

tionis placita ; quò melius ea observem ,
 & si quid antea à me in mansuetudinem ,
 nimia importunitate adversariorum com-
 moto , peccatum est , id in posterum
 emendem. Eadem operâ , intelligere po-
 terunt boni atque æqui Lectores , cur
 tam sæpe , & tam inhumanè à nonnullis
 Theologis laceffitus ad arma illico non
 cucurrerim , nec omnia confutare singil-
 latim aggressus sim ; aut cur posthac sim ,
 prout res postulare videbitur , silentio
 aut Scriptis minimè Eristicis famam meam
 defensusus.

Non is quidem sum , qui me num-
 quam errasse putem , aut nolim , à quo-
 cumque monear , emendari ; verùm hoc
 scio , mihi hunc semper fuisse animum
 ut Veritatem illustrarem ac tuerer , & præ-
 sertim Veritatem Historiæ ac Doctrinæ
 Jesu-Christi , ejusque Apostolorum ; à
 qua numquam , nisi imprudens , recessi ,
 aut posthac recedam. Hanc verissimam
 Historiam , hanc sanctissimam doctrinam ,
 unicum fundamentum fidei nostræ , uni-
 cam normam dictorum & factorum no-
 strorum , ut semper me habere professus
 sum , ita & in posterum profitebor. Faxit
 verò Deus , propter cruentum unigeniti
 sui Filii sacrificium , ut non modo ore
 hæc

hæc profitear, sed & moribus exprimam;
præsertim in iis, quæ ad mansuetudinem
& patientiam Christianam pertinent!
Omnes simul boni viri, Pacisq; ac Ve-
ritatis amantes, mecum, toto animo,

*Deum * precentur, det gregi suo lucem,
Hic quanta sat est; hac det esse contentum;
Det non loquentes sua reperta doctores;
Det consonantes semper omnium linguas,
Aut corda saltem; præpotente vi flammæ,
Caliginosas litium fuget sordes,
Ut spiret unum tota Civitas Christi,
Vitæque terris approbet, fidem cælo.*

* Ita claudit Grotius *Epicedium* Jac. Arminii.

F I N I S.

